 <small>BIBLIOTHECA UNIV. JAGELL. CRACOVENSIS</small>	585694	-
	585696a	
	Mag. St. Dr.	I




E<sup>o</sup> 129



Bib. Nov. Vil. S. P. H.



Mag. St. Dr.



585694-  
-585696

I



BREVIARIUM  
**CONCIO-**  
**NATORIVM,**

Super Festa totius anni : In duas  
Partes divisum.

*AUTHORE*

R. P.

ADALBERTO TYLKOWSKY,  
Societ. JESU Theol. Presbytero.



---

*Typis Monasterii Olivensis,*  
Imprimebat JOANNES JACOBUS TEXTOR,  
Factor, 1686.




585695

I Mag. St. Dr.

Bibl. Jag.





# INDEX CONCIONUM

Partis Hyemalis.

<b>I</b> N Festo S. Andreae Apostoli.	Num. 1
In Festo S. Francisci Xaverii Concio I.	4
De Eodem Concio II.	7
De Eodem Concio III.	10
In Festo S. Barbarae fragmentum.	14
In Festo S. Nicolai Episc. & Confes. Concio I.	16
De Eodem Concio II.	19
De Eodem Concio III.	22
De Eodem Concio IV.	26
In Conceptione B. M. Virg. Concio I.	29
De Eadem Concio II.	33
De Eadem Concio III.	37
In Festo S. Thomae Apostoli Concio I.	42
De Eodem Concio II.	45
De Eodem Concio III.	48
In Nativitate D. N. J. Christi Concio I.	51
De Eadem Nativitate Concio II.	59
In Festo S. Joannis Apostoli & Evangelistae.	67
In Festo SS. Innocentium.	71
In Circumcisione Domini Concio I.	74
De Eadem Circumcisione Concio II.	77
In Epiphania Domini Concio I.	82
	De




# INDEX.

<i>De Eadem Epiphania Concio II.</i>	87
<i>In Festo S. Sebastiani Mart.</i>	90
<i>In Festo S. Agnetis Virg. &amp; Mart.</i>	94
<i>In Festo S. Francisci Salesii Concio I.</i>	98
<i>De Eodem. Concio II.</i>	104
<i>In Festo Purificationis B. M. Virg. Concio I.</i>	110
<i>De Eadem Purificatione Concio II.</i>	115
<i>De Eadem Purificatione Concio III.</i>	118
<i>In Festo S. Marthie Apostoli.</i>	123
<i>In Festo S. Casimiri.</i>	128
<i>In Festo S. Thomæ de Aquino.</i>	131
<i>In Festo S. Benedicti Concio I.</i>	136
<i>De Eodem Concio II.</i>	140
<i>In Annunciatione B. M. Virg. Concio I.</i>	144
<i>De Eadem Annunciatione Concio II.</i>	150
<i>In Festo S. Adalberti Episc. &amp; Mart. Concio I.</i>	156
<i>De Eodem Concio II.</i>	161
<i>In Festo S. Georgii Mart.</i>	165
<i>In Festo S. Catharina Senensis.</i>	169



BRE-





BREVIARIUM CONCIONATO-  
RIUM DE SANCTIS.

*Pars Hyemalis.*

In Festo S. Andreæ Apostoli,  
CONCIO.

*Vidit Andream.*

**H**Æc differentia inter nostros & DEI oculos. Nos in re visa nihil facimus, imò ab illa imaginem accipimus, quæ in nostro pingitur oculo, & sic deinde videmus. DEus prout res videt ita illis dat, vidit Zachæum dedit ejus domui salutem: Vidit Matthæum fecit Apostolum: elevat oculos in cælum deducit vim ut panes quinque multiplicentur, &c. Vidit Andream, quæramus quid illi contulit.

Vera sunt ista quæ dixi. Ut tamen intelligatur, & cur DEus non omnes eodem modo videt, & cur Andream, licet prior ad Christum venerit, non fecerit caput Ecclesiæ, cognoscamus; hoc notari debet. DEus simili modo reparavit atque creavit. Ibi ex nihilo, hîc ex nihilo. Ibi Job. 16. *Appendit terram supra nihil.* Et ideò eos supra stabilitatem, ut est Psalm. 103. *Appendit terram super stabilitatem suam.* Hoc nihil sunt cardines terræ juxta, 1. Reg. 2. *Domini sunt cardines terre super eos posuit orbem terræ.* Jam ergo quò magis aliquis sibi est nihil, eò magis in eo DEus agit, cui proprium est facere



ex nihilo, & pro mensura hujus nihili: dat gratias, affert aliquis caliculum nihili, tantundem recipit gratiæ, &c. quam hoc totum denique illud resolvitur, *Ita Pater, quoniam sic placitum est ante te.* Hinc si petas. Cur DEUS, siquidem omnes videt, non æqualiter dat gratias? Quia inæqualia nihili vasa afferunt. Cur non fecit Andreæ caput? Quia suum nihilum fortè implevisset de suo, potuisset enim cogitare se primatum illum aliquo modo promeruisse. Fuit enim Virgo, devotus, prior cognovit Christum quàm Petrus, & Petro ostendit, & hoc promovisset tali discursu. Quærent cur mansit Corona Judaica penes tribum Juda? Respondent. Quia cùm stans instar montium rubrum amare timerent cæteri ingredi, Aminadab de tribu Juda ingressus. 12. tribus significabant 12. Apostolos. Non negavit Andreas Christum. Non interrogavit de præmio, *Ecce nos reliquimus omnia, &c. quid ergo erit nobis?* Sed jam ad ea quæ Andreæ contulit Christus.

1. Dedit illi Spirit. S. specialiter. *Dilexit Andreæ.* Ex dilectione filii oritur Spirit. S. & quia amor fertur in rem amatam, & anima magis est ubi amat quam ubi amat; itaq; in Andreæ Sp. S. fuit modo speciali, nec enim specialiter diceretur, *Dilexit Andreæ.* Nam omnes etiam Apostolos dilexit. Inde Christus etiam in Andrea & in illo suam complet passionem. Nam dum clamavit in cruce, *Deus meus ut quid me dereliquisti?* teste Bedâ in Matth. 27. *Conquestus quia Pater non concessit ei longiorem vitam ut plura posset pati.* Ita Andrea biduo pendente millibus hominum viginti prædicat. Non expresse Scriptura Christi deciderium ad Crucem: In Andrea Christus exprimit, *Salve crux desiderata, &c.* Hoc est, quod Coloss. dictum. *Adimpleo ea quæ desunt passionibus Christi.* Et propterea, ut prædixit, Sap 18. *Simili pænâ servus cum Domino affectus, ut populus hominibus Reî similis passus.*

2. CHRISTUS vocavit Andreæ, Andreas adduxit Petrum



Petrum & in hoc quasi rexit, Petrus verò Ecclesiam rexit, & ideo S. Andreas dicitur *Ecclesiæ Prædicator & Rector*, aque ita etiam suo modo præest Ecclesiæ, & hoc figurabat, quia Moy- ses & Aaron fratres erant Principes Ecclesiæ, sed Moyfes mi- raculis clarior, Aaron eloquio. Andreas ut Moyfes aggredi- tur Ægeam missum à Nerone ad Christianos extirpandos: Petrus Judæis prædicat ut est in Actis Apost. Hoc figura- bant primæ Ecclesiæ, primi Adam & Eva. Sed Adam dat E- væ os sive costam robustam, ipse locum ossis carne explet de- biliore. Christus robur, de quo se jactabat Petrus, *Etiamsi mori me oportuerit, &c.* dedit Andream; Petro sua ad tempus re- licta infirmitas. Propagavit Ecclesiam in cruce unum pedem extendens versus Orientem alterum versus Occidentem Psal. 59. *In Idumæam extendam calceamentum, mihi alienigenæ amici facti sunt.* Passus in ligno Olivæ ut scribit Hippolit. M. & sicut Oliva fructifera in Domo DEI. Illum figurabat Apocal. 10. Angelus insistens terræ & mari, nam ad utrumque robur suum extendit. Vehementur mari ad ejus concionem homi- nes 39. submersi malitiâ dæmonis, reddit omnibus vitam.

3. Dedit illi Christus, ut esset lux mundi. Lux non metuit exercitus, linguas, cruces, nebulas. Luna soror solis aliquan- do solem eclypsat, sed mox ab illo mendicat lucem. Ita An- dreas non timet adversa, & ipsa Crux ejus luce circumfun- ditur. Quia scit & docet, quod regnum cæleste sit nummis venale. Aug. tr. 40. in Joan. *Nummus Caesaris est argentum ha- bens imaginem Caesaris, nummus Dei est homo.* Opus ut cudatur ut fiat nummus, oraret hoc argentum si sciret per hoc sibi au- geri pretium. In hoc illustrat mundum Andreas. Hoc dicit Psalm 25. *Proba me Domine & ure renes meos, & cor meum:* quàm infelices è contra, quibus dicitur. *Recepisti bona in vita tua.* Putares Andream in cruce infelicem, felix fuit, hoc ipse præ- dicat. Putares Epulonem inter mensam felicem, infelix fuit,



hoc ipse deplorat. S. Sylvanus Episcopus Nazarethanus à dæmone traductus adulter, at S. Hieronymus publicè de cælo descendens declarat Sanctum. Et velut ademptum ab illo coelum invitat. Laudatur Alexander, Trajanus, &c. ardent in inferno. Veneremur S. Andream, sed etiam doctrinam audiamus. Non horreamus Crucem, nummus cuditur. Hoc dum persecutor deesset Viri cupidi cæli in se perficiebant. Isa. 3. *Dicite Iusto quoniam bene, quoniam fructum adinventionum suarum comedit.*

In Festo S. Francisci Xaverii,  
CONCIO. I.

*Prædicate Evangelium omni Creaturæ.*

**S**atis longam implerent Concionem soli tituli quos Sancto huic dant partim viri docti & Sancti, partim Ecclesia, partim denique Ethnici. Vocant illum Thaumaturgum, Tubam Christi, Doctorem Gentium, Victorem Idolorum, Angelum, Prophetam, &c. Ethnici verò Neptunū, Deum terræ, &c. Ecclesia Apostolū. Duos assumo titulos & in unū jungo. Doctorem gentium & Apostolū, & hinc formo alterum Paulum, quia uterque à Christo jam glorioso ad Apostolatū vocatus.

Quod Paulum dicam, adducit me ad hoc, quia licet omnibus Apostolis maximas gratias dedit DEUS post B. Virginem, ut docet S. Thom. in 1. Ephes. lect. 1. ubi etiam ait *Sicut Apostolos ad singularem dignitatem vocavit, ita singularis dignitatis privilegio ornavit.* Nihilominus ut idem in Rom. 5. lect. 4. *Specialiter Paulus in omnes gentes Apostolatū accepit.* Ita & Franciscus. Nam Paulus per Prophetam prædictus. *Benjamin lupus rapax, &c.* Franciscum prædixit fore Indiarum Apostolum soror ejus Monialis, prædixit & venturum in Indias



Indias Petrus de Covellar ibi pro fide occisus, antequam ille nasceretur: & dum nasceretur quod factum Anno 1497. Indias Deus reperiri fecit. Paulo ostensus in visione vir Macedo. Franciscus in somno portat Aethyopem ad defatigationem. Paulum vocat *Vas electionis*, in quo videtur alludi ad solem, de quo Eccli. 43. *Vas admirabile opus Excelsi*. Ac si diceret sol electionis. In Francisco sol manet, nam quod legimus Psal. 71. *Ante solem permanet nomen ejus*. Alii legunt: *In sole permanet nomen ejus*, quia quo sol pertingit portavit nomen Christi Franciscus. Paulo ostendit, *quanta illum oportet pati*: Et Francisco dum videt instar pluviae in se de coelo depluere cruces. Paulus coram Regibus praedicavit: Franciscus coram pluribus quam sexaginta regibus, linguis triginta. Paulus docuit gentes, hic millies contena millia hominum suam manu baptisavit. Bozius de signis Ecclesiae signo 10. Erat is Presbyter Congreg. Oratorii. Sic de Francisco. *Plures nationes & homines convertit, quam omnes ab initio Ecclesiae Heretici perverterunt*, Paulus dicebat: *Vivo ego jam non ego vivit verò Christus in me*: In Francisco etiam vivebat, nam effigies crucifixi in arce Xavier, quoties Franciscus aliquid pateretur in Indiis, sudabat: & anno toto cujus ille quadam Feria sexta moriturus erat, singulis feriis sextis sanguine sudavit. Paulus in jejuniis multis, ille saepe. ternis, quaternis, quinis etiam diebus omni cibo caruit: Paulum volebant ut DEUM adorare: Bonzii suis Comitibus constituerunt, ut inter DEOS Franciscus numeraretur, & sacrificium ad illum miserunt.

Paulus aliquando deferabatur nube ad regna dislita: Francisco ipse DEUS parabat viam, nam ad Sancianum propter continuos typhones perveniri ex Europa antea non poterat, cum illum locum accessurus esset Franciscus per plures annos ille ventus quievit. Ut de illo dici possit Eccles. 43. *In*



*cogitatione sua placavit abyssum. Lyra. legit, placavit Oceanum LXX. legunt. Placavit illam D. Jesus in cujus societate erat Franciscus. Paulus 2. Cor. 1. Nocte & die in profundo maris: Franciscus duabus diebus & noctibus, & de illo dici potest, quod Chrysost. de laud. Pauli. Cum fluctibus pugnans animas è faucibus diaboli extrahebat. De Paulo Chrysost. hom. 25. in 2. Cor. Paulus alatus, mare, Graciam, simulque Barbariem, omnemque prorsus que sub calo est regionem quasi volitans circumivit. Sed Franciscus omnem orbem qui sub nobis est. De utroque dici potest quod Chrysost. de laud. Pauli. Universas circumeundo regiones imitatus est cursum salis. Fuit in Italia, Hispania, sed ut Paulus cum Oriente solo usque ad occasum progressus, ita hic cum Occidente usque alterum Orientem. Malach. 4. Orietur sol iustitiæ & sanitas in pennis ejus & alius Propheta Isai. 45. Dedi te in lucem Gentium ut sis salus mea ad extremum terra. De Paulo Chrysost. hom. 18. in Rom. Exiguo concionatus tempore totum orbem attraxit. Hic decennio regna plurima. Judæos, Turcas, Brachmanas, &c. Chrysostom. de Laud. Pauli, hom. 1. Quot diebus prædicavit tot mortes pertulit ille venena, sagittas, pericula latronum, &c. S. Congregatio Rituum de Francisco. Ipse primus, Patavis, Maleis, Jaciatenis, Molucris Evangelium intulit, Antropophagos convertit, in Japone regna sexaginta sex ad fidem adduxit, post mortem in Chinam aditum aperuit, Infantes in ille suâ manu baptisavit qui statim ad cælos evolarunt. Millies mille suâ manu baptisavit, in quo labore centum millia leucarum confecit. Denique sicut Pauli acta nulla enarrare potest lingua, ita nec Francisci. Verbis Philonis de migratione Abrahæ claudo. Oremus igitur ut ceu columba in domo, sic in humano genere justus homo permaneat ad calamitatum remedium. Nam hoc incolumi de publica salute desperandum non est.*

De



## De eodem CONCIO II.

*Docete omnes Gentes.*

**D**EUS noster non solum peccatores pro adversariis reputat. *Factus sum contrarius tibi.* Sed etiam peccata eorum pro muro contra se erecto, qui ejus adventum ad illos arceat Isai. 59. *Peccata vestra dividerunt inter me & DEUM vestrum.* Sic e contra vel est ipse in Justo, vel in eo justus. S. Francisco Seraphico dedit sua stigmata, Cor & stigmata Catharinæ Senensi. Visus aliquando S. Augustinus in Corde DEI Patris. Universim, *Dilectus meus mihi & ego illi.* Quid sui dedit Francisco videamus. Sed ut hoc definjam, videndum quid in eo Divinum se magis prodit.

Video imprimis DEI *Omnipotentiam.* Ex operibus autem maxime DEUS cognoscitur. Mortuos adhuc vivus sexaginta excitavit, ægros sanavit, dæmones pepulit, idque per literas & alia à se data. Solem horis septem stitit. Cum in suos Christianos inermes Bagodarum exercitus irrueret, solo illum verbo & vultu represit. Inter Ethnicorum manus quatuor millia idolorum contrivit. Petro Vallio Mercatori qui sibi pecuniam pro ingressu ad quosdam Ethnicos liberaliter obtulerat ita in cista multiplicavit; ut quoties & quantum vellet semper ad mortem suppeteret. Ardent apud sepulchrum ejus Goæ in India lampades plenæ oleo, effundunt aliquando clanculum Ethnici sive ex malitia sive ex petulantia oleum & aquam affundunt, ardet perinde lampas. Sed ad viventem Franciscum redeamus. Deciderat illi fortuito crucula in mare in loco à portu 40. leucis Hispanicis disito, hoc est nostratibus 30. & ecce dum portum attingit, cancer illi eandem defert cruculam. Cum S. ministraret Eucharistiam sæpè visus



visus elevatus à terra, sæpè gygantis magnitudine. Cùm semel veheretur navi & aqua potabilis defecisset. Quà copiosa opus erat, nam ejus defectu sexcenti vectores usque mortem, siti adigebantur, tantum marinæ aquæ in dulcem convertit, ut etiam superfuerit quod in diversas deportaretur, sed non sine novo Divinæ omnipotentiae indicio, nam plurimi diversis ægritudinibus affecti aquæ illius usu sanati sunt. Sed hoc non semel prodigium spectatum, sæpè illum devehentibus per mare aqua deficiebat dulcis, sæpè ille manu, aut etiam aliis intentus attigit pede maris amaram & fecit dulcem. Quidam ludo chartifoliorum imersus totam pecuniam imò substantiam perdidit, & ut est consuetum, in horribiles lapsus blasphemias, accurrit Franciscus, jubet hominem continere linguam, spondet se illius reparaturum fortunam. Accipit in manus chartifolia & permiscet, illis reddit, ait homini, ludum prosequatur, ludit feliciter, omnia recuperat. Tum Franciscus mandat, ne deinceps chartifolia audeat vel contrectare. Jam verò quantum habet in elementa dominium? Contra Tolanos de cælo advocat ignem, aërem pestiferum repellit, ut est Malaca testis ad quam dum ejus corpus alatum subito pestilentia cessat. Ventos pro nautarum commoditate ire jubet: sub aqua naufragos mercatores ad portum deducit. Impletum est in illo quod de Moyse lib. i. scripsit Philo: *Singula elementa obediebant ei*, Ignem Vesuvii à Neapoli rejecit, terræ motus composuit. Sed quis omnia numeret? Si ergo ex visibilibus mundi ad invisibilia Dei devenitur, & ex creaturis agnoscitur Creator, tum etiam ex operibus quæ soli Deo conveniunt, inferemus speciali modo DEUM fuisse in Francisco, quali modo non fuit in aliis Sanctis, atque illum non cor tantum aut aliquid ejusmodi quæ partes sunt humanitatis, sed ipsam dedisse Divinitatem, sed hoc ipsum confirmemus ex sapientia.

Cùm



Cùm DEus mitteret Moyſen ad Pharaonem Exod. 4. dixit: *Ego ero in ore tuo.* Sed mirum eſt, etiam Deus loquebatur per os Davidis tanquam Prophetæ, linguam ſuam cur appellat calamum, Pfalm 44. *Lingua mea calamus ſcribæ velociter ſcribentis?* Quòd ſit ſcribæ facile intelligitur quia illà Spiritus Sanctus veluti calamo utebatur. Hugo Cardin. in Pfal. cit. *Calamus ſcribæ, id eſt, Spiritus Sanctus, quaſi dicat, non loquor à meipſo, ſed à Spiritu Sancto, & ad ſcribendum non atramento, ſed ipſo Spiritu Sancto utitur.* Baſil. in Pfalm. cit. *Lingua juſti cordibus credentium verba inſcribit vitæ æterna, non quidem atramento, ſed Spiritum DEI viventis.* Sed cur velociter ſcribentis? Quidquid ſit de Davide, in Franciſco id apparere, quia omnia fecit velociter intra decennium convertit alterum orbem. Et ut vel celeritè faceret non rarò in pluribus locis ſimul fuit. Ad unum J. ab Ignatio ſcriptum paratus erat omnia maria, omnes terras, ab India remetiri in Europam. Hoc calamus erat quia ut ſcripta calamo Epistoſa ad plura ſimul & à ſe diſſita veniebat loca. Sed quid ſcribebat? hoc quod convenit Spiritui Sancto, qui loquutus eſt per Prophetias, plurima futura præviſa à ſe prophetico ſpiritu. Quid amplius? id per quod lingua ejus mutabatur in linguam Dei. Origin. in homil. 9. in Matth. 3. Cùm benedicit Deum *Lingua humana eſſe deſinit & tranſit in ſortem DEI.* Somno dabat duas noctis horas, reliquium Orationis. Quid amplius? hoc per quod os ejus mutabatur in os Dei, Jer. 5. *Si ſeparaveris pretioſum à vili, eris quaſi os meum,* Chryſoſt. Orat. 5. contra Judæos. *Quaſi os meum eris, id eſt, os DEI, quaſi Chriſtus & ſimillimus Chriſto, qui eſt os Patris & Verbum Patris.* Rupert. *Pretioſum à vili, id eſt verum à falſo.* Abundè id præſtitit Franciſcus, ſeparavit veri DEI noticiam à falſo, & loquendo linguis triginta, cum omni ſecta diſputavit. Brachmannum unâ diſputatione



tria millia confutavit. Japonum errores detexit, Pythagoræ falsa dogmata, quæ in illas penetraverant partes elisit, Indorum Pseudophilosophiam evertit. Cum his totam rem Christianam in illis terris tanquam Legatus Pontificis à latere, totam Societatem tanquam Provincialis rexit. Collegia formavit, Juventutem Spiritu S. implevit, Nosocomia procuravit. O quam mirè in Francisco eluxit DEI sapientia. Et hoc est secundum argumentum quod ostendit, quòd Deus fuerit in Francisco. Quid dicam de puritate vitæ quam etiam in somnis defendit? Quid de Sanctimonialia quæ etiam compulit, ut eum compellarent Ethnici Sanctum. Omitto alia. DEUS se totum dedit Francisco, & si dedit se, etiam ea quæ sunt Dei dedit. Itaque dedit misericordiam ante omnia cum sit Dei proprium misereri. Precemur, ut hanc misericordiam supra nos extendat.

### De eodem CONCIO III.

#### *Prædicate Evangelium omni creaturæ.*

**F**atigant se Interpretes sacri quomodo prædicari possit omni creaturæ, cum aliqua non sit vivens, sentiens, rationalis, opus esset miraculis continuis, vel illis cum V. Beda prædicaret muris, vel cum S. Antonius de Padua piscibus, vel cum S. Franciscus aviculis. Certum est autem prædicationem non solum verbis, sed etiam exemplo & rebus fieri, hinc omis- sis aliis explicationibus hujus difficultatis solum ostendam quomodo quatuor creaturis, auro, ferro, igni, aquæ & aëri prædicaverit S. Franc. Xaver. ita ut in iis reliquerit effectum Evangelii & ostenderit quid circa hæc faciat Evangelium.

Quatuor has præcipue assumpsi Creaturas, quia obstinatus Evangelio obstitunt. Incipiamus ab auro. Potens hoc erat



erat metallum, & difficulter potuisset ab altero duci in obsequium Evangelii, sed in Franciscum incidit. Erat illi Pater Princeps consilii Regi Navarrei. Materna nobilitas eximia. Morum gratia, laurea Doctoralis, Ecclesiae Pampelonenfis Canonicatus, vigor ætatis videlicet anni 27. omnia hæc pro auro stabant. Sed primò amicitiam iniiit Petri Fabri, deinde Ignatii, cuius etiam se dedit exercitiis, tum primò advertit posse & deberi aurum subijci Evangelio. Si Ecclesiasticum secularem eligo statum, quantum id onus! Si me trado seculo, &c. Apoc. 5. Viginti quattuor Reges ad pedes Agni projiciunt coronas, cur non sequor Ignatium quem video quotidie? aurum obediatur Evangelio, obediet si sprevero. Hoc suadet Evangelium, *Nolite vobis thesaurizare in terra.* Ergo obediatur. Cæpit nobilis vir ostiatim mendicare, Xenodochium pro domo habere. Olyssipone dein iturus in alterum orbem cum solliciti ostent Quæstores Regii, ut illi de viatico providerent, plus molestiæ habuerunt ut illi aliquid intruderent, quàm aliàs mendicos ut iis quantum quantum dando contentos redderent. Miratur Bern. de Confid. l. 4. Gaufridum Episc. Carnotensem quòd per terram auri eundo post aurum non abiit. Franciscus cum Rex Amaguntii magnam auri vim illi mitteret, non attigit, cum ora Pissaria ubi margaritæ capiuntur amicissimam haberet, nec unam accepit. Cum Mercatores Lusitani quidquid vellet offerrent, nihil expetiit. Cum id exigente Dei causa, à centum Lusitanis auro nitentibus ad Regiam Japonum cum Bonziis pugnaturus deductus esset, statim ad pauperiem rediit. Offert illi Petrus Valius clavim ad cistam in qua servabat triginta millia aureorum, ut acciperet quantum vellet, solum id accepit, quod in dotem puellæ sufficeret cujus securitati per matrimonium succurrebat. Miratus adeò Rex Bungi hunc in Francisco auri



contemptum, ut DEOS suos contempserit, & literas ad Xaverium de hac re per Nobilem Juvenem dederit, qui & ipse conspicatus Franciscum pauperem & auri contemptorem, dixit *præstantissimum opus est esse hujus Gentis DEUM.*

Ab auro transeamus ad ferrum: & huic prædicavit ipsâ Franciscus illud, *Nolite timere eos, qui occidunt corpus, &c.* Ferro data est authoritas quando Cherub ad portas Paradisi cum ense ferreo collocatus, Genes. 3. Expendit bene Franciscus adhuc in Europa, quid illi posset in orbe altero accidere, non expavit, imò in corde omnia amplexus martyria, cucurrit ad illa per omnia maria navibus, imò aliquando naufragus pro navi per triduum usus tabulâ. In Brachmanes & Pagodas se immittere, nonne erat in ferrum ruere? cum Bonziorum millibus 5. concurrere Bungi, cum tribus millibus Japoniorum Sacerdotum disputare, qui in id intenti, ut quem conficere non possent argumentis, configerent telis, nonne hoc erat in enses volare? Et pœne jam Lusitani Xaverium deplorant, ac viso contra eum tumultu fugam Bungo circumspiciebant, & per nuntios monebant, ne ultima expectaret. At ille, *quam pro me curam geritis deponite, non deferam quos in Christo in his terris genui, mihi decretum aut stare hic aut mori.* Responsum hoc Lusitanos ad Martyrium accendit, & visâ hac fortitudine Bonzii cessarunt accepto. Menci jam ad necem ob repræhensa idola ducebatur, jam præibat. Sed cælum ac terra motibus horridis deterruit Barbaros. Converterat non paucos Franciscus, Bagadarum exercitus ut excinderet idolorum desertores advolat, jam jam perituum erat Promontorium Comorini, & Travancoridis regio, occurrit Sanctus armatis, verbo sistit. Ne eat in Chinas mortem certam memorant, vadit. Hic parent, Jerem. I. verba. *Dedit se in columnam ferream.* Proinde servit illi quod Nazianzen. dixit de S. Athanasio. *Persequentibus adamas,* Audi-



Auditur non semel Xaverius clamans: *Amplius, amplius.* Non satis est tibi auro & ferro persuasisse? Non satis. Etiam aquæ prædicandum. Obediat voce Evangelicæ. In Insula Moro cum argueret Idololatrias, ducitur ab iis ad flumen ut in eo mergatur, invenit trabem quam multi loco movere non possent, jecit in flumen & pro rate usus ad ripam alteram. In Oceano Indico omni ope destituti hæserant nautæ. Sol occumbebant, invocant Xaverium, sol tamdiu subsistit donec se periculo exolvant. Quid minorem aquam marinam in dulcem & medicam versam? Quid reddita secura à procellis maria. Obedierunt prædicationi. *Sequentur signa eos qui crediderint, secuta sunt.* Implentur à Barbaris apud sepulchrum Sancti lampades aquâ pro oleo, perinde ardent. Injicit turbato reliquiarium Oceano, & statim quiescit, refert cancer reliquiarium, sicut aliàs mersam retulerat Crucem. Cariosæ navi felix iter precatus Sanctus, enavigat, navis per fluctus & pyratas. Rogaverat quispiam à Sancto munusculum gratæ recordationis causâ, dedit ille etiam futuram auxilio Corollam precatoriam suo collo detractam. Discedit Malacam, qui corollam obtinuit. Navis absorbetur tempestate, fragmento miser, si miser insidens, nam dum invocatur Sanctum nihil molestiæ passus, nullâ fame vexatus, cum Xaverio colloquens quintâ die se ibi reperit saluum unde solverat. Mahometanus quidam eâdem navi vehebatur cum Xaverio, ejus filius cecidit & submersus. Plorat Pater. Promittit Sanctus vivum filium, si Parens velit credere in CHRISTUM, interea navis suum cursum tenet, & ecce die post sexto dum Sol oritur, filius comparet in navi sanus. Convertitur cum omnibus suis Parens.



Hinc ad ignem cui adjungamus aërem. Tholenses Ethnici arce se tenebant munitissimâ, ex qua sævos incurfus in nos faciebant Christianos, Sanctus jubet ut serviat Evangelio aër & ignis, & ecce in fædam tempestatem nubes coeunt, ignem & sulfur in arcem spargunt, territi Barbari deprecantur Xaverium, parcit ille & statim redit serenum. Terram non memoro, quæ Sancti jussu mortuos reddidit, commota est, aut quievit. Omittere metalla non possum, de quibus Bartoli in Asia l. 2. Miles quidam inops petiit à Sancto pecuniam, sed illâ Sanctus caruit, porrexit tamen in sinum manum, & nummus recentissimè cufos aureos & argenteos tot eduxit quod egestati hominis sufficiebant. Omitto animalia, pisces, &c. Ita nos hinc sumanus documentum. Inanimes creaturæ obediunt Prædicatori Evangelii, & se in obsequium illius accommodant, ô quantum probrium nos esse refractarios!

In Festo S. Barbaræ Virg. & Martyr.  
FRAGMENTUM.

**F**ormam corporis quidam adeò reprehendunt ut comparent pomis illis Sodomiticis, quæ plena sunt intus cineris, exterius pulchra; comparent sepulchris dealbatis. Verum S. Barbaræ ut est in ejus vita, profuit ad salutem & Martyrium, proinde ostendam modos quibus adhibitis, forma reprehendi non possit.

Imprimis retineat se Virgo formosa domi, sicut hæc sancta fecit, de hac re admonet S. Hieron. Virginem Euchstochium. *Cave ne domo exeas ut velis videre filias regionis alienæ, quamvis Fratres haberes Patriarchas, & Israel Parente lateris, ut Dina Gen. 34. Dina egressa corrumpitur. Nolo te Sponsum querere*



rere per plateas, nolo te circumire angulos civitatis, dicas licet Cantic. 3. Surgam & circuibo civitatem, & in foro & plateis queram specie devotionis, quem dilexit anima mea & interroges, num quem dilexit anima mea vidistis? Nemo tibi respondere dignabitur. Sponsus Christus in plateis non potest inveniri. Ex hoc sequitur ne huc illuc jactet intuitum. Bern. de gradib. Humiliat. gr. 1. Duabus causis inculpabiliter levas oculos, vel ut petas auxilium, vel ut impendas, Psalm 120. Levavi oculos meos in montes unde veniet auxilium mihi. Matth. 14. Levavit Dominus oculos super turbas &c. Sin aliàs, non Propheta, non Domini, sed Dina aut Eva, imò ipsius Sathana te imitatore dixerim, &c. O Eva quid tuam mortem pomum, tam intente intueris? Quid illò tam crebro vagantia lumina jaces? quid spectare libet quod manducare non licet? Oculos, inquit, trado non manum, non est interdictum ne videam, sed ne comedam. Sed quò Evam hic discursus deduxit?

Abstineat Virgo à nimio corporis cultu, audiat Cypr. de habitu Virgin. Quod si Christum continentia sequitur, & Regno Dei Virginitas destinatur, quid est illis cum terreno cultu & cum ornamentis, quibus cum hominibus placere gestiunt, Dominum offendunt non cogitantes esse prædictum Eccl. Qui hominibus placent confusi sunt, quoniam Deus nihil fecit eos, & Paulus 1. Cor. 7. quodque gloriose & sublimiter prædicans dicit, si hominibus placere vellem servus Dei non essem. Continentia verò & pudicitia non in sola carnis integritate consistit, sed etiam in cultus & ornatu honore, pariter ac pudore. 1. Cor. 7. Qua innupta est, sancta sit corpore & spiritu, &c. Ornamentorum ac vestium insignia & lenocinia suorum non nisi prostitutis & impudicis feminis conveniunt, & nullarum fere pretiosior cultus quam quarum pudor vilis est, Apocal. 14. describitur: Compta mulier, meretrix erat. Lege Isai. cap. 3. Vis placere sponso? Commendet te pudicitia, & ex ipso

ipso habitu agnoscaris esse Virgo. Ornet caput sertum, quod est signum, te nunquam à libidine victam. Ignota Rebecca ad sponsum perducta est, & placuit. Evam non ornatam, tradidit DEUS Adæ. Tertul. de habitu mulieris, docet quod ornamenta dæmones invenerint, & subjungit de gemmis. *Ajunt & de frontibus draconum gemmas erui, sicut ex piscium cerebris lapidositas quedam est, hoc quoque deerit Christianæ ut de serpene cultior fiat, si calcabit diaboli caput dum de capite ejus cervicibus suis aut ipsi capiti ornamenta struit? &c.* Breviter Ambr. libr. I. de Virginibus. De adulterio vultus fucato meditantur adulterium castitatis. Quem Judicem, Mulieri veriore requiramus deformitatis suæ quàm teipsam qua videri qualis es times? Si pulchra es quare colore absconderis? Si deformis cur te formosam esse mentiris? Si in oratione frequens, & maximè devota ad Eucharistiam quo huic Sanctæ appingitur. Hæc enim est vinum germinans Virgines, hinc ornamenta verarum Virginum inveniet. Purpurissa est sanguis Christi, catenæ monilia, &c. Fugiat otium, S. Abbas Paphnutius dixit in vitis P. P. libr. I. *Dicunt operantem Monachum demone uno impugnari semper, otiosum verò innumerabilibus devastari.* Et Basil. in Psalm 45. *Athenienses nunc nonnulli imitantur vita vacatione ac continuo rei allicujus supervacaneæ inventionem intenti. Talis enim vacatio immundis spiritibus est amica.*

In Festo S. Nicolai Episc. & Confess.

## CONCIO I.

*Homo peregrè proficiscens.*

**M**ulta essent de hoc S. Episcopo dicenda. Dignitas ad Episcopatum tanta ut DEUS illum miraculosè demonstrarit:



strârit: Miracula facit innumera ut dicit de illo Ecclesia, ora-  
tio à gehenna liberare potest: &c. dicam hoc tantum, quod  
factus Episcopus, factus sit homo peregrè profectus.

Rem difficilem narrat Paulus Hebr. x. de Melchisedech:  
*Erat sine Patre sine Matre*, hoc certè soli convenit Adæ. Diffi-  
cilius, quod de eodem addit. *Similis filio DEI*, nihilominus  
dicit quod fuerit *sine Genealogia*: ut legitur, *Liber generationis*  
*JESU CHRISTI*. Sed Melchisedech fuit Sacerdos, hoc est Pauli  
mysterium. Christus cum actus Sacerdotales egit in Cana  
Galilæa adstitit ut Parochus, & ecce Matri. *Quid mihi & tibi*  
*mulier?* Prædicabat & ecce. *Qui sunt fratres mei?* Sacrifi-  
cavit in cruce, reddit Matrem Joanni. *Mulier ecce filius tuus.*  
Ita fecit Melchisedech, ita S. Nicolaus, ita quilibet Sacerdos  
agere debet, ut possit de illo dici. *Homo quasi esset sine Patre,*  
*peregrè profectus*, ut nec audire, nec videre posset suos, & quod  
procul à sensu procul à mente. Non cogitabat quomodo eos  
ditaret. Dispensator erat bonorum Ecclesiæ, in Ecclesiam  
illa vertebat non in pompas, relictis solum sibi necessariis ut  
peregrinus peregrè per vias latronibus obnoxias profectus.  
Dux est populi Sacerdos apud affines hæere non debet, in  
via cælesti debet proficisci. Quis frater Nicolai? Miseri à  
Constantini Præfecto urbis Adrianæ oppressi. Quæ sorores?  
Puellæ periclitantes de pudicitia. Quæ Mater? Ecclesia; hanc  
exornat, adit frequenter, ei prospicit.

*Homo peregrè profectus.* Quid est homo. Respondeo ex  
Psalm 26. *Timuit Deum omnis homo.* August. hoc loco. *Qui*  
*non timuerunt nec homines fuerunt.* Sed clariùs idipsum Salo-  
mon *Time Deum*, hoc est omnis homo, igitur, Homo, est timere  
Deum. Talis fuit Nicolaus, infans domabat corpus jejuno. Quid  
adolescens? Quid hinc de illis de quibus Ezech. 23. *Et viola-*  
*bunt me propter pugillum hordei.* Quid de illis qui coram oculis  
Dei

Dei agunt, atque si non esset Deus vel agunt ac si illum omnino vilipenderent. Aug. l. c. *Qui non timuerunt, pecora potius appellandi*, quæ non agnoscunt DEum. Sed insuper Nicolaus fuit *homo peregrè profectus*, id est, ut suprâ explicatum, Sacerdos. Timuit ergo Deum, talibus tractabat Christum manibus, qualibus decet filium Virginis. At verò conquestus est alicubi Ambros. *Nanquam Deus pejus habuit quàm cum in manus Sacerdotum incidit.* Sed vicissim. *Horrendum est in manus Dei incidere.* Incidit in illas Oza quia irreverentiùs arcam Domini contrectavit. Periit Heli cum sua domo, quia Filii sine timore Dei sacrificium accedebant. Horrendum est Sacerdotibus sacrificium sine timore tractantibus, sed non minùs sæcularibus sacrificio taliter assistentibus aut illud contemnentibus. Drahomiram Matrem S. Venceslai sacrificium irridentem terra absorbit. Uracam Hispaniæ Reginam domum Sacrificii, id est templum, injuriâ afficientem terra deglutivit. In cælo 24. Seniores depositis coronis procidunt, in terra pulvis contemnit.

*Homo peregrè profectus* à divitiis quas erogabat, ideo aurum erogatum ostentat. Quòd amemus divitias plerumque provenit ex eo, quia nos ut statuam Nabuchodonosor ad 60. cubitos extendimus, in canes, famulos &c. Ex hac causa Nabal Davidi petenti negavit panem. de Nabal, 1. Reg. 25. *Erat homo ille magnus, &c. convivium in domo ejus quasi convivium Regis.* Dixit verò Davidis nuntiis. *Opus habeo pro tonsoribus ovium, &c.* veriùs dixisset pro conviviis. Tamen divites sunt servi, quos constituit super familiam ut det illis in tempore mensuram tritici. Luc. 12. Proinde debent egenis dare. Eccles. 48. *Declina pauperi sine tristitia aurem tuam & redde debitum tuum*, quod ille rogat dum petit elemosynam. Noli improperare, non laboras, fingis morbum, &c. Prov. 14. *Qui calumni-*



luminantur egenum exprobrat Factori suo. Chrysoft. hom. 34. ad popul. *Accepisti plura ceteris non ut tu solus consumas, sed ut eorum ceteris fias bonus dispensator.* Veniet tempus quando de dispensatore pauperes conquerentur. Conqueruntur & modo nonnulli voce aures DEI penetrante, Psalm. 72. *Quomodo scit Deus & si est scientia in excelsis videsne o DEUS. Ecce ipsi peccatores abundantes in seculo obtinuerunt divitias suas.* Non, definit etiam post mortem benefacere Nicolaus, scribit S. Antoninus, quod e sepulchro illius duo fontes erumpant, unus oleo fluit, alter aqua, morbis uterque medetur. Sed pauperes quomodo in liberalitate imitabuntur Sanctum? Respondet S. August. in Micheam. *Multa sunt elemosynarum genera.* Sed quæ præcipua, & quæ maximè possunt abundare pauperes? ait idem Augustin. *Sed ea nihil majus quam cum ex corde dimittit proximo.* Hoc est quoddam genus Sacrificii. *Talibus hostiis demeretur Deus.* Gen. 43. Gravia passus à Fratribus Josephus dum illis omnia condonat, insuper apparari jubet convivium, sic præcipit servo. *Introduc viros Fratres meos domum, occide victimas, instrue convivium, cui victimas?* si Deo vero, id non debebat per servum, de idolo absit. *Victima est persecutoribus ignoscere.*

## De eodem CONCIO II.

### *Tradidit illis bona sua.*

**N**umquid solæ fuerunt tres puellæ periclitantes, nam verè dictum. *Pauperes semper habebitis?* Cur solis illis aurum iniecit Nicolaus? nunquid soli tres pueri mortui, cur illos potius excitat? nunquid soli illi milites iniquè incarcerati, cur non alios liberat? &c. Idem, est de DEI factis; occurreret alicui, non tradi bona à Domino sed projici, casu omnia fieri non esse Providentiam, ostendam contrarium.

Remiserat quondam DEus Prophetam ad domum figuli ut ex ea disceret arcana Dei, descendamus nos in domum Fabri, fortè hic non procul aberit qui huic peregrè proficiat scenti æquos soleavit. Fingamus nos nunquam in officina fabrili fuisse. Ingressis nobis, ecce Faber urit ferrum. Quid hoc? destruet. Ecce malleo quatit, quid ipsi nocuit? Ecce, forceps aduncta, cur non recta? Ecce carbonibus ustis foveat ignem, cur non lignis? Aspergit aquâ cur non potius auget ligna. Postquam elaboravit projicit in terram, cur suum laborem contemnit? &c. Dum nos ita discurremus ridet Faber. Eamus etiam ad locum in qua naves parantur, fortasse hic peregrè profectus navi opus habebit, & fingamus nos illas parari nunquam vidisse. Ecce clavi ferrei parantur, quid hoc ad navim quæ natâre debet? malus rotundatur, quid hoc est? funes tot, quorsim? pix solvitur, hæc omnia inficiet? &c. Interrea nos faber ridet. Jam ingrediamur, officinam Dei, ecce Josepho innocenti compedes cuduntur contra S. David gladii fabricantur, Moyse infanti fiscella struitur, ut in ea mittatur in mare, Paulo navis frangitur, ut sit in profundo, &c. miramur hæc, & sunt qui damnent, Jer. 12. *Quare via impiorum prosperatur?* Imò dicet alter. Deus nostra non curat, *circa cardines celi perambulat.* Alter discurret. Si Deus nobis vult bene cureveniunt mala? Si non vult bene, quomodo bonus? Sed *Dominus irridebet eos*, tam stulta cogitantes. Miratus es Fabrum quia non intellexisti, quòd aliter ferrum tractari non debuit. Miratus es fabricantes navim, quia non expectasti finem & quid ex partibus consurgeret: Vidisses navim, intellexisses quid opus erat clavis & malo. Ferrum non fit molle nisi igni, ita multi non emolliuntur nisi calamitate, non ducuntur ad formam rectam nisi malleo. Cudebantur Josepho compedes, sed cum opus est perfectum factus hac viâ Dominus Ægypti.



Ægypti. Projectus in mare Moyses, sed ut viveret; qui aliter perisset. David persecutionem patitur, sed sic evadit in Virum Sanctum. Paulus mergitur, sed ut eò loci emergat ubi erant electi à Deo qui per illum salutem consequerentur. Si Moyses non fuisset in fiscella non fuisset in aula regia, non habuisset robur occidendi Ægyptium, non inde profugisset, non vidisset DEum in rubo ardenti, non eduxisset cum tota prodigiis populum. Expectemus finem Divini operis, quem conspiciemus post nostram mortem, & videbimus cur aliquid faciat. Percutit unum ferrum ut feruginem excutiat, & nemo est sine illa. Ferro alteri parcit, sed illud abiecit ut inutile. Quod ex his duobus felicius? certè ut dixit Hugo Vict. *Utilius est frangi laboribus ad salutem, quàm servari incolumis ad damnationem.* Hinc deducit S. Gregor. Magn. *Continuus rerum temporalium successus est indicium aternæ damnationis.* Forma seu figura dat ferro pretium, sed non inducitur absque malleo. Invideret aliquis simplex latroni, dum non sibi sed illi Judex afferri jubet poculum vini, & mundum ferri indusium, apparatus hic est mortis, cui isti non datur sperare potest è carcere evasione. Nec folium de arbore, nec passer cadit supra terram ut nesciat Deus. Ita S. Nicolao Juveni morte Parentes sustulit, sed nisi id fecisset, non pervenisset peregrinando Myrrham, non fuisset factus Episcopus, in Episcopatu tanta non egisset, propter quæ gloriam consecutus. Dedit his puellis dotem, hos à carcere, hos à tumultu liberavit, partes sunt istæ navis, post mortem videbimus totam navim, & cur expediebat, ut Deus ad hos inclinaret ejus animum, non expediebat ut ad alios. Distribuit non projecit bona sua.

Nescimus quid nobis profit & sæpè in deterius corrigimus. Prov. 14. *Est via qua homini videtur recta ac novissima ducunt ad mortem.* Via recta videntur divitiæ, fama, &c. & eligimus ista,

fed quia nos ipsi rapimus hæc talenta non DEus dat nobis, non meremur ab illo auxilium, ut illa nobis ad salutem pro sint. *Isai 57. Opera tua non proderunt tibi, cum clamaveris, liberent te congregati tui, & omnes auferet ventus, tollet aura.* Judic. II. *Elegerunt sibi Baalim & Astaroth, & tandem adverterunt id non cum suo bono, ceperunt clamare ad Deum, Peccavimus tibi.* Quid ad hæc DEus? *Non addam ut ultra vos liberem, ite & invocate Deos quos elegistis.* DEum sequamur, non illi præeamus. Ita fecit in omnibus Nicolaus. Diligentiam circa res nostras adhibeamus, sed continuo illud sit in corde. *Fiat voluntas tua.* Dat aliis plus, sed sicut maiorem vestem majori filio, nec si minorem det minori, querelas meretur. *Exod. 16.* Plus de manna accepit qui plures domesticos habuit, minus qui pauciores, utrisque suffecit. Comædia est quædam hic mundus, quid ambis personam Regis cui non es suffecturus? Permite, ut qui novit omnes distribuatur pro viribus cujusque, in id solum incumbere, ut personam, quæ tibi imposita quàm perfecissimè agas.

### De eodem CONCIO III.

*Euge serve bone.*

**N**ondum Philosophi concluderunt posse esse talem Syllogismum, cujus una propositio sit in unius intellectu, altera in alterius, & tertius concludat. Hodie talem invenio & quod optimè concludat non est dubium Christus in hodierno Evangelio. Servus bonus est, qui benè utitur quinque talentis. Hæc est prima propositio. Ecclesia alteram posuit. Nicolaus talis fuit. Et nos omnes illi applaudendo dicimus: servus bonus est Nicolaus. Sed cum applaudus iste debeat pluribus fieri, eum fusiùs dicam.

Talen-



Talentum significat pondus, v. g. 25. libras. Sed nullibi exprimit Evangelium cujus rei libras dedit hoc homo proficiscens. i. Paralip. memorantur talenta auri, argenti, æris, ferri, tandem Zach. 5. etiam plumbi. An quia Deus aliis dat talenta auri, omnia illorum facta æstimantur ut aurea, honorantur, cordi applicantur, &c. Aliis argenti, &c? aliis denique plumbi, cujus exustione purgatur aurum: apud DEUM parum refert, cujus rei dederit talentum modò illo bene utaris, rusticus suo talento bene usus præcedet in coelo quemcunque Principem suo malè usum. Hinc non tristentur pauperes, rudes, &c. S. Nicolaus videtur ex omnibus talentis habuisse. Æstimatur ut aurum cùm ad Episcopatum nolens provectus, ut argentum cùm suà sonorà eloquentià uteretur, ut æs cùm velut alienum miseris in carcere uteretur: ut ferrum cùm Ario resisteret, ut plumbum cùm per humilitatem ad ima tenderet. Patres Justin. Origen. Hilar. Chrysost. Theophylact. nomine talenti hoc loco volunt accipi; non pondus alicujus rei, sed Animam, corpus, bona exteriora & alia ejusmodi, & si per hæc fructum faciamus bene utimur talentis.

Anima nostra est talentum, quod solus dat DEus, ut si Rex alicui suam filiam daret ornandam. Ornamenta sunt virtutes; his si anima voluerit ornari & nos in hoc desides fu-  
erimus, servi mali erimus, & illam & nos perdemus. Quare monet Eccl. 30. *Miserere animæ tuæ placens DEO*, orna ne perdas, cave illi à latronibus, & contine non permittes evagari per illecebras, & congrega cor tuum, quando evagata fuerit, illam reduc. Vide exemplar in S. Nicolao, dum ad Baptismum fertur & fasciis exolvitur, flectit genu; ecce ornat animam virtute Religionis. Bernard. de S. Nicol. *Electus ab utero, sanctus à puero*, Flexit genu quasi Deum benediceret, Psalm. 10. *Tu es*  
qui

qui me extraxisti de utero, spes mea ab uberibus matris meae, Deus meus es tu, ne discefferis à me. Factus puer, solum duas scivitas, ad templum & ad scholam, &c. Unde moriturus ait: *in manus tuas Domine commendo spiritum meum.* Recipe animam quam mihi dedisti ornandam. Alterum talentum est corpus nostrum. Fuit apud quempiam servus bene se gerens, honorabatur, sed postquam voluit Dominum occidere, debet durè, tractari. Si corpus mansisset fidele sicut fuit in Adamo ante peccatum quando per omnia rationi obediebat, poterat haberi molliter. Sed cum nos modo vult in infernum præcipitare, cum tendit ad lasciviam, ebrietatem, acediam. Utendum remedio quod Deus præscripsit: *In sudore vultus tui vesceris pane tuo.* Fatigandum labore, fame, siti, &c. *Mortificate membra vestra quae sunt super terram.* S. Nicolaus adhuc ab uberibus ita cepit hoc talento uti, ferià quartà & sextà omnino lacte nutricis abstinuit usque ad solis occasum. Totà verà vità quotidie nonnisi semel & parcè vescabatur. Quid de ejus cura in conservanda vitginitate? Certè illi tribuendum, quòd eo nato Parentes sponderint DEO, non usuros se deinceps matrimonio. Sed non satis mortificare, sed etiam cum anima ad bonum collaborare. Adhæc puer surgebat noctu ad orandum, in aurora ibat ad Missam audiendam, nam qui Missam audire post omnia differt, visus est cuidam DEum post omnia habuisse, non quò quis putatur dignior, prius ad nos admittitur. Quid de illis qui pransi accedunt Missas, atque si nescirent in Missa Sacerdotem Sacramentaliter, populum communicare spiritualiter: Ideò sicut Sacerdos pro se dicit *Confiteor*: ita Ministrans pro populo. Et Sacerdos post communionem non suo singulari nomine, sed populi agit gratias. *Refecti cibo. Percepimus, sumpsimus, &c.* etiam cum spiritualiter per desiderium Christus sumitur, debet reverenter sumi.

Tertio



Tertio loco sunt bona exteriora. Horum nos fecit DEUS dispensatores, maxime Ecclesiasticos, ut docet Constit. Synod. & aliquando in persona aliena venit Christus ad nos volens experiri an ita dispensemus, ut ille vult. Non vult ut solis nobis ex illis beneficiamus, aut apud nos maneant otiosa, sed ut demus etiam Fratribus indigentibus, hinc non raro mendicavit Christus in specie pauperis. Præmonuit verò, *quod uni ex his minimis fecistis, mihi fecistis.* Unde Basil. Conc. 4. de Eleemos. *Esurientis est panis ille, quem tu apud te detines, vestis illa quam in cella tibi servas, calcens ille qui tibi domi putredine corrumpitur: egeni argentum est quod domi defossum habes. Itaque hoc injurii afficis, quot tuis rebus dum licet non juvas.* Et hic est usus bonorum temporalium, hoc modo ex illis usura licita percipitur. *Feneratur Domino qui dat eleemosynam pauperi.* Dedit nobis DEUS hæc bona ut viaticum cum quo ad cælum pervenimus, non consumendum in aleis, canibus, &c. Et qui ita his utitur, Deus ut servo fideli plura committit. Dedit dotem S. Nicolaus filiabus tribus cujusdam nobilis, dedit & aliis, & cum non supereat, ut haberet quod daret, mutuum contra, debat. Adolescens hæreditatem distribuit egenis. Jam factus Archiepiscopus cum ejus civias Myrrha fame laboraret, & naves eam præterirent quæ frumentum Alexandriam deponebant, impetravit ut concederent ei tantum frumenti accipere quantum posset accipi, salvâ mensurâ sub qua infusum, nanibus remaneret, cum aliàs nollent vendere. Accepit ex quavis navi centum modios, & integrum mansit in manibus ut antè, acceptum verò ita Deus multiplicavit ut sementi civitati in biennium sufficerit. Auget DEUS bona servo bene illis utenti. Fugiebat ne esset Episcopus, sed de cælo monitus hac voce. *Nicolae ad mundi Palestram tibi redeundum est, si meam coronam expectis.* Hunc ipsum honorem vertit in lucro

D

Domini.

Domini. Die ac nocte cuique ad illum fuit liber accessus. Licinius Imper. sæva contra Christianos statuit, illi se opponit Sanctus & ideò vincula & catastos sustinet. Ereptus a Constantino Magno ex carcere, eundem in somno monet, quod Tribunos tres iniquè ad mortem damnaverit. Vadit ad Concil. Nicænum, in eo se opponit Arianis, Melesianis, Baganis. Eusebium Hæreticum confutat. Fana omnia Diannæ in sua Diæcesi evertit. Deus vicissim Isa. 61. *Dabo ei oleum gaudii pro luctu.* Nam præter innumera miracula, oleum medicinale ex ossibus ejus hætenus stillat.

## De eodem CONCIO IV.

### *Homo peregrè proficiscens, &c.*

**H**abet hanc consuetudinem Ecclesia, ut Festis quàm Baptisma accommodet Evangelia. Sic pro Virginibus, *Simile est regnum celorum Virg.* Pro Mart. *Si quis venit ad me, &c.* Pro Confess. *Sint lumbi vestri.* Pro Doctoribus. *Vos estis sal terræ, &c.* Sic etiam pro S. Nicolao de bonis distributis. Hoc tamen adverto, cum pro aliis Sanctis assignat, nominat personas, Virgines, Dominos, Patrem, ac hodie solum dicit. *Homo*, quomodo id Sancto propriè competit? Ostendam propriissimè competere.

Describendo S. Paulus quendam S. Episcopum, ait, Melchisedech sine Patre, sine Matre, sine genealogia, ad similitudinem Fili Dei, Quomodo? id soli Adamo competit, is sine Patre, sed non ad similitudinem Filii Dei, ex terra per ipsum verbum, at Filius ipse Verbum. Deinde S. Ambros. profert nomen & Patris & Matris Melchisedeci. Filius Dei etiam in cœlo Patrem, in terra Matrem habet. Illustrabit hoc illud, quod dicit Christus de Episcopis. *Vos estis lux mundi.* Et bene, quia lucis est proprium manifestare. *Omne enim quod manifestat lumen est.* Videte quid dictum de luce cum initio mundi eam laudaret.

*Vidit*



*Vidit Deus lucem quod esset bona.* Lipoman. legit, *quod esset bonus.* Tertull. *Quod esset bonum.* Quæ est ista Grammatica? Optima. Quia omnes respiciunt ad vocem Hebræam, Thob, quæ Deus est usus, & significat, bonus, bona, bonum. Sic ergo Deo lux omnis est generis. Insuper addit Lipom. quod eadem vox significet. *Optimus, pulcher, decorus, beneplacens, sive bonitas,* sic omnia optima luci attribuit. Sic & Episcopis cum eos vocavit lucem.

Jam ad Melchisedechum. Volebat hunc Prælatum laudare Paulus, & ut solet, paucis multa volens dicere. Dixit: *sine Patre.* Si dixisset erat ex domo Noë, solum in mentem nobis venisset, *erat vir justus.* Si filium Japhet, is honorans Patrem, & sic de aliis. voluit verò insinuare plenum omni virtute, dixit sine Patre, &c. Sed ad similitudinem Filii. Quod nomen habet Filius? nullum, quia est idem Deus cum Patre: Quod Deus? de Dei nomine interrogatus S. Procopius à Tyranno, dixit. Ubi non sunt plures ibi nomine non est opus. Sicut Soli, Lunæ, non damus nomen, quia sunt unica in mundo. Ac si plures soles crearentur opus esset nominibus per quæ distinguerentur, sicut stella alia Arcturus, &c. ita Ethnici cum plures haberent Deos, alium vocabant Jovem, &c. Solum apud nos Deus dicitur DEUS, & in hoc continetur Omnipotentia, &c. Ita cum Paulus dixit Melchisedechum ad similitudinem Filii Dei, adscripsit illi imitationem omnium attributorum Dei, est sanctus, sapiens. Si Prælatos dixisset v.g. Stellas non tantum dixisset, ut cum dixit lucem. Procedamus ad Nicolaum, cum illi attribuit Ecclesia *Homo.* Nec dicit, qualis, quis, summe illum laudat. Fuit quis homo in infantia jejunans, est Nicolaus. Fuit tempestates prædicens, domum deferens, humilis esse, est Nicolaus ejusmodi, mortuos excitans, innumera patrans miracula is est Nicolaus. *Homo.* Petamus à Philosophis. Quid est homo? *est animal rationale.* Non solum quia discurre

potest, sed etiam quia nascitur cum quibusdam principiis, quæ vocantur lumen naturæ nec solum cum speculativis, sed etiam cum practicis, quæ si non eadem omnes haberemus discurrere & disputare non possemus. Practica sunt. *Cole DEUM, Parentes honora. Quod tibi non vis fieri, &c.* Et hæc ipsa dirigebant hominem in lege non scripta, quæ dum quis servabat, sanctus erat. Et modò si inter Ethnicos quis ea servat, certissimò Deus illum in viam salutis deducet, etiam per miraculum ut Cornelium in Actis Apost. & alios in vita S. Francisc. Xaver. hæc in Decalogo explicuit in lege scripta, perfectiora fecit in lege nova, qui hæc non servat non est homo. Boëtius doctissimus & cui S. Thomas passim in Theologia innititur, sic in consolat. Philosoph. Piger asinum non hominem vivit, luxuriosus ursum, &c. Quæramus etiam ex Spiritu Sancto quid est homo? respondet: *Time DEUM & mandata ejus serva, hoc est enim omnis homo. Eccles. 12.* Quare, dum Ecclesia attribuit Sancto, *Homo*, idem est ac si dicat. Audistis quia in lege naturæ juxta dictamen rationis vinculo erat castus Enoch, talis Nicolaus. Justus Noë, talis Nicolaus. In lege scripta & gratiæ S. Joan. Bapt. de quo etiam dicitur, *Fuit homo missus à Deo*, talis Nicolaus. In lege scripta Moyse, David, &c.

Et hic unum mysterium cognoscitis, quare Nicolaum non pingat Ecclesia cum Tribunis quos apud Constantinum Magnum per somnum à morte liberavit. Non cum revelatione, quòd qui primus ingreditur Ecclesiam, ille sit Episcopus, non alapam dantem Ario, &c. Sed cum tribus frustis auri. Quia erat Melchisedech, quia lux, quia homo. Quid in Melchisedech speciale? quia panem & vinum fatigato attulit Abrahæ? Cur lucem tantoperè Deus laudavit? respondet Basil. in Hexam. *Quòd Deus vocat lucem bonam, id facit prospiciens utilitatem ex eadem luce olim ad populum perventuram. Cur hic homo nominatur? quia bona sua distribuit.* Quilibet



bet homo est in bonum alterius. Sicut Melchisedech si non obtulisset panem Abrahamo, nulla forsan de illo fuisset mentio in Scriptura; Sicut lux nisi daret omnibus colorem, vitam, gaudium, fortè non benedixisset illam DEus. Ita nisi Nicolaus habuisset charitatem cæteræ virtutes fuissent in obscuro. Sicut sine luce color. *Charitas est quæ operit multitudinem peccatorum.* Habeat quis omnes virtutes, ut Paulus in se ipso explicat, si charitatem non habuerit, æsonans est, & cymbalum tinniens, imò nihil. Charitas in cœlo manet, in quo spes, & fides, evanescunt. Sed Filioli diligamus non verbo sed opere, monet S. Jacobus. Charitas in opere monstranda. Hoc factum in Martino quem universaliter colit Ecclesia, hoc in Nicolao celebrat. Aliorum Episcoporum non est ita cultus universalis, aut sollemnis.

In Conceptione B. MARIE Virgin.  
CONCIO I.

*Liber generationis Jesu Christi.*

Concepta est hodie Regina Angelorum, itaque immaculata, nam Reginam agere non posset inter immaculatos Spiritus si esset maculata. Concepta est Regina Apostolorum, itaque immaculata, nam non frustra hoc in illa specialiter prædicant, sit Andreas pro omnibus. *Sicut primus Adam de terra immaculata, ita secundus Adam.* Pro S. Jacobo qui hoc festum in Hispanias induxit, loquatur Cresiphon discipulus ejus, ut refert Novati. in umbra lib. 4. exc. 17. *illa Virgo, illa Maria, præservata fuit à peccato originali in primo instanti sue Conceptionis, & libera ab omni macula.* Hoc ipsum Patriarchæ novæ legis deprædicant. S. Dominicus, Ignatius qui se etiam voto obligaverat defendendi hanc sententiam. De hoc ipso

Doctores omnes, de hoc Martyres suæ Reginæ gratulantur. Nominē Virginum & ipsa Virgo S. Joannes Apoc. *Data sunt ala mulieri.* Evolavit supra omnes Virgines B. Virgo ut pote non solum in corpore, ut cæteræ, sed etiam in anima Virgo, quia sine macula. Hæ sunt duæ illius. Pro Evangelistis sufficiat S. Matthæus, qui ait *Liber generationis.* Et de hoc illum copiosius audiamus.

Liber generationis. Quod nomine libri B. Virgo intelligatur, docet Psalm. 44. *Astitit Regina à dextris ejus in vestitu deaurato,* Chaldeus legit: *Stetit liber & exarabitur in exemplari splendor.* Exemplar & imitatio Dei Patris Virgo, ille Virgo gignit, hæc parit Virgo. *Splendor* est Filius DEI juxta illud S. Pauli: *Splendor & figura substantiæ ejus,* ubi de Filio Dei loquitur. Sic ergo B. Virgo, est liber generationis Christi. Quod si est liber Christi, quomodo in illo macula? in qua splendor quomodo umbra? Quia illi inscribendus erat Christus, acceleratus usus rationis & juxta quosdam concessa est visio Beatifico, quia hoc decebat, atqui non minùs decebat ut macula deesset, quæ licet deinde aboleretur, mansisset tamen litura. Profiteretur hanc puritatem Græca Ecclesia in Mensis 6. Martii. *Tibi intaminato recentissimi nitoris volumini sapientia Divina inscripta.* Itaque fuit intaminati nitoris, & certè quis fuisset honor Filio DEI, si priùs se dæmon inscripsisset, postea Filius Dei scriberetur? Unde ibid. 24. Martii Ode 5. eadem illam Ecclesia alloquitur. Dum scilicet illi annunciat Gabriel. *Esse paratus o Divina munditiei liber, quia tibi Spiritus S. digito inscribetur Sapientia Divina.* Liber juxta Chaldæos significat inscriptionem dotis quam Sponsæ inscribebat Sponsus. Maculamne illi Christus inscripsisset? Lex est pro omnibus qui ab Adamo descendunt, ut maculam contrahant originis. Sed L. Princeps de legibus. *Augusta legibus non tenetur.*

Ita



Ita Princeps terrenus Matrem honorat, & Christus nimis honoravisset? Hinc Cyrill. contra Nestorium: *Propter Filium, temerarium est in Maria Virgine, ponere aliquam culpam vel peccatum.* Lex est ut mulier concipiat ex viro & desinat, esse Virgo, exempta est ab hac lege. Lex est ut corpore mortuo resolvatur in pulveres, juxta illud. *Pulvis es & in pulverem reverteris,* exempta per pietatem Filii ab hac lege, quidni & à lege maculae? Hinc Augustin. libr. de Natura & Gratia. Neque mentionem patitur fieri peccati cum agitur de Beat. Virgine Bernard. Sermon. 4. supra Salve: *Innocens fuisti ab originalibus & actualibus peccatis.* Bonaventur. Sermon. 2. de Beat. Virgine: *Domina nostra plena fuit gratia preservativa contra saditatem originalis culpa, quam contraxisset ex conditione naturae, nisi speciali gratia preservata, praeventaque fuisset.* Sexaginta in hanc rem affert Patres Poza. Claudat agmen illorum S. Thomas opusc. de expref. salut. Angelicae: *Nec originale nec mortale peccatum incurrit.* Sed supra quemvis S. Patrem est consensus universalis Ecclesiae, quae festum Conceptioni celebrat.

Si ergo Moyses, quia DEUS illum ut esset Dux populi elegit, tantus est effectus: Si Abraham, quia DEUS illi promisit quod ex illius stirpe, licet post saecula, nasciturus esset Christus: Si tabernaculum quia in illo erant sacrificia offerenda sibi tam sanctum esse. Si arcam, quia in illa figura, quaedam Christi clauderetur tanti esse voluit, ut gravissimè Bethsamitas castigaret, quod eam ausi fuerint intueri. Ozam Sacerdotem quod minus reverenter, contingere; quam putas apud illum erat ea quam in Matrem suam destinaverat? Moysen fecit Deum Pharaonis. Abrahamo benedixit, *Numerum stellis, si potes.* In tabernaculi constructionem jusfit conferri quod quisque haberet pretiosum, pro Arca non permi-

fit Davidem ut extrueret templum, quia manus in bellis iustis infecerat sanguine, aut certe si aliquando iniuste illum effudit, jam pœnitentiâ expiaverat. Tantò major est Virgo Moyse, quantò mater prœstat servo: tantò major Abraham quanto carior mater genitore qui fuit ante mille annos. Tantò honorabilior arca, quantò res figuræ prœstat. Plus ergo ab illa speremus, quàm in Moyse Judæi, & illa nos ducet per mare dum sequamur: Sæpius sit in nostro ore & corde quàm Abraham fuerit apud Hebræos, & propter illam in nos DEus effundet benedictiones. Plus etiam veneremur quàm illi arcam, & erit nobis melius propitiatorium, & hæc dixi minora de S. Virgine, quia ut S. Th. de Villa nova. *Virginis gloria magis cogitari potest, quàm describi.* Sed à quonam etiam satis cogitari? S. German. Patriarch. Orat. de dormit. B. V. *Quemadmodum gutta nihil mari adjicit, ita nemo tuarum consuetudinum laudem satis extollet.* Bern. serm. 4. de Assumpt. *De Virginis gloria nec dignum aliquid sterilis concipere cogitatio, aut inerudita potest locutio parturire.* Petr. Damiani serm. de Nativ. B. V. *Impar est illi omnis humana lingua præconium.* Imò ut Damasc. Orat. I. de Assumpt. *Eam non hominum lingua, non mundo sublimior Angelorum mens, satis dignis laudibus efferre potest.*

Recurramus cum fiducia ad hunc thronum gratiæ, egemus illâ. Sumus & nos generationis liber, sed cuius? Peccatorum. Gregor. 6. Mor. 15. *Ex originali culpa fit peccatum actionis, huius matris liberi sunt omnes concupiscentiæ, vitia, & peccata.* Hæc nostra est proles. De libro generationis dictum est. *Tota es, macula non est in se.* Qualis nostra adolescentia, qualis ætas virilis, qualis senectus? *Vulnus & vulnus, plaga & livor,* Isai I. *Nisi Dominus reliquisset nobis semen facti fuissetis sicut Sodoma.* Nisi Christum, nisi B. Virginem, & ideo fortè ad spem in nobis excitandam. Dum scribit S. Matth. *Liber gene-*  
ratio-



*rationis.* Statim addit. *Filii Abraham* ut argumentemur nobis, si propter Abraham fecit tam multa bona posteris, quid non faciet propter Matrem. Addit statim Isaac & Jacob. Et si jam duceremur ut victima, substituet pro nobis Agnum suum, Filium suum Mater. Si luctabimur cum difficultatibus ut Jacob dimittent nos cum Aurora, B. Virgo comparebit. *Filii David.* Si fuerimus peccatores ut David dum honorem Arcæ Domini fecerimus, evademus in viros *secundum cor DEI.* Et si nec defint exempla, attingit historiam Manassis, Ruth & Obed, Uriæ & Davidis.

## De Eadem CONCIO II.

### *De qua natus est JESUS.*

**C**UM DEUS sine macula concipi Virginem voluit, plus se illam ostendit amare quam omnes simul alios homines pluris facere: sicut qui sua omnia bona permittit rapi ab hoste, vastari, unam tamen excipit gemmam, hanc hostis ne range. Omnes alii propter Adæ peccatum permissi sunt hosti, una illa ab ea preservata, & hoc propterea quia de illa natus est Jesus, quod propter ejus honorem assumpto textu epistolæ hodiernæ quam Ecclesia B. Virgini attribuit, explicabo.

Dicit hodie in epistol. B. Virgo. *Ab æterno ordinata sum* proinde est ab æterno, alioqui si non esset; ordinari non posset: atqui ab æterno est ordinata. Si est ab æterno, sine macula concepta est: & nunquā per originale effecta est peccatrix, si enim fuisset aliquādo peccatrix, aliquādo non fuisset, ac propterea non fuisset ab æterno. Peccator enim corā Deo non est & velut non esset reputatur. Esther 14. *Ne tradas sceptrum his qui non sunt.* Id est malis, seu peccatoribus. Quia sicut homo non est homo si caret anima, ita ipsa anima non vivit si DEO per peccatum care-

at. Sicut radius perit si à sole recedat, ita perit esse hominis si recedat à DEO, à quo non minùs accipit esse quàm radius à sole. Ab æterno fuit B. Virgo in mente DEI. Igitur nunquam fuit in peccato. Insuper *ab æterno ordinata sum* ad quid ordinata? *De qua natus est Jesus.* Ut Mater esset Dei. Deus enim ab æterno ordinavit ut ejus Filius esset homo. S. Th. 3. p. q. 24. a. 1. Si ordinatum est ut esset homo itaque ut haberet Matrem; & quidem sic ut exponit Suarez tom. 2. in 3. p. q. 27. d. 1. f. 2. priùs ordinata ut esset Mater, postea dona quæ Matri conveniunt sunt assignata, ideò enim tanta illi sunt, constituta, quia futura erat Mater. Ita & Bernardin. serm. 51. c. 4. sic alloquitur Virginem. *Tu ò Virgo ante omnem creaturam in mente Dei prædestinata fuisti ut DEum ipsum hominem procreares.* Si uerò in Matrem Dei electæ maxima alia dona sunt parata, conveniens est ut exemptio ab originali pararetur maximè cum LXX. pro *ordinata*, legant *fundata*. S. Fulgent. ad 18. Prov. *Quod fundatum dicitur nullâ ratione convellitur, quod non convellitur non mutatur.* Si Virgo ab æterno in DEO fundata, convulsa non est per originale.

*Ex antiquis antequam terra fieret.* Docet S. Th. 1. p. q. 62. a. 3. Angelos esse creatos in gratia gratum faciente, rationem affert ex S. Aug. 18. c. a. in Genes. Quia sicut materialibus creaturis, ut plantis &c. Indita est vis seminalis ad suos effectus: ita Angelis gratia quæ est semen gloriæ debuit dari. Antiquior verò seu dignior Angelis B. Virgo, itaque & illam conveniebat in gratia creari. Theodoret lib. 3. in Cant. *Maria velut electa columba est, non solùm pulchra & immaculata; sed etiam puritate Cherubim & Seraphim antecellit.* S. Aug. de nat. & gra. *Plus collatum gratiæ B. Virgini ad vincendum omni ex parte peccatum, quia concipere ac parere meruit eum quem nullum constat habuisse peccatum.* Non vincit silvam ex omni parte, qui

avellit



avellit folia, ramos amputat, si radix maneat: alii folia venialium &c. vicerunt: illa ex omni parte, quia vicit radicem, hoc est originale; vicit verò quia *est de qua natus est Jesus*. Antiquum erat vincere actualia peccata, virgo antiquior. Ista est Arca Noë in quam nec guttula aquæ intravit: Ista Jahel quæ ipsum caput hostis confixit, Ista Judith de qua nemo malum loqui potest verbum. Aug. serm. de Assumpt. B. V. ait DEUS potuit & decuit illum præservare corpus Matris suæ à corruptione, ergo id fecit. Sed etiam potuit, & decuit (sub fumo) præservare ab originali, ergo id fecit. Ista Esther quam aliàs casuram Assuerus suis sustinuit manibus. Ista est arca quam dum voluit Oza contingere, mortuus est.

*Nondum erane abyssi & ego jam concepta eram.* Fui in mente DEI viventis, non dicitur à vivente concipi nisi id quod vivit. Sic cum Bethsabæe 2. Reg. ii. significavit Davidi se concepisse, dixit se vivum ferre foetum. Unde & conceptus nostræ mentis sunt vitales. B. Virgo ante abyssos concepta, itaque non mortua per peccatum. *Concepta eram* hoc est cognita DEO, igitur sancta: peccatoribus enim dicit, *Nescio vos*. Abyssus significat multitudinem aquarum, vel infernum, vel peccata. Juxta illud Ps. 70. *De abyssis terræ reduxisti me* Aug. explicat de peccatis. Item Ps. 41. *Abyssus abyssum invocat*. Passum explicatur, peccatum trahere peccata. *Nondum erant abyssi* peccati Adami, quando B. Virgo concepta. Multi docent lapsum dæmonem non solum propter superbiam, sed etiam propter invidiam. S. Irenæus lib. 5. adu. hæc. c. 24. *Invidens homini, apostata à Divina lege factus est*. Idem docet S. Aug. 14. Civit. idem S. Th. 1. p. q. 63. a. 2. invidit, quia revelatum illi fuit, futurum DEUM hominem. Nam. ut S. Th. 1. p. q. 17. a. 5. Quod revelatum est Prophetis, excellentius docet revelatum fuisse Angelis: at verò Incarnatio revelata fuit Prophetis, igitur &

tur & Angeli. Itaque ante peccatum Angelorum constitutum est ut DEUS fieret homo itaque & Mater ejus. Sic fuit & ante peccati & inferni abyssum. De abyssu aquarum hic non curo. Unde prior illo, conterit caput pede ut vermem, pede cum vitam intraret. Aug. l. 12. de Genesi ad literam. *Cum subjectio originalis peccati caput sit diaboli, tale caput Maria contrivit, quia nulla peccati subjectio ingressum in animam habuit Virginis, & ideo ab omni macula immunis fuit.* Meritò itaque in hymno Græc. canitur. *Mortalitas inferni est B. Virgo.* Si ante peccatum Angelorum certo modo B. Virgo fuit decreta, etiam fuit ante peccatum hominum. Unde ait: *Quanda certâ lege & gyro vallabat abyssos, aderam, velut socia spectans opus DEI.* Lessius de perfect. Divinis. *Vallabat abyssos cum certum peccatorum numerum ac pondus patientia suâ definiebat.* Sicut, postea Judæis dictum, *Implete mensuram Patrum vestrorum.* Non fuit B. Virgo in ore Adam cum pomum comederet. Non cecidit in puteum de quo liberari petit Ps. 68. *Non urgeat super me puteus os suum.* Hieron. epist. 29. De reatu peccati tanquam de puteo etiam parvuli per gratiam Christi liberantur. De toto genere humano dici potest quod Isai. 14. de quodam Rege Babilonis. *Infernus subter conturbatus est in occursum adventus tui, omnes Principes terra dicent tibi, & tu vulneratus es sicut & nos, nostri similis effectus es* Cuique sancto dæmon hoc modo insultare potest. *Et tu &c. in iniquitatibus conceptuses, in peccatis concepit te Mater tua.* Sola B. Virgo non timet hoc ludibrium. Saltem tu S. Virgo, eripe per tuas preces nos ex abyssu actualium peccatorum, qui sumus Erepti ab Originali per Baptismum.

De



## De Eadem CONCIO III.

*De quanatus est JESUS qui vocatur Christus.*

**D**iebus festis licet sacras quæstiones proponere. Propono ego. Quodnam festum est antiquissimum & tale, quod si non fuisset nulla alia fuissent festa. Dicit aliquis. Nativitas Domini, quia ex hoc fonte omnia. In vetere autem lege Pascha. Fundamentale vero Resurrectio Domini, quia ut ait Paulus. *si Christus non resurrexit inanis est prædicatio nostra.* Id est frustra Martyres paterentur &c. Si enim ille non resurrexit, neque illi resurgerent, ac proinde præmium non reciperent. Et sic de aliis. Ego dico quòd Conceptio B. Virginis, & sic deduco.

Quomodo antiquissimum hoc festum? quomodo fuit ab initio mundi? *Iterum introduxit Primogenitum suum in mundum ut adorerent eum omnes Angeli ejus.* Scimus quando introduxit semel, cum scilicet natus est. Sed quādo altera vice? Qui quærent quod fuit peccatum Luciferi, ajunt, quia dixit Deus, si voluero ut aliqua Persona ex nobis fiat homo, adorabitis ne hunc hominem? noluit Lucifer; tunc revelavit Deus Michaeli & Angelis clarius ordinem Incarnationis & quod Matrem Christi esset exempturus ab originali. Hæc deduco ex sermone Angeli apud S. Birgittam. Et quia communiter docent quod statim ac Christus à DEO electus, ipsa ante cæteras alias electa juxta illud. *Elegit eam DEUS est præelegit eam.* Unde cognoverunt Angeli tanquam Matrem, & festum fecerunt, ut docet Conc. hodierna S. Vincentius. *Non mirum est si Angeli fecerunt festum de ea.* 2. Fuit hoc festum in paradiso. Postquam Adam cognovisset quod ipse & propter eum totus orbis periturus, ac si tota civitas propter unum jugulanda (Habet hoc peccatum etiā non Adam quod propter illud domus aut civitates,

imò regna pereant) fuit valde tristis, tum illi ad solatium dictum, directe contra originale, *ipsa conteret caput tuum*, quia de originali fuit sollicitus; & quia festa celebrabantur apud veteres in memoriam beneficiorum, ut Pascha, tabernacula, non dubium quin Adam & posteri habuerint solennem hanc diem promissionis, & præcipue cum aliquâ novâ confirmatione, in memoriam reducatur ut *Orietur stella ex Jacob. Rubus ardens incombustus. Arca fæderis, vellus Gedeonis &c. Ingre diebantur templum recolebant. Sanctificavit tabernaculum suum Altissimus. Jeremiam in utero, Joannem tribus mensibus ante exitum ex utero, alios in morte cum verum DEum agnoscut: istam verò statim atque perfectum tabernaculum, eodem memento quo infusa anima corpori. 3. Ab Apostolis fuit celebratum. S. Andreas immaculatam esse docuit. A S. Jacobo in Hispania scribit Flavius Dexter. A Jacobi prædicatione, *celebratur in Hispania festum immaculata & illibata DEI Genitricis Mariæ*. Et cum neglectus intervenisset circa hoc festum, S. Petrus de cælo descendit, ut illius admoneret. In hunc enim sensum S. Ans. in Epist. ad Episcopos Angliæ. Guillelmus Dux Nortmannorum qui Angliam subegerat misit in quodam negotio Elsumum Abbatem Remensem, qui cum redit per mare, tempestas summa exorta est, desperatio, commendant se B. Virgini, apparet quidam in unda Pontificaliter vestitus, & ait Elsumo, si vis evadere, promitte DEO & mihi, quòd diem Conceptionis & Creationis Matris DEI solenniter celebrabis, Petit Abbas, quando? respondet ille. Sexto idus Decembris. Quo officio? Omne officium quod dicitur in ejus Nativitate dicetur in Conceptione; excepto quod nomen Nativitatis mutabis in nomen Conceptionis Docuit hæc antiquitas, quia Eccl. 24. *Primogenita ante omnem creaturam* Mos erat ut scribit, Abulen. ut Primogeniti benedicerent junioribus. Levemus manus id*



nus id petendo. Sed si manus nostræ plenæ sunt sanguine, & quidem ejus? Oremus ut benedicat nostris conceptionibus, bonis propositis. Isai 26. *A facie tua Domine Concepimus, & peperimus spiritum salutis.* A facie, nimirum venturi Judicis bona proposita, sed cum est ventum ad parum, non est virtus pariendi. Quid si à facie dæmonis sæpius concipiamus. *Concepit dolorem, peperit iniquitatem?* Multum valet illius benedictio. Herolt. discipulus S. Dominici inter cæteras gratias quæ dantur colentibus Immaculatè conceptam has numerat. Veram Contritionem, consolationē in tribulatione: Paulus Grosius S. Aug. discipulus *Coram DEO novi, & in veritate comperi, quod nulla mulier in partu pariclitatur, supra quam devotè Mariæ gratia imploratur, & dies Conceptionis ejus celebratur.* Denique addit Herolt. Quod talis in exitu animæ suæ de corpore nunquam à B. Virgine deferetur.

Jam ostendendum quomodo festum hoc sit fundamentum cæterorum. Nemo dubitat si Christus post Adæ peccatum non fuisset natus, nullum festum haberemus, non fuisset verò natus si B. Virgo fuisset Originali maculata. Quod ostendo 1. Est Ratio S. Th. 3. p. q. 27. a. 4. *Virgo non esset idonea Mater Dei, si peccasset aliquando, quia honor Parentis redundat in prolem.* juxta Prov. 27. *Gloria filiorum Patres eorum.* Quis enim vellet in domo habitare in qua paulò antè erectum est patibulum? quis eam accipere in sponsam quæ paulò antè constuprata est à latronibus? quæ in librum nigrum damnatorum est relata? Cyrillus contra Nestor. *Propter Filium temerarium est in B. Virgine ponere culpam vel peccatum.* 2. Ex eodem Doctore *Quia singularem habuit affinitatem ad Christum, quia ab ea carnem accepit.* Sed si fuisset maculata, tum 2. Cor. 6. *Qua conventio Christi cum Belial?* nolisset cum illa habere affinitatem. Filium autem cum Matre pro eadem persona sumunt jura l. finali c. im-

li c. impub. Et Ethic 8. c. 5. igitur in Filium redundasset.  
 3. Quia sap. 1. *In malevolam animam non intrabit Spiritus sapien-  
 tiæ nec habitabit in corpore subdito peccatis.* Ex quo S. Th. le. in-  
 fert, quod si B. Virgo peccavisset venialiter, non potuisset esse  
 Mater DEI. Sed multò gravius est peccatum originale, itaque  
 si illud contraxisset B. Virgo multò minùs fuisset Mater DEI  
 4. ejusdem Doctoris. *Similiciter fatendum est, quod B. Virgo  
 nullum actuale peccatum commisit, nec mortale nec veniale, ut sic in  
 ea impleretur quod dicitur Cant. 4. Tota pulchra es & macula non est  
 in te.* Fuisset autem macula, atque adeo magna, originalis,  
 ac proinde sponsa Christi, atque adeò Mater non esset. 5. Si  
 fuisset maculata non maximè potuisset appropinquare ad  
 principium omnis puritatis, itaque Mater DEI non fuisset. Ma-  
 ximè enim Mater appropinquat ad Filium; quia etiam pro e-  
 adem persona cum Matre reputatur: & ut l. c. S. Tho. a. 5. B.  
*Virgo fuit propinquissima principio gratiæ.* Et ut ibid. *quantò a-  
 liquid magis appropinquat principio tantò magis participat effe-  
 ctum illius principii.* 6. idem S. Doctor 3. p. 9. 31. a. 4. ad 3.  
*A Christo debuit abesse omnis immunditia, ergo non debuit concipi  
 ex femina concipiente cum libidine.* Sed majus dedecus Christi  
 esset si conciperetur ex infecta peccato originali, peccatrice,  
 inimica DEI, quam ex muliere sanctè & meritoriè, atque adeo  
 sine peccato connubio usa. Plurima ad hoc ipsum afferri  
 possent argumenta. Certè ad hoc tendere videtur DEUS  
 cum prohibet ne fiant vasa sacra ex quo aliquando fuerant  
 idola facta. Hinc non miremur si B. Virgo hoc festum tanto-  
 perè promovit, si DEUS maximis illustravit miraculis. Scri-  
 bit epist. supra cit. S. Anselm. & post eum Claudius Rota in  
 Sanctis Ungariæ cap. 158. de Fratre Regis cujusdam Ungariæ.  
 qui postea fuit Patriarcha Aquilegiensis. Hic cum suavis suorum  
 spontam accepisset, & antequam pervenisset ad thalamum,



commemorasset sibi quòd eà die, non dixisset, ut solitus erat Officium B. Virginis, protinùs in aliquem angulum domùs se recepit, ut illud exolveret; cumquè pervenit ad illa verba. *Tota pulchra es amica mea.* B. Virgo illi apparuit. Si ego sum pulchra & decora, quid est, quòd dimittis me & aliam sponsam accipis? Cui ille. Quid vis ut faciam? Tum illa, si sponsam mei amore dimiseris, me sponsam in coelesti regno habebis, & si Conceptionis meæ festum annuatim sexto Idus Decembr. celebraveris, & celebrandum prædicaveris, mecum in regno Filii mei laureatus eris. In eadem epistola Anselm. aliud refert. Quidam Sacerdos lapsus in adulterium, dum per fluvium Sequanam redit, à dæmonibus submersus, & raptus ad tormenta. Die tertià comparuit illi B. Virgo, & dum illum repetit, Dæmones respondent. In operibus nostris est captus ad nos spectat. Tum Beata, imò in meis operibus, quia dum iret per Sequanam meum officium cantavit. Et sic reduxit animam ad corpus. Tum B. Virgo, cave dehinc hoc peccatum, & festum meæ Conceptionis celebra annuatim & ubiq; celebrandum prædica. Tum ipse & eremiticam vitam amplexus, & festum semper celebravit. Quod sequitur refert Anton. Solarius lib. ge. venerat. & Invocat. SS. Nicolao Prusense Procurante suus Ordo Cælestinorum suscepit festum Conceptionis cum Octava celebrandum. Tum hic Nicolaus hortum ingressus rosam inde decerpfit, & dixit: *Divina Parens, si gratum est, quòd noster ordo de Octava Immac. tuæ Conceptionis constituit, rosa hæc quam tibi offero, verrente anno recurrente hoc ipso die, viriditatem & pulchritudinem conservet, & ita factum est.* Et certè sepulchro Christus voluit inferri in quo non fuit alter, quomodo Virginem vivus incoluisset in qua priùs fuit dæmon? Ezech. *Hæc porta clausa est. Nemo ingreditur per eam.* Ezech. 43. *Ista lex est domus in summitate montis, omnis finis ejus in circuitum San-*

etorum. Psalm. *Fundamenta ejus in montibus Sanctis*. Hinc colligamus quantoperè DEO peccator exosus. B. Virgo non fuisset Mater etsi fuisset tum Virgo, humilis, Martyr, si fuisset in originali. Quid homo? &c.

In Festo S. Thomæ Apostoli, **CONCIO I.**  
*Thomas qui vocatur Dydimus.*

**M**irum est, vocatur Thomas Dydimus, id est gemellus, cujus? Filius posset dici Christi, illius verba sunt: *Eamus & nos moriamur cum eo*, cum Christo. Posset dici noster, quia nobis ostendit viam ad latus Christi. Sed cujus geminus? Ibid. ait: *Factus est Christi geminus*, sed quomodo? quæ similitudo? ostendam, det mihi *Abyssus vocem suam*. Thomas idem quod abyssus.

Certum est quod Thomas quando non credidit gravissimè peccavit. Habuit motiva sufficientia ad credendum, vidit dum quinque panibus Christus pasceret turbas, &c. vidit non pridem Lazarum excitatum; audivit etiam Christum prædicantem se post triduum surrecturum. Quid plus ad fidem requiri potest? non credidit. O crassa hæresis. August. Sermon. de tempore 159. *Sic perdidisti in triduo memoriam Magistri, ut potentia non crederes Christi? vel si credidisti id illum posse, deferere suum verbum putasti.* Affirmabant Apostoli se vidisse Dominum. Ille, non credam, in quo illos apud se condemnat ut leves ac temerarios. Sed ipse potius amisit iudicium dum tam graviter in Theologia errat, nonne scivit quod fides est propter verbum quod fallare non potest, non autem propter aliquem sensum, qui etiam falli potest, & ille. *Non credam nisi videro, &c.* *Non fuit cum eis*, ecce quoddam schisma, & hoc est quod genuit illius hæresim; si enim fuisset, credidis.



credidisset. Quomodo ergo Christi geminus? An in eo quod dicit Chrysolog. *Vt Thomas crederet compulit iterum Christum pati?* In quo ergo Geminus?

Rom. 3. *Omnes peccaverunt & egent gloria DEI*, id est egent ut DEUS glorificetur, & hoc est quod in Missa canitur. *Gratias tibi agimus propter magnam gloriam tuam*: Non est opus agere propter gloriam quā in se DEUS gloriosus, sicut nulli agimus gratias quod sit Nobilis, sed potius gratulamur. Quod verò major peccator convertitur major DEI misericordia ostenditur dum eum recipit, atque inde major confurgit gloria. Sicut artifex magis gloriosus si vas planè confractum, quàm si leviter læsum repareret. Maximam verò misericordiam ostendit dum illam Thomæ non merenti exhibet, ut posuit dicere: *Inventus sum à non querentibus me*. S. Anselm. in Loc. supra cit. Rom. v. 3. *Vt DEUS magis, magisque glorificetur in retribuendo beneficia gratiæ suæ per remissionem delictorum*. Ita Achan Josue 7. dicitur. *Da gloriam Deo, fatere sacrilegium tuum, & age poenitentiam*. Magna gloria Deo facta cum Christus Lazarum suscitavit, sed tamen saltem oblique rogatus: *Ecce quem amas infirmatur*. Hic verò non rogatus venit, ultro invitat: *Infer digitum tuum*. Magna gloria cum venit ad omnes Apostolos, sed major cum ad unum incredulum. Noluit reparare confractos Angelos ut vasa, Jer. 28. reparavit Thomam ut multò fuerit præstantior quam antea & completum est Isai. 30. in Thoma DEum fugiente: *Aures tuæ audient verba post tergum monentis*, dum eum veluti fugientem insequitur Christus. Sequitur Thomas sensum, ut Os. 10. *Ephraim virula docta diligere eritutam*. Venit Christus ut Pater dum audit agonizantem, Filium. Sicut Noë manum ex arca extendit ad columbam, ut eam reciperet vagabundam. Ostendit vulnera Christus, ac si diceret, non me poenitebit quod sim passus. Siquidem tu converteris: nec puta quod me poeniteat te vocavisse in Apo-

stolatum ut me quondam poenituit quòd Saul Regem fecerim. Tu adimple, Coloss. i. *Quod deest meis passionibus*, in quantum Capitis infinitæ, membrorum finitæ. Ut hunc locum, exponit Doctor Angelicus.

Ut verò adhuc major gloria in Thoma appareret, non solum recipit in gratiam, sed majora fortè patrândi quàm ulli Apostolo dat potestatem. Dat Prophetiam, nam dum prædicat Indis, decem milliaribus nostris à mari disitam erigit crucem & prædicat. Cessabit fides apud vos, & ad idola redibitis, sed cum mare hanc crucem alluerit venient mei similes, qui vos ad fidem reducent, quod factum quando S. Franciscus Xaverius cum sociis appulit ad Indos. Cum interfuisset nuptiis Regis Indorum, & recogitando stultitiam idololatrarum flevisset, quidam ei alapam impexit, dixit Sanctus, mox istam manum huc afferent canes: & ita factum. Jam alia videamus. Scribit Baroniùs ad annum 57. Maliopore ex eo loco in quo S. Thomas occisus crux in lapide incisa fundit annis singulis sanguinem diebus octo ante Domini Nativitatem. Dion. Carthus. sermon. 3. de S. Thoma. In templo S. Thomæ in quo illo jacet in monte lacu circumdato lampas semel accensa toto anno ardet, corpus Sancti est integrum, capilli & barba rufi ad crispi. Octo diebus ante illius festum aqua lacus decrescit, & dat aditum ad remplum, die verò sibi festo assurgit Sanctus, accipit de altari hostiolas sacras, distribuit communicantibus, sed ab indignis retrahit, vel si eas sumpserint subito moriuntur aut convertuntur. Finito templi officio, corpus Sancti se in tumulo reponit, & aqua in lacu crescit. Hæc relata fuerunt Calixto II.

Proinde gemellus Christi in operibus. Christus gloriam Patris totâ vitâ quærebat, Sanctus illam auxit non solum in se, sed etiam in toto mundo. August. in hæc verba, *Nisi videro* ferm.



ferm. 156. de verbis Apostoli. *In istis Apostoli verbis utilitas munda agebatur, & unius interrogatio universitatis erat instauratio.* Greg. hom. 25. in Evangel. *Vt dum in Magistro palparet vulnera carnis, in nobis sanaret vulnera infidelitatis.* Extraxit Thomas veluti de thesauro de latere Christi gloriam DEI, & hoc fidem extrahendo. Sunt adhuc ibi quæ nos accipiamus. S. Thomas de Villanova Con. in octav. Paschæ. *In illo pectore grandes thesauros invenit Thomas.* Quid nos extrahemus? Fidem etiam, sed an sumus infideles? Erant etiam eo tempore qui se dicebant fideles, quando per Oseam i. clamabat DEUS. *Non est scientia DEI in terra.* Verbis creditur, factis negatur. Credimus DEUM vindicem, & sic agimus quasi nullus sit vindicaturus peccata, sed quid dico? unque tot confitentur, communicant, ignoscite, video non sequi restitutiones, perire odia, &c. Jacob. i. *Fides sine operibus mortua, est tantum ficta imago fidei* Gregor. Homil. 26. in Evangel. *Ille veraciter credit, qui exercet operando quod credit.* Cogor clamare cum Chrysostom. hom. 23. ad Popul. *Dic mihi unde potero deprehendere te Christianum esse, à loco? à veste? à sermone? à cibo? à negotiis? Si Christianus es, Christo crede, si Christo credis per opera mihi fidem demonstra?* Non pallus est Imperator Ethnicus, ut scribit Plut. in Alex. ignavum militem, fortissimi Ducis Alexandri nomen gerere. *Vel nomen muta, vel te geras ut Alexander.* Quid nobis S. Thomas dicet? *Dedit abyssus vocem suam, Doctor. Angelic.* ferm. de S. Thoma. *Thomas abyssus est propter nominis rationem quod interpretatur abyssus.* Quid abyssus iustitiæ Divinæ?

## De Eodem CONCIO II.

*Thomas unus ex duodecim.*

**S**imili planè modo procescit circa Thomam DEUS atq; Mercator, qui videt de gemma rudi fore pulcherrimam, vult

gemmam emere, proponit pretium; Si nolit alter mittit amicum: Si neque hoc, aperta cista ait accipe quantum vis dum mihi des gemmam. Ipse Christus prædixit se resurrecturum non profuit, misit Apostolos, *Vidimus Dominum*, at ille, *non credam*. Quid in Thoma tantopere placuit, dicam.

Nihil in Thoma placere potuit nisi quod ipsemet Thomæ dedit. Quid verò dedit? Veteres olim maximè Judæi dividebant diem, sive esset parva, sive magna in horas duodecim; ex his horis initium habent horæ canonicæ, juxta. *has horas exiit conducere operarios in vineam*. Juxta has describitur ejus passio. Christus ipse est sol, horæ 12. sunt Apostoli, & dum sol est in cælo rotundo cum rotatur circa rotundam terram, omni hora est æquè altus, nihilominus nobis unâ horâ videtur altior quàm aliâ, altissimus verò dum est in meridies, hoc est veterum horâ sextâ. S. Thomas in Canone Missæ in *Communicantes* sexto loco non sine ratione ponitur, igitur sol in eo fuit altissimus, ita discurrit in Conc. hodierna S. Vincent. non quod propter aliqua reperta in Thoma misericordiam Thomæ fecerit, & illa ipsa in Thoma jam fuerunt, mortificata & quasi abolita; & certum est quòd ex sua bonitate Thomam respexerit juxta illud. *Salvum me fecit, quia voluit me*. Vider tamen in eo. Altissimus jam ante fuit Christus in Thoma quoad charitatem, quia sol altissimus maximè calorem facit. Ubi est charitas, intellectus de amato cogitat, voluntas in eum fertur, lingua illum loquitur, auris &c. Sed quis gradus charitatis altissimus? *Majorem nemo habet charitatem quàm ut animam ponat pro amico*, Joan. 8. Volebant Judæi Christum lapidare, abscondit se ab eis, nihilominus Joan. 11. redit in Judæam, mirantur id Apostoli. Thomas: *Eamus, & nos moriamur cum illo*. Tunc impletum est. *Abyssus abyssum invocat in voce cataractarum tuarum*. Abyssus Thomas clare loquitur alio-



aliorum sonus obscurior. Non dubiè hæc charitas in Thoma postea crevit, & eam Christus expolivit. Thomas unus. Unitas maximè servit Christi intentioni: Oro ut unum sine. Venit congregare electos hoc verò opus difficile, sine magnis motibus fieri non potest, sicut si quis vellet in unum campum colligere Indos, Gallos, Polonos, &c. cum illorum terris. Isai. 43. *Ab Oriente adducam semen tuum, & ab occidente congregabo te; dicam Aquiloni da, & Austro noli prohibere, affer filios meos de longinquo, & filias meas ab extremis terræ.* Apoc. 5. *Redemisti nos Domine Deus ex omni tribu, lingua, populo.* Et ut istam unitatem perficerent. Jam olim DEus viros eligebat, atque etiam inter viros spargebat, Tob. 13. *Ideo disperfit vos inter gentes quæ ignorant eum, ut vos enarraretis mirabilia ejus, & faciatis eas scire, quia non est alius præter eum.* Ideò Angelus Persarum restitit Dan. 10. ne populus ex Perfide rediret, quia proderet Persis. Thomam fecit unum, & ad gentes maximè remotas misit, ut uniret, quod & fecit. Christus non permisit se tangi à Magdalena, voluit à Thoma, ac sic diceret, unias te mihi & gentes aggregates. Vide te quanta sit res, ad Christum si Pater filios, Dominus adducat famulos.

*Unus ex duodecim,* Unam civitatem seu potius domum, quæ simul esset civitas, erecturus erat Christus, sed quæ omnes à duodecim ventis collectos caperet, in qua unum esset templum, quia licet essent plura, in omnibus idem eidem sacrificium offerretur. Unum prætorium, in quo una sententia, *Ego te absolvo.* Fidei confessio una. *Ascendit Dominus super occasum,* super lapsum Thomæ. Hic meam civitatem ædificabit. Dedi multum Joanni licet clauso pectore cum super illud in coena recubisset, tibi latus aperui, arcana mea vidisti, propter fidem ultra Europam & Asiam ad terras ignotas. Vidisti me redivivum. Prædica confidenter quod resurgent mortui.

Chry-

Chrysoft. in II. Joan. de S. Thoma sic ait. *Infirmior aliis, postea factus est omnibus fortior, qui solus orbem terrarum percurrit, terras, oceanum, insulas. Ubique miracula. Massejus de rebus Indicis & Oforius narrant, quod ingentem arborem quam plurimi elephantum loco movere non poterant alligatam cingulo traxit per leucas decem, deque illa, nam tanta erat, templum extruxit; tum Christo pro latere aperto lancea, pro eò, lancea confixum reddit latus.* Turfelin. in Vita S. Franc. Xaverii lapidis sepulchro S. Thomæ impositus annis singulis fundit sanguinem quasi adhuc volens sanguinem toties Christo reddere. Eamus & nos cum illo moriamur.

### De Eodem CONCIO III.

*Non credam, nisi videro.*

**V**idete quid peccatum faciat, quomodo non cujuslibet mentem dejiciet, si Thomæ, qui sub ipso Christo studuit Theologiæ, ita obscuravit? *Non credam nisi videro.* Utique fides ex auditu, non ex visu? non enim credimus quæ videmus, sed quæ audimus. Habuit sufficientia proborum virorum testimonia. *Non credam, Errat sicut in nocte.* Christus velut Geddon vasi fictilis aperit fracturam, illustratur. Jud. 7. Factus fuit pannus rudis & ecce, Cant. 7. *Comæ capitis sui sicut purpura Regis juncta canalibus.* Vellera sunt rudia, sed postquam infusus color canalibus, ac ipsa sunt in colorem missa, fiunt Regis purpura. Tunc exclamat. *Dominus meus & Deus meus!* Plenum est latus Christi thesauris, accedamus cum Thoma & de illo accipiamus.

Sed latus Christus non exhibuit Thomæ nisi quando se univit Apostolis. Non expectet latus Christi qui se à fide, Apostolorum divisi, vel à communione eorum per excommuni-



municationem refectus. Ezech. 37. Non prius in ossa intravit spiritus vitæ quam se unierunt simul. De aliis S. Judas *Hi sunt qui segregant semetipsos, animales, spiritum non habentes.* Et Thomas erat cum eis, tum latus illi in tenebris posito patuit, & impletum est. Psalm 76. *DEum exquisivi manibus meis nocte contra eum, & non sum deceptus.* Accepit inde fidem Thomas, dum manibus exquirat, & ipse illustratus totum orbem illustrat. Nam ut Stapletonus in tribus Thomis. In Europa Germaniam, Daciam, Sueciam, illustravit: In America Indos. In Asia, Parthos, Medos, Bactrianos. In Africa ut Chrysostom. loquitur, *de alba vit Aetiope.* Nos jam fidem habemus, fructum saltem fidei ex latere Christi referamus. Sanguine huius lateris redempti sumus, 1. Cor. 6. *Empti estis pretio magno,* Quid inde sequitur? hoc quod August. *Postquam cognovi me pretio sanguinis Christi redemptum nolui me amplius exhibere venalem.* Vendebamus nos antea dæmoni, & pro quo? videamus cujus pretii sumus. Alterum sequitur, si tantus est morbus peccati ut non nisi Christi sanguine curari potuerit. Caveamus. Bern. de Nativit. *Filius DEI jubetur occidi, ut pretioso sanguinis ejus balsamo vulneribus meis medicina fiat.* O homo. *Affer manum, vide quid facis dum peccas.* Fide circa peccata, agamus non vulgi opinione, major est & certior fides, illa præeat. Gen. 29. *Non es in loco nostro consuetudinis ut minores antè tradamus ad nuptias.* Sapientia mundi quæ est minor sequatur fidem.

Accipiamus etiam de latere Christi ejus Sapientiam. Quod nihil in mundo DEus permittat nisi ut ex illo bonum eliciat. De hoc peccato Thomæ Augustin. serm. 156. de temp. *Quam bona ignorantia quæ eruditur incredulos?* Greg. 26. hom. in Evang. Sicut Joseph permissus est dubitare, ut tantò major testis esset Virginitatis B. Virginis: Ita permissus est labi Tho-

G. Thomas

mas ut tantò major esset testis. Bern. homil. 2. super Missus. Plus nobis Thomæ dubitatio ad fidem profuit, quàm cæterorum Apostolorum fides. Chrysol. Non dubitatio, sed Prophetia fuit, qua è plagis Domini firmaretur resurrectio. Cyrill. & alii P.P. Græci. Non infidelitate magis quàm summo amore turbatus, quia oculis suis Dominum non videbat. Ex aliis S.S.P.P. patet quomodo DEUS ex hoc malo Thomæ elicuerit bonum. Ex ultimo S. Cyrilli, quòd in Thoma non solùm fuerit peccatum, sed etiam amor Christi, quod in hunc modum explicari potest. Abiit Pater à Filiis peregrè: Interea dum unus ex Filiis abest, venit Pater, & rursus abit, narrant illi Filio Fratres, fuit hic Pater. Ille, scio quantum me amet, non est possibile, ut meus Pater me non viso iterum abiret, proinde, non credam hunc illum fuisse nisi videro. Redit ergo iterum Pater & ait. *Noli esse incredulus.* Fui in hoc loco. Viso Patre Filius non excusat suam incredulitatem. Sed statim ruit in amplexum *Dominus meus.* &c. Ita, juxta hos P. P. evenit Thomæ. Et certè dum se Christus distribueret, Magdalenæ dedit pedes, Latroni bono dextram, Joanni pectus, Petro claves suæ domûs, Thomæ latus. Quod est amoris. Per duodecem amor vadit. 1. Per intellectum, quia quem amamus de illo etiam cogitamus. 2. Per voluntatem, quia omnia precamur illi bona. 3. Per memoriam, quia recolit amor accepta beneficia. 4. Per linguam, quia de dilecto libenter loquitur. 5. Per oculos, quia si illum offendit, plorat. 6. Per amores, quia libenter audit si quid dicatur de amato. 7. Per manus, quia libenter dilecti amicis & domesticis largitur. 8. Per pedes, quia libenter ad eum currit. 9. Per totum corpus, quia quidquid in se dilecto displicere advertit, emendat. 10. Per bona externa, quia & hæc ut dilecto placeat, abjicit. 11. Per bona animi, famam, honores, hos abjicit. 12. Tandem ipsam corporis vitam abjicit pro honore dilecti & in hoc gradu stetit S. Thomas.

Pro



Pro Conclusione id adduco quod S. Cæfarius Arelaten-  
sis reliquit hom. 27. *Verendum est, ne illam vocem ad vasa iniqui-  
tatis Christus prolaturus sit. Scilicet. Infer digitum tuum huc, & vi-  
de manus meas, & affer manum tuam, & mitte in latus meum, & agno-  
sce quæ pro te impio pietas Divina passa est. Videamus ne id no-  
bis contigat in mortis hora, unde non jam fidem, amorem,  
sed damnationem hauriamus.*

## In Nativitate Domini nostri JESU Christi, CONCIO I.

*Natus est hodie Salvator.*

**P**Lanè ita mûndo contigit atque Genes. 37. Rubeno cûm  
advertit Josephum à Fratribus venditum : *Puer non com-  
paret, & ego quò ibo ? Promissus fuit Christus Adæ in Paradiso.  
Moritur Adam, Puer non comparet, & ego quò ibo ? Moritur A-  
dam, Puer non comparet. Moritur Moyfes, David, &c. Puer  
non comparet. Interea ut August. in Enchiridio : Massa generis  
humani damnata voluebatur, & de malis in mala præcipitabatur ad il-  
lud extremum cum illis deserteoribus & vitiatoribus supplicium. Tan-  
dem Natus est hodie Salvator. & cum puer comparet secure ad  
Patrem redeamus.*

Hanc Nativitatem ita describit, Tit. 2. *Apparuit gratia  
sicut Ruben magnam inivisset gratiam apud Jacobum, si re-  
duxisset Josephum. Ambros. in Tit. Patris æterni gratia quia  
solus venit. Sed quomodo illum Patri reddemus qui nunquam  
recessit à Patre, est enim eadem natura, & DEUS cum Patre!  
reddemus quia solus venit. Testatur hoc præsens dies currens per  
anni circulum, quòd solus è sinu Patris mundi salus adveneris. Sed  
non tecum Pater qui à te dividi non potest? Cur non spiritus*

G 2 Sanctus

Sanctus, qui à te ita procedit, ut nunquam recedat? 1. Reg. 21. *Venit David in Nobe ad Achimelech Sacerdotem & obstupuit Achimelech, &c. Quare tu solus, & nullus est tecum? At David, Rex præcepit nemo sciat hanc rem.* Cur non pater incarnatus, cujus eadem est Divinitas? Nemo sciet hanc rem. Credere debet, non scire August. 20. Civit. 26. *Gratia DEI non potuit gratius commendari, quam quòd Filius DEI indueret hominem.* Noster jam est. Gregor. homil. 8. in Evangel. *Mundus nascente Domino describitur, ut omnes nos suæ inscribat aternitati: in Bethlehẽm in domo panis edicetur ut se panem cum vita ad omnes venientem monstret: parenti in hospitio se collocat ut nulli clausas suæ humanitatis fores ostendar.* Unit se nobis simili etsi non omnimodo atque anima corpori. Diligit animam, corpus, illi compatitur, pòdus ejus fert, non avellitur ab illo volens. Quod est plus, *exinanivit semetipsum & dedit nobis: sibi quasi nihil reliquit, insuper apparuit gratia erudiens nos vel ut Græcus legit. illuxit gratia ut Pædagogus.* Antea docebant nos creaturæ esse DEUM, esse unum, esse bonum &c. Jam docet natus Puer. Clem. Alexandrinus in Pædagogo. *Humana natura Pædagogus Verbum Divinum omnibus sapientiæ machinis conservare infantes aggressus est.*

Antequam illum Patri reddamus ab illo discamus. Erudiebant creaturæ & docebant esse unum DEUM, at mundus plures sibi finxit. Erudiebat Moyses sed de præmio cælesti non dixit. Proinde suspirabat Cant. 8. *Quis mihi dat refrærem meum sugentem ubera Matris meæ, ut inveniam te foris, ibi me docebis?* appare foris & intus doce, suge ubera & ostende quæ nostra est vera Mater, scilicet Ecclesia, quæ fides ad salutem. Ethnicorum impiæ. Judæorum jam defecit. Aristoteles permisit plures, Plato uxores promiscuas. Diogones aliorum famam rodire permisit. Synagoga ut Noe arca, Chrysost. hom. 3. de pæn. introivit in illam lupus, exivit lupus &c, at in nostram Ecclesiam intrat lupus & fit ovis, malas

con.



consuetudines ut alteram naturam, mutat in alteram; jam non immolant hominem, non nubit Patri filia &c. Quærit Greg. Thaum. Orat. 1. de Annunt. Cur Christus in præsepi positus? & respondet *In mensa jumentorum celestis panis propositus est, ut homines instar pecorum irrationales mystici cibi participes redderet.* Quid inde? ut nos DEOS faceret, ut definamus esse quod fuimus; incipiamus esse quod ipse est; ut ait Hieron. in Tit. 2. Ostendit Christus præmiū, sed simul ostendit certam ejus spem. Exod. 22. Nocturnum licebat furem deprehensum occidere, non autem diurnum. Olim qui peccabat velut in nocte furabatur, non erant remedia. Radulph. Flaviacen. 1. 4. in Levit. *Cum peccatori ortus est sol justitiæ quisquis eum abs spe veniæ exclusit, desperationis mūrōne furem confodit, & homicidium perpetrat* Anselm. lib. 2. cur DEUS Homo cap. 20. Tibi dicit æternus Pater accipe Unigenitum meum & da pro te. Ipse Filius, tolle me & redime te. Denique sacer spiritus sume meam sponsam Iesu matrem in spem tuam. & securus aduentum Iudicis expecta Ita & Aug. serm. 8. de verbis Apost. Non liberaretur humanum genus, nisi sermo DEI dignaretur esse humanus. Et ut spes nostra sit firma, hic puer in se peccata nostra recipit. Quid putatis si aliquis hosti sevo se ad omnia supplicia offerat, ne sui cives occiderentur, prius homicida Cain. Gen. 4. *Ejicis me hodie a facie terræ, & ero vagus & profugus; omnis igitur qui invenerit me occidet me.* Suscipit hoc in se Natus Puer, & quasi e cælo ejectus paret neci & ait, ero vagus mox fugiam in Ægyptum non habeo ubi caput reclinem, nemo me defendet Jer. 14. hoc miratus. *Expectatio Israel, Salvator ejus in tempore tribulationis quasi colonus futurus in terra, & quasi vir vagus quæ hujus causa? Populus dilexit movere pedes meos, & non quievit & Domino non placet. Dilexit movere pedes ad pomum veritum, ad peccata: ego meos movebo ad recipiendum illa in me* Micheæ. 7. *Iram Domini portabo,*

*tabo, quia peccavi ei, donec causam meam iudicet scilicet in cruce. Abjicitur ergo ut juvenum in stabulum quia peccavi &c. quomodo? Aug. in Ps. 21. Delicta nostra delicta sua fecit sicut victima pro peccato Adam caput fuit generis humani in quo omnes peccarunt, ego nascor caput ejusdem generis ut à me requiratur pœna Ps. 30. Defecit in dolore vita mea, & anni mei in gemitibus Tit. 3. Apparuit humanitas DEI ut gratia ipsius hæredes simus secundum spem vite O quam verum est quod dixit Tertul. adv. Marcionem Christus miscuit in se DEVM & hominem, ut tantum homini conferret, quantum DEO detrahit. Et quid si homo contemnat hanc charitatem, & addat ad vulnera ejus? quid si eam à se repellat? Ejulabat Judic. 18. Michas rogatus à Danitis quid illi esset? Deos meos quos mihi feci & sacerdorem tulisti, & omnia quæ habeo, & dicitis, quid mihi est? Quid si nobis insultet dæmon. Vbi est Deus tuus, quem volens perdidisti;*

Invento hoc Puero ad Patrem securè redeamus. Septem ejus excellentias Paulus 1. Heb. recenset. Est hæreditas universorum, siue omnium hæres, admisit nos in suos cohæredes possumus id petere. Est factor sæculorum, & eorum quæ sunt inter sæcula, illius igitur est cælum, & hoc nobis offert. Est splendor gloriæ, procedit à Patre sicut radius à sole, igitur cum sole jungitur, & si in nobis est etiam nos jungit. Est figura substantiæ sicut sigilli æqualis Patri sigillo. Portat omnia verbo virtutis suæ. Verbo portat non humero igitur & nos deportabit. Peccatorum purgationem fecit, itaque non vereamur sanctum. Sedet ad dexteram Majestatis in excelsis sedet ut Patri par, ad dexteram ut ab eo in honore habitus; itaque illum Pater non impedit nos recipientem Jer. 3. Saltem à modo voca me, Pater meus cum hoc munere securi dicamus Patrem, dicamus Isai 74. Et nunc Domine Pater noster es tu, nos verò lutum. Nos ut lutum maculamus nomen tuum tu nihilominus



nus Pater, nos generando & regenerando in singulas horas per conservationem. Sed ut Chrysost. in 2. Joan. *De lucis aureos nos baptisma facit.* Aurei efficiamur. S. Leo ferm. 1. de Nativit. *Gloriosum est à DEO natos in authoris sui imaginem resulgere.* Aurum igne non consumitur, & nati de DEO adversis: non cedit sive pluviis perfundatur sive frigore vexetur.

## De Eadem CONCIO II.

**L**ibet hodie cum S. Athanasio ferm. de Nativ. Chr. apud Metaphr. admirari. *Qui in excelsis liber est, in terris describitur: illic DEI filius, hic servus: in caelis dives, humi pauper, in caelis adoratur, humi pro eo vestigal solvitur: involvitur fascis qui solvit omnia: nutritur lacte, qui nutrit universa: qui emittit fontes sugie mammas.* Plura ejusmodi afferri possunt, ut immensus jacet in praesepi, infinitus parvis involvitur fasciis: immutabilis fit infans &c. Ex his solum ad considerationem fumo, quod attulit S. Joannes, *Verbum caro factum.* Homines non solum haec verba habemus quae lingua formantur & aure percipiuntur: sed etiam alia quibus mens nostra loquitur & illa audit, & dicuntur *verba mentis* de his Ps. *Compungimini in cubilibus vestris, quae dicitis in cordibus.* Ecce in corde loquimur, proinde sunt etiam verba interna. Inventus quidam qui voluit affirmare, non esse DEUM: non est ausus tamen id ore dicere sed solum mente, audivit tamen DEUS hoc ejus verbum Ps. *Dixit impius in corde suo, non est DEVS.* Eodem modo mulier Haemorrhoea, *dixit in corde suo, si tetigero simbriam vestimenti ejus.* Tale verbum & DEUS habet, est enim intelligens, alioqui non potuisset res intelligentes creare, quia causa non potest dare effectui quod ipsa non habet. Comprehendit ergo intellectu suo DEUS omnia ita ut quidquid in illis cognosci potest cognoscat: comprehendit etiam seipsum, hinc oritur verbum. Sed

Sed à nostris verbis differt, quia apud nos verba innumera & tot quot sunt cogitationes, DEUS in uno verbo cognoscit; omnia apud nos verba pereunt, & semper nova oriuntur in DEO manet idipsum unum verbum; apud nos verbum mentis habet initium, & quod modo est antea non fuit, apud DEUM *in principio erat Verbum*, nunquam esse incepit, nunquam non fuit. Denique nostrum verbum differt à nobis, nec meum verbum est ego ipse, & à nobis dividitur cum interit, at verò *apud DEUM erat Verbum, & DEUS erat verbum*, quia quod in DEO est DEUS, alioqui non esset Ens simplicissimum, & actus purissimus. Unum DEUS loquitur per totam æternitatem verbum, nec illud loqui cepit aut desinit. Hoc verbum est DEI Filius. quia Filius est qui procedit vivens à vivente ut à principio conjuncto, in similitudinem naturæ procedit in maximam similitudinem quia est idem DEUS: procedit vivens quia si est DEUS est vivens, à principio conjuncto, quia dat illi totam suam substantiam. Procedit, quia est actus Dei licet immanens. Ab æterno verò est quia est *splendor* Patris ut vocat Paulus, sol verò est Pater: at si fuisset ab æterno sol, ab æterno splendorem dedisset. Chrylосто. de hoc Pauli verbo *splendor* in c. i. Hebr. *Ostendit Filium à Patre procedere, sicut procedit radius à sole: & sine mutatione, & esse coævum Patri sicut radius coævus est soli, & inseparabilem cum à Patre, sicut radius non potest avelli à sole* Est Patri æqualis, quia ut Paulus l. c. est *figura substantiæ DEI*. Græcus legit, *character, sigillatio* sicut sigillum in cera expressum est æquale sigillo metallico v. g.

Hic ergo DEUS verbum propter hominem factus est homo. David se appellavit canem mortuum cum nondum esset Rex respectu Regis Saulis, certè infinitis minus est homo respectu DEI. Jam ergo si homo quia ipsi est mortuus canis, vellet fieri canis ut canis mortuus resuscitaretur, quid hoc esset



esset! at DEUS factus est homo ut mortuus homo vivat. O magne DEUS: decuit ne te id facere! ah obstupesco! & tandem dico, decuit; quia id non factum necessitate sed voluntariè & ex amore. Ita 1. Reg. 15. Cum impius occubisset Absalon David cum decore ait: *Quis mihi det ut ego moriar pro te?* Angliæ Rex Edvardus partâ memorabili Cresciacensi victoriâ, de qua Annal. Flandrici lib. 13. & Bzov. ad ann. 1346. dum in expugnanda urbe Calesio se diu fatigasset, tandem ad hoc rem deduxit, ut Calesium dedere se constituerit & legatos ad Regem miserit, assensit Rex, addito, ut sex præcipui cives, quia tamdiu protracta obsidio, sibi traderentur, ut de illis se vindicaret, obtulit se pro salute civium, aliâs omnes periissent, in victimam primus Eustachius à Fano Petri, deinde alii quinque hi laqueos collo, manu claves civitatis gestantes sine pallo, caput & pedibus nudi ad Regem inclementem processerunt, qui vix, ac vix tandem uxori suæ petenti vitam illorum, donavit. Decuit id facere Eustathium, quia amore Patriæ, decuit DEUM, quia amore nostri, & ideò quanto amore dignus! Propterea non impedit hoc opus DEUS Pater, imò ut homo sit verus suus Filius, creat animam. Non impedit Spiritus Sanctus imò obumbrat in Virgine, ut hunc DEUM hominem pariat. Sed quid hoc facto quærit Filius, quærit ut nobis sit bene, quærit ut & nos non solum vivamus, sed & Filii DEI & Fratres ejus efficiamur. *Dedit eis potestatem filios DEI fieri.* Et quia hæc adoptio est filiatio, naturalis enim est impossibilis. Quia verò adoptio apud homines plerumque non subsistit, nisi filius naturalis moriatur, & Filius DEI mori constituit quanquam illa cælestis hæreditas cum sufficiat omnibus, hâc morte non indiguerit. Hunc ipsum amorem aliâ similitudine propono. Momordic alicujus Regis mancipium serpens opus est theriacâ, sed deest, H quia

quia serpens deest ex quo conficiatur. Rex se substituit in locum serpentis, ut ipse conteratur & de illo fiat theriaca, & sic ille moriatur dum vivat mancipium. O inestimabilis amor! Momordit nos serpens in Paradiso: at Filius DEI. *Sicut exaltatus est serpens in deserto, ita exaltari oportet filium hominis.* Nec putemus quòd hoc semel fecerit, & modò sicut Pelicanus sanguine pullos à serpente occisos vivificat. Et modò in ventrem Ceti se projiceret ut Jonas. Et modò ut Joseph in servitutem iret, ut nobis fratribus succurreret. Volebatis ut propter vos ab negaret Matrem & Fratres, fecit. *Et quæ est Mater mea & Fratres mei?* Volebatis ut pro vobis esset sine domo? fuit. Et hoc totum alacriter, ita enim annuentem ad ista Patrem alloquitur Psalm. *In capite libri, scriptum est de me ut facerem voluntatem, Deus meus volui, & legem tuam in medio cordis mei.*

Jam judicemus an non rectè dixerit Augustin. *Qui te non amat Domine quia creasti illum, dignus est inferno: Sed qui te non amat, quia redemisti illum, dignus est mille infernis.* An non, justa sit quorundam Theologorum sententia, quòd acrius in inferno homines patiantur, quàm dæmones pro quibus non est natus Christus? Sed nos Verbo DEI nostris verbis sæpè illudimus, promittimus amorem, damus odium. Notum est vobis peccatum Achan, quod abstulerit regulam. Lectio Hebræa quòd *linguam*. Non gratis olim Ægypti pingebant linguam supra saxum, vidisti linguam, sperabas te visurum peccatum, cor, & ecce saxum, loco manuum saxum. Ps. Iudæ maledictio, Psalm: *Fiant immobiles sicut lapis iste.* Horologium Ezechiae fuit figura Christi. Ut justum sit horologium oportet ut cum sole concordet: nos etiam sumus in horologio vicissitudo cum vicissitudine nequitur. Ut rota cum rota, si modò non respondemus soli Christo amore, sonabit nobis in morte quam non putamus horam. Efficiat in nobis Christus.

factus



factus in similitudinem. Quod virga Moyſis facta ſerpens, quæ ſerpentes Magorum devoravit, abſumat nos illius amor. O Chriſte, O DEus homo. *Virga virtutis Paternæ, abſume hos nostros colubros!* Dixi de Incarnatione Verbi, claudo verbis Auguſtin. *Dixi vobis, ſed quid dixi? de DEO dicere præſumpſi? talis eſt DEus ut nec de eo dicere poſſimus, nec ſilere debeamus.*

## De Eadem CONCIO III.

### *Tranſeamus uſque Bethleem.*

**P**LANè ita eſt factum inter Filium DEI & homines, ut ſi quis vellet accipere in uxorem aliquam, mittit legatos, munerâ: ex parte interea ſponſæ redduntur contumeliæ, deſpectus. *Magnum hoc eſt Sacramentum* dicit Paulus de Matrimonio, *ego autem dico in Chriſto & Eccleſia.* Mittebat Filius DEI Prophetas, ſed alios ex iis occiderunt, &c. Dabat munera, nam quidquid boni à Deo præſtitum eſt, ut eductio ex Ægypto, Manna, Sacerdotium, victoria hoſtium fuit ex meritis futuri Chriſti. Demum *ex nimia charitate miſit Deus Filium ſuum*, volumus id videre, cum Paſtoribus; *Tranſeamus in Bethleem*, inveniemus *puerum pannis involutum* ne ullus majeſtatem ejus extimeſcat. Attamen Judic. 13. Apparuit Angelus Manue ſignificans nativitatem Samſonis, ille ſtatim, *quid agemus de puero?* dabo conſilium quid de nato puero debemus agere, ubi illum invenerimus.

Qui agnoſcit quantus ſit hic puer, timebit dicere, faciam illum ſponſum animæ meæ, ſed diſputatum olim an poſſit amicitia eſſe inter ſervum & Dominum, hominem & Deum & Ariſtot. in Ethicis id negat. Et ratio in præſenti eſſe poſteſt. *Amicorum ſunt omnia communia*, igitur & regnum Filii Dei, ſed quis velit ſuſtinere ſocium regni. Jud. 9. Achimelech ſeptua-

ginta fratre super uno lapide obtruncat ne socios regni habeat, Salomon regni initia sanguine Adoniæ maculat, 2.Reg. 2. Jacob & Esau Gen.16. nondum nati pugnant de primogenitura. Idem in nativitate sua faciunt Phares cum Zara. Sed inprimis, illi concertârunt, quia illorum modica hæreditas, quam si unus habuisset, alteri defuisset. At sicut Augustin. tract. 2. in Joan. *Christus non rimuit habere cohæredes, quia ejus hæreditas non sit angusta. etsi multi eam possederint.* Jam vero quod attinet Amicitia non datur nisi inter æquales. Sciens bene DEI Filius quod nos simus nihil. Philipp.2. *Exinanivit semetipsum.* Jam erimus pares. Sicut si Rex ambitet cum paupere amicitiam, pauper diceret, ego non possum esse amicus, quia non sum par, Rex verò: ut simus pares, fiam ego æque pauper atque tu, de cætero sicut ego te amo, ita me tu ama. *Transeamus Bethleem*, ubi Majestas, omnipotentia, immensitas, &c. Pauper est per omnia. Jam clamemus, Psalm. 13. *Surge Domine in requiem tuam.* Amplectere amicitiam quam quæсивisti, in ea quiesce. Tu exinanitus nos nihil. Sed mirum est dum se Rex propter mendicum exinanit, mendicus Rex vult videri. Judicate hanc insaniam! Quid habes, ô homo, divitiâs, nobilitatem? ab hoc habes qui se propter te exinanivit. Idque non tam es nobilis quàm natus ex nobilibus, & fortè es spina in horto liliorum, fortasse onager in montibus. Phocan. DEus fecit Cæsarem quia pejorem illo non invenit. Habes aliquod bonum, fortasse per hoc recepisti in vita tua, & nihil tibi superest in alia, & ita cum lite inflas, non vis esse amicus hujus pueri, sed fortè ut Lucifer, *similis ero Altissimo.* An se ita hic Puer exinanivit? Isaias dicit: *Vidi Dominum.* Quid præterea? *Generationem ejus quia enarrabit?* Jeremias viso illo. *A ô Domine nescio loqui.* David Psalm. 69. *Te decet DEus hymnus in Sion.* Alia versio legit: *Te decet silentium,* præstupore nimium tui.



tui. Tantus est DEus, ut quotquot de illo sumpserint, nunquam illum exhaustiant. Sumant creaturæ bonitatem, pulchritudinem, robur, & sumant in perpetuas æternitates, & sufficiet in mille & mille alias æternitates. Cognitâ utcumque DEI naturâ Philosophi veteres fingebant alios mundos, quia videbant DEUM se velle communicare, & ab uno mundo communicari plenè non posse. Et tandem egit DEus ut ille qui postquam omnia sua dedit amico, tandem cor sibi extrahit, ac illud donat, humanitati se univit. An adhuc amore indignus? Parum est, omnia quæ vides, tibi dat. Quid diceret massa luti, si id præstare potens quispiam acciperet in manus, dicendo. Lutum non habes vitam, do tibi vitam; non habes oculos, aures, manus, pedes, &c. do tibi: non potes de rebus iudicium ferre, falsum à vero discernere, honestum nosse, do tibi ut hoc possis, formo te insuper in pulcherrimam figuram, omnia quæ sunt in mundo tibi trado ut de iis tanquam dominus disponas, & quia si vel ad momentum è mea dimitterem manu statim in lutum aut minus luto redires, manu semper meâ tenebo. Et quia sineme nihil potes agere assistâ oculo tuo & colorabo, ut videat, auri ut audiat. Præterea tibi potestatem, ut fias mei similis, immortalis cum impatibilitate, nihil timeas, &c. Sed quia hæc felicitas ut sis beatus tibi non contingit, nisi prius propter te fiam massa luti, fiam libenter. Quid putatis, an talis ab eo luto amari deberet? quid si lutum non amaret, quid si odisset? quid si linguam in ejus contumeliam verteret? &c. O homo, o lutum quid agit? nihil à te DEus pro suis beneficiis petit, nisi ut illum ames. & per hoc sit tibi bene. O lapis non homo, si non amas? Exinanivit se DEus propter te, non Angelus factus etsi hæc fuisset magna exinanitio, sed homo subiectus fami, siti, morti. Et inter homines non formam Regis, sed accepit servi. Creasne hæc homo? & credis quòd propter te facta?

Sed utique etiam homo cum amore occurrit Christo venienti. Unde enim illud. *Rorate cali?* Ita est. Occurrit. Et non erat ei locus in diversorio. Paucorum fuit vox *Rorate*, omnes hospitio excluderunt. Statim initio mundi dum formaret hominem dabat illi amoris pignus. Tertull. de resurrect. cap. 25. *Linus ille jam tunc imaginem inducus Christi futuri, non tantum opus DEI erat, sed etiam pignus.* At homo illi rebellionem reddidit. Gen. 28. *Vidit Iacob scalam, & Dominum innixum scale.* Hebr. legit. *Pedes habebat in scala veluti descensurus.* Et ecce qui præcipue illi debebant occurrere per scripturas quærebant locum, nativitatis ut eum traderent Herodi occidendum, neque enim de hac mente illius dubitare poterant. *In Bethleem Iudæ, sic enim scriptum est, &c.* Cant. 2. Vocabat matrem ut de illa nasceretur. *Surge prope amica mea speciosa mea & veni.* Sic enim Rupert. in hunc locum, in persona Matris. *Tanquam præsentem loquebatur mihi, meque jubebat surgere, ac properare, id est, nasci, & hospitium ventris mei præparare.* Surrexit Mater, quid homines? *Cognovit bos possessorem suum, &c.* nemo accurrit, refovet. Properavit ipse, nam cum Gabriel mittitur nuntius, & nondum finita fere legatione, jam Filius DEI descendit. Bernard. homil. super Misil. *O Angele, transfiliit qui te misit & nimio pervolans desiderio pervenit ad Virginem.* Statim nimirum ac Virgo consensit. Quid homines? fecerunt apparatus, erexerunt palatium? Verbis Bernardi ad Robertum Apostatam Epist. 1. poterat uti Dominus. *Contra juris ordinem cogor revocare læsus eum qui me læsit, speritusque requirere contemptorem, injuriam passus injuriatori satisfacere, rogare denique à quo rogari debueram.* Sic Domine tu nobiscum, nos tecum. Clamabat Franciscus Seraphicus. *Amemus hunc parvulum, amemus.* Sed non amat qui in eum peccat. Gen. 37. *Nolite peccare in puerum. Frater enim & caro nostra est.*



In Festo SStephani Protomartyris, CONC.  
*Lapidas eos qui ad te misi sunt.*

Cum lapidatur Stephanus, JESUS stat ad dextris DEI. Quid hoc? An, quod dixerat, potest DEus ex lapidibus facere filios Abrahæ, ad faciendos ut artifex confurgit, cum tantum vidit lapidum imbrem? An cum cælos pulsari audit, surgit ut videat, quis pulset. An venienti ad se occurrit Stephano, & sic *apparet ejus humanitas*? An veluti Princeps alteri intentus operi, si fortè audiat clamorem tolli in platea, assurgit, & prospicit per fenestram, ut quid sit rei videat? An veluti Dux ut militem animans ad pugnam ostendit vulnera, quæ ipse in alia pugna pertulit & tamen victor evasit? Omnia hæc.

Facit ex lapidibus Filios Abrahæ, & ad hoc adhibetur Stephanus. Erat ibi unus lapis durissimus, qui ut omnium manibus jaceret lapides omnium lapidantium custodiebat vestimenta, hic erat Saulus. Pro illo dat pretium Christo Stephanus ut eum faciat Abrahæ filium, Augustin. serm. 1. de S. Stephano: *Si Stephanus non orasset, Ecclesia Paulum non habuisset.* Inde in capite Stephani corona de lapide pretioso, quia de conversis à se dicit Paulus: *Vos estis corona mea.* S. Thom. de Villanova, conc. hodie: *Stephani lapidari Martyris est duritiam cordis emolli.* Unde Ambros. l. 5. hexameron. cap. 6. Os Stephani contulit cum ore piscis illius quem Christi jussu cepit Petrus & in ore illius staterem invenit, quæ solvit naulum. Sed stater Stephani non soli suffecit Paulo. Audi Nyssenum orat. de S. Stephano: *Stephanus oratione peccatum eorum, quod sceleratis manibus sanguinari quasi exarabant, delebat.* Et Oecumenius in Act. 7. Asserit, non solum Pauli, sed omnium lapidantium peccatum,

tum, propter ejus orationem dimissum, nec solum eo tempore, sed etiam postea Stephanus fecit Judæos ex lapidibus filios Abrahæ. Nam cum inferrentur in urbem Majoram insulæ Majoricæ S. Stephani reliquæ, sunt à Judæis lapidibus impetitæ. 540. fuerunt, ut scribit Engelgrave conc. hod. isti lapidatores, ne unius lapis pervenit ad sacras reliquias, interim Synagoga illorum fulmine est exusta, & ipsi facti filii Abrahæ, quia receperunt baptismum. Extendit hanc vim Sanctus etiam ad Ethnicos, scribit S. Augustin. 12. Civitat. Moriebatur quidam Ethnicus, nec ullo modo converti voluit. Sed statim ac ejus filia Christiana flores ex altari S. Stephani sumptos pulvillo ejus supposuit, exclamavit: advocate Episcopum, Christianus sum: Professus fidem Christi, mortuus.

Stat Christus ut videat quis tam vehementer cælos pulset. Cæli usque ad Christi ascensionem ita fuerunt obserati ut nec porta appareret ac si essent integrè fusi ex ære. Job. 37. *Fabricatus es cælos qui solididissimi sunt velut ære fusi.* Unde hoc? Creavit DEUS omnia & in ditionem homini tradidit. Sed ubi hic rebellavit, vastavit hæc omnia velut hostilem terram, & solum tantum reliquit quantum homini sufficit ad vitam, minuit claritatem soli, lunæ, stellis: virtutem herbis, insuper cælum clausit, Levit. 26. *Si non obedieritis mihi, addam correctionem vestram septuplum, daboque vobis cælum sicut ferrum, & terram aneam.* Quod licet de posteriori tempore dictum, bene tamen priori aptari potest. Tum creaturæ factæ sunt in occasionem peccati. Honores stimulant superbiam: divitiæ avaritiam, sanitas luxuriam: bona aliena invidiam: cibi gulam: adversitates iram: tempus denique acediam. Inde Rom. 8. *Omnis creatura ingemiscit servituri subiecta.* Ascendit Christus, cælos ardenti suo amore solvit, jam homo factus melior quia DEI affinis, Psal. 59. *Cum egredereris DEUS in conspectu populi tui, terra*



*mora est, cæli distillarunt. Jam ad portas accessus patet, pulsate aperietur. Aperite portas. Pulsat Stephanus petendo gratiam, pulsant & Judæi ut descendat in eos vindicta, fit pulsus insolitus. Damian. ferm. hodie. Clamor lapidantium crudelitatis: clamor Stephani erat amoris & pietatis. Prospicit Christus, aperit Stephano portas, veni primogenite. Hinc intelligite, cur de Stephano dicitur: Lapidibus illi torrentis dulces fuerunt, quia ad illorum strepitum porta cæli aperta est. Hinc de eo, Gregor. Nyssen. Veluti teneris floribus circumfusus in dulcem simul & beatum somnum delapsus est. Hoc nobis dulces faciat pro cælo labores. S. Thomas de Villanova. Transiit citò quod cruciat, permanet æternum quod coronat. Qui non laborat pro cælo ita agit ut ille, qui dicit, Eripiam Turcæ regnum; interea nec milites colligit, nec arma parat, imò Lucifero similis. Certum est quòd ille de cælo ideò decidit quia DEO similis esse voluit. Quærent Theologi in quo similis esse voluit, non in natura, nec enim tam erat stultus ut hoc attentaret, & tandem S. Thomas ait: Quia ut Deo debetur beatitudo, ita ille ob excellentiam suam voluit sibi esse debitam. Hinc pater quare, Christus Petro dissuadenti sibi passionem dixerit Christus, Vade post me Sathana, quia voluit ut Christus non laborando pro cælo illud acciperet, quæ fuerat mens Sathanæ, nempe, Luciferi.*

*Affurgit ad novum Christus spectaculum, ad quod etiam nos invitat Damian, conc. hod. Curramus ad spectaculum ad quod currit, qui exultat ad currendam viam ut gygas. Certè magnum spectaculum. Maxim. Taurinens. conchod. In illa lapidum ruina, quando alius oblivisci poterat etiam charissimos suos, Stephanus Domino commendabat inimicos. Et quidem non solum, inimicos commendasse, sed etiam cum lachrymis pro suis supplicasse tortoribus, scribit S. Aug. conc. hod. Quærit S. Thom.*

2.2. q. 83. a. 12. Cur mentali orationi adjungamus vocalem? & respondes. Id fieri ex quadam redundantia ab anima in corpus ex vehementi affectione. Id maxime in Stephano patet. Mirum est, non assurrexit Christus cum Stephanus vincebat quinque Academias, Cyrenensium, &c. Non assurrexit dum viduis prospiceret &c. atqui erant magnæ virtutes, assurrexit dum lapidatur. Quia videt quid novum. Christus in cruce dixit sitis, sitis est appetitus potus, passionem suam appellavit calicem, igitur illam appetiit, & plus adhuc pati voluit, ita Stephanus appetiit etiam hoc ne mors ejus vindicaretur, imò gratia conferretur occisoribus, qui est summus gradus fortitudinis, ac Christo dignus spectatore. Fortitudo est media inter timorem & audaciam & versatur circa aggredienda & sustinenda adversa. Sed quid horum majus? Quid difficilius? amittere quæ jam possidemus, an quæ non habemus velle consequi? certè primum est difficilius, ideò in sustinendis advertis quæ nobis famam vitam tollunt, major fortitudo. amittebat vitam, sanguinem Stephanus, summa est fortitudo, sed quanta dum non clamabat. *Vindica sanguinem, cujus vindictæ jus possidebat?* imò clamabat: *Ne statue illis hoc peccatum*, hoc est, 1. Corinth. 4. Quod de passis multa dicit: *Spectaculum facti sumus DEO, & hominibus, & Angelis.* Hoc est, de quo laudat suam Sponsam Ecclesiam. Cant. 4. *Mille clypei pendens ex ea.* Clypeorum est pati hostiles ictus, non hostes ferire. Hic est rubus ardens incombustus in quo vult DEUS videri. Hinc Christus consurgens ostendit Stephano suas plagas. Et ego per plagas vici, non time plagas, triumphabis honori tibi erunt cicatrices. *Domine ne statuas illis hoc peccatum.* Dominus es, potes condonare ut tuis condonasti crucifixoribus. Græcus textus habet. *Ne imponito illis hoc peccatum.* Ne imponas ad pœnam veluti jugum, juxta illud Thren. 1. *Vigilavit.*



laruit jugum iniquitatum mearum, in manum ejus convoluta sunt, & imposita collo meo. Jugum, quia cum DEO agimus omnia, peccator concursus ejus in malum detorquet. Post jugi labores crescit seges, post peccatum vindicta, seminat peccator voluptatem, metit dolorem. Theodoretus legit: *Ne ordines contra illos peccatum ut aciem militarem.* Ita in cap. 7. Actor. 59. Quia peccatum videtur nobis servire, sed ubi ad conflictum venit, est contra: ita peccatum contra te erit in morte. Orat Stephanus, gaudent suo peccato Judæi velut milite, rogo ne in illos vertatur Basil. legit. *Ne ponas oculos peccatum eorum.* Orat Stephanus, illi non habent pro peccato quod me occidunt, nec tu habe, illi post tergum cogitationem majorem facti posuerunt, & tu pone. Lorinus: *Ne statuas eamquam infamem columnam peccatum eorum.* In hac columna scribuntur omnes peccati circumstantiæ, & legentur in mundi fine. Gaspar Sanchez. *Ne stare facias contra eos fulmina.*

## In Festo S. Joannis Apostoli & Evangelistæ, CONCIO.

*Vidit discipulum, quem diligebat Iesus.*

**A**ldistis ne aliquando quod manens ipse castissimus, & cum dolore suo & cum Matris suæ, ipse agonisans, genuerit sibi Fratrem & non infantem, sed annorum circiter viginti. Idque suo sermone? Hoc contigit hodie. Christus in cruce moriens, inter summos dolores suos & matris, de suo sanguine, genuit sibi Fratrem Joannem. *Mulier ecce filius tuus!* Et quod verè Joannes sit factus B. Virginis filius & Christi frater, habes pro hac re Pet. Damiani: *Sicut dixit Apostolis. Hoc est corpus meum, ita dixit Matri, Hic est Filius tuus, & sicut ibi factum fuit corpus, ita hic Filius.* Nempe adoptione spe-

ciali. Hoc ipsum docet S. Thomas de Villanova. Hanc Fratritatem consideremus, & quid eam consecutum.

Mirum dixi quòd Christus genuerit sibi Fratrem Joannem, sed dicam admirabilius, quòd iste Frater eadem vixit animâ quâ Christus, ita Ecclesia: *Ecce puer meus electus, posui super eum Spiritum meum.* Quod ipsum quasi explicaret Dionys. Areopag. cum ait: *Anima plus est ubi amat quàm ubi animat.* Jam verò. *Hic est discipulus quem diligebat Iesus.* Itaque anima Christi fuit in Joanne, natus Joannes ex verbo. Quia si per verbum Christi renasci possumus, etiam nasci. 1. Petr. 2. *Renati non ex semine corruptibili, sed incorruptibili per verbum DEI,* Luc. 8. *Semen est verbum DEI, & est tam fecundum ut ex illo creverit, cælum, terra.* *Dixit & facta sunt.* Præparabat ad hoc Joannem Christus cum sine illo ferè nullibi esset, in Thabor, in monte Oliveti, in cœna ultima suo pectori admovit.

Hinc fratrem noluit sua celare arcana, ait de illo Isidor. cum in pectore recumberet. *Raptus est ad tertium cælum.* Unde Evangelium ita scripsit, ut illi competat. *Aquila tulit medullam cedri, non corticem, non ramum.* Origen. *Ioannes raptus supra omne cælum intrat in causam causarum,* de Joannis scriptis est illud. *Mandragora dederunt odorem.* Nascitur hæc planta similis homini, sed caput deest. Similis homini Joannes, sed non est caput quod illius possit intelligere scripta. Uno verbo, ut ait S. Thomas de Villanova sermone hod. *Revelavit illi secreta personæ, secreta regni, secreta domûs.* Sed quomodo? Ambros. Sermon. 18. *Etiam Christus in pectore Joannis recubuit.* Secretum est Regni illius prædestinatio. Cum vidisset in cælo 12. lapides etiam nomen suum in uno scriptum vidit Joannes. Recubuit Joannes in pectore Christi, sicut cum quis venam auri quærit, & eâ divite repertâ, ex illa sumit. Recubuit Christus in Joannis pectore, sicut Phœnix in rogo amoris de qua



quo ipse moriens suscitaturus erat Joannem, in rogo doloris, quia B. Virgo Christum in lætitia genit, Joannem in dolore obtinuit sub cruce, planè altera Rachel, quæ Josephum, Salvarorem Ægypti sine dolore protulit, Benjaminum junio-rem cum magno dolore, & vocavit Benjaminum, id est fili-um dexteræ. Quia dextera Christi in cruce operabatur vir-utem. Christus est Patris dextera, & Spiritus S. *Digitus Pater- nae dexterae*. Recubuit supra pectus ut olim Jacob petram suppo- sivit capiti & visiones vidit, ita Joannes pectus Christi, & in eo ut in loco proprio quievit, ut planta Orientalis in sua terra, piscis in aqua. S. Thom. proæm. in Joan. *Licet reliquis Aposto- lis & Sanctis DEUS dederit sapientiam, Joanni verò maxime, cui secre- ta sua revelavit*, Psalm. 67. *Ibi Benjamin adolescentulus in mentis excessu*. Vocavit alios Apostolos, *Principes Zabulon & Nephtali*. Joannes adolescentulus, quia teste Hieron. vix annos viginti attigit cum factus Apostolus.

Ita in his secretis profecit ut cum Ezechiel describeret fa- ctam quadrigam ex animalibus factam, quæ currum gloriæ DEI vehabat, aquilam supra animalia locaverit. Gregor. in Ezech. 1. *Locus Aquilæ non juxta, sed desuper describitur, quia Ioan- nes super ceteros Evangelistas dum Verbum describit, excellunt*. Sed magis id ipsum explicat Damiani serm. 1. de Joan. *Illud Ioan- nes attigit, quod non Propheta, non Patriarcha, non denique quispiam ab ipso primordio cognoscitur in carne positus aspirasse*. Revelavit il- li Christus secreta regni, meruit tibi regnum, ostendit hoc Jo- anni in Apoc. ibi quæ de Episcopis statuit. Scribe Angelo E- phesi. Ibi statum Ecclesiæ, plagas in mundum venturas, ibi electos, præmia Martyrum, Virginum, &c. de Antichristo, de Hæresibus, Religionibus. In Evangelio aperuit ipsi suam Di- vinitatem, quod quantum sit, testatur Prochorus ejus disci- pulus, indixit Ecclesiæ Asiaticæ triduanum ieiunium, post ipse

ad montem cum Prochoro secescit: tunc audiri tubæ ac tonitrua de cælo, & vox sonuit de cælo. *In principio erat Verbum.*  
*Ecce.* Hanc Joannes excepit.

Sed mirum est quòd Joannes non de hoc gaudeat, sed solum: *Discipulus quem diligebat Iesus.* Habuit certè & aliqua quæ de se scribebat, cum de Magdalena non sit omissum quòd fuerit peccatrix, de Matthæo quòd federit in telonio, de Petro reprehenso. Sed solum scribit, *quem diligebat.* Potuit scribere quòd fuerit Virgo, quòd illi mira sint revelata. Mystერი-um hic est. Faciamus miracula, omnes opes & scientias, imò & Prophetias habeamus, nihil hoc totum, nisi nos diligit Iesus, nisi prædestinati simus, non in hoc gaudere, quòd damonia ejiciatis, sed quia *nomina vestra sunt scripta in cælo.* Hoc Joannes vidit, de hoc gaudet, cætera sine hoc nihil profunt. Quid ergò nos de honore, nobilitate gaudemus? quid hæc respectu eorum de quibus Joannes gaudere noluit? Signa prædestinationis possunt ex Joanne colligi. 1. Esse Virginem. 2. Esse Filium per devotionem B. Virginis. 3. Crucem Christi non deserere. 4. In pectore Christi per ciebram. 5. Communionem recumbere. 5. Dilectioni proximi studere, hoc S. Joannes senex unicè commendabat cum jam loqui plura non posset. Tertull. de Pænit. *Sumus unius regni, civitatis, domestici DEI, Fratres, sed quia inter nos potest esse lis?* 1. Corinth. 12. *Unius corporis membra.* Unde Christus: *Pater oro ut sint unum, sicut ego & tu unum sumus.* Et rursus. *In hoc cognoscant vos quòd mei discipuli estis, &c.* Non in multa Oratione, non in miraculis. Reliquit nos suo testamento fratrum nostrorum tutores, ut hoc modo fiamus & illius hæredes. Dimittamus propter Christum offensas: Joseph dimisit Fratribus propter Jacob. Gen. 51. Non est tamen danda anima pro amico, ut dedit pro Eva Adam: hæc charitas nobiscum ad cælum ibit. 1. Cor. 12. *Charitas nunquam excidit.* In



## In Festo Innocentium, CONCIO.

*Vox in Rama audita est, ploratus &  
ululatus multus.*

**Q**uærere quis posset, cur S.S. Innocentium festum celebratur, clara sunt merita Joannis, Stephani: at istorum quæ sunt? Mereri non poterant, quia & Infantes & non baptisati: & si vixissent, fortè aliqui illorum Phariseis juncti fuissent, fortè clamavissent cum aliis *Crucifige*. Deinde mortui quidem pro Christo, sed illi id non expetierunt, sine voluntate autem nullum est meritum. Ad hanc quæstionem, ut Innocentes defendam, respondebo.

In primis Baptismo aquæ opus non habuerunt, cum sine baptisati suo sanguine, qui etiam verè est Baptismus, & hoc modo Philosophi qui cum S. Catharina passi; baptisati sunt, tollit enim Martyrium & peccatum originale, & si quæ sunt alia, ita ut Martyr si tamen dolebat de peccatis, rectè in cælum evolet. Et ex Christi meritis cælum occupat. Jam quod illorum attinet Martyrium. Jam antea conceperat Herodes animum occidendi Christum, audiverat enim à Judæis, mittendum Messiam qui illos è servitute exemisset, regnum interim illorum occupabat, sic metuebat ne Christus hic esset, his rationibus: audivit miracula quæ Christo nascente contigerant, audivit de prophetia Simeonis. *Salutem ex inimicis nostris, &c.* Quæ sibi adscribere poterat, cum se sciret non gratum, esse Judæis, & tyrannum. Sed rebellis propriorum filiorum illum detinuit. Maxime verò illū perculit cum Magi venerunt quærendo novum Regem, cum scripturas Judæi exponerent, jam natum esse Messiam, noluit tamen Ierosolymis egredi, ne illo absente Judæi aliquid molirentur; & ad concilia versus. Pro-

videndum

videndum est de securitate meo throno, dubitari non potest, si natus sit Judæis Mesfias, gens hæc quid non facit? certum etiam quod in Betlehem natus, sed quis ille? nati sunt etiam ibi alii. Conclufum, occidatur, & quia nescitur, quis ille, omnes à bimatu & infra occidantur, neceffariò & ille peribit. Sed quomodo id fieri poterit sine tumultu? Judæi vel abscondent filios si negotium odorati fuerint: vel si apertâ vi agemus, tumultus instat horribilis. Arte opus. Non multò ante Cæfar Augustus cùm jussit describi orbem, mandavit ut totus districtus Betlehemiticus se in Betlehem sisteret. Paruerunt, hoc habito exemplo & modò jussu confluent, miles interea copiosior mittatur Betlehem veluti causâ securitatis, illi veniant inermes. Sed quomodo id ipsum? Avidi sunt pecuniæ Judæi. Ego Herodes veluti præmium daturus quod se non miscuerint tumultibus qui mihi erant cum filiis, incipiam à Betlehem. Sit hæc dies festa. Et ut videar etiam obligasse hanc gentem in futurum, etiam infantibus pecuniam numerabo, & ab his incipiet largitio, deinde ad majores procedet. Adducant nunc Matres infantes à bimatu & infra in Betlehem, majores se interim domi contineant, tum miles irrumpat nec parcat. Placuit consilium, tum fidissimas militum convocat turmas, & ait. Quo sint res loco meæ ac vestræ videtis, si pereo nec vos securi, nec vivo dum alter auditur Rex Judæorum. Obstringit deinde fidem, nec periculum eorum petit, victoriam fore sine cruore, dum ensibus non parcant ac omnes infantes à bimatu & infra tollant, in his certè etiam novum Regem periturum. Sibi relinquant, quomodo infantes in unum locum convocentur, hoc factò fit cædes.

Jam ad Martyrium Innvotentum, de quibus S. August. *Ille de vestra corona dubitabit qui parvulis non prodesse Baptismum existimat.*



*existimat.* Ad sanctitatem requiritur voluntas, quia virtus est in medio, inter extrema vitia medium sine usu rationis degi non potest, & qui debilioris sunt rationis, facile in extrema impingunt. Sed ad sanctitatem quæ est ex baptismo non est opus voluntate, quia in eo sanctitas datur, non propter virtutem, baptisati sed ex meritis Christi. Sicut tamen est opus ut maturus homo voluntarie suscipiat baptismum, ita & Martyrium, sed in infante hoc non requiritur. Sic isti sancti licet non habeant propria merita, habent Christi, & magis æstimari debent, quò nobilius est Martyrium, hoc vero in his nobilissimum. Stat quispiam Rex in acie, pugnatejus quispiam miles fortiter contra hostes; suos tuetur, alter asistit Regi, & cum hostis ad Regem penetrat ut eum occidat, defendit, pro eo se exponit. Quis plus fecit? certè qui Regem servavit. Ita planè est. Alius Martyr pugnavit veluti pro militibus Christi, subiit Martyrium pro iustitia, pudicitia, fide, &c. Sed isti occisi sunt ut ipsius Christi vitam defenderent, isti ferrum ipsi Christo paratum exceperunt. Rursus, duo coloni afferunt Principi fructus diverso tempore, unus statim initio æstatis, alter in fine, cujus sunt gratiores? Certè idem est apud DEum, gratissimi primi. Ipse iussit Deut. 26. *Cum intraveris quam terram D. Deus daturus est tibi, tolles de cunctis frugibus tuis primitias, & pones in cartallo, &c.* Videte Parentes cui vestras primitias offerunt Filii. Christus Matrimonium inivit cum Ecclesia, hoc est, nobiscum, expectat fructus, quos illi damus? Propterea speciatim gaudet de his Innocentibus. Apoc. 14. *Hi sunt qui cum mulieribus non sunt coinquinati, & sequuntur Agnum quocunque jerit.* Quem locum illis applicat Ecclesia. Obtulit hoc primos suos fructus Christus DEO Patri. Hinc etiam illorum meritum quale in illos cadebat æstimemus. Magni meriti est compescere blasphemum cum suo periculo, magni, periorum; at

hic non ita persona Christi patitur; quanti erit Christicidam avertere.

Æstimemus ergo hos Innocentes, & quia vicini sunt. Agno, oremus ut nostras illi preces proponant & suas illis interponant.

In Circumcisione Domini.  
*Vocatum est nomen ejus JESVS.*

**P**LANè ita cum mundo fiebat, sicut cum aliquo homine: mittuntur ei, quotidie, victus, vestes, munera quærit à quo? dicitur à tuo Patre, non scio quis ille, quomodo vocetur, ô si scirem? hoc Jacob desideravit Gen. 13. *Dic mihi quo appellaris nomine?* Hoc Isajas 26. *Nomen tuum in desiderio animæ meæ.* Hoc totus mundus sapientiorum nomine, quorum Salomon. Eccl. 39. *Nomen ejus requiretur à generatione in generationem.* Hoc Moysès. Quis es Domine, quod nomen tuum? solum illi dicitur. *Ego sum qui sum*, ac si diceretur, quid ad te, nomen meum mihi. Hodie tandem, & se ostendit, & nomen *Vocatum est nomen ejus JESVS.* Sine dubio cum hoc instar magni doni faciat, multa in hoc contineri bona, saltem conabor evoluerè aliqua. Nomine suo judicat quem antea dederit thesaurum, quem homines non agnoscebant. Scilicet tempus. Ergo thesaurus est tempus? Interrogate animas in Purgatorio quantum darent pro hora temporis, quâ se per pœnitentiam ab illis pœnis exolverent, interrogate damnatos, interrogate, quid darent? omnes thesauros mundi, omnem sanitatem, nobilitatem, honores. Itaque tanti est tempus. Sed ignorabant ejus valorem, itaque cum ostendit cum nomen suum initiis annorum velut notam pretii apponit; atque si diceret tantum valet tempus atquo ego. *S. Bernardin. fer 4. post Dom. 4.* Quod

*Tempus*



*Tempus tantum valet quantum DEVS, quia in tempore bene consum-  
pro comparatur DEVS. Si tantum valet, ergo in eo est, quod de  
nomine JESU dixit Bern. 15. in Cant. Habes o anima eleduarium  
in vasculo quod est JESU nomen. Igitur si bene utamur tem-  
pore, medicinam in illo habebimus. Continet hoc nomen  
victoriam. David lapide Goliathi caput confregit, quare? &  
unde hæc vis. Joan Cartagena lib. de SS. Trinitate i. hom. 9.  
In medio lapidis quo David prostravit & interemit gigantem inven-  
tum fuit SS. nomen illud JESU. Per hoc nomen vicit Michael Lu-  
ciferum, Apoc. 19. Vicerunt propter testimonium verbi quod habe-  
bant, Bernardin. de Busto exponit, propter nomen JESU. Ad  
hoc confugit Moyse cum ingentem vidisset exercitum Ama-  
lecitarum, constituit Ducem, qui ut scribit S. Ambr. vocabatur  
Auxes, & vocavit illum Josve. Quod idem est ac JESUS  
quid factum? & hostes debellat, & Soli ac Lunæ imperat. Ba-  
sil. hom. de Transfig. Sol & Luna steterunt ob reverentiam no-  
minis quod gerebat. Recepit munitiones idem ludendo ad  
canendo, & suapte muri Jericho corruerunt. David ubi su-  
am militiam describit, quæ omnes in circum debellavit, sic ait.  
Alii in curribus, alii in equis, nos autem in nomine Domini &c. Con-  
tinet hoc nomen ne nobis bestię noceant. S. Ignatium M.  
Leones metuebant attingere, quia in corde suo scriptum ha-  
buit nomen JESU. Non nocebant aquæ, imò si opus fuerit,  
cedit mare viâ. Scitis quid egerit Moyse cum Pharaone.  
Sed quo usus instrumento? virga. Exod. 4. Reversus est Mo-  
yses in Egyptum portans virgam DEI in manusua. Cur dicitur  
virga DEI? Abulensis in 4. Exod. quæst. 10. de hac virga narrat.  
Crevit in terra Madian, in horto Jethro focii Moyfi, à nullo  
rescindi potuit nisi à solo Moyse, qui etiam in illa sculpsit no-  
men DEI. Hinc virga DEI, quia nomen DEI, seu JESU in illo  
sculptum. Dixi initio felicitatem temporis in JESU nomine,*

contineri, & ex illius usu fluere alia bona. Quomodo tandem bene utendum tempore? hoc modo, quem indicat hodie JESUS. *Fecit DEUS hominem ad imaginem suam.* Sciebat quod homo in multis esset aberraturus, proposuit illi imaginem suam, velut Pictori aliqua originalis imago proponitur, ut illam aspiciendo suam conformet: sed quia hæc imago DEI non patuit oculis, homines ad eam parum attendebant, hinc tot errores. Proposuit hodie visibilem in JESU, hanc aspiciamus, in nobis protuberat superbia, non est in JESU, tollamus. In nobis lutum lascivit, ignis iræ, contractura invidiæ, &c. Incipiamus à superbia Ps. 39. *Aures aurem perfecisti mihi.* Hieron legit, *perfodisti*, signum mancipii erat, Perfossa auris. Nam ut est Exod. 21, Tempore Iubilæi omnes à servitute dimittebantur, sed qui in servitute voluit manere auris ejus circum liminari subulā affigebatur, id planè apparet in circumcisione, quæ dabatur in stigma peccatori, assumpsit sponte Christus personam peccatoris, ecce datur illi stigma. Hic domat superbiam. Dices, hic me affecit convitio, despexit, detraxit. Vide imaginem, quid gravius potuit Christo accidere, quàm instar peccatoris signari? Voluit hoc propter te licet non merebatur, tu qui millies mereris, renuis? Ps. 8. *Quid est homo, quod memores ejus?* si nihil mali egisses solum quod sis homo, notas omnes ob originale mereris, jam enim & DEO rebellis, à castis ejus ad hostem profugus, omni misericordiā indignus, omni pænā dignus. Hebraicè homo *Emos*, explicat hanc vocem Hieron. *Adeò malis obrutus ut nulla sit spes evadendi.* Post Adam nulla spes alia nisi vel limbi vel inferni Iob. 17. *In profundissimum infernum descendet anima mea.* Si ita miser homo ob originale, quid si peccata alia accesserunt? Et quid sine DEO potest, & quomodo DEUS illi adesse debet? itaque humiliter in omnibus DEI auxilium petas, de tuis viribus nihil præsumes sollici-



sollicitè interim rem tuam geres, sed totam spem in DEO repones. Cogita, si reperisses aliquem in luto a quo suffocabatur, nudum, vulneribus concisum; & illum extraheres, mundares, vestires, sanares, hæreditate donares: an non iurare ab illo exigeres ut tibi deinceps obediret, mandata humiliter acciperet? plus DEUS fecit quando nos de nihilo extraxit & millies plus quando nasci & fundere sanguinem pro nobis voluit, & non obediemus ejus præceptis? Aspiciamus hanc imaginem, & nos emendemus: & tempus nobis illa præstabit quæ dixi. Aspiciamus, Ps. 2. *Apprehendite disciplinam.* Hieron. legit. *Osculemini Filium.* Digninè sumus Domine ut nobis in exemplar venires, postquam ad prius non attendimus. ô Fili DEI, pedes tuos osculamur. Pænas merebamur, tu præmia proponis. Si quis dum nobis, flagra, rotæ, parantur, nos ab his liberaret, hoc modo, eritis liberi me solum imitemini, nec talia faciam quæ facere non possitis, certè ejus manus oscularemur, & ipsum omni modo imitemur, si quis pro nobis partem horum faceret.

## De Eadem CONCIO II.

### *Consummati dies octo.*

**S**I tantum aufereret tempus minus de illo queri possemus, sed dum ipsum fugit nos secum rapit, & dum ipsum perit nos interimit. De hoc est questus Hieron. ad Heliodorum. *Quotidie morimur quotidie immutamur.* Omnis hora nos carpit. Menses sunt sicut illi larvati satellites duodocem Magdeburgensium; hi enim cum gessistant inimicitias cum Burchardo suo vigesimo septimo Episcopo, & tandem ficta pace decemptum carceri intruferunt obscuro, collocatis in eo prius duo-

decim larvatis cum fustibus, qui eum veluti spectra impetebant donec conficerent. Quid de hoc & fugitivo & tam noxio faciemus, includam carceri, & vobis ipsis custodiendum dabo, fortè jam non carpet, sed edomitus bono nostro serviet.

Sed quo carcere tempus potest teneri? ferrum, marmora, consumit &c. Si arena clepsydræ conspergatur, velut Athleta visâ arenâ fortius evadit, pulsat campana horologii ut mortuo, ille currit. Stylo horologii solaris non retinetur, mutat illum in scipionem cursorium, interea est tanti, ut Nazianz, cum magna veritate dixerit *Minutissimi temporis DEVS à nobis rationem reponet.* David illud coronam appellat, quia continuo voluitur. Ps. 64. *Benedices coronæ anni,* claudatur tamen illud sed in quo? in gutta sanguinis Christi quem hodie effudit. Dominari potest ejus sanguis tempori. Historia scholastica dum scribit de illo quod contigit 3. Reg. circa templum Salomonis, in cujus fabrica neque malleus neque securis audita, narrat quod Salomon filium struthionis lagenæ vitreæ inclusit, attulit struthio vermiculum, quem dum lagenæ applicuit, statim rupta est: notavit hoc Salomon, conquisivit ejusmodi vermes, dicebantur Zamir sive Comir, illorum sanguine loco malleorum frangebatur & æquabat marmora, & sic evitabat ictum mallei. *Vermis & non homo* Christus, sanguis ejus rupit in morte petras etiam tempus retinebit. Nomen JESU ut est apud Sybillam cumanam continet tribus vicibus octo, quod idem est ac 24. horæ diei, & octavus numerus significat beatitudinem dimidium hujus numeri, 12. menses, duo octo juncta quasi anni quadrantem continent, tria octo simul juncta, annum prope & dimidium, septima dies quietis, octava beatitudinis in qua ligatum est tempus neque amplius est præteritum aut futurum, sed semper præsens. Si enim JESUS Græcè scribatur cum literæ græcæ eadem sint numeri, producit



888. Itaque ter beatitudo, & ter à fugacitate ligatum tempus. Videte jam quid tempus agat æternitati collatum seu in DEO clausum æterno?

Jam quod ut fluvius currebat, clausum corona & in seipsum redit. *Benedices coronæ anni.* Videte quas herbas in hac corona invenietis, quem dabunt odorem? gloriarine poteritis. *Christi bonus odor sumus?* an verò possit nobis dici Exod. 5. *Fecisti fetere odorem nostrum coram Pharaone & servis ejus?* Apoc. 12. Juvenitur in cœlo corona duodecem stellarum, quasi signorum Zodiaci, an in hoc corona sit Caper fætens, furi-rib uduş sagittarius, retro progrediens cancer? an verò libra justitiæ, virgo castimonix &c. Videte Ecclesiastici an in hoc sero sit libra? qui beneficia erigunt in sacerdotes sua transferunt peccata sicut 1. Reg. 15. Saul in Samuelem, porta quæso peccatum meum. Unde peccatis populi vestimini & Oseæ. 4. *Peccata populi comedes.* Dicitur sacerdoti, quot animas sub cura habes pro tot peccatis gemere debes. Unde Greg. *legatur in hom. dñi S. Adalberti. De manu tua requiram sanguinem animarum* Vñtatum, est symbolum ab Ægyptiis sumptum tempus exprimere per serpentem caudam tuam in ore habentem. An quia juventutis via tortuosa ut serpentis? sed tamen serpens pellem suam deponit, deponite iuvenes cum viri facti estis. *Fuistis tales &c.* An quia homines ad verbum DEI claudunt aures? Ps. 57. *Furor illis secundum similitudinem serpentis, & aspidis surda obturant aures suas ne audiant vocem in cantantis sapienter.* Unde Basil. orat. in Adolescent. *Quibus te verbis curabo? Regnum DEI non curas, gehennam non metuis, quæ super est medicina?* Sed quomocunque te serpenti sociaveris, efferabitur quando non puas, & te occidet. Audi Paulum Heb. 10. *Frivram faciens legem Moysi sine ulla misericordia moritur, quanto magis dererit- ora mereri putatis supplicia, qui Filium DEI concultaverit.* Sicut.

Debera

Debora Judic. 5. *Conculcavi anima mea &c. Et sanguinem testamenti pollutum duxerit.* Quid est polluiere 4. Reg. 23. docebit Josias qui idola polluit. Sed veniet dies octava, & si dies milles octo vixeris, imò annos. Clamabit Christi sanguis de terra quem conculcasti. Jam hic non decem millia talenta repetentur, sed his pretiosior sanguis Christi. Utinam nobis contingat, quod Isai 28. *In illo die erit Dominus corona gloria, & serti exultationis residui populi sui.*

Quod Job dixit. *Transferunt sicut naves*, servit tempori, sicut in naven jam hic jam ille ingreditur, & ubi portum attingit navis, illis expositis ligatur, ligavi tempus in JESU sanguine. Non nascitur navis, ipsi illam fabricamus, si infida sit, ipsi in culpa sumus, nequam illam ex lignis solidis; & velut de sermo dicendum sive Corona, non inseramus flores fætidus. *Ego flos campi & lilium convallium.* Sed hic flos JESUS, Salvator, ut eum innectamus, curemus nostram salutem. Sed quid est Salvatorem innectere? est illum imitari. Bern. serm. de Circumcis. *In Nativitate Domini habemus quod imitemur.* Est paupertas tanta, ut pro illo involvendo cum non haberet B. Virgo alias fascias, ut scribit S. Antonius 1. part. tit. 15. Velum capitis detraxerit. Est abstinencia, nam ut scribit S. Vincent. non habuit lac B. Virgo quod infanti daret, suspexit in cælum, & miraculosè impleta sunt ubera. Non habuit calorem quo refoveretur, admovit B. Virgo bovem ut illum suo halitu calefaceret. Est humilitas, in medio animalium positus est Dominus cœli & terræ, jam hic infra formam servi descendit. Guericus Abbas serm. de Annunt. *Vicisti Domine, vicisti superbiam meam, ecce do manus meas in vincula tua, accipe me servum sempiternum.* Sed ad circumcisionem eamus, in hac punctum honoris versatur quod nos tanti facimus. Hic plane Ps. 97. *Cantate Dominum canticum novum quia mirabilia fecit.* Fecit, exhibuit



se stigmati peccati, ac si esset peccator. Carthusianus in dictum Psalmum ait. *Defecerunt laudes David.* Conferamus Circumcisionem cum cruce, qui crucifigitur non eo ipso peccatorem se proficitur; at verò quo circumciditur. Unde apud intelligentem, quid sit peccatum, circumcisio est quid maximum; insuper circumcisio repræsentabat totam passionem Christo, & dum illam susceperet, integrum usum habuit rationis, benè omnia intelligebat. Quia revelata Abrahamæ demissio DEI, quòd esset futurus homo verbis illis, Gen. 17. *Poenam fœdus meum inter me & te*, ut Ambr. lib. 2. de Abraham. cap. 3. Cecidit in faciem deosculaturus eam terram, quam Mesias calcaturus erat. Si revelato mysterio Incarnationis, ut scribit Laur. Justinianus de Annunc. B. Virgo, *solo prostrata dixit: Ecce ancilla Domini* quid ad Circumcisionem? Suscipiet quis personam servi, sed non admittet stigma. Quid nos ad hæc Christiani? Tertullian. lib. ad Scapulam dixit. *Nos non aliunde noscibiles nisi de emendatione vitiorum.* Et Salvianus, lib. 4. de gubernatione. *Dæmoniacam esse Fidem non pœnitere.* Ligatum est tempus in gutta sanguinis Jesu. Igitur æternitas est. Concludo història quam ponit Cantipratanus lib. 1. cap. 3. Dum Conradus Hildemiensis Episcopus disponeret se ad dicendam concionem solitarius: statuuntur sedes velut in tribunali, & venit Christus, confidet, adducitur quidam in vestibus Episcopalibus, more solito Ecclesiæ, degradatur à Christo, & vestibus exuitur, tandem carnifici occidendus traditur, & acclamatur: *Dum tempus habemus, operemur bonum.* Hoc eodem tempore in Germania mortuus quidam Princeps Episcopus. *Dum tempus habemus.* Juravit Angelus in Apocal. *Non erit tempus amplius.*

## In Epiphania Domini, CONCIO I.

*Invenierunt Puerum cum Maria Matre ejus.*

Matt. 2.

**C**oncilium Ephesinum, prout est apud Emmanuel. Sa in cap. 1 Joan. num. 68. sic explicat mysterium Incarnationis. *Sermo humanus cum induerit literarum elementa fit visibilis & tractabilis, sic Verbum DEI tractabile invenitur.* Ex quo ita formo. Sicut verbum hominis quamdiu est in mente, soli illi homini est notum: sic aliquando Filius DEI soli DEO erat notus: sicut clam per vocem profertur, jam audiunt qui sunt simul, qui erant in Synagoga, erant in eadem domo cum DEO, audiebant de Filio DEI mittendo, per Prophetas, idque pauci audiebant, quia populo hoc mysterium non explicabatur. Cum scriptum est in charta verbum, jam quis vult legere potest, si publice pateat, legebant Pastores, legere alii contempserunt. Venerunt hodie Magi ad legendum, & quid legerint, dicam.

Descriptit Propheta, quod Gentes essent lecturæ hoc verbum. Isai. 30. *Eruat oculi tui videntes Præceptorem tuum. Erunt subter omnem excelsum, & super omnem collem elevatum rivi, curren-  
tium aquarum in die interfectionis multorum, cum ceciderint turres: currebant rivi lacrymarum, cum multi pueri interficerentur, quod factum quando ceciderunt turres, id est, tres Magi pro-  
cidentes, adorârunt Christum. Idem Abacuc 3. Aspexit Mes-  
sias, & dissolvit Gentes, & contriti sunt montes sæculi, tres Magi,  
incurvati sunt colles mundi ab itineribus æternitatis ejus. Iter æter-  
nus non habet, cum ex Patre nascitur, quia in eodem ma-  
net; sed cum induit carnem, facit iter, peregrinatur. Utraq;*  
Pro-



Prophetia admodum obſcura, nec ulli clarè indicatum, quòd Gentes eſſent recepturæ Meſſiam. Poterat hoc quidem conjicere Gedeon, cùm primò vidiffet ſolùm vellus plenum pluviâ, hoc eſt, ſolam Judæam notiâ Dei; poſtea vellus ſicum, & circa illud pluvia plena omnia. Poterat Heli, cùm audiſſet arcam DEI in manus Gentium deveniſſe: celabat qui aliquid de hoc intelligebat. Quia notum erat odium Judæorum verſus Gentes, ſeu nationes diverſas, nota invidia, ut ſi cognoviſſent ad illas, ad te, tranſituum Meſſiam, ipſam Scripturam S. exuſſent quæ id promitteret futurum, ut putat Eutimius.

Non ſolùm Judæis Deus promiſerat Chriſtum, ſed etiam Gentibus. Num. 24. Prophetat Gentibus Balaam. *Videbo eum ſed non modò, intuebor illum ſed non propè.* Quia expectandi erant mille quingenti anni, ut Chriſtus naſceretur. *Orietur ſtella ex Jacob, & conſurget virga ex Iſraël, & percutiet Duces Moab.* Ex hac natione fuerunt iſti Reges: obſervabant hanc ſtellam ex monte dicto Victoralis, tandem eâ nocte quâ natus eſt Chriſtus, apparuit ſtella non in cœlo, ſed in aëre, tam clara ut etiam de die videretur. Addit S. Chryſoſt. quòd in illa ſtella erat imago Pueri habentis crucem in fronte, & cùm Magi veſſent illam ſtellam adorare ut DEUM, Auguſt. ait, quod monuerit eos Angelus ne id facerent, ſed verum DEUM quærerent; ſed & internè illos illustravit. S. Leo ſerm. i. de Epiphania. *Dedit aſpicientibus intellectum, qui præſtitit ſignum.* Ita cùm Judæi indignè agunt, cum Chriſto eodem tempore excitantur Magi qui illum honorificentiffimè adorent. Tum conſilio Magi ſecum inito. Iſte eſt Rex, quia prædixit Balaam, *conſurget virga*, id eſt, Sceptrum, offeramus aurum. Eſt DEUS, quia ſtellæ illi ſerviunt, thus illi debetur. In ſtella monſtratur ut homo, & quidem cum cruce, quæ mortalem indicat;

demus myrrham. Ecclesia dicit. *Magi videntes stellam, dixerunt ad invicem, &c. S. Fulgentius serm. de Epiph. Attende quid obtulerunt, & agnosce quid crediderunt.* Insuper, ut ait S. Vinc. hodie. *Credo etiam, quia Rex qui portabat aurum, voluit indui de panno aureo; & ille qui portabat thus, de purpurâ albâ: & qui myrrham, scarlacâ rubeâ.* Stella, quæ duxit Magos, non fuit ex stellis quas videmus, ut docet S. Th. 3. p. q. 36. a. 7. Sed fuit de novo creata in aëre vicino terræ. Et Aug. contra Faust. *Non ex illis erat stellis; quæ ab initio creatæ itinerum suorum ordinem, sub Creatoris lege custodiunt, sed novo Virginis partu novum sydas apparuit.* Progressi Reges, intra dies tredecim, &c. absolverunt miliaria 180. Cum oportebat ad latus declinare, stella declinabat: cum montem ascendere, ascendeat: cum quiescendum, stabat, &c. Sed cum Judæam intrarunt, stella disparuit. Tum consultabant, tandem concluderunt: saltem camus Jerosolymam, ibi intelligemus. Judæi suum Regem ostendent. Sed ô Reges! scitisne quod Herodes dominetur, de alio Rege quæri non sinat? Iverunt eò, & qui tunc sermones in Jerusalem! tum impletum est. *Fortitudo Gentium veniet tibi.* Fortissimi Reges non cadunt animo. Herodes dissimulat, ut intelligat, quis iste sit novus Rex, & illum tollat. *Didicit ab eis tempus stelle, & vocavit doctissimos Judæorum, quid de hoc sentirent.* Ostenderunt ex Scriptura promissum sibi Messiam, Regem Magnum: tempus adventûs ejus inesse: Eum nasci debere in Bethlehem, & tunc impletum. *Ambulabunt Gentes in lumine tuo.* Tu illos docebis, illuminabis. Tum egerunt Judæi, ut ait Aug. serm. de Epiph. Sicut fabricatores Arcæ Noë, qui aliis vas, quo salvarentur, ministrârunt, ipsi diluvio perierunt. Exierunt Jerosolymis Magi, stella de novo compareret. O quantum gaudium! Disparuerat stella, ut ad Scripturas recurrent, magisque in fide solidarentur, & Judæi qui illas



illas exponabant, fierent inexcusabiles. Venerunt in Bethleem; Cives se negant scire alium Regem præter Herodem. Stella hæc omnibus parebat. Ut dicit S. Maxim. hodie non prodest obstinatis Judæis. B. Virgo adhuc in eodem stabulo degebat in quo pepererat. Stella supra stabulum stetit, instinctu interno cognoverunt Salvatorem, adorârunt. Moniti in somno ne redirent ad Herodem; postea baptizati à S. Thoma, & facti Episcopi, &c. Jam invenerunt scriptum in carne DEUM. Andr. Cretensis, Orat. de Assumpt. B. V. *Ipsa B. V. est liber verè vivus Verbi Paterni, tacitè inscripti vivifico calamo Spiritûs S. in carne, ex illa sumpta Verbum Divinum est scriptum Videamus quid legerint.*

Hoc sine dubio, quod scriptum erat. *DEVS, Filius DEI Sapiencia Patris.* Et certè mira Sapiencia. Miratur S. August. quæst. 83. de Novo Testamento, cur S. Matthæus, cum enumerat Genealogiam Christi, omiserit Ochoziam, Joam, & Amasiam Reges; utique Joram genuit Ochoziam, Ochozias Joam, hic verò Amasiam, ut patet ex 4 Reg. 9. tum Amasia Oziam. Ille verò ponit, Joram genuit Oziam: & responder, id fecisse Matthæum, ut, expunctis tribus impiis Regibus, hodiernis tribus Sanctis locum relinqueret; & eorum locum occuparent, sicut Matthias Judæ. Nam Ochozias idola erexit, Joas templum spoliavit, sub Amasia, ob ejus scelera, vastata Jerusalem. Non fidamus, quia nati sumus ex Catholicis, si malè vivamus, & hoc quod habemus, *auferetur à nobis, & dabitur Genti facienti fructum.* Hinc illi in quantam humilitatem devenerunt. Repellis, Domine, tuum dilectum populum ob scelera eorum, & nos ex idolatris assumis, &c. DEUS tu es magnus, quomodo in tuo conspectu standum? Hic & nos legamus, quod est Rom. 11. *Si naturalibus ramis non pepercit, ne forè nec tibi parcat, qui cum oleaster esses, insertus es in olivam. Frax*

arbor sylvestris, recepit te in suam misericordiam, sed non percipit meliori, vide & tu. Non curant Reges Majorum alicujus præclara gesta, si ipse fiat proditor. Psal. 2. *Apprehendite disciplinam, ne quando irascatur Dominus, & pereatis de viâ justâ.* Prælati, 1. Petr. 5. *Pascite qui in vobis est gregem, &c.* Clerici, *Sine lumbi vestri præcincti.* Divites, *Date, & dabitur vobis, &c.* Sed quomodo hi Reges possunt inter Genitores poni? Nemo ibi ponitur, nisi quocunque modo significabat Christum, ut Achaz horologium, Thamar gemelli qui notabant duas gentes. Ruth spicas post messem colligit, quia derelictos Christus erat collecturus. Rahab, suâ terra relicta, vadit ad terram promissionis, &c. Et ita hi tres Reges spectant, quia non jam per figuras, sed clarè ostenderunt Christum.

Quid adhuc isti Reges legerunt in Christo? Quod esset homo pauper. ; Obtulerunt munera Et modò est pauper in membris, *sed apertis thesauris* S. Th. in Matth. cum primò aperuerunt, cum ad Christum venerunt. Alii dissipant in via, nihil superest quod dent Christo. Thesauros suos aperuerunt. Non poterat illis objici, quod Liberius Papa Constantio Imp. qui illi aureos mille miserat: *Tu Ecclesias orbis terræ expilasti, & nunc mihi ut damnato & egenti offers elemosynam, abi primum, & fias verus Christianus.* Expendunt auro pretiosius tempus, ut ille de quo Bernardin. de Busto, serm. 29. Quidam Florentiæ totus mundo deditus, nullum tempus dabat Pœnitentiæ; incidit in morbum, uxor vocat Sacerdotem, prævenit aliis & se cum illo clausit in camera specie Sacerdotis. Sed deinde nec iste Sacerdos, nec corpus ægri repertum. Viderunt Pauperem, contempserunt omnia, & agnoverunt, ad hoc dari opes ut quis sibi per illas emat cœlum. Viderunt se perinde morituros ut pauperes, & ne in crucem æternam incidant, muneribus agendum.

Sed



Sed quis nobis daret stellam, quæ nos ad Christum duceret? Datur, nec una. Stella est prosperitas: quid putatis, etiam persecutores sunt stellæ? Vidit Joseph Patriarcha undecim stellas, & hierant Fratres qui erant vendituri illum in Ægyptum. Præcedunt nos istæ stellæ, non sequimur. Job 9. Claudat DEUS stellas *sub signaculo*; producet illas aliquando. Pugnabunt hæ, *Jud. 5.* contra Sisaram stantes in ordine suo. Sacramenta sub suis vexillis, dignitates sub suis &c. Job. 34. *Rebelle lumini.* Dan. 13. *Declinaverunt oculos suos, ne videant cælum.*

## De Eadem. CONCIO II.

*Matt. 2. Ecce Magi ab Oriente venerunt.*

Quòd contigit 3. Reg. 1. hoc ipsum hodie video. Promiserat David Salomoni Regnum, sed illud præripere tentavit Adonias; hoc cognito David, tres mittit Principes, qui proclament Regem Salomonem. Promisit DEUS Christo. *Tibi dabo Gentes hereditatem tuam.* Usurpavit hanc sibi Princeps hujus mundi, mittit DEUS hodie tres Reges, ut Christum proclament Regem. Audiamus hanc proclamationem.

Ex dispositione Patris regnum mundi pertinebat ad Christum: Sed per septem suos Duces Lucifer illud occupaverat. Primus erat Leviathan. Job 41. *Ipse est Princeps super omnes filios superbiæ.* Alterum supra avaros posuit, id est, Dæmonem, Mammona. Tertium supra luxuriosos, Asinodæum de quo Tob. 6. Quartum, Beelzebub supra invidos, qui Judæos contra Christum incitabat. Quintum, Beelphegor gulosis dedit. Ps. 105. *Initiati sunt Beelphegor, comederunt sacrificium mortuorum.* Sextum, Baalberith iracundis, Judic. 9. *De fano Baalberith con-*  
*ducit sibi viros dominans omnibus.* Septimum, Astaroth dedit Re-

gem

gem Acediosis. 1. Reg. 7. *Auferte Deos alienos, Baalim & Ashtaroth de medio vestri.* Hoc totum describitur, Apocal. 7. Vidit mulierem, in cujus fronte scriptum Babylon. Bestia quæ illam portabat, habebat capita septem, quæ sunt montes septem, super quos sedet mulier; & Reges septem sunt qui cum Agno pugnabunt, & *Agnus vincet eos, quoniam Dominator Dominatorum est Rex Regum.* Procedunt è contra Reges hodierni, & ingrediuntur Jerusalem, ut in ea proclamant Christum Regem. Mirum est, quòd Herodes id patiat: sed clarè confitentibus Christum non deest DEI clara protectio. Ivit Sponsa in Cant. quæsitum Sponsum. *Invenerunt me vigiles qui custodiunt civitatem; nunquid quem diligit anima mea vidistis?* professæ est clarè se Christum quærere, nihil passa: exivit deinde ubi id non est professæ. Quid factum? *Quæsi vi illum & non inveni, invenerunt me custodes, & percusserunt me, & tulerunt pallium meum.* Ambr. in Psalm. 118. serm. 7. *Quâ ratione supra non tulerunt, hæreo repente: nisi fortè quia ibi interrogasse se dixit.* Nunquid quem diligit anima mea, &c. Projecti Pueri in fornacem, Dan. 3. non adusti sunt Pueri, neque Rex, qui etiam fornacem accessit, benedicens DEUM. Quare hoc? Chrysost. tom. de tribus pueris. *Necessariò ab ipso igne cognoscitur, qui Dominum cæperat confiteri.*

Interrogat Herodes Magos, cur venistis? *Venimus adorare eum.* Convocat Rabbinos, ut tantò sit clarior Christi promulgatio. Micheæ 5. *Ex tu Bethleem, &c.* Regnat apud illos Beelzebub. Non legunt Textum integrum; sequitur enim. *Egressio ejus à diebus æternitatis:* quod si legissent, fortè Herodem ab infanticidio deterruissent. Sed hoc erat non DEI, sed Principis placito servissè, & ita in Judæos gladios Herodis strinxerunt. Videbant etiam Judæi stellam. S. Maxim. serm. in Epiphani. id asserit. Venerunt Reges ad stabulum; & ut idem S. Maxim. *Stella emittebat novos & clariores radios, ac si diceret: hîc est*



est Rex quem queritis. Ingrediuntur, & DEUM ac Regem profitentur; unde hoc? S. Paschasius in Ps. 144. Dicitur *JESVS* in vultu & oculis quidquam habuisse sidereum, quo Divinitas permulceret pios, & terreret reprobos. Alias eum nequaquam Apostoli sequuti fuissent ad unam iussione: nec qui ad comprehendendum eum venerant prostrati, mox solâ voce corruissent. Adorant Christum, & impleri incipit Ps. 72. Et adorabunt eum omnes Reges terræ, omnes Gentes servient ei. Factâ hac promulgatione, procidunt Reges, & Summo Regi dant munera. Aug. sermon. 1. de Nativit. *Adbuc in manibus matris portabaris, & jam Rex orbis agnoscebaris.* Postquam Magi denunciarunt Christum Regem; jam & ipsi ab Evangelista vocantur Reges. Aspexerunt stellam, proclamaverunt Regem. Leo, serm. 1. *Dedit aspicientibus intellectum, qui præstitit signum: & quod fecit intelligi fecit & inquiri, & se inveniri dedit requisitus.* Habemus jam Regem, non admittamus alium. Non regnet in nostro mortali corpore peccatum. Offeramus munera, dum Regem agnoscimus. Chrysol. serm. 103. *Indevotus, satis est vacuus adorator, probat hoc Magus, qui onustus auro, succensus thure, sacratus myrrhâ, Christi cunabulis inclinatur.* Saltem pro Christo ita faciamus divitias, ut malimus iis carere quàm graviter peccare. Hieron. epist. 34. *Elias ad cælorum regna festinans non potest ire cum pallio.* Offeramus thus amoris. Cantic. 3. *Sponsa tanquam virgula fumi ex aromatibus.* Hieron. *Benè virgula fumi concremata intus incendio amoris, scilicet in corde.* Theophilaët. in Luc. 18. *Docuit Publicanus percutiendo pectus, unde procedat oratio.* Offeramus myrrham patientiæ, hæc Sacerdotibus facit similem. Scivit David quod illi non liceret edere de panibus propositionis, edit tamen, quia patiebatur tunc Saulis persecutionem. Hieron. in Sophon. 2. *David non erat de Sacerdotibus, nec illi licebat comedere panes propositionis, sed quia persecutio Saul virtutum illius profectus erat, propterea in fuga sua dum nescit, subito An-*

ristes efficitur, & accipit panes propositionis, & non violat mandatum DEI. Denique cum S. Leone, ferm. 2. de Epiph. Quem Magi Infantem venerari sunt in cunabulis, nos Omnipotentem adoremus in cœlis; ac sicut illi de thesauris suis mysticas species munerum Domino obtulerunt: ita & nos de cordibus nostris, quæ digna sunt, DEO promamus.

## In Festo S. Sebastiani Mart. CONCIO.

*Beati eritis cum vos oderint homines.*

Lucæ 6.

**N**OVUM quid; *Beati eritis cum vos oderint homines.* Beatitudo felicem facit; ideò Philosophi aliqui ponebant illam in honoribus, alii in divitiis, alii in voluptate & similibus; sed in odio quis posuit? Christus, ergo ita est. Ergo inde Beatus est Sebastianus, quia odio habitus: Hanc propositionem defendam.

Contra illam dici potest. Quod viro bono non debet accidere, non est beatitudo; Afflictio verò & odium hominum non debet accidere: igitur in ea non potest esse beatitudo. At si ita esset, cur diceret vir justus? *Tetendit arcum suum, & posuit eum quasi signum ad sagittam.* Certè justo non vult malè DEUS, imò verò vult benè. Et sunt mala sagittæ Domini. Ps. 44. *Sagittæ tue acutæ.* Ps. 7. *Sagittas suas ardentibus fecit.* Sunt verò signa salutis. 1. Reg. 20. Jonathas dixit David: *Si dixero, sagittæ intra te sunt, pax tibi; si sagittæ ultra te, dimisit te Dominus.* Hoc est Ezech. 9. Signum Tau, in quo à morte liberamur. Domini sunt sagittæ; quia non solum ad bona, sed etiam ad mala, dum non sint peccata, hæc enim solum permittit, concurrat DEUS, & illa vult, ut morbos, dolores, & similia. Isai. 45.

*Ego*



Ego Dominus, & non est alter, formans lucem, bonum intellectum, & creans tenebras, ruditatem, faciens pacem & creans malum, bellum. Item, Ecl. II. Bona & mala, vita & mors, paupertas & honestas à Deo sunt. Item Amos 3. Si erit malum in civitate, quod Dominus non fecerit? Mala enim poenae infert DEUS, vel ut nos sanet, è peccatis educat, ob quem finem etiam Medicus dat amaras potiones, secatur, urit, Ps. 15. *Multiplicata sunt infirmitates eorum, postea acceleraverunt cum conversione scilicet ad DEUM.* Vel hæc mala immittit DEUS, ut præservet à peccatis. 2. Cor. 12. *Ne magnitudo revelationum extollat me, datus est mihi stimulus carnis meae, Angelus Sathanae qui me colaphizet, &c. Libenter igitur gloriabor in infirmitatibus meis.* Vel illas DEUS immittit, ut quis magis in virtutibus proficiat, ut S. Jobo. Igitur cum præservari vel eripi à maximo malo, aut etiam ad majus bonum promoveri sit felicitas, etiam pati erit felicitas. Præterea felicitas est posse aliquid DEO pro ejus in nos beneficiis reddere; hic verò redditur. Christus pro nobis effudit sanguinem, pro illo martyr effundit. Ps. 115. *Quid retribuam Domino pro omnibus quæ retribuit mihi? Calicem salutaris accipiam.* Ille pro me bibit de manu crucifixorum, ego pro illo de manu me odientium. Ille Luc. 12. *Positus est in signum cui contradicetur.* Ego quasi signum ad sagittam.

Jam quo ex dictis modis beatitudo pervenit ad S. Sebastianum? Si vitam Sancti consideremus, non videtur quòd DEUS illi in poenam sagittas immiserit. Dicit de illa vetus legenda; *Erat vir totius prudentiæ, ex universa morum honestate præclarus, inprimis devotus, & cum DEUS illi bona contulisset, quotidie gratias agebat; nam primo fuit incola Narbonæ, tum Mediolani, demum Romæ Præfectus militum. Et quia maxime conciliat victoriam spes in DEUM, nihil suis viribus tribuendo, cum iret ad bellum, totam fiduciam repon-*

nebat in DEO; discant hoc milites. Spes in DEO dat victoriam, videte eos qui orbem totum debellarunt. Cyrus 1. Esdræ 1. DEO cœli ædificari iussit templum, &c. Quid DEUS Isai. 45. *Ego ante te ibo, & gloriosus terræ humiliabo, portas areas conteram, & vestes ferreos confringam, &c.* versu 2. 3. 14. 15. dedit illi regnum Persarum ratione Patris, Medorum respectu Matris: deinde bello totius orbis dominium. Videamus Græcorum. Alexander DEUM verum invocavit, victimas & vota pro se iussit offerri, ut scribit Iosephus de antiq. Jud. libro 11. Videamus Romanorum. Et isti DEO verose commendari expetierunt. 1. Machab. 12. Muretes ut Leun. hist. lib. 5. Christianos Turca vicit, sed prius coram DEO vero unigenito cecidit, oravit, spem in DEO posuit. Idem fecit Amurates contra Ladislaum in Hungaria, idem Tamerlanes contra Bajazetem. Denique nullum est bellum, in quo, fidendo suis viribus non DEO, quis vicerit. Hinc semper victor Sebastianus. Circa seipsum etiam erat perfectus, nullus in mensa, vestitu luxus, ordinata domus. Erga proximum charitas magna, defendit pupillos, dabat eleemosynas. Justitia erat summa in eo, hæc enim est altera virtus quæ tribuit victoriam, non jam adduco pro hac re aliquem Prophetam vel Apostolum, sed audite Totilam Gothum ferum, cuius verba Procop. lib. 3. de bello Gothico hæc ponit. *Majores nostri victoriis orbem implevere non tam ferro quam justitiâ fulgente, qui tamen ubi æquitatis violavere jura, quanquam centum millia veterani militis habuerint, à septem millibus Græcorum victi sunt, exutique fortunis. Nos parva manus, viginti millia Romanorum cacidimus, caput orbis sub pedibus habemus, & aderit deinde secundis cum auxiliis nobis DEVS, si à rapinis, cædibus, & libidine seminarum nobis temperemus: tunc enim Gothica castra præceder justitia, justitia autem bellorum temperat sortes.* Uno verbo ita virtuosus fuit Sebastianus, ut

Conc.



Conc. hod. dixerit de illo S. Vinc. *Etiam si non fuisset Martyr, fuisset excellentissimus Confessor.*

An verò in Sanctum permisit sagittas, ut eum à peccatis præservaret, si hæ non fuissent illi infixæ? hoc soli DEO notum, qui scit sub quavis conditione quid futurum fuisset. Certè si mores Divi spectemus, à lapsu illi metuere non possumus. Ex verbis proditur quo sit plenus, sic avarus de lucris loquitur, &c. *Voces sunt earum quæ in anima sunt passionum notæ.* Matth. 17. *Ex abundantia cordis os loquitur.* Unde si Sanctus benè fundatus fuit in DEO, timere ille non potuit. Fuit summa Christianorum persecutio, ille in domibus, in carceribus fidem instruit, ad Martyrium roborat. Torquebantur Romæ Marcus & Marcellinus fratres, ut Christum abnegarent, accedebant uxores illorum & proles idipsum urgendo, & jam prævalere incipiebant. Tum Sanctus. *O Fortissimi milites, o divini prælii bellatores, per nimiam virtutem pervenistis ad palmam, & nunc per misera blandimenta coronas deponitis sempiternas?* &c. Ita corroboravit ut non solum illi, sed & qui ad seducendum illos venerant, Martyrium susceperint.

Supereft ergo ut dicam sagittas infixas Sancto ut Jobo, ut eum majorem facerent sanctum. Job. 6. *Sagittæ Domini in me sunt.* Postquam sanctos illos Fratres confortavit, renunciatum id Cæsari. Vocat Cæsar: es Christianus? Sum. Es proditor. Semper fui fidelis, tum minatur Sancto sagittas nisi deferat Christum. Eligit Sanctus & configitur, ut instar erinacei appareret, ut mortuus deferitur, sed à Christianis vivus reperitur, qui eum in domum quandam deferunt, sagittas extrahunt, & curant. Paulò post Domitianus & Diocletianus eunt ad idola adoranda, occurrit illis Sanctus dicens. *DEVS me suscitavit ut reprehendam vestram malitiam.* Tum jussu Cæsarium in hippodromo fustibus contusus moritur, corpus

in canalem sordium subterraneum abjicitur. Quod nisi contigisset Sancto, neque in Ecclesia tam fuisset gloriosus, neque contra pestem Patronus, contra quam sagittæ ejus sunt antidotum, ut passim Christiani experiuntur.

Quid nos respectu Sancti? Pl. 63. *Sagittæ parvulorum factæ sunt plagæ eorum*; Non jam bonorum ipoliatio, vulnera, mors nos impetunt, sed irrisionibus, diæteriis à DEO revelimur, lenes nobis DEUS dat medicinas quibus nos peccatis exolvat, præservet, faciat meliores, & plagas putamus graves.

In Festo S. Agnetis Virg. & Mart.

### CONCIO.

*Quæ paratæ erant intraverunt ad Nuptias.*

Matth. 25.

CHRISTVS regnum cœlorum ordinavit in modum Reipublicæ Romanæ. Omnes cives Romani erant Quirites, omnes nobiles: tamen alii fulgebant coronâ civili, alii navali, & murali, alii vallari, &c. ita in cœlo omnes sunt Reges. Apocal. 22. *Regnabunt in sæculum sæculi*. Tamen alii fulgent coronâ (quas vocant Aurcolas seu Laureolas) Doctorali, alii Martyrum, alii Virginali; & certum est quòd S. Agnes habeat duas posteriores. Videamus utra illarum major in Sancta.

Has coronas indicavit Exod. 25. *Facies mensam, in ipsa coronam, & super ipsam alteram coronam*. Affident Sancti mensæ coronati ut Reges, Christus *transiens ministrat illis*. Sed apud aliquos præter communem coronam est alia corona; &

in



in nullo sunt plures quàm tres, quia coronæ dantur certantibus, triplex verò solum certamen est: contra mundum, diabolum, carnem. Doctor vincit diabolum, cujus fraudes detegit; errores in quos inducit, aperit. Martyr vincit Mundum, ejus bona, etiam suum corpus deferendo. Virgo carnem. Item, in homine tria sunt præcipua: Esse rationalem, hoc captivat Doctor in obsequium fidei: Appetitus irascibilis qui impellit ad avertenda à nobis mala, de hoc triumphet Martyr: Appetitus concupiscibilis quo ferimur in ea, quæ sunt grata sensui, de hoc Virgo. Jam quæ aureola ex duabus in B. Agnete major? In se quidem quæ major istarum trium corona, ex duobus concludi potest. Quia Doctor circa veritatem versatus quærit res dignissimas: Martyr circa rem difficillimam, sed non ita diuturnam: Virgo rem difficillimam, sed per annos plures. Quid horum majus? sit sanè mundus contra quem pugnat Martyr; sit sanè dæmon contra quem Doctor, sed horum hostium jam à Christo fractæ sunt vires. Joan. 16. *Ego vici mundum.* Apocal. *Alligatus est Sathanas*, quia Christus cum his pugnavit; sed bellum nunquam iniit cum carne, nunquam ab ea laceffit. Igitur hic hostis non est fractus, ac proinde cæteris robustior, atque ex hac parte præstat cæteris laureola Virginalis. Quod si aliquis Sanctus duas vel tres habeat, illa in eo major erit pro qua impendit plus laborum.

Pro aureola Virginali hic labor Agnetis. Conspexerat eam aliquando filius Præfecti urbis Romæ, qui honor secundus post Imperatorium, & ita adamavit, ut vellet habere uxorem, misit munera. Ad ista Agnes. *Discede à me pabulum mortis, quia jam ab alio amatore præventa sum.* Quomodo aliæ stultam, aliæ propterea superbam dicebant, sustinuit Agnes, & iste labor erat alter. Illa in hoc prudentissima. Deuteron. 16. *Munera*

excœcant oculos sapientum, & mutant corda iustorum. Tertius: votum fecit castitatis annos habens duodecim. Tum in febrim lapsus Præfecti filius, agnitum à Medicis, quod propter amorem, & Patri aperuit quòd Agnetem adamaverit. Pater solatus, promisit illam fore uxorem vel concubinam. Vocata Agnes ad Præfectum venit cum Parentibus; tractatur de matrimonio. Sed Agnes: *Ipsi sum desponsata cui Angeli serviunt, cujus pulebri- tudinem Sol & Luna mirantur.* Præfectus ubi advertit esse Chri- stianam, ad terrores versus. At illa: *Annulo suo subarrhavit me Dominus, &c.* Tum Præfectus iussit illam duci ad lupanar, & proclamari, ut qui vellet abuteretur illa, & sic occideretur. Ecce quartus labor Agnetis. Ducta est nuda, sed subito capilli intantum creverunt, ut texerint totam; ubi deducta est, cir- cumdata est ab Angelo lumine, & veste induta candidissimâ, & tunc potuit dicere, *Isai. 61. Gaudens gaudebo in Domino, & ex- ultabit anima mea in DEO meo, quia induit me Dominus vestimentis salutis.* Quintus labor. Intrabant plures Juvenes, sed territi lumine recedebant; sed Præfecti filius, qui audaciùs irruit, à dæmone suffocatus. Audito hoc Præfectus, increpat Sanctam ut veneficam. At illa. *Ille cujus voluntatem volebat perficere, in eum potestatem accepit.* Tum orat Præfectus: si non es venefica, re- suscita filium. Fecit, & ille factus vivus exclamavit. *Vnus est DEVS in cœlo, & in terra, & in mari, qui est DEVS Christianorum.* Et hîc duo fecit Beata, suscitavit istius corpus, suscitavit & animam, quod est priore majus; nam August. in Joan. 14. *Majus est de impio justum facere, quàm cœlum & terram creare.* Idem asserit S. Th. 1. 2. quæst. 113. art. 9. Ex quo patet à contrario, quod qui alium in peccatum inducit, plus mali facit, quàm si cœlum & terram destrueret. Hæc S. Agnes pro laureola Virginitatis.

Jam pro laureola Martyrii. Voluit hoc miraculo viso  
Præ-



Præfectus liberare Agnetem: sed obstiterunt sacrificuli. Ideò ipse recessit, & Vicarium ad hanc causam substituit Aspasium. Hic iussit Agnetem exuri, sed flamma relictâ Agnete ministros Aspasii combussit. Ecce primus labor. Tunc Agnes. *Omnipotens, adorande, colende, &c.* Jam labor secundus. Aspasius jubet Sanctæ guttur gladio transfigi, & sic mortua. Jam judicate, pro qua laureola plùs fecit Agnes. Ego tali argumento pro laureola virginitatis concludo. Ipsa propter virginitatem etiam ipsum subiit martyrium; itaque majorem habet laureolam virginitatis quàm martyrii. Et hanc causam puto, cur de virginibus hodie legatur Evangelium. Et quia per oleum intelligitur charitas, oleum ejus non defecit, quia nec amor DEI sive charitas deficit, ideò parata introivit ad Sponsum. Ostendit ipsa id Parentibus apud suum sepulchrum orantibus. Viderunt enim exercitum ingentem virginum prætereuntem cum magno lumine ac palmis, inter quas Agnetem ad dextram, habentem agnum candidissimum, quæ subsistens dixit. *Videte, ne me quasi mortuam lugeatis, sed congaudete, quia cum his omnibus lucidas sedes accepi.* Propter hanc visionem fit secundo Festum S. Agnetis.

Sed antequam hinc recedam, aliquid sumam de oleo Virginis sapientis, & quoddam arcanum cœli indicabo. DEUS cum ad cœlum prædestinat, simul destinat cum quibus & quantis meritis quispiam cœlum accepturus. Itaque non dabit gloriam, nisi tantum afferamus nec minùs meritorum. Scimusne jam nos tantum habere, cur itaque torpemus? Venerunt usque ad portam Sponsi Virgines fatuæ, suntne admissæ quia defecit oleum? Plùs, dico, intraverat alter jam sponsi cameram; sed quia defuit vestis nuptialis, ejectus est. *Amice, quomodo huc intrasti?* plùs meritorum afferre debet Sacerdos quàm laicus, plùs Prælati quàm Sacerdos, *cui plùs datum, plùs*

ab eo requiritur. S. Gregor. docet quosdam non posse salvari, nisi mundum deseruerint. *Instante opere quod sua manu potest.* Addidit Virginitati Agnes Martyrium.

## In Festo S. Francisci Salesii. CONCIO I.

*Tradidit illis bona sua. Matt. 25.*

**O**Rigenes lib. 2. in cap. 2. ad Roman. Episcopus lucem coeli. *Et lux cæli, & Doctor ad illuminandum eos, qui in scientia cæci sunt.* In quo alludit dictum Christi, *Vos estis lux mundi.* De luce inventa in Scriptura. 1. Gen. 1. *Vidit DEVS lucem quod esset bona.* 2. Quod mala opera malorum detegit. 3. Quod omnia verè sine fūco ostendat. Quia onus magnum commisit Episcopis, oportet triplicem Sanctitatem habeant. 1. Personalem; ut, etiamsi non essent Pastores, adhuc essent Sancti. Secundò, ut sint Sancti in regenda domo sua. *Qui enim domum suam regere nescit, quomodo reget Ecclesiam DEI?* Tertiò, ut habeat sanctitatem Pastoralem. Ex his Pastori nulla sine altera sufficit ad salutem. Comprehendit hæc omnia 2. Tim. 1. *Sollicitè cura te ipsum probabilem exhibere DEO,* ecce primum. *Operarium inconfusibilem,* ecce secundum. *Rectè tractantem verbum veritatis,* ecce tertium. Et in his omnes sancti laudes continentur, quas aggregior.

Curavit Sanctus vitæ personalis sanctitatem, & in ea summus evasit. Præceptis DEI & Ecclesiæ intentus, operibus misericordiæ, quia non tantum damnatur qui agit malè, sed qui etiam non agit benè, ut patet ex Matth. 25. ubi propter solam bonorum omissionem, jubentur ire in ignem æternum. Quia verò præcipua sunt peccata, in quæ solent labi nondum in statu constituti; luxuria & detractio, ab iis Sanctus dili-

gen-



gentissimè cavit. Votum castitatis fecit Laureti Juvenis, & implevit. Talibus magna promisit DEUS. Isai. 56. ut legit S. Gregor. *Hæc dicit Dominus Eunuchis, qui voto facto sibi potestatem ademerunt. Qui custodierint Sabbata mea, & elegerint quæ volui, & fœdus meum coluerint, dabo eis in domo mea, & in muris meis locum, & nomen melius à filiis & filiabus.* de quo Gregor. Pastor. p. 13. *Quo apud Patrem loco habeantur ostenditur, quia in domo Patris, videlicet æternæ mansionis, etiam filii præferuntur, proinde ad cogitationes vehementer Sanctus attendebat, conscientiam sæpius de die inspiciebat. Quia ut Greg. libro 6. cap. 1. in Reg. Nil facilius quàm libido vincitur, si omnis immunda cogitatio devictur, tantò facilius disperdi potest, quantò unusquisque cogitare alia quàm carnis oblectamenta potest. De cætero dixit DEUS, Gen. 6. Non requiescet Spiritus meus in homine, quia caro est. Et quæ mala non supervenient, si Spiritus S. defuerit. Sine tuo Numine nihil est in homine innoxium, sequentur innumera peccata. Adhibuit ad hoc Sanctus jejunia; quia S. Evagrius ut est in vitis PP. Super omnia monebat Fratres, si qui fortè studium gererent, vel humiliandi corporis, vel phantasias ab eo demonum repellendi, ne in bibenda aqua largiori mensurâ uterentur. Quid diceret de aliis potibus? A detractatione summè cavit Sanctus, quia hæc non dimittitur nisi factâ restitutione famæ, & ut docet S. Th. ex genere suo est mortalis, & tollit cognitionem veritatis. Greg. lib. 8. ep. 45. Quid aliud detrabentes faciunt, nisi in pulverem sufflant? atque in oculos suos terram excitant, ut unde plus detractationis perflant, inde magis nihil veritatis videant? Tantum verò est crimen, ut dixerit Abbas Ipericius in vitis PP. libro 2. Monachis perpetuò jejunantibus. Melius est comedere carnes & bibere vinum, quàm comedere in vituperatione carnes Fratrum. Quæ eadem verba habet S. Ephr. in Parænesi. Addebat opera bona, orabat frequenter, mortificationes addebat, visitabat infirmos, occupationibus suis*

debat, & quidem studiis adeò, ut, expletâ Philosophiâ, & neologia Doctor in utroque jure evaderet. Uno verbo, sollicitè curavit seipsum probabilem DEO. De vita, non de Nobilitate judicabit DEUS, &c. *Vidit DEVS lucem, quòd esset bona.* Qui boni sunt, videbit illos ut bonos dispensatores bonorum suorum.

Fuit Sanctus illustri genere, vocabatur ut esset in Sabaudia Senator, quo spreto, Genevensis Ecclesiæ factus fuit Præpositus. Nam cum illi semel equitanti ter gladius exciderit, & semper in terra crucem descripserit; monuit illum ad Ecclesiasticam vocari disciplinam. Hic jam non solum de sua, sed etiam suorum salute sensit sibi imponi sollicitudinem. Nam non satis est ad salutem, si quis sanctè vivat, familiam verò habeat dissolutam, erunt hæc aliena peccata, sed quæ in caput ipsius recident. Ipse exemplo in omnibus præibat. Turbatus Rex Herodes, turbata cum illo Jerosolyma; de quo Bernard. serm. 3. in Epiph. *Nec mirum, si turbatur Herodes. Sed quòd Jerusalem, civitas DEI, quæ est visio pacis, cum Herode turbatur, quis non miretur? Videte, Fratres, quantum noceat iniqua potestas? quomodo caput impium, subjectos quoque suæ conformat impietati?* Ipse suos ad Missam audiendam convocare, ipse Festis solennibus ad S. Confessionem & Communionem; nulla pati verba obscœna, perjura, blasphema: ipse de noctibus suorum scire, nulli interea merces detenta, sed neque otiosus detentus. Nulli contumeliæ irrogatæ, sed justa castigatio non dilata. Greg. in 2. Reg. c. 3. *Notandum est de Heli, quia qui iniquè agentes filios non corripuit, iniquitatem fecisse reprehenditur, quæ in æternum victimis, & muneribus nequaquam expietur. Quæ ergo erit distinctio iniquitatis propriæ, si irremediabilis est negligentia curæ alienæ?* Sed qui debet corrigere suos, oportet illum Operarium esse inconfusibilem, ut nihil ipsi opponi possit quo confundatur; sit speculum sine macula.

Omnes



Omnes illum inspiciunt, & faciliè si quid est nævi advertunt. Sint Cant. 5. *Labia ejus distillantia myrrham probatissimam.* Sint ejus *Manus tornantes aureæ*; faciat ipse bonum, quod jubet alios facere, sit in eo quod dixit Euseb. hist. 6. cap. 3. *Quale habet verbum, talem & vitam.* Nam ut Nyssen. orat. in obitu Basilii. *Quis ignorat quòd omnis oratio ab operibus disjuncta, vana per se sit, & non subsistat?* Neque tamen sit nimis strictus, ut nec dissolutus. Hier. ad Fabiolam. *Super humerali rationale copulatur, ut non sit laxum, neque dissolutum.* Verba Domini sunt ut virga Moysis, quæ quando in terram projecta est, fuit serpens, nihil aliud edidit nisi sibilos: quando in manus sumpta, quando addita verbis opera, fuit scipio & fulcrum. Vult suos poenitere, ipse agat poenitentiam, &c. 1. Timoth. 4. *In omnibus exemplum esto fidelibus.* Ad hoc advertit Ps. 7. *Exurge Domine, in præcepto quod mandasti, & Synagoga populorum circumdabit te.* Remigius in l. c. *Appare, & manifestare in præcepto, quod mandasti primis Parentibus in obedientia & humilitate, ut per illam converteres eos ad te.* Præcepisti obedientiam, da illius exemplar tuo Patri: & dedit. *Factus obediens usque ad mortem.* Idem de jejunio, oratione, amore inimicorum, tunc Synagoga populorum circumdedit eum, paruit dictis. Quare Chrysost. *Qui facit quod docet, ille verè docet: qui autem non facit, non alium docet, sed seipsum commendat.* S. Augustinus, cum ad Statum Ecclesiasticum ascendit, de domo sua fecit Monasterium, & aiebat, ut dicit Possidon. non debere cum Clericis habitare affines etiam proximas. Ad Sacerdotium raptus non intrusus, latitabat per triennium in eremo, illud fugiendo.

Non prius S. Salesius à Granerio Episcopo assumptus ad Coadjutoratum, quàm dedisset specimen laboris Episcopalis, & merito dignus assumi debet, & quomodo dignitas, cujus nunquam conspecta est dignitas? missus à Granerio ad vindican-

candos ab hæresi Calvinistica Caballicenses, & alios finitimos Genevæ populos, multa ibi perpeffus, sæpè ad necem conquisitus, calumniis oneratus, denique 72 millia hæreticorum ad veram fidem reduxit. Assumptus à Granerio veris & Canonicis causis, eique mortuo successit. Tum verò prioribus habitis jam gradibus sanctitatis ad tertium, qui perfectior est quovis monastico, enixus. Primam curam habuit S. Canonibus satisfacere per omnia, prædicare tanquam proprium, ut est, habuit. Diocesim annuatim per se invisere. Synodos quotannis celebrare. Nullam domi suæ foeminam aut hæreticam pati. Sacrum, si posset, quotidie facere; si non posset, audire. Judicia spiritualia exercere, in Cathedra frequens esse. Confirmationis Sacramentum per totam diocesim circumferre. Tempia & Altaria consecrare, nulla tempora ab Ordinandis vacua transmittere. Testamentorum executionem urgere, decentiam in vestitu & moribus à Clero exigere, publica persequi peccata, providere ut Hospitalium administratio, Monialium clausura secunda essent. Nihil innovare, dies fori è diebus festis tollere, jejunii observantiam urgere, Theologos & Canonistas ad latus habere, & cum iis crebrò conferre. Seminaria revidere aut erigere. Rationes Visitationum evolvere, & medicinas malorum meditari. Causidicos qui oppressis iniquè Clericis adessent, suo ære alere; de ratione scholarum inquirere, pluralitati Beneficiorum obviare, ne in loco indecenti sacrificium offeratur, cavere, denique quidquid SS. Canones præcipiunt, exercere. Confecerat in subsidium hujus curæ sibi aliquot catalogos, quibus relegendis omni septimana dabat certas horas. In primo: erat necessitas, & reditus cujusque suæ Ecclesiæ ut illi prospiceret. In alio: vita, mores, doctrina, merita, uniuscujusque suorum Clerici, ut meritos proveheret. In tertio: viduæ egentes, & orphani, & alii miserabiles



rabiles, ut illis consuleret. In quarto: vitia publica personarum, ac hæreses, ut illis occurreret, quos omnes Catalogos juxta Visitationes quotannis restaurabat. In quinto: Ecclesias non consecratas, non confirmatos Sacramentaliter, ne illos omitteret. In sexto: lites circa patrimonium Ecclesiasticum. In septimo: Oeconomia, ut videret ne alicubi subditi gravarentur, aut etiam officio irrationabiliter deessent. In octavo: gratiæ & dispensationes concessæ variis, & earum usus vel abusus. Hæc omnia juxta summum ordinem. Jam aliæ fuerunt consultæ rationes circa ædificia, familiam, expensas, &c. Clericis ferè implebatur aula, nec ullus in ea crimine notatus, ad mensam sacra lectio fiebat; casuum & rerum Spiritualium conferentiæ. Nihil vanum, nihil sæculare, nullæ expensæ non sanctæ, nulli data sine justa causa dispensatio, nullus nisi auditus & convictus poenæ destinatus, idque servato juris processu. Incurrebant in Dicecesim hæretici & mali Catholici, tantò ille fortior, memor quid scripserit Gregor. in Evang. *Tranquillitatis tempore plerumque ad gregis custodiam sicut verus Pastor, ita mercenarius stat, sed lupo veniens indicat quo quisque animo ad gregis custodiam stabat, &c. Fugit non mutando locum sed subtrahendo solatium. Fugit, quia injustitiam vidit, & tacuit. Quibus bene per Prophetam dicitur Ezech. 13. Non ascendistis ex adverso, neque opposuisti murum pro domo Israël; ut staretis in prælio Domini. Fuit in eo summa charitas erga oves, sicut Greg. l. c. legit. Sicut novit me Pater, & ego agnosco Patrem, & cognoscor à Patre, quia animam meam pono pro ovibus meis, id est, eâ charitate quâ pro ovibus morior, ostendo quantum diligo Patrem. Bona in reparationem Ecclesiarum ac apparatus, in successum pauperum expendebat, in quo justitiam aliquomodo & eleemosynam explebat. Basil. serm. 3. in divites avaros. Quantum ceteræ antecellit charitati esurientem, fastidire ex ipso Conservatore conspice, qui, cum alia sapè præ-*

præterit humana incommoda, tamen esurientes respiciens, ait: *Misereor super turbam*; idcirco in extremo iudicio. *Esurivi, & non dedistis mihi, &c.* Ille dotem periclitantibus, ille ingenuis ad studia impensas, ille captivis lythrum, &c. Et DEUS admirando modo augebat opes. Hæc fuit Sancti Pastoralis sanctitas. Hoc modo rectè tractavit *verbum veritatis*; illi possunt verba S. Paulini attribui. *O verè sal, quo præcordia nostra, ne possint errore sæculi vanescere, condiuntur*, Illi possunt Isai. 52. *Quàm pulchri super montes, super solium, pedes evangelizantium pacem!* de his pedibus dici potest Ezech. 1. *Pedes eorum pedes recti.* In concionando illi potest attribui, quod Hieron. de Augustin. *Contra flantes ventos ardore fidei perstitisti.* Charitas Sancti in omnes se diffundebat, dabat eleemosynas corporales, dabat & spirituales, sed ut illas ad finem mundi daret, instituit Ordinem Sanctimonialium à Visitatione B. Virginis nuncupatum, additis constitutionibus sapientiâ, discretionem, & suavitate mirabilibus. Libros aliquot conscripsit tam suaves, tam ordinatos, tam claros, ut ad perfectionem Christianam non tam currere quàm volare faciat. Denique nullam boni Pastoris omisit partem. Fuit in eo summa erga Sedem Apostolicam obedientia, summa humilitas cum affabilitate conjuncta, summa abstinentia, & rerum mundi contemptus. Priùs fecit omnia quàm docuit, quare *magnus est in Regno cælorum.* Magnus inter Doctores, quia docuit. Magnus inter Monachos, quia novum Monialium ordinem instituit. Magnus inter Martyres, quia plurima ab hæreticis perpeffus. Magnus inter Confessores, quia in omni virtute ad mortem perseveravit.

## De Eodem. CONCIO II.

**Q**UI vult considerare, quomodo DEUS dimiserit illustriores in sua Ecclesia personas, legat Ephes. 4. *Ipse dedit quos-*



quosdam quidem Apostolos, quosdam autem Prophetas, alios verò Evangelistas, alios autem Pastores & Doctores. Miratur Hieron. & Haymo, cur Prophetas, &c. solos ponit, Pastores verò simul cum Doctoribus. Et respondet Hieron. Quòd, quicumque sunt Pastores, iidem debent esse Doctores. Sed ex l. c. idipsum colligitur, quia quinque sunt fines, propter quos Pastores instituti, seu quintuplex illorum officium; ita enim ibi consequenter S. Paulus. 1. *Ad consummationem Sanctorum.* 2. *In opus ministerii.* 3. *In ædificationem corporis Christi.* 4. *Donc occurramus omnes in unitatem fidei.* 5. *Ut jam non simus parvuli fluctuantes.* Ad hæc quinque sunt Sancto data bona Domini; videamus, quomodo per illa fecit lucrum.

Debet inprimis uti bonis Domini Pastor, in consummationem Sanctorum, id est, ad sancta consummanda, quæ erant pars nobilior templi, quæ solum semel in anno Sacerdos summus ingrediebatur. De his enim hic loquitur Paulus. Unde legit & explicat Chrysost. *Ad completionem, omniumque partium justam absolutionem.* Unde Pastor debet templa sæpè & suos accedere, veluti murum cum funiculo videre, quis malè emineat lapis, quis introrsum recesserit, ubi incrustatura decidit, ut refarciat. Ad quod circa suos opus scientiâ, ideò simul sit Pastor & Doctor. Eminent hæretici, plus volunt sapere quàm tota Ecclesia, oportet illos cum aliis cœquare: ad quod opus malleo verbi DEI & scientiâ, aliàs non erit Pastor & Doctor. Jer. 23. *sicut malleus conterens petras,* de verbo DEI dicit. Eminent extra muros. Ambr. epist. 79. *Qui cum in domo Domini habitare non possint, conventicula sibi quædam præparant.* Amos 1. *Secuerunt prægnantes Galaad ad dilatandum terminum suum.* In quæ verba Greg. Pastor, p. 3. *Galaad acervus testimonii, Ecclesiæ prægnantes animæ, Hæretici mentes Fidelium, quæ jam aliquid de veritatis intellectu conceperant, perversâ prædicatione perimunt, & scientiæ sibi*

nomen extendunt. Contra tales est opus verbo DEI, quo errores rerum revellantur, ut fecit S. Salesius in Rhætiis & in Helvetiis, & plura quàm 70 millia cum muris Ecclesiæ coæquavit. Sunt alii lapides qui introrsum abierunt, qui præ pusillanimitate viam virtutis fugiunt, his animi addendi. Sunt tepidi, qui ornamenta virtutum non quærunt; his dicendum cum S. Sylvano, ut est in vitis P P. *Ante omnia præ oculis habeamus ultimum diem, & momentis singulis æternorum suppliciorum tormenta formidemus. His enim causis anima se incipit agnoscere, corpusq; jejuniis ac vigiliis deprimens, ipsam mœrore luctuque continuo perseverat, donec Spiritus S. calore succensa supernæ contemplationis mereatur auxilium. Et hoc fecit Sanctus, & in vita suo verbo, & post, facit libris. Qui hoc non præstat, non est Doctor, ac proinde nec Pastor. Gregor. Pastor 2. c. 5. Pastores non solum sursum sanctum caput Ecclesiæ, videlicet Dominum contemplando appetunt, sed deorsum quoque ad illius membra miserando descendunt. Hinc Moyses crebrò ad tabernaculum intrat & exit. Quare non solum debent nosse vultum pecoris sui, sed ut ibid. Greg. Tales sese qui præsumt exhibeant, quibus subiecti occulta quoque sua pandere non erubescant: ut cum tentationum fluctus tolerant, ad Pastoris mentem, quasi ad matris sinum recurrant.*

*In opus ministerii. Opus Pastorem esse in continuo ministerio: consecrare Ecclesias, &c. orare pro suis, ut faciebat Paulus, Philipp. 1. Testis est mihi DEVS, cui servo in spiritu meo in Evangelio Filii ejus, quòd sine intermissione memoriam vestri facio semper in orationibus meis. Alioqui quomodo pretium laboris sine labore accipiet? De Pastoribus dicit Hugo. Ad operandum sunt dati isti, non ad oriandum; ad onus, non ad honorem. Quare omnia debent alia relinquere, & soli ministerio incumbere. Gregor. Pastor, p. 2. c. 7. Nonnulli velut oblici, quòd Fratribus animarum causa Prælati sunt, toto cordis adnissu, secularibus curis inserviunt.*

*Cum*



Cum subditus proficere spiritualiter appetit, in ejus exemplo qui sibi praelatus est, velut in obstaculo itineris offendit. Langueſcente enim capite in cassum membra vigent, & in exploratione hostium frustra exercitus velociter sequitur, si ab ipſo duce itineris erratur. Ita tempore S. Gregorii acciderat. Videamus Sanctum, an se ulli alteri negotio quam ministerio impenderit? Putabat sibi dictum Act. 1. *Segregate mihi Paulum & Barnabam in opus ad quos assumpsi eos.* Interrogabat se. Ad quid vocatus es? hocne tuum opus, in quod es segregatus? Tuum est ministrare. Nemo ſæcularibus se implicans negotiis, &c. Quid respondebis Pastori supremo? Opus ad hoc ministerium & doctrina, & labore. Quid respondebo, cum dicetur mihi. *Custos, quid de nocte?* Stetine pro populo sicut Aaron cum thuribulo, ut placarem iram DEI? Itane ferventer oro, ut DEUS dicat mihi quod Moyſi, Exod. 32. *Dimitte me, ut irascatur furor meus?* Tum lustrabat omnes defectus Ecclesiæ suæ, omnes angulos Dicecesis inspiciebat, remedia procurabat. Neceſſitatibus tam spiritualibus, quam temporalibus succurrebat. Ezech. 44. *Sacerdotes caput suum non radent, neque comam nutrient.* Explicat hoc loc. cit. Greg. *Capilli in capite, exteriores sunt cogitationes in mente.* Non debent ali, neque tamen radi, ut de illis nihil superſit, quando neceſſitas exigit.

*In ædificationem corporis Christi.* Caput est Christus; membra Fideles. Caput formatum à Spiritu S. membra facta à DEO, debent à Pastore perfici. Facta sunt per peccatum ex his membris aliqua membra dæmonis. Bern. in capite Jejunii. serm. 1. *Quis non sola contremiscat auditu? Abſciſſus à corpore Christi Sathana miſer incorporabor.* Videte, quale peccator monſtrum est. Auguſt. 2. Confess. 3. *Exceſſerunt caput meum vepres libidinum.* Alia membra qualia? Proponebat Sanctus tanquam Doctor, hanc & alias peccati turpitudines, & ita vivè illas depingebat, ut horrorem cuique incuteret, pectus quaterent.

Ostendebat, quale sit iudicium meritis, quas inferni poenas. Imitabatur in hoc DEUM, qui dixit peccatori. Ps. 49. *Arguam te, & statum contra faciem tuam.* Hieron. legit. *Proponam te ante oculos tuos, sicut fecit Augustino 8. Conf. 7. Et constituebat me ante faciem meam, ut viderem quàm turpis essem.* Si se benè aspiciat homo, dicit Basil. *Fortè graviolem quàm tenebras, & ignem æternum fore hunc pudorem, in iudicio extremo, ibi enim se videbit homo, qui se hîc non vult videre. Videbit & in inferno, ut nunquam non ob oculos habeant sceleratæ vitæ vestigia, tanquam inevitabilis alicujus tincturæ effigiem & formam.* Videat peccator statum suum. Osee 8. *Devoratus est Israël, nunc factum est in nationibus quasi vas immundum.* Cyrill. pro devoratus, legit, *absorptus est tanquam à dracone.* Pro vas immundum, Hebr. legit, *ut affirmat Rufinus, quasi macula.* Imò hîc sumitur continens pro contento, quia id sequitur ex devoratione; quod pudet eloqui. Foetidum dæmonis; coquit in ventre suo hominem, dum consensum obtinet; ejicit, dum factum sequitur. Ædificat ergo Pastor corpus Christi, cum ex membro, & vase immundo dæmonis facit membrum Christi; & facit ingens miraculum. S. Th. in 3. dist. 46. art. 3. *Majus est vivificare impium, quàm creare cælum & terram:* quia in creatione nihil est quod repugnet creanti; hîc verò est. Hoc ipsum dicit Gregor. in Dial. Sed si ipse Pastor fuerit vas immundum, quomodo non ludibrio erit dæmoni, indignationi DEO & Angelis? Hic Sanctus quidquid dixit, prius ipse fecit; prædicavit contra luxuriam, prius ipse castus, &c.

*Donet occurramus omnes in unitatem fidei.* Specialis cura Pastoris est: docere fidem. Heb. 6. *Sine fide impossibile est placere DEO.* Refutare hæreticos, qui fidem subvertunt. Judæos reducere. Lamentatur Bern. in Cant. serm. 66. *Dolendum valde, quòd non solum laici Principes, sed & quidam, ut dicitur, de Clero, nec*



*non de ordine Episcoporum, qui magis hæreticos persequi debuerunt, propter questum sustinent, accipientes ab iis munera. Et quomodo, inquiunt, damnabimus, non convictos nec confessos? Frivola satis, non ratio, sed occasio. Agebat vehementer Sanctus contra hæreticos, reducerebat in usum SS. Canones contra Judæos, &c. Quid si adhuc amicitia cum illis intercedat apud aliquem? Ambr. de Offic. 3. c. 16. Non potest homini amicus esse, qui DEO fuerit infidus. Greg. Moral. 25. c. 10. Impius propriè dicitur, qui à Religionis pietate separatur. De talibus Propheta ait, Ps. 1. Non resurgent impii in iudicio. Sperant huc etiam pseudopolitici, quibus fides tantum in ore, nec integra, ideo nulla. Id. ibid. Multos peste propria pravitatis obsessos sub Christiano nomine ipsa tranquillitas Ecclesiasticæ pacis abscondit, quos tamen si levïs persecutionis aura pulsaverit, mox extra aream tollit. Credere se dicunt, quia pudet inter Christianos se non profiteri Christianum, sed si hic pudor abesset, inveniuntur esse Athei. Quare Sanctus providebat, ne vel unica esset persona, quæ mysteria fidei ignoraret. Inter hæreticos ponebat doctiores Parochos, etsi tenuiores essent redditus, quia doctrina Clerici debet servire Christo, non opibus; bono Ecclesiæ, non crumenæ. Pseudopoliticos tanquam Doctores iisdem rationibus confutabat, quæ contra paganos adhibentur. Siquidem ad eas accedunt, imò fortè sunt deteriores, cum nullum DEUM agnoscant, & in omni cultu Divino mentiantur.*

*Ut jam non simus parvuli fluctuantes. In hoc denique Pastoris cura debet esse, ut non sint parvuli ejus populi, quibus lacte opus, sed jam solido cibo vescantur, ut ait Paulus. Lac sunt devotiones solum in externis consistentes, teneritudines quædam. Opus solido cibo, qui firmos & non fluctuantes constituat. Opus solidis virtutibus, quas suos docebat Sanctus. Humilitate, patientiâ, obedientiâ, charitate, injuriarum condonatione,*

tionem, restitutionem, & his non in speciem. Dedit in his Sanctus exemplum, & docuit. Ambr. epist. 41. *Audiens, diligit inimicos: audiens, dimitte omnia tua, & sequere me: audiens, qui te percutit in maxilla dextra, præbe ei & sinistram, &c. Et hæc non faciens, & vix diligens eum qui me diligit, non dimittens quæ habeo, injuriam acceptam ulcisci volens, & sublata mihi extorquere, cum Scriptura dicat etiam aliud, id est, plus quàm peritum aut ereptum est, concedendum: video me contra mandata DEI facere. Videte, an hoc Sanctus non fecerit, an bona eis animo non dimiserit, &c. an non docuerit hoc ipsum? an non omni studio laboraverit, ut oves suæ essent sine macula & ruga? Fecit & abunde, acceperat bona Domini, fecit de illis lucra, 100 millia animarum adduxit Domino, ecce, hos lucratus sum. Quid illi Dominus? *Euge, serve bone, &c. Oremus ab illo, ut Elisæus ab Elia: Spiritum duplicem, erga nos & DEI Ecclesiam. Concludo illa Senecæ, licet Ethnicis, sententiâ. Nullos pejus mereri de omnibus mortalibus judico, quàm qui aliter vivunt, quàm vivendum esse præcipiunt.**

In festo Purificationis B. M. Virginis.  
CONCIO I.

*Lumen ad revelationem Gentium. Lucæ 2.*

**I**Ntrat B. Virgo Templum cum abscondito lumine, quod tamen non ita lateret, quin adverterit Simeon, qui etiam illud prodit. *Lumen ad revelationem gentium.* Si ad revelationem, cur abscondis? *Sine modò, sic decet omnem implere justiciam.* Facit secundum legem Moysis, quam statuit de puerperis. Sed quid quæris cum hoc lumine? Gentes & Israël. Overè Virgo es tu illa mulier, Luc. 15. quæ amissam quærit drachmam; sed



tu illam non amifisti; fed alia, de qua vir queftus. *Mulier quam mihi dedifti, dedit mihi de ligno.* Chryfol. ferm. 142. *Mulier, quem virum quæris, quem in paradifo perdidifti. Redde virum, mulier, præter- mitte naturæ ordinem.* Reddes, S. Virgo; Tu enim, ut Alcuinus dixit: *Illud lumen, quo inventa eft drachma, fedentibus in tenebris & umbra mortis, protulifti.* Profert hoc lumen hodie, & quomodo cum eo drachmam, ubi illud detexit, repererit; videamus.

Non folùm hodie fuit lumen tectum, fed etiam ipfa S. Virgo. Filius eft lumen, S. Zeno, ferm. 2. de Nativit. *Non potuit circa fe aliquid habere immundum, qui humani generis fordes vene- rat mundaturus.* Lumen Virgo, quia pulchra ut Luna, fed adeò luminofa, ut Luna fit *sub pedibus ejus*, non vult ut illam tegat, fed folùm ut fit fcabellum. *Mulier amicta Sole*, tam clara ut Sol; in hoc Sole *DEVS* pofuit tabernaculum fuum. Procesfit, ut Efther 10. Somnium Mardochæus vidit: primò erat ut fons, qui in fluvium crevit, ex fluvio Sol prodiit. Erat ficut fons. *Cùm effem parvulâ humilitate, placui Altiffimo*: facta deinde fluvius, qui lætificabat civitatem *DEI*, cùm ad Joannem ivit in montâ- na: demum ut Sol cùm mundo per Filium dedit lucem. Si eft Sole amicta, eft puriffima, gemmæ funt puræ, quia in- fluxus aſtrorum combibunt, quales effent fi ipfa intra fe con- tinerent aſtra? Jam addamus menfibus novem Chriftum in utero detentum. Credo ego, quòd fi quispiam etiam ſcelera- tus in coelo maneret, inter Beatos uno menſe, & ipſum in San- ctum evaſurum. Certè folùm triduò moratus in coelo S. Pau- lus, & factus ex perſecutore Apoſtolus. Quid Virgo Sanctiſ- ſima Chriftum intra ſe novem menſibus detinendo? Quid ergo hoc lumen tegitur? quid ſe Virgo S. purificandam ſiſtit? Lex certè ſolùm jubet illas purificari, quæ ex viro pariunt. *Mulier ſi ſuſcepto ſemine*, &c. Nobis purificatione opus, qualis noſter partus? *concepit dolum, peperit iniquitatem.* Bernard. dat ratio-

rationem, ob quam causam Filius circumciscus, ob eandem Mater purificata. *Non veni solvere legem, sed adimplere.* O humilitas! o obedientia!

Quære, Virgo, quos instituisti. Jam Simeon detegit lumen. *Lumen ad revelationem, &c.* de Simeone narratur. Legebat Biblia Hebraica ut erat Hebræus Incidit in verba Isai. *Ecce Virgo concipiet & pariet Filium.* Heb. Virgo Hahalma, non capiebat. Quomodo Virgo posset parere, putabat esse Scribæ errorem, & de medio erasit H, ut esse *Haalma*, quod significat Juvenulam; deinde clausit Biblia, post aliquod tempus in eundem locum incidit, & invenit repositum H, rursus erasit, sed ubi tertio aperuit librum, invenit H, scriptum auro. Vega ex Niceph. lib. 2. cap. 12. quia verò aliunde scivit jam completa Messiae tempora; oravit, ut hunc Messiam & Matrem Virginem videret. *Responsum accepit à Spirita S. non se visurum mortem, &c.* Observabat, dum mulieres cum infantibus intrarent templum, & sicut Timotheus Jerosol. Orat. de S. Simeone. *Iustus Simeon huc illucque oculos circumferens, videt quidem multas mulieres, solam autem Mariam Virginem Divino schemate lumineque circumfusam, ex quo & Messiam, & Matrem ejus cognovit & patefecit.* Jam ergo S. Virgo accepisti benedictionem Abrahæ, illius nomine ut Pater esset gentium, cum antea vocabatur Abraam, apposita litera H, ut esset Abraham; & sibi eodem modo de Nomine DEI tetragrammato, seu quatuor literarum, sumptum H est additum; sed aureum, ut sis Mater aurea. Jam cum lumine quære peccatores, sicut & tuus Filius. Hesichius Jerosol. serm. 2. *Unigenitus DEI Filius ab ea gestabatur, & Adamum reformabat, & Evam sanctificabat, excludebat draconem, & Paradisum aperiebat.* Iuva in hoc opere, & esto nostra Rachel. Iratus fuit Jacobo Esau. Gen. 22. dum itaque redux Jacob, timet in via fratrem Esau, divisit omnem substantiam in tres turmas



turmas, transit Esau primam, quæris cuius est? respondent  
ut iusserat Jacob, Tua sunt ista, Domine, non placatur. Idem  
factum cum secunda, donec in tertiam incidisset, in qua erat  
Rachel, ibi denique furor ejus quievit. Velut prima turma,  
lex naturæ offerebant DEO substantiam. Tua ista, Domine,  
non cedebat dæmon. Velut secunda turma offerebat scripta  
lex, non cedebat. Ubi venit ad tertiam turmam, in qua erat  
B. Virgo; dæmon est ligatus, nobis securitas provisa. Osee 9.  
scribitur de Jeroboam, quod erexit vitulum aureum in Be-  
thel, quia alius regnabat in Jerusalem, ne populus iret ad tem-  
plum, & se alteri Regi traderet, & ut hoc ipsum suaderet po-  
populo, dicebat. *Facti estis quasi laqueus speculationis, & quasi rete*  
*expansum super Thabor*, per quem transeundum erat populo,  
hoc est, habebimini à Rege Jerosolymorum pro speculatori-  
bus; sed cadetis in retia. Expendit & retia dæmon, & ratio-  
nibus mundi persuadet, ne ad cælum eamus. Tu S. Virgo tuo  
lumine has fraudes detege. Illudit nobis, tenet in umbra mor-  
tis, vias occludit. *Filios Levi colabit quasi aurum.* Malach. 3.  
Aurum non colatur, nisi igne solutum. Meremur ut ita cole-  
mur; sed habet modos Filius, ut absque igne tribulationis  
nos ad suam reformet imaginem, tollens imaginem peccati.  
Ad locum citatum alludens Bern. serm. de Assumpt. *Purgatio-*  
*nem fecit, ut Evam transfunderet in Mariam.* Illud quod malum  
est, habemus ex Eva, ex B. Virgine speramus quod bonum est.  
Ista clementia B. Virginis exprimitur in hoc, quia, Matthæi  
cap. 1. Christi generatio deducitur ab Abraham, non ab Ada-  
mo per 42 generationes: quot fuerunt mansiones populi,  
dum in terram promissionis duceretur, ut Hieron. ad Fabio-  
lam. *Sub illo Sacramento numeri pervenimus ad regnum cælorum, sub*  
*quo Salvator pervenit ad Virginem quasi Jordanem,* in quo Christus  
nostra lavit crimina. Joab non reconciliavit Davidem Absa-  
loni

loni nisi per Thecvitem. Abiathar occidi debuit nisi arcam Domini portasset. *Hodie te non interficiam, quia arcam Domini portasti.* Ista est Michol, quam, nisi adduxerimus, faciem David non videbimus. 3. Reg. 2. *Non videbis faciem meam, donec adducas Michol.* Ipsi dictum Cant. 1. *Pasce hædos meos.* Guilielm. Abbas. *Piæ matris hædos vocat, non quos ipsa fecit, sed quos in oves convertit.* Ipsa est, de qua Cant. 1. *Equitatu meo assimilavi te, qui procescit contra Pharaonem, id est, Angelis emergentibus.* Ipsa est Virga Moysis quæ devorat serpentes Ægyptiorum. Denique de illa Cant. 1. *Posuerunt me custodem in vineis.* Rupert. *In vineis, id est, in gentibus, quæ ex mea custodia factæ sunt vineæ.* Illam Petrus invocabat, dum Romam converteret, propterea illius templum Romæ crexit. Illa comparuit in columna Jacobo in Hispania, & solata dum illi sacra messis non succederet. Illius discipuli, ut scribit Dyoniſ. Lazarus & Magdalena Gallias ad lumen Christi adduxerunt. Siciliam per illius imaginem S. Marci adduxit ad fidem: Petranus Mauros: S. Grypho Maronitas: Cantione de ipsa S. Adalbertus Polonos firmavit in fide. Unde S. Germ. *Ave gratiâ plena, per quam tenebræ pulsæ, lux introducta.* Per illam cunctæ hæreses interemptæ. Per illam fœda sunt pulsa Paganorum Luminaria; quæ per annos 994 Romæ usque ad Gelasium Papam durarunt, in quibus quæ absurda fiebant, vide Rosin. de antiq. Rom. & in locum eorum introducti sunt cerei hodierni.

Illa & nos quærit cum lumine, occurramus & nos tanquam fideles servi, renentes lucernas in manibus. Illa obtulit Filium Domino, & nos offeramus. Si non obrulerimus Domino, offeramus inimico. Amavit B. Virgo Filium, obtulit non claudum cœcum, sed speciosum formâ pro filiis hominum, & sibi dilectissimum obtulit, ut, si illum non redemisset, in obsequio templi instar mancipii mansisset. Quid de his, qui decimas jure debitas DEO non reddunt? &c. De



## De Eadem. CONCIO II.

### *Dies purgationis Mariæ. Lucæ 2.*

**S**i Ecclesia **S.** indulgendo nobis in unam diem contraheret tria festa, & quidem unum. Sancti alicujus: alterum, B. Virginis: tertium, Christi. Conveniret illud colere trium similium festorum devotionem in unum colligendo, ut si devote Sacrum audiremus die Sancti, devotius die B. Virginis, devotissimè die Christi: in tali festo, & devotè, & devotius, & devotissimè, si, &c. ac verò tale est festum hodiernum, est enim **S.** Simeonis, de quo Evang. *Erat vir justus, timoratus, Spiritus S. erat in eo*, & dicitur hoc festum Obviationis Simeonis: est B. Virginis, dicitur Purificationis: est Christi, quia hodie in templo, oblatus est DEO. Circa ista tria versetur vestra devotio, circa eadem mea concio; incipiam à B. Virgine, à qua hoc festum communius appellatur.

Cum vocatur hoc festum Purificationis, absit à nobis, ut quis cogitet in B. Virgine fuisse aliquid purgandum. *Tota pulchra es amica mea, & macula non est in te.* Pulchra dum concipere-  
tur, quia sine macula originali, seposuit sibi illam DEUS, elegit, prælegit. Pulchra in Nativitate, quia, *ut aurora consurgens.* Luctabatur Jacob cum Angelo, Gen. 22. visâ aurorâ, coepit Angelus clamare, *Dimitte me, jam enim Aurora consurgit.* Planè ut cum Aulici ludunt, interea Mater Regis supervenit. *Dimitte me*, Mater venit, modestè agendum. Pulchra in pueritia, trimula DEO consecrata, Angeli ministrant cibos. Pulchra in conceptu Filii, *plena gratiâ.* Pulchra in partu Filii, *Virgo ante partum*, &c. Sine dolore, penetravit ut radius vitrum. Pulchra in cogitatione, verbo, opere. Quid ergo purgatur?

Mulieribus instituit Moyſes purgationem, cui apud nos cor-  
 respondet introductio poſt partum. Non quòd ſit peccatum  
 habere Filios in Matrimonio, ſed multa alia interveniunt pec-  
 cata, ideò quæ Maſculum genuit, per dies quadraginta purga-  
 batur: quæ femellam, per dies 80. quia poſt tot dies animan-  
 tur hi foetus, circa femellam autem duplò plura poſſunt com-  
 mitti peccata, quàm circa maſculum, quia & geſtatio ac par-  
 tus femellæ, ut dicunt Medici, moleſtior, utpotè frigidioris.  
 Decem autem ſunt DEI præcepta, contra quæ peccari poteſt,  
 & contra ſingula modis quatuor, cogitatione, verbo, opere,  
 omiſſione. Et ſunt 40. quæ, ſi in foemella duplicentur, erunt  
 80. Cogitatione, non rectà intentione dum concipiunt, ſed  
 velut *equus & mulus, quibus non eſt intellectus*. Verbo, dum in par-  
 tu ob dolores ſibi maledicunt. Opere, dum nutriendo multa  
 mala faciunt, ſuperſtitiones. Omiſſione, dum gravidæ multa  
 bona blandiendo ſibi omittunt. Nihil iſtorum fuit in B. Vir-  
 gine: concepit ex Spiritu S. geſtavit ſine gravamine: peperit  
 cum lætitia. Iſai. 35. *Germinans germinabit; & exultabit lætibunda  
 & laudans*. Nutrivit ſanctè. Non habuit ergo neceſſe purgari.  
 Sed & ipſe Moyſes cautiffimè legem ſcripſit. *Mulier ſi ſuſcepto  
 ſemine, &c.* Putaviſſet quis gratis hanc particulam, *ſuſcepto ſe-  
 mine*, addidiſſe, quæ enim non ex viro parit? Sed ſciebat Pro-  
 pheticè, parituram Virginem. Sciebat leges non ferri in Ma-  
 trem Principis, nec ſui eſſe id juris; ergo quaſi diceret intra ſe.  
 Ne in te, Mater Meſſiæ, vel in ſpeciem peccem: ponam hanc  
 particulam ſive clauſulam. Mirabuntur illam multi, & fortè  
 erit qui contemnat; ſed veniet tempus, quando intelligetur,  
 quando ſcient, quòd non ex viri ſemine, ſed Virgo ex Spiritu  
 S. pariet. Igitur B. Virgo neque lege Moyſi tenebatur purifi-  
 cari: Fecit id tamen propter duo. Primò, ut imitaretur Fi-  
 lium, qui voluit circumcidi, etſi ad hoc non obligabatur. Se-  
 cundò,



cundò, quia cum hac Purificatione jungebatur Actus, quo DEO proles offerebatur, & hanc noluit omittere.

Postquam ergo dies impleti sunt 40, venit ad Templum, in quo seorsim stabant Virgines, seorsim conjugatæ: & seorsim divites, seorsim pauperes. Cui me cumulo jungam? Virginitas? Sum Virgo; repellent, habet maritum, habet Filium. Divitibus? sum ex domo Davidis; sed sum pauper. Omnia enim in pauperes expendit, etiam illa quæ à tribus Magis acceperat. Stetit inter conjugatas pauperes, *sicut lilium inter spinas*. At modò mulieres prima omnia ambiunt. Tum juxta legem flexit genua coram Sacerdote. Ecce tuli oblationem, fac de illa Sacrificium, ut DEUS remittat peccata, quæ mulieres committunt, concipiendo, gestando, pariendo, nutriendo. Recepit Sacerdos, &c. Hoc Festum à Græcis vocatur. *Clarificationis*. Quia hîc patuit, quanta esset humilitas in Virgine S. Quæ enim Virgo vellet inter mulieres publicè consistere, si diceretur: quæ sunt Virgines, hîc consistent; quæ non Virgines, hîc stent? Quæ inter viles, si esset ex domo regia? Dicitur hoc festum à Polonis Tonitruorum, quia hâc die contra rerum naturam in eorum hostes DEUS fulmina dejecit. Sed tonitruorum etiam dici potest, quia tonabit aliquando DEUS supra superbos, hanc Filii sui & Marris humilitatem adducendo in judicium. *Superbus est valde Moab*. Erexisti collum contra DEUM, cujus leges vilipendis, cujus festa sine honore habes. S. Adalbertus à Bohemis recessit, quia vidit eos diebus festis nundinari, Judæos Christianis præponere. In quo fides Moab? In DEO? *DEVS superbis resistit*. De superbo Job 20. dicitur. *Si ascenderit usque in cælum superbia ejus, quasi sterquilinum in fine peribit*.

Alterum est festum Christi, quia hodie in Templo Patri præsentatus. Non egebat Christus præsentatione, non recessit

cescit à Patre per peccatum : voluit tamen pro se offerri hostias, quæ offerrebantur pro expiatione peccati in quo proles nata, & ad consecrationem quandam illius. Et ideo pars oblationis erat in expiationem, pars comburebatur; & ista lex quemlibet natum obligabat. Altera lex fuit pro solis primogenitis, ex quo Excd. 13. Omnia in Ægypto primogenita Angelus percusserat ab homine ad pecus. Christus autem erat primogenitus. Sed neque ista, neque prior lex comprehendebat Christum, de priorē res clara, quia non est natus in peccato. In hac de primogenitis apposuit Moyses clausulam, se de iis loqui quo nascuntur Matrum læsa integritate, quod non est factum à Christo. Voluit ergo offerri, ut Templum sanctificaret; ut ex Aggæo patet: *Veniet desideratus, &c. Magna erit gloria domus istius novissimæ, plus quàm primæ.* Et ad hoc facit ipsa oblatio. Columba significat vitam activam, turtur contemplativam, ut S. Th. explicat, qui sunt duo status in Ecclesia. Non illud vetus consecrabit Templum, quod erat perituum; sed nos, ut simus *gens sancta, populus acquisitionis*, videamus, ad quam partem ex his spectemus. Ad contemplativos: Eremitæ, Monachi, &c. Alii ad activos, ut sæculares Sacerdotes, & populus. Sed sumusne ex activis? Horum est præcipue opera misericordiæ exercere. Utrique debent imitari Parentes SS. Christi; offerunt illi primogenitum. Et nos sumus in quodam conjugio. Vir uxorem ducit ut prolem habeat: anima corpori jungitur, ut actiones faciant, loquantur, audiant, &c. Quid horum primogenitum? Intentio, si-ve finis propter quem facimus. Hic si metus, etiam optima actio datur dæmoni. O quàm rara & vera intentio? &c. Omnia nobis DEUS dedit, sed primogenita sibi retinuit. Hoc tibi primum est quod maximè amas, hoc offer. B. Virgo maximè Filium amavit, illum obtulit. Qui offerebatur nisi  
redi-



redimeretur, in Templi obsequio velut mancipium manebat, dedit B. Virgo siclos quinque quos labore suo comparavit. Redimet nos deinde Christus quinque plagis.

Tertium festum est S. Simeonis. Clarum erat, quòd tempus jam venerat adventus Messiae; sed Messiam non cognoscebant, unde Jo. Bapt. Jo. i. *Medius vestrum stetit, quem vos nescitis.* Orabant devotiores, qualis fuit Simeon, ut illum agnoscerent, promisit hoc illi DEUS. Sciebat Simeon ex Malach. i. *Statim veniet ad Templum suum Dominator, quem vos quaritis, & Angelus Testamenti, quem vos vultis.* Idcirco omnes mulieres observabat euntes in Templum. Tandem hodie dixit illi Spiritus S. Hodie videbis Messiam. Et cum vidisset & Virginem cum Filio, dixit Spiritus quòd hic esset. Statim adoravit, & dixit. *Nunc dimittis, &c.* Accepit in ulnas, quia non sufficit videre, sed opus in manus accipere collaborando. *Fides sine operibus mortua est.* In signum hujus cereos portamus. Cera carnem, lychnus ignem, ignis Divinitatem Christi notat, sed debet in manus sumi.

## De Eadem. CONCIO III.

*Lumen ad revelationem Gentium. Lucae 2.*

**D**um hodie video celebrari festum cum candelis, lumen virtutum B. Virginis constitueram ostendere: sed me deterruit Hieron. serm. de Assumpt. B. V. *Timeo & valde pertimesco, dum vestris cupio parere profectibus, ne forte sicut improbus ita indignus laudator existam.* Terruit Anselm. lib. de excell. V. cap. i. *Excellentiam DEI Matris quomodocunque contemplari anhelans, & quod mihi inde capere conceditur, ad communem proferre notitiam desiderans, horreo peccatorum quibus premor enormitatem, & i-*  
meo

*timeo ne mihi eam alta petenti obijciatur hoc Sacra Scriptura dictum. Tollatur impius, ne videat gloriam DEI. Si ista tanti Sancti, quid ego? itaque luce omitta, ad umbram me conferam.*

Ut appellem B. Virginis illam mulierem, quæ drachmam perditam reperit, Luc. 15. esse umbram; ducit me ad hoc, quia B. Virgo Evæ contraria. Evam sic alloquitur Chrysostol. serm. 13. *Mulier, quem virum quaris? quem in Paradiso perdidisti, redde depositum DEI.* Hæc S. Virgo est illa, de qua Canticor. 1. juxta Chald. *Si ignoras te, O pulcherrima mulierum, egredere & abi, & deduc Filios tuos tanquam hædos, ut appareant in domo Sanctuarii.* Venit Christus ad deducendos istos hædos; sed B. Virgo, ut aurora præivit. Videamus Occidentem. Druidæ Cainori in Gallia multis ante Christum annis ponunt statuam Virgini parituræ. In Oriente: in Regum Ægypti Ptolomæorum Musæis imago S. Virginis è lignis Sethim facta conspiciebatur. De qua Comestor. In Meridie: In montis Sinai eo loco, in quo Moyses vidit rubum ardentem incombustum, legitur saxo incisum. *DEVS concipere facies Virginem, & ipsa pariet Filium.* De hoc Kirch. in Prodromo Copto. In Septentrione: testatur Bellesphoret. in Cosinogr. coluisse Gentes Virginem, quæ erat paritura Filium. Ita hæc S. Virgo evertit totum, idque ante ortum Christi Solis, & impletur. Ecclesiast. 14. *Quæ antelucanum illumino omnibus, illuminabo omnes sperantes in Domino.* Illa fuit Aurora, quæ illuxit Jacobo: Illa columna, quæ duxit populum: Illa stella, quam præducebat Balaam. Illa Salomoni pulchrè luxit ut Luna. Et ut clariùs loquar hoc ipsum. Illa in persona Ruth neglectas colligebat spicas, hunc & illum circumcundo agrum. Bonav. in spec. c. 5. *Maria in oculis Domini hanc gratiam invenit, ut ipsas spicas, id est, animas à Messoribus derelictas ad veniam colligere possit.* Unde Method. Orat. de Hypopan. sic Virginem S. alloquitur. *Tu fidelium fax,*



tu univerſorum illuminatio. Et Bernard. Adamum monet. Non dicas, ô Adam, mulier quam dediſti mihi, ipſa mihi dedit de ligno verito.

Sed jam hodie lucem pleniffimam profert, lumen ad revelationem dum Chriſtum Templo infert. Cantic. 7. *Quam pulchri ſunt grefſus tui in calceamentis Filia Principis Chald leg. Quam pulchri ſunt grefſus tui Iſraël, ut appareant coram Domino!* Jam majori luce quærit drachmam. Greg. hom. 34. *Mulier drachmam perdidit, quando homo, qui conditus ad imaginem DEI fuerat, peccando, à ſimilitudine ſui Conditoris reſceſſit.* Jam hodie drachmam reperit. Et primò ſuperſtitionem quæ fecit pertinaciſſima evertit, ac tollit. Februare, idem erat juxta Varronem ac purgare. Ovid. 2. Faſt. *Februa Romani dixere piamina Patres.* Audiamus jam Bedam de Ratione tempor. c. 10. *Agebatur apud Romanos feſtivitas purgationis hoc menſe, Februario. Februare enim purgare dicimus, quo menſe luſtrabatur civitas. Hanc conſuetudinem mutavit Chriſtiana religio. Cum eodem menſe, hoc eſt, hodiernâ die in honore S. DEI Genitricis, non ſolum Clerus, ſed & omnis plebs Eccleſiarum loca cum cereis circumeunt.* Hæc mutatio facta An. 680. ad inſtantiam Juſtiniani Imper. à Sergio Papa. Fiebat hæc ſuperſtitio à viris in honorem Februæ quam dicebant Matrem Martis, à foeminis in honorem Proſerpinæ. Et jam reperta drachma, plena fides affulſit, ſalus comparuit. *Viderunt oculi mei Salutare tuum, quod paraſti ante faciem omnium populorum.* Propterea Evangeliſta dicit, *Tulerunt eum in Jeruſalem;* non dicit, *Tulerunt Filium ſuum,* quia futurus erat omnium. Quid verò omnium? Servus. Richard à S. Laurent. libro 4. *Cupiens Filium procreare, qui noſter ſervus fieret, ſe nominavit ancillam, quia partus ventrem ſequitur.* Miſerat aliquando DEUS ſervos. Matt. 21. ut fructum reciperent à vineæ ſuæ cultoribus, occiſi ſunt ab agricolis; miſit ſecundò, factum eſt idem. Jam ut David

procedebat vindicaturus de Nabal, 1. Reg. 25. *Accingatur quisque gladio suo, & accincti sunt singuli gladiis suis, accinctu que est & David ense suo.* Occurrit prudens Abigail, & placat. *Suscipe benedictionem hanc quam attulit ancilla tua tibi Domino meo.* Ancilla B. Virgo in Purificatione descendit ad ultimam humilitatem, & ibi, ut Joan. Geomet. dicit. *Beata Virgo est jus dirimens lites,* diremit. Illa, ut Ildef. serm. 7. de Assumpt. est S. Virgo Mundi salvatio. ut Theophanes hymno de Annunt. *Eve redemptio.*

Quærit S. Virgo drachmam; & nisi illa reperit, perit drachma. Ignat. M. *Impossibile est aliquem salvari peccatorem, nisi per eum, o Virgo, auxilium & favorem.* Et quantoperè ad hanc inquisitionem se ab illa tractari permittat salutare, scilicet Christus, audiamus. Proverb. 31. *Verba Lamuelis Regis, visio quæ cruciavit illum Mater sua.* Lamuel, id est, Salomon, significat Christum: Mater, id est, Bethsabée B. Virginem. De Christo Ildefons. lib. de Virgine. B. V. *Sub Mariæ disciplina Infans DEVS versatur.* Hic ergo cum Alcuino. *O Virgo luculentissima lampas, quantos lætificasti, quando splendore DEI illustrata, desilertatum illud lumen quo inventa est drachma decima, sedentibus in tenebris & umbra mortis, protulisti!* Planè hanc diem videtur Dan. 7. descripsisse. *Ecce cum nubibus cæli quasi Filius hominis veniebat, & ad antiquum dierum pervenit, & in conspectu ejus obtulerunt eum, & dedit ei potestatem & regnum, & omnes populi tribus & lingue ipsi servient.* Venit cum nube de qua, & nubes pluviant iustum, ad antiquum dierum, Simeonem, in conspectu cujus oblatus, & dedit illi DEUS, id est, Christo, omnes gentes. Hæc est lucerna quæ Gedeoni dedit victoriam. Nos verò, dum lucem habemus, ambulemus. Accipite ab hac lucerna lumen. 1. & discite, cum DEUS noluerit illud (fœminam cum immunditia ex partu contracta) intrare. 2. Parentes, quod debeatis vestras proles statim imbuere cultu DEI, non turpiloquiis, dissolutione. 3. Magistra-



gistratus non uni suo bono privato intendant, sed bono etiam publico; quia hoc lumen non ad unius bonum, sed ad omnium, & gloriam plebis. 4. Sacerdotes in manibus non aliud quàm hoc lumen habeant. 5. Quilibet Christianus, ut non prius videat mortem quàm hoc lumen, per reconciliationem. Quærit per Christum drachmam Virg. S. Chrysost. tom. 7. fol. 418. *Christus venit de cælo, assumit testaceam corporis lucernam, accommodat eam luci Divinitatis, &c. quærit drachmam.* Sed cur homo drachma? idem tom. 2. homil. in Luc. *Hominem drachmam nominat propter monetam, & Regis similitudinem.* Quia scilicet in homine est similitudo DEI. Sine hac fumus frustulum æris, quod parum valet, non detergamus hanc similitudinem. Gratias S. Virgini, quæ hanc lucem hodie defert.

## In Festo S. Matthiæ Apost. CONCIO.

*Ita Pater, quoniam sic placitum coram te.*

Lucæ 12.

**Q**uoniam duodecim elegit Apostolos, & Judas defecit, convocavit S. Petrus concilium, venerunt viri centum viginti ad deliberandum quis deberet substitui. Fuerunt multi pro Ioseph, qui propter sanctitatem dicebatur iustus, qui aderat, & fuit Christi consanguineus, Frater Jacobi n. i. eris, Simonis & Judæ Apostoli. Alii fuerunt pro Matthia, qui etiam insignis fuit Sanctitatis & scientiæ. Dum res dec. di. non potest, ventum ad sortes, & Matthias obtinuit. Pares ambo. Quare Mathias sortem obtinuit, ita *placitum coram te.* In his verbis hæc sistit concio.

Ad sortes confugiunt, quando de duabus agitur, qui

Q. 2

omnino

omninò sunt pares, nec ullà ratione discerni potest, quis dignior. Alioqui cùm ratio suppetit, ad sortes confugere, est DEUM tentare. Et tunc DEUS ostendit, quid sibi placitum. Sed si pares Matthias & Joseph, cur fors super Matthiam? Potuit fors supra indigniorem cadere, nam Apostolatus non sequitur Sanctitatem, ut patet in Juda. Et eadem possunt ministri mali Sacramentorum præstare quæ boni; ut docet S. August. tract. 46. in Joan. Judas certè sceleratus semper fuit. Audite vitam illius ex Franc Mayronio, serm. de S. Matthia. Natus ex tribu Dan, ex qua futurus putatur Antichristus: ex Patre, cujus nominis primus ascendit lectum Patris sui, natus Matre Ciborea, cui per somnium prægnanti ostentum, quòd is, quem utero gestabat domum suam esset subversurus. Igitur natum inclusit fiscellæ, & mari commisit. Fluctibus ejectus in Carioth insulam, cujus insulæ Regina dum esset diu sine prole, ut falsum præberet solatium marito, accepit puerum, & fugit partum, & secundo parit Judam. Non multò post Regina filium ex marito suscipit, qui cum Juda crescit, creverunt ambo. Judas volendo solus esse, occidit hæredem, inde profugit in Judæam, adhæsit Pilato, in horto cujusdam agebat hortulanum. Ruben Pater Judæ, ignotus & ignorans filium. Judas ex illo horto suffurabatur flores, & ferebat Pilato ut placeret, Ruben prohibebat, occidit illum clanculùm Judas; & auxilio Pilati uxorem Rubeni accepit in uxorem. Hæc in isto secundo matrimonio sæpè dolebat de Ruben occiso; & filio in fiscella ejecto, sciebat aliunde Judas, se in fiscella missum, & factà inquisitione agnovit, quòd matri convivaret; transivit ergo ad Christum, ut pietatis simulatione omnia tegetet. Ab Insula Carioth dicitur Iscarioth, quasi vir de Carioth. Quid hic boni in tota vita? Sed quidquid de veritate hujus historię, constat ex Evangelio illum fuisse furem, dæmonis habitaculum



taculum ingratum, malignum, & tamen Christus illum ad Apostolatum assumpsit, ad tam sublime officium, quale est, dare mundo oracula ejusmodi, ut licet Angelus contrarium diceret, Apostolo sit credendum. Ut ipsi Angeli ab Ecclesia, hoc est, præcipue ab Apostolis discant aliqua. Ut ipsi Angeli remittant in dubiis ad Apostolos, ut in Act. Cornelium remisit ad Petrum. Imò ad viros Apostolicos, ut est in Prato Spirituali cap. 599. qui liber laudatus à Concil. Nicæno. Seductus fuit quidam S. Senex ab hæreticis, ut malè de SS. Eucharistia sentiret, monitus hâc dere à Diacono, recurrit ad Angelum qui sæpe illi comparebat, respondit Angelus. Non est nobis commissum docere, malè agis, acquiesce Diacono. Apostolis datæ claves cœli, & habent potestatem quam DEUS Nabuchodonosori Patri dederat. Dan. 5. DEUS Patri tuo dedit, ut quos volebat, exaltabat, & quos volebat, humiliabat. Planè sicut Gen. 41. Dedit Pharaon Josepho annulum suum, ut literæ ejus essent ac suæ. Subjecit DEUS homini bestias, Apostolis homines, ut quodammodo possint dicere quod Josephus, Gen. 39. *Ecce Dominus meus, omnibus mihi traditis, ignorat quid habeat in domo sua, nec quidquam est quod in mea non sit potestate.* Hinc illis competit ad Ecclesiam admittere, & ex illa per excommunicationem ejicere, ac tradere Sathanæ, quod fecit S. Paulus cum quodam Corinthio. Apostoli est esse Sanctitatis exemplar, ut dicat. *Imitatores mei estote, sicut ego Christi.* Dedit Christus Apostolis potestatem patrando miracula. Ad hæc omnia electus ore Christi Iscarioth, non autem Matthias qui fuit etiam discipulus Christi, & videte quàm Sanctus. Fuit de tribu Juda, quæ erat præcipua, à Parentibus adhuc puer bene in lege Divina instructus. In hoc verò Sanctitas consistit, legem DEI servare. Levit 20. *Custodite præcepta mea, ego Dominus qui sanctifico vos.* Factus vir ad majorem sanctitatem ascendit

cendit, & factus unctis ē septuaginta duobus Christi discipulis, in sanctitate ita profecit, ut a quavis videretur Joseph iusto. Tamen non elegit ore suo Matthiam Christus. Quid causæ. Sicut in causis naturalibus, ita & in supernaturalibus ubi non agitur de præmio & pœna, hæc enim dantur juxta merita, deveniendum ad hoc. *Quoniam sic placuit coram te.* Si quæras à Philosopho, quare modò est ventus? dicit Quia terra emit tit vapores. Quare emittit? Quia modò est Planeta qui terram concitat. Quare habet virtutem concitandi? Quia illi DEUS dedit. Quare dedit? *Quoniam sic placuit.* Quare Paulus con vertus? Quia DEUS dedit illi gratias, quibus prævidit illum bene usurum. Quare hæc dedit, non alias? *Quoniam sic placitum.* Salvum me fecit, quoniam voluit me. Nemo potest dicere, non gratis accepi. Etiam aliorum Apostolatus sorte accidit. Col. 1. *Qui dignos nos fecit in partem sortis Sanctorum.* Non eramus digni ut fors caderet supra nos sanctorum, ille nos fecit dignos. Ps. 77. *Sorte divisit illis terram in funiculo distributionis.* Sortem istam quæ cecidit supra Mathiam, scribit S. Dyonis Areopagita, & S. Thomas, fuisse radium de cœlo. Doctrina est communis; Prima DEI gratia non cadit sub meritum. Neque tamen cùm sortes nominantur, putemus casu fieri. Prov. 16. *Sortes mittuntur in sinum sed à Domino temperantur.* Dominus elegerat Licariothum, ut ostenderet se nec malis deesse si ipsi velint. Mathiam ipse elegit, etsi per sortem. Ephes. 1. Sorte electus, sed in DEO. In quo nos etiam sorte vocati sumus prædestinati secundum propositum ejus, sorte, sed secundum propositum DEI. August. in Joan. 19. *super vestem meam miserunt sortem.* Verba hæc Psalmi expendens sic ait: *Vestis Christi gratia est quæ sorte datur, quia DEUS eam concedit cui vult: nostrum est, cùm sentimus nos à DEO ad bonum impelli, non negligere, ille sicut 1. Reg. 14. Elisæus arcum dat & sagittas contra Syriam, sed Joas debet apponere manum*



manum. Si non apposuerit, quid fiet. Prov. I. *Vocavi & renuisti, extendi manum & non respexisti, &c. Ego quoque in interitum tuo ridebo, &c.* Contemnimus, cum toties ad poenitentiam ad vitam meliorem vocamur, five interno instinctu, five per homines, utrumque enim est gratia DEI, aut spectat ad DEI gratiam. *Cecidit fors supra Matthiam*, cur supra illum, & non supra Joseph. Ita *Pater placitum*. Sed si Matthias hanc sortem sprevisset, quid putatis futurum fuisse?

*Revelasti parvulis.* Matthias idem significat quod parvulus. Præterea sicut Jacobus vocatur minor, quia quàm alter Jacobus, posterius ad Apostolatum vocatus. Sicut Paulus se minimum vocat, quia post alios vocatus, ita Matthias parvulus, quia etiam post alios. Remanet semper parvulus; & hic fuit Apostolus, in cujus locum successisti, & Joseph justus quem fors omisit. Si tuæ vocationi ad tantam Prælaturam non satisfacit. *Veniens movebo candelabrum tuum.* Apoc. I. *Sors excidit.* Apostolatum accepit, non affinis Christi, non familiaris, ut ait Bellarm. Iscarioth præter alia scelera hoc fecit. Non sumpsit in ultima cœna Panem Eucharisticum saltem totum, sed ad Judæos detulit, ut scribit Theophylact. Non sumpsit etiam calicem Christi, ut ex hoc discursu S. Hilarii colligitur. *Videtur ex hoc, quod Judæi cum eo non biberit, quia non erat bibiturus in regno, cum universos bibentes ex vitis istius fructu, bibitueros secum Dominus pollicetur.* Noluit cooperari gratiæ per usum Sacramenti: & quod hic fecit, probabile est in pluribus occasionibus fecisse. Noluit firmam facere vocationem suam per bona opera. Non sic Matthias agrum durissimum sumpsit sibi elaborandum scilicet, Judæorum gentem, cum alii Apostoli in orbem fuissent dispersi. Quare, cum multos converteret, ne Judæorum Summus Pontifex videretur illum ex invidia occidere, vocavit ad disputationem de fide: vicit Matthias, nam illum veluti

veluti blasphemasset, quia Christi assererat Divinitatem, iussit occidi: Egit in Apostolatu cum omni humilitate, illud considerans. Joan. 15. *Non vos me elegisti, ego vos elegi. Hæc & nos cogitemus, & omnis cessabit superbia.*

## In festo S. Casimiri. CONCIO.

*Et vos similes hominibus expectantibus Dominum suum.*

**A**Rchiepiscopus Ravennæ, S. Petrus Chrysolog. miratur, ferm. 24. hujus in Evangelio Domini modum; habet servos. *Novus habitus imperatur. Sine lumbi vestri præcincti, &c. rota in præcingendis lumbis mandatur cura, &c. addito lucernarum solatio tantum.* Si Dominus voluit à servis noctu deduci, arma debuit præscribere: si comitatum habere splendidum, nitidas vestes, &c. Sed DEI servis sufficit præcingi & habere lucernas, quod in S. Casimiro ostendam.

Si tantum dixisset de suis servis: *Et vos similes hominibus*, facile inferri posset, quod non homines esse debeant, sed solum hominibus similes. Nam sibi ipsi nemo similis, itaque si similes hominibus, non homines. Et jam dixissem S. Casimirum similem fuisse Adamo in statu innocentiae, in quo dum fuit, nullas opes curavit. Nam ut Hieron. ad Hedibiam. *Dives aut iniquus est, aut iniqui hæres.* vel ut Chrysost. hom. 13. in Acta Apost. *Dives nihil aliud mihi videtur, quam civitas absque muris in agro sita, & undique insidiantibus exposita.* Undique habet accessum dæmon; undique ex illa via ad peccatum. S. Casimirus natus Patre Casimiro III. Rege Poloniæ, avo ejusdem Rege Uladislao Jagellone Frater Regum quatuor, Uladislai Hungariae,



gariæ, Joannis, Alexandri, & Sigismundi Primi Poloniæ. Ipfi Ungariæ & Boëmiæ regna offerebantur, omnia propter DEUM spreverit. Dicerem similem Moyfi, tabulas legis & virgam tenenti; ille sciens, quod SS. Canones doceat. *Facti culpam tenet, qui quod potest emendare, negligit.* Impetravit legem a Patre, ne Græcoschismatici nova templa erigerent, antiqua repararent. Virga illius in manu quâ patrat miracula, lilium & crux. Hæc mortuos ad vitam revocavit, hæc cæcis visum reddidit, dæmones pepulit, &c. Moysen cum DEUS ad moriendum disponderet, Num. 31. *Ulciscere prius filios Israël de Madianitis, & sic colligeris ad populum.* De quo Procop. *Vindictam hanc cum viaticum ad vitæ exitum comparare suadet.* Sic Casimirus non nulli lege contra Schismaticos obtentâ vult mori. Dicerem Noë qui consolatus Parentes, nam cum diu in cupienda Crucigerorum arce Papia se Pater fatigavisset. Ea demum cœpit die quâ natus est Casimirus. Dicerem illi similem Equiti, qui Heliodorum flagellavit, & ipse de Templo suo propè Polociam Moschos flagro pepulit, & Ducum eorum prædixit amissionem exercitus maximi, quæ secuta deinde. Et ipse ad Polociam sexaginta Moschorum Schismaticorum millia gladio paucorum Lituanorum subjecit. In quibus omnibus ostendit, quomodo divites salvâri possint, quibus aliâs porta cœli angustior quàm camelo foramen acûs. Scilicet, si ut Adam imperent opibus, non obediant. Prov. 23. *Ne erigas oculos tuos ad opes, quas non potes habere, quia facient sibi pennas quasi aquila, & volabunt in cœlum.* Quis putaret avarum evolare supra homines usque cœlum? Evolat. Dicunt Theologi, hoc modo non potes acquirere, hic est usura palliata, hic est injuria proximi, evolat, & melius se putat sapere, licet nulla illum ratio fulciat, & solo vento ista aquila incumbat. Salvabitur dives si ut Moyses, protegat pauperes contra Madianitas. Lilium in manu habeat

& Crucifixum, castè & devorè non solo verbo vivat, sed etiam opere. Sicut Juvenis ille Ecclesiam protegat, patriam contra hostes tueatur.

Sed Dominus non quibusvis hominibus vult nos esse similes, sed servis expectantibus à nuptiis Domini, in quo & patientia ostenditur, sine qua non debent esse servi, etsi forte fameant dum gaudet in nuptiis Dominus: & humilitas, quia expectant ut servi: & conformatio voluntatis suæ cum voluntate Domini, quia non queruntur, etsi eos Dominus secum ad nuptias non duxerit. Quæ tres virtutes in Casimiro sunt singulares. Sumus à Christo redempti, sicut si quis esset redemptus ex captivitate Turcica, & jam liber; sed adhuc inter Turcas manet, nondum in patria. Suspirabat ad patriam Casimirus, inde illius extases cum audiret Missam. Inde in solatium ta dum ille Hymnus. *Omni die dic Mariæ.* Inde cum suum Redemptorem de facie videre non posset, amorem suum, recogitando lychnum, coram imagine ejus testabatur. Hinc Templi frequentatio, deliciarum omnium contemptus amore patriæ. Expectabat ut servus humi procumbendo; contentus mori aut vivere, si DEUS vellet; non solum vim morbi, aulicorum scommata ferebat, sed ipse per flagella, cilicia, quod pateretur, quærebat. Expectabat ut servus præmium, & ideo in cælum oculos attollebat; & magnum potuit expectare præmium. Datur cælum pro poculo aquæ, quid illi pro duabus spretis quæ offerebantur coronis, & tertiam paternam, si voluisset vivere, certam habuit; sed maluit Martyr pro virginitate mori. Debeatur cælum, sed ut Confessori, Martyri, Virgini. O quomodo nos appellabo? Et nobis præmia parata; & pro nobis Christus egit, sicut Dux alicujus Regis ab eo missus ad expugnandos hostes, dum illi præmia ingentia post victoriam Rex proponit, non mihi da sed meis filiis, nobis



nobis Christus suam transcribit hæreditatem, ire opus, accipere nolumus: interim lutum, terræ opes colligimus, fures superbie captamus, procella iræ delectamur, in luto lascivie volutamur, somno alto acedia stertimus, cadaveribus animalium incumbimus per gulam. Sed veniet cum non putamus Dominus. Veniet Sabbathum, 16. Exod. quo amplius manna colligere non licebit. 1. Cor. 15. *Itaque Fratres mei dilectissimi stabiles estote, & immobiles abundantes in omni opere Domini, scientes, quod labor vester non sit inanis in Domino.* Nos sumus similes Ægyptiis, Joseph prædicat famem, coëmit frumenta, illi negligunt, postea fame opprimuntur.

Sed si quis se præcingat, & lucem habeat, totum habet quod ad Domini spectat obsequium. Lumbos præcingere est seipsum curare, lucernam tenere est aliis bono exemplo præire. Hæc duo sunt & arma & vestis. Erit hic humilitas, erit ad DEI voluntatem conformitas, erit patientia, castitas, devotio. Erit quæ maxime Regibus necessaria est iustitia.

In festo S. Thomæ de Aquino. CONCIO.

*Qui fecerit & docuerit: magnus vocabitur.*

Matt. 5.

**S**IVE appellem S. Thomam paradisum, in quo crevit arbor scientiæ & arbor vitæ; sive Arcam, in qua conjunctum manna cum lege; sive nidum, in quo amice habitat columba cum serpente, non errabo. Juncta est scientia & vita, id est, sanctitas; juncta est legis Divinæ peritia cum manna virtutum; prudentia serpentis cum simplicitate columbæ: neque obest una alteri, ut putare solet vulgus, imò una alteram promover,

& una facit alteram gloriosiore; de qua re me dicentem audite.

Scio benè, quòd quidam scientiis utantur veluti mercibus, ita Chymici per suum Mercurium attrahunt aurum. Talis & inter Oratores fuit Antisthenes: inter Philosophos Aristippus, inter Poëtas Simonides: inter Juristas post Trebo-  
nianum non pauci, qui studiis cumularunt avaritiam. Non habuit necesse per suam scientiam quærere opes. Thomas natus est in domo ditissima, quæsivit sanctitatem. Nondum annos quatuordecim compleverat, & jam cursum Philosophiæ absolverat sub Petro de Hibernia cum admiratione omnium; alteri fuisset passus ad vanitatem, huic ad mundi contemptum, nam Ordinem Prædicatorum ingressus, & sic sper-  
nendo majorem gloriam contectus. Et licet ab infantia quæ-  
sierit scire DEUM, cum alii discunt alia nosse; tamen jam tum huic studio magis incubuit, & ex hac scientia comparavit il-  
lam sibi fortitudinem, qua vicit impediētes ejus statum Reli-  
giosum. Captus in via à militibus ad hoc destinatis, cæsus  
pugnis, irrisus, projectus in carcerem, ut in eo computretce-  
ret, nisi mutaret statum. Sed quis ita S. Juvenem invasit?  
Turcæ, an Tartari? Christiani & Affines, Fratres, Sorores,  
Mater. Ergo potest hoc fieri, ut Christiani ab aula Christi  
retrahant, qui in aulas Regum promovent? Si infame est ser-  
vire Christo, quid legem ejus profiteamur? Et in hoc mundo  
non sunt gloriosiores Christi servi mundi servis? Quærit S.  
August. serm. 115. de diver. *Quare vos invenio earum rerum ama-  
tores, quarum veneramini contemptores?* Coluissēmus ita Petrum,  
nisi Christo serviisset? Si probrosum est se recludere in Mo-  
nasterio, lacerate imagines Francisci, Bernardi, Antonii, &c.  
dejecte anathemata, tollite argentum ex tumbis & reliquiis  
eorum. Sed uti scripsit Hieron. ad Pammachium. *Miratur orbis*

*pau-*



pauperem, quem divitem nesciebat. Quot servi mundi jacent in oblivione, colitur Stanislaus Kostka, &c. Acceperat donum pomum aureum Imperiale Henricus Imper. à Papa Benedicto, ut scribit Baron. an. 1613. statim illud misit ad Monasterium Cluniacense, his adjectis. *Nullis melius hoc donum possidere congruit, quam iis, qui pompis, mundi honoribus calcatis, Salvatoris crucem expeditius sequuntur.* Ita & in hoc mundo servi Christi sunt gloriosi, prohibetis nimirum tanquam rem vilem & probrosam servire Christo. Planè hic valet, quod Salvianus lib. 3. ad Ecclesiam. *Omnia amatis, omnia colitis, soli verbis in comparatione omnium DEVS vilis est.*

Fecerunt hoc tamen Fratres, & quidem Christiani circa Thomam. Sed quare? Nonne hic erit, qui domum illustrabit; hic, quem Doctorem Angelicum appellabit orbis; hic sectas veterum Philosophorum everteret; hic Theologiam Christianam in mirum ordinem reducet, &c. Pergunt Fratres, omne cum Religiosis amputant colloquium, omnem spirituales sermonem, omne opus pietatis. Denique ad hoc perveniunt; substituunt mulierem, quæ illum sollicitet ad peccatum. Non ita grave accidisset Thomæ recludi cum leone; vicit leonem David, sed victus à Bersabea: vicit Samson, sed victus à Dalila. His Thomas junior quid faciet? Vincet, non sclopis, gladio; sed arrepto de igne titone ignem inferni extinguet. Descendunt ad victorem Angeli, imponunt lumbis balthæum, non ut amplius pugnet, sed ut sit securus; & ita redit victor ad claustrum, ut ibi ampliorem scientiam, & ampliore quærat sanctitatem, & inde unam miram conquirat humilitatem, abscondit ingenium. Missus Coloniam ad Albertum Magnum, ut ab eo Theologiam ediceret, ita latuit, ut per contemptum eos mutus vocaretur, rarò interrogavit, tardius fuit in respondendo, ac eò ut quidam condiscipulus

obtulerit illi operam repetendi cum ipso lectiones, admisit hoc Thomas, & quidem longo tempore. Toto triennio sic latuit; quot inteterim aculeos linguarum sustinuit? nescit, quid sit facere se bovem pro Christo qui id non est expertus, & maximè si ille se faciat, qui potest esse Aquila. Tandem una charta prodidit Thomam. Casu illi elapsa, & Alberto data; obstupuit Albertus ad profunditatem doctrinæ, dixit. Erit tempus, quando iste bos mutus tantum edet mugitum, ut toties illum mundus audiat.

Jubetur Thomas ire Parisios, & ibi Magistrum sententiarum explicare, tantâ id fecit famâ, ut coactus sit fieri Doctor Theologiæ. Ex hac scientia proficit in humilitate, & gradu se illo indignum reputat, atque in lacrymis aliquot dies agit. Compareret illi venerandus in visione Senex, & illum confortat, ne timeat sibi ab honore quem non ambivit. Idipsum DEUM velle; obediat, gradum acceptet. Docet, ut nullibi à doctrina Sanctorum recedat, etsi ab aliquo recedit, facit hoc reverentissimè, neminem lædit. Illius doctrinâ fulsi posterì, restiterunt Guilielmo à S. Amore: Desiderio, Gerhar-do & aliis. Ille rationem veram statûs ostendit Principibus in volumine scripto ad Regem Cypri. Ille Philosophiam Aristotelis concordavit cum Christiana: Ille Theologiam S. Augustini reduxit in methodum. Non est exorta post illum hæresis, ut asserit Pius V. quæ ab illo non sit jam confixa, prævidit omne dubium, omne sophisma quod possit moveri contra doctrinam Catholicam, & solvit. Et ecce per hanc scientiam ad hoc pervenit, ut summè DEO placeat. Eccl. 51. *Danti mihi sapientiam, dabo gloriam.* Dedit gloriam, ut Sol illi in pectore pingatur, quia Sol est Theologorum. Sole orto fugiunt latrones, aperiuntur insidiæ, de turpitudine erubescunt adulteri. Innocentius VI. de Thoma sic dixit. *Qui eum tenuit nunquam in veri-*



*veritate deviâsse, qui eum impugnavit, semper fuit de veritate fufficiens.*  
 Sicut aquam ab Unicorni purgatam bibunt omnes secum.  
 Postquam longo tempore docuit Parisiis; docuit & Bononiâ,  
 & Neapoli; & Romæ apud omnes in honore fuit, à S. Ludovico Rege Franciæ adhibitus mensæ, abstractus à se contra Manichæos disputavit. Hoc est donasse LEO ingenium. Donavit IEO gulam Tertullianus, cum alteram induceret quadragesimam. Donavit Origenes carnis voluptates; sed recuter ingenium. *DEVS sedet super Cherubim*, ita sapius in Scriptura. Non sedet in Potestatibus, Virtutibus, &c. Errant, scribit Hieron. in 6. Itai. *qui solent in precibus dicere, qui sedes super Seraphim, quod scriptura non docuit.* Ubi nunc Palladius, Rufinus, Didymus, Evagrius, &c. DEO non donarunt ingenium, subjecit DEO Thomas. Hinc DEUS fuit iunctus per scientiam Thomæ, sed etiam Thomas DEO. Nihil in mentem admisit, quod non esset ordinatum ad LEUM, abstrahatur ita contemplatione, ut nec cibos in mensa distingueret, nec homines in via: si Chirurgus aliquid durum circa illum voluit operari, tantum orare coepit, extra se factus nil sensit, & ut DEO magis unitus viveret, omnibus dignitatibus renuntiavit, quæ illi offerebantur, omnia despexit. Abbat Clemens IV. Archiepiscopatum Neapolitanum. Laudabat quispiam Parisios; Ille e contra. Si mihi vel Parisii darentur, vel homilia S. Chrysostomi: has præeligerem. Nihil illi nisi DEUS placuit. Christus illum de cruce allocutus. *Benè scripsisti de me, Thomas, quam ergo mercedem habebis?* Quid ille? *Nullam aliam præter Te, Domine, non terram, non cælum.* Addidit DEUS & miracula: dum moretur, jam fecerat: 654, nec pe tot quot in summa sua sumpsit articulos. Hi sunt in processu Canonizationis ejus vocati miracula, itemque à Joanne XXII. Sed vultis alia? vix Thomas claudit oculos suos morte, aperit in eodem Conventu

ventu cæco Priori. Decem alibi liberati à doloribus gravissimis, decem à fistulis perfidentibus. Puer dum in flumine mergitur, dum S. Thomam invocat per capillos manu invisibili extrahitur; non desunt & alia. Sed ipse Thomas maximum miraculum, in paucis annis vitæ tot libros legit difficillimos, & inter tot occupationes, tantum scripsit. Nihil legit, quod non intellexerit, nullius oblitus, eodem tempore quatuor scriptoribus dictavit speculationes arduas. Sic Thomas per virtutem quæsit scientiam, & per scientiam virtutem. Sic fecit & docuit, proinde ut magnum in regno cælorum veneretur.

In festo S. Benedicti. CONCIO. I.

*Quid ergo erit nobis? Matt. 13.*

**D**EUS procedit nobiscum, ut Paterfamilias cautus, qui in vilioribus cistis abscondit pretiosiora: in splendioribus viliora. *Simile est regnum cælorum thesauro abscondito in agro.* Interea pro sua bonitate innuit Filiis. Non apprehendite cistas viliores. *Beati pauperes spiritu, &c.* In talibus latent mei thesauri. Abscondit in eremo, civitatibus, libris, vacuis patinis, sandaliis, &c. Sed *non omnes capiunt verbum istud.* S. Benedictus cepit thesauros, ut patebit ex his quæ dicam, & quid ex illis accepit; videamus.

Ad illos reperiendos ductus est lectione S. Scripturæ, ut Salvator innuerat, & quæsit in Sublacensi specu, & ita quidem occultè, ut nemo sciret præter Romanum Monachum, qui illi necessaria vitæ suppeditabat occultè. Quæsit deinde in spinis, tandem in vita communi, & tandem reperit. Sed quid tandem? Benedictionem Abrahæ, ut multarum esset Gentium

Pater

Pater, quia in Occidentali Ecclesia nulla ante illum fuit disciplina Monastica. Multarum Gentium, quia sicut inter populos diversi sunt gradus dignitatum, ita ex illo diversi prodierunt. Planè ita illi accidit, ut Moyfi dum populum per mare rubrum duceret, superato mari Moyses & Pharaone demerso incepit Canticum; & ut August. libro I. de mirabil. S. Scripturæ, cap. 21. *Cuncti pariter, senes cum pueris, & omnis ætatis inspirati Flamine uno, quasi ex ore uno decantaverunt. Cantemus Domino, gloriosè enim magnificatus est, &c.* Procul erant multi à Moyse, idem cantarunt uno ore. Pueri erant, fœminæ erant, &c. Idem cantarunt. Et quod miremur, ut scribit Petr. Valdensis, ferm. de S. Benedicto, adhuc in utero dulciter cantavit, ut præluderet cantico, quod deinde in Monasterio completurus. Cantavit ille, secuti sunt eum ex ordine ejus Doctores quindecim millia, ampliùs quàm septingenti Imperatores, & totidem Reges, centum septendecim. Pontifices supremi octodecim. Cardinales ducenti. Archiepiscopi mille sexcenti. Episcopi quater mille. Inter Sanctos relati millio & quinque millia sexcenti unus, præter illos quorum Sanctitatem DEUS sibi reservavit. Dicebat Benedictus. *Quid eris nobis, qui reliquimus omnia?* Benedicte, hoc erit tibi, eris Pater tantarum, sanctarum, magnarum Gentium, quæ vel abdicato fastu sæculi sub tuam convolarunt Regulam, vel ex tua disciplina sunt assumpti. Mirantur multi docti, cum Moyses explicuerit facta DEI, cur non explicuerit, qualis illorum sit Factor; solùm dicit, *creavit DEVS cælum & terram, &c.* Sed etiam sic DEUM explicat, cum facta ejus narravit. Miramur Benedicti facta, sicut ex creaturis DEUM cognoscimus, ex factis Benedictum. Quid majus potest esse quàm studia relinquere, quibus se Romæ addixerat, ne fortè à sociis contaminaretur? Secutus in hoc Moysen, qui ex Ægypto recessit. Vultis mare rubrum, quando loquimur



de Moyse, incidit in S. Juvenem stimulus carnis, qui nec Apostolo, etsi jam antea fuerit in tertio coelo, pepercit, volutat se in spinis, & ut S. Greg. de illo. *Per vulnera cutis extinguit vulnera mentis.* Hoc est mare per quod tantum, ut diximus, populum duxit. Hi omnes castitatem Sancti sunt imitati. Benedicte, secundum nomen tuum ita & laus tua.

*Quid erit nobis?* Quid præterea Sanctus reperit? Mundi hujus homines, currunt ad cistas DEI aspectu pretiosas. Sed quid inveniunt? *Vanitas vanitatum.* At Benedictus in illa obscura cista, in qua DEUS reposuerat Spiritum Prophetis, qui dixerat Prophetæ: noli fingere te alium quam sis. Eundem Spiritum reperit. Totila misit Spatharium seu ensiferum suis vestibus indutum, ut agnosceret, an Sanctus posset falsum à vero Totila Rege Gothorum dignoscere. At viso illo Sanctus. *Depone, fili, quod geris; nam tuum non est.* Et Totilæ prædixit adventum ejus Romam, & maris trajectionem, ac post annos novem mortem. Eliæ panem ferebat corvus, Sancto cum panis veneno infectus, oblatu fuisse: corvus abstulit, & in solitudinem detulit, ubi nulli hominum esset nocumento. Obtulerant alii calicem toxico plenum, at ille Crucis impresso signo, confregit calicem velut Elias igne milites. Alius missum Sancto vinum abscondiderat. At ille. Cave, ut cautè lagenam aperias quam abscondisti. Aperit illi deinde vas absconsum, & serpens de illo profiliit. Sanavit Eliæ discipulus aquas; sanavit ne noceret vinum Benedictus, &c.

*Quid præterea reperit?* DEUM. Sed eo modo quo Paulus in tertium raptus coelum. Ostendit illi DEUS in quadam luce totum mundum, ut scribit S. Greg. libro 2. Dialogorum, cap. 35. Quid in illo eligit? Omnes appetimus esse in coelo, sed vias coeli non omnes eligunt; via coeli arcta, illi per amplam tendunt: via coeli sursum vergit, illi deorsum. Quid  
illo

ille elegit? *Arbitratus sum omnia ut detrimenta.* Quidquid in mundo elegero, detrimento mihi erit; dominia, voluptates, damna sunt. Scio quid in mundo est optimum, 2. Cor. 8. *Altissima est paupertas*; igitur ad cœlum ducit. *Obedientia melior quam victima*, quia per illam non animalium carnes, sed propria voluntas immolatur. Est igitur arcta via, ac proinde coelestis, hanc amplector. Cœtera in mundo quæ amem, non habeo; & hæc ipsa sunt via, non terminus, extra mundum quæram terminum. Quærit l. c. S. Gregor. quomodo Benedictus totum mundum videre simul potuerit? Et respondet. *Animæ videnti Creatorem angusta est omnis creatura, quia tantum expanditur in DEO, ut superior existat mundo. Non cœlum, non terra contracta est, sed videntis animus dilatatus est.* Sed quomodo videns DEUM dilatatus, ut major existat mundo? De Beatis in cœlo facile responderi potest; quia datur illis lumen gloriæ, id est, vis quædam, quæ oculum mentis illorum non dilatat loco, sed dat illi tantum virium, ut idem efficiat, atque si per millena milliaria esset distentus. Sed hoc est de Beatis in cœlo. Benedictus in via erat, sed Benedictus, ut quidam putant, sicut Moysem & S. Paulum ad videndum DEI essentiam admissas, ac proinde æqualem Beatis in cœlo. Sed quidquid sit de hoc, quod à me definiri non debet; videtur, modo quodam admirabili nobis ignoto, ad videndam Personam DEI Filii admissus. Non ingredior hîc discursum Theologorum: an una Persona Divinitatis sine alia videri possit? Solùm in hoc sisto: si videri potest, visam à Benedicto, sive visione beatum faciente, sive quâcunque alia Personam Filii DEI. Et conformando sermonem verbis citatis S. Gregorii, in ea visum à Benedicto mundum. Hic enim est Patris Sapientia, atque Verbum in quo videntur omnia, quia per illud facta sunt omnia, & in ipso, & cum ipso. Visio autem DEI est possessio DEI

DEI: nam intellectus quod cognoscit, in se rapit. Et sicut amans est in re amata: ita res intellecta in intelligente. Vidit ibi admiranda Sanctus, vidit Angelos, vidit ea quæ super coelos sunt, quæ in aëre, terra, aquis. Vidit quæ sub terra, in inferno, purgatorio. Ex ista visione vis quædam coelestis infusa est Sancto. Hinc miracula patrabat. Galla Gothus quendam Agricola cruciabat, ut illi suas opes proderet: hic verò dixit se illas Benedicto tradidisse. Adducit ligatum hominem Gothus ad Sanctum, quem ubi solum Sanctus conspexit, statim ceciderunt vincula. Ea vis oculis, qui DEUM conspexerant. Aggressus idola, dissipavit, Principibus imperavit, mundum reformavit.

Finiam in benedictione Abrahamæ, à qua incepti Psal. 46. *Principes populorum congregati sunt cum DEO Abraham.* Tot Principes in ejus Religione! Quoniam Dii fortes terræ elevati sunt, quando in mundo, Deorum, terræ, Tyrannorum, Gothorum assurrexit impietas. DEUS Abraham erat cum Benedicto, & Principes congregati sunt, quia ab illo progressus Ordo Cisterciensium, Ciuniacensium, & aliorum. Sed quoniam reperit DEI Filium, non dimittet. Christus ascendit in coelum, ducitur in coelum Benedictus inter lampades per coelum dispositas; mirantur viri Galilæi ascendentem Christum, & dicitur illis. *Hic JESVS qui ascendit, &c.* Dicitur etiam contemplanti iter Benedicti. *Hæc est via, per quam dilectus Domini Benedictus ascendit.* Christo sit gloria, honor Benedicto.

## De Eodem. CONCIO II.

*Centuplum accipiet. Matt. 19.*

**Q**UI Vetus Testamentum considerant, advertunt quod omnia, quæ in Novo futura erant, in illo sint expressa. Juxta



Juxta Glossam Christus per Isaac. B. Virgo per Judith, ut dicit Lauretus in Admirari. Joan. Bapt. per Eliam. *Ipsę præibit in virtute & Spiritu Elia.* S. Paulus per Benjamin, ut docet S. August. Elisabeth per Rachel, ut Joachimus Alb. S. Joseph per alterum Josephum, ut Bern. super Miss. S. Benedictus per Moysen, ut S. Th. conc. hod. Ubi adductis verbis, *dilectus DEO & hominibus*, subjungit, *Leguntur secundum literam de Moysę, qui præfiguravit B. Benedictum.* Ille Ægyptum, hic mundum reliquit; ille miracula fecit & hic; ille eduxit, & hic ex mundo, & quidem ita, ut de illis dici posset quod Chrysost. 1. Tim. homil. 14. *Tranquillo in portu navigunt, ac veluti luminaria sunt de sublimi loco navigantibus fulgore suo iter aperientes.* Ille dedit legem, hic regulam; quare cognito qualia fecit Moyses, & hunc cognoscemus. Sed in censuplo sisto.

Mundus est plenus laqueis. Eccl. 9. In medio laqueorum ambulas. Et quod est pejus: incedimus per illum ebrii. Aug. 2. Confess. 3. *De vino invisibili perversę atque in ima inclinata voluntatis inebriamur.* Et ut Chrysost. sermon. 11. *Hujus sæculi mare tumens, pompā undosum, scētis fluctuans, clamosum litibus, tumens irā, peccatis naufragum, impietate demersum.* Quid deduces? Ps. 143. *Spiritus tuus bonus deducet me in terram rectam.* Solus Spiritus S. Campensis legit. *Spiritus tuus benignus.* Hic maxime DEI bonitas apparet, non est opus justitiā. Bonitas attribuitur Spiritui, & hic ponitur hic titulus, quia de re magna agitur. Terra recta Religio. Genebrard. in l. c. *Deducet me in viam virtutis, in consilio, & actiones sibi placentes.* In Religione servantur consilia. Duxit verò Spiritus S. per S. Benedictum, unde nulla est Religio sine illius auxilio. S. Dominicus per quinquennium suę pueritię educabatur in Monasterio S. Benedicti. Franciscani in recognitionem usque hodie dant Benedictinis aliquot pisces, ut scribit Zamora. S. Ignatius apud illos fuit

in monte Serrato. Augustinianis dedit Fundatorem S. Guilielmum. Religiosis de Mercede dedit initium Rex, sed qui fuit prius Benedictinus. Deduxit in terram promissionis ut centuplum accipiant. Mundus *terra maledicta in opere*, non reddit fructum juxta semen. Centuplum quia quisque factus Religiosus plus valet centies quàm antea. Ita de illis Chrysof. *Isti profecto sunt Sancti, atque inter homines Angeli.* Unde & Angeli ad eos veniunt. *Audeo dicere S. Angeli cellas habent pro cœlis, & aequè delectantur in cellis ac in cœlis.* Ait Bernard. serm. ad Fratres. Sed Benedictus id recepit uberius, dedit ex suo ordine Reges mundo, Ramirum secundum Aragonibus, Casimirum Polonis, Tribellium Bulgaris. Recepit ad suum habitum Reges, Anastasium II. Imp. Michaëlem I. Imp. Theodosium III. Lotharium, Hugonem, Isacium, Emmanuelem, omnes Imp. Dedit Ecclesiæ Doctores Gregorium & Leonem Magnos, & alios Pontifices 38. Centuplum accepit in hoc honore.

*Deducet me in terram rectam.* Dyonis. in l. c. id est, *In religionem cœlestem, in terram viventium.* Nam teste Basil. de laud. vitæ solit. est ut sepulchrum Christi, recepit mortuum, reddidit vivum. Sic veniunt peccatores ad cellam, exeunt Sancti. Bernard. serm. ad Fratres. *Quàm dilecta tabernacula tua, Domine virtutum, in quibus passer invenit nidum, & turtur domum, ubi reponat pullos suos.* Passer animal naturaliter viriosum, mobile, leve, importunum, garrulum, ac proum in libidinem. Et turtur pacis amica, opacæ solitudinis familiaris incola, forma simplicitatis, exemplum castitatis. Ille sibi invenit in eis domum quietis & securitatis; illa nidum ubi reponat pullos suos. In tabernaculo Domini, in disciplina cellarum. Exierunt ex cella S. Benedicti ut refert Tritemius, quinquaginta quinque millia Sanctorum canonizati. At die quâ ipse Sanctus moriebatur, narrat Gregor. Dial. 2. *Via recta orientis tramite ad cælum usque tendebatur strata pallis.* Tanquam Regi intraturo.

De-

*De duce me in terram rectam.* Legit Felix, *In terram innocentie.* Procedit Religio cum suis ut cum cæpa, id est, cum radice, crocis, cum inferitur, prodit plena tunicellis, totum debet avelli, & transplantari ipsa, & sic fructificat. Est terra innocentie, sunt ut in Paradiso modò. Innocentia in ore fuit Sancti; testatur Gregor. quòd nunquam dixerit verbum otiosum. Innocentia in oculis. Crudelis quidam dictus Galla, cum torqueret rusticum ut daret illi pecunias; hic finxit se apud Sanctum eas deposuisse, ligatum eò deducit Galla, tantum aspexit Sanctus, vincula deciderunt. Innocentes manus quæ tot miracula fecerunt. Terra quam calcavit. Erat quædam Amens, dormiebat in campis, venit etiam ad speluncam in qua aliquando vixit Sanctus, sanata est. In nomine, quia DEO convenit benedictum esse, qui est super omnia DEUS benedictus in sæcula. Hoc nomen Matri suæ Christus dedit. *Benedicta tu in mulieribus.* Hoc Pater Filio, *Benedictus fructus ventris tui.* Esse maledictum significat plenum esse omni malo. Ita 4. Reg. 19. Jehu dicit de impiissima Jezabel. *Ite & sepelite maledictam illam.* Ita Deut. 12. *Maledictus omnis qui pendet in ligno.* E contra, omne bonum significat benedictus; ita Abrahamo. *Eritque benedictus.* Quare? quia multos filios erat habiturus, etiam Sanctus; nam Abbatis habuit aliquot mille. Prioratus sedecim millia. Araham vidit DEUM in Angelis, Sanctus, ut dicit Gregor. in essentia in hac vita. Abraham reliquit domum: Sanctus cum ab impuritate tentaretur, reliquit vestes, & se volutavit in spinis. Abrahami curam habuit DEUS, & dum Sanctus in spelunca famem pateretur, præcepit DEUS cuidam Clerico, ut illi ferret prandium, quod pro se splendide parabat. Pro filio Abrahæ Ismaële paravit DEUS in deserto aquas, & pro filiis Sancti in tribus monasteriis, quæ erant in saxis altis, & laborabant gravi defectu aquæ, positis tribus



lapidibus, ostendit ubi largas essent effoissuri aquas. Redditus in monte vivus Isaac Abrahæ, & Sanctus cujusdam filium suscitavit; alterum, dum Sancti ossa transferrentur. Dedit vitam æternam duabus Monachabus, quas primò propter insolentiam excommunicaverat, & in ea mortuæ, in templo sepultæ, quoties Diaconus dicebat, ut excommunicatæ exirent; & illæ exhibant. Sollicita de hoc Abbatisa, recurrit ad Sanctum, dedit illi Sanctus certam pecuniam, ut offerret pro illis; obtulit, non amplius exhibant. Sub nomine Benedictus, ut in Abrahâ comprehenduntur omnia, hoc est, centuplum. Dedit vitam & plantis hyeme, cum ejus corpus transferretur, surrexit, ivit pedes, & omnia vivere fecit. Obedivit Abraham DEO. Sancto mortui obediunt. Fuit apud Sanctum cujusdam Filius in educatione, pertæsus fugit ad patrem, mortuus, sepultus in Templo Monasterii, ejecit illum terra, & hoc secundò & tertio. Recurrerunt Parentes ad Sanctum, jussit ille, ut quidam Monachus supra pueri pectus poneret hostiam; quo facto, non amplius illum terra ejecit. Quare quod de Moyse dictum est, dici potest de Sancto, Deuter. lib. *Non surrexit ultra Propheta in Israël, sicut Moyses.*

In Annunciatione B. M. Virginis.

## CONCIO I.

*Missus est Gabriel Angelus ad Virginem.*

Lucæ 2.

**H**odiernum demum Evangelium ostendit, quanta sit B. Virgo. Mittitur ad illam Seraphim, ex quo choro nullus legitur

legitur ad hæsisse Lucifero, nam & ipse in choro ponitur inferiore, scilicet Cherubim, Seraphim, quia hic est ordo inter Angelos, ut mittantur à DEO Seraphini, ab his Cherubini, & deinceps. Hic vero à DEO mittitur; itaque est Seraphinus. Et hoc ipsum sentit Bernard. epist. 17. ad Hugonem à S. Victore. Nam, Angelus nomen est officii, non naturæ, & Angeli dicuntur qui parva, Archangeli qui nunciant magna. In consensu Virginis appenditur salus mundi, preces S. S. Patrum, suspiria, nihil, nisi Virgo consentiat, ut idem Bernard. & August. ex his & ego dignitatem B. Virginis deducam.

Quanti DEUS Virginem S. faciat ex hac legatione patet. Non mittit ullus Rex Principem nisi ad personam quam tanto honore dignam judicat. Seraphim sunt Angelorum supremi. Hinc si magna dignitas Petri, quia DEUS ad illum misit in carcerem Angelum; magna Joannis, quia Angelus in Apocalypsi illi loquitur, quanta Virginis S. cui Seraphim honorem defert, qui tanto Angelis altior quanto Rex suis Agricolis. Archangelus enim Angelis sanctior, dignior, & sic per novem gradus ascendendo tandem pervenitur ad Seraphinos. Et isti ipsi quanti faciant Virginem S. qui etiam Sancto viro de illa non permiserunt loqui, nisi prius igne coelesti labia ejus purgavissent. Id enim advertit Alb. M. in Mariali, cap. 17. quod antequam Isaias illa verba diceret, *Ecce Virgo concipiet*, &c. Purgavit Seraphim calculo ignito labia ejus; sed tam ignito ut eum manu tenere non sustineat, forcipe tulerit de altari. Quis verò ignis alius in cœlo, nisi Spiritus S. itaque tanto ardore implevit illum calculum Spiritus S. ut eum Seraphim capere non potuerit, & hoc ideò solum, ut de Virgine S. dignè Propheta loqueretur. Quomodo putamus Virginem S. eo repletam igne! Hinc veluti non caperet Seraphim solum dicit. *Spiritus S. obumbrabit tibi*, quasi diceret, hoc superat meum

captum, quid & quomodo Spiritus S. faciet, caligant ad hoc mei oculi, quia omnis creaturæ captum superat mysterium Incarnationis Filii DEI, quod in Virgine S. peractum. Anselm. de excell. B. V. ita ex hoc dignitatem B. Virginis infert. Cum pro adventu Magni Principis solent hospitium quàm maximè exornari. Si talis apparatus fit pro adventu momentaneæ potestatis, qualis apparatus fiebat in corde B. Virginis pro adventu æterni Regis. Explicuit ampliùs hunc apparatus Concil. Ephesinum. Virgini nulla perfectio deest omnis post DEVM cogitabilis munditiei? Nullo tempore, nullo loco fuit aut erit tam digna Virgo. Cogita quidquid post DEVM cogitare potes, in Virgine S. est. In Seraphinis est amor DEI, major est in Virgine S. In Cherubinis est scientia, in Virgine S. ipsa se reposuit Sapientia, &c. Uno verbo, plena gratia. Nulla perfectio post DEVM cogitabilis illi deest. Quidam appellavit Mulierem circulum, quia de viro sumpta, & Gen. 3. ad virum conversio ejus. B. Virgo est circulus DEVM concludens, juxta illud de ea. *Mulier circumdabit virum.* Bonau opusc. de laud. B. Virg. *Excepto solo DEO est omnibus altior.* Igitur si omnium Sanctorum dignitates in unum conferas, est dignior; & quia Mater æqualitatem quandam habet cum Filio, adeò ut Aristot. in Polit. dicat. Si mater in bello caperetur, à Filio non posset esse mancipium. Id eveniet quod S. Joan. Bapt. supremus inter Sanctos: & qui major non surrexit, ut de Filio B. Virginis diceret, *Non sum dignus solvere corrigiam calceamenti ejus.* Idem de B. Virgine omnes Sancti certo modo dicunt. Rem unam tamen miror in hoc Seraphino, antequam B. Virgo concepisset, vocat gratiâ plenam. Postquam assensit S. Virgo; statim discessit ab ea. Modò primò deberes Seraphine dicere, quid ei gratiæ accessit; nam quidquid illi hætenus collatum est eo titulo datum, quia futura erit DEI Mater. Jam concepit, modò illius



Illius explica dignitatem. Potest fieri, ut ita acciderit sicut in humanis solet. Mittit Princeps ad alium Principem Legatum, hic perorat, interea Princeps qui misit, supervenit, Legatus statim verba abrumpt. August. serm. 17. de Natali: *Nec mora, revertitur Nuncius, & ingreditur Christus.* Potuit etiam ex eo accidere, quia antequam B. Virgo concepisset, poterat Angelus ejus dignitatem verbis exprimere, *gratia plena*, ita plena, ut homo non possit post, seu infra DEUM cogitare plenior, sed cum Mater effecta est jam est factum quoddam infinitum, infinita est enim ista Maternitas, & qua ut docet S. Th. DEUS majorem facere non possit. Hoc jam (forte cogitabat Angelus) nec ego explicare, neque vos homines capere potestis. *Discessit ab ea.* Quò Soli aliquid viciniùs eò clarius; jam totus est Sol in hac Virgine, mortalium oculi hoc non sustinebitis. Jer. 31. *Creavit Dominus novum super terram, mulier circumdabit virum.* Ipsa Mater, ipsa Pater, ipsa Avus, Proavus, Filii, &c. Omnis illi creatura servire debet. Jam est mea post DEUM Domina & Regina, ego famulus, coram illa filere me decet. *DEVS lucem habitat inaccessibilem*, ad hanc lucem proximè S. Virgo accessit. Hanc DEUS Pater habet Affinem, Filius Matrem, Spiritus S. Sponsam: *discessit ab ea.*

Sed ad id redeamus, quod solum obiter attigimus. *Ne timeas Maria*, consenties, à tuo consensu pendet salus orbis, nisi consenseris, non fiet DEUS homo. Ergo tantum opus à Virginitis S. pendet consensu. Ps. 8. *Videbo opera digitorum tuorum, Lunam & stellas.* Quando creabat coelum, terram DEUS, quasi ad hoc solum digitos adhibuisset, at verò præsens opus est tantum, ut ad illud DEUS brachii potentiam exerat. *Fecit potentiam in brachio suo.* Et in hoc relinquit in arbitrio Virginis S. ô quanta hæc est Virgo DEO! Jam intelligi potest Magni Theologi Suarez hypothesis. Si esset diversitas voluntatum

in cælo, & ex una parte omnes Sancti orarent DEUM, ut aliquid faceret: ex altera parte sola B. Virgo, ne faceret; id futurum quod illa oraret. Per aliquot milia annorum orabant Sancti, immolabant victimas, offerebant sacrificia, ut DEUS fieret homo, & ecce consensum Virginis S. DEUS expectat, igitur pluris illam facit quam Sanctos reliquos. Igitur & illa majorum est virtutum, quam Sancti omnes. Accipiamus ex his solam humilitatem, per quam præcipuè meruit esse Mater DEI. Et sicut Rupert. in 2. Cant. *Cunctæ virtutes, omnes gratiæ quæ Virginem exornabant, humilitati ejus tributa pendebant.* Angelus dicit: eris Mater. At illa. *Ecce ancilla Domini.* Jam Tibi. O S. Virgo tantum est à DEO collatum, quomodo es ancilla? sit servus qui peccavit, *Tu es tota pulchra.* Quò altius subvehitur, eò profundius descendit. *Fundamenta ejus in montibus sanctis,* quò plus aquarum in montes fundit cælum, eò majore impetu non fertur nisi ex monte. Lætificabo civitatem DEI, hæc humilitas reparabit ruinas factas per lapsum Luciferi in civitate DEI. Sed quomodo ancilla cum serva nunquam fuerit peccati? Tres sunt fontes *abyssi magna*, tres humilitatis. Fons peccati, fons nihili, fons Divinæ perfectionis. Ex primo nec B. Virgo, nec Angeli hauriunt humilitatem, ex duobus aliis abunde. Cogitavit DEI excellentias *Ecce ancilla Domini.* Ille æternus, ego aliquot annorum: ille immensus, ego aliquot pedum, idque in alieno: ille mare boni, ego guttula, idque de ipso profluens; imò quota pars guttulæ, cum totus orbis sit guttula. Ille tantus DEUS, & ecce in me fiet guttula, quid ego deinde? S. Ambr. lib. de fuga sæculi. *Postquam te vidi propter me humiliatum è cælis descendisse, non valui amplius sustinere; sed tanto pondere amoris victus, in terram prostratus adoravi te.* Quid S. Virgo propter quam, & in quæ humiliatus? Ex altera parte, nec Ambrosius, nec alia creatura, ita penetravit nihilum sui ut B. Virgo

Virgo. Et quia ut Chrysoſt. hom. 3. in Matth. *Humilitatis ſumma in eo conſiſtit, ſi voluntas noſtra per omnia Divina fuerit ſubjecta voluntati.* Humilitatem B. Virginis cum terra contulit Alb. M. in Luc. 12. Si terram mittas in mare, obſequitur: ſi in alto col- loceſ, manet, educitur à Sole in nubes, inde jubetur ad terram redire redit: Virgo S. perfectiſſimè voluntatem ſuam Divinæ ſubmiſit. Cùm, ut Bern. in Miſſ. eſt homil. 3. *Cor fidei, labia con- feſſioni, viſcera adaperient Creatori, dixit: Ecce ancilla, &c.* Verus humilis ut ſibi diſſidit, ita confidit DEO, qui etiam de lapidibus poteſt facere filios Abraham. Scio me hâc indignum eſſe gratiâ, ſed ſi tu viſ, ego volo. Iſaias cap. 7. dum ad hoc Myſterium col- limat, loquitur ad Achaz, *Pete tibi ſignum, ſunt in profundum inferni, &c.* Videtur hanc humilitatem S. Virginis deſcripſiſſe, ac ſi diceret: Erit Virgo ita humilis, ut magis te humiliare poſ- ſit quam aliquis inferno dignus, nemo Sanctorum magis. Sed ſimul excellentias alias S. Virginis innuit. *In profundum inferni.* Sicut Filius ejus vaſtavit infernum, ita & illa, etſi alio modo. Ille de ſepulchro aſſurget, iſta aſſumetur. *Pete tibi ſignum in ex- celſum ſuprà.* Nullum exceliſius Virgine S. miraculum. Ambr. de inſtitut. Virg. cap. 5. *Parturire Virginem majus eſt miraculum quàm revivifcere mortuum.* Hoc enim ſæpiùs contigit, hoc verò tantùm ſemel. Sed quomodo verum eſt Iſaiæ, qui dixit vo- candum Emmanuel, cum non ſic vocemus? Tertull. lib. 3. contra Marcionem, reſpondet, vocandum Emmanuelẽ non ſono ſed ſenſu. Sicut Iſai. 1. dicitur de Jeruſalem, *Vocaberis civitas Juſti, Jer. 3. Solum Domini. Zach. 8. Civitas veritatis.* Hæc de humilitate S. Virginis, quid de Virginitate? Magna Virgi- nitas S. Tereſſiæ de qua Riberia in vita ejus, quòd filias ſuas ve- nuit odorari fioſculos, quos halitus viri aſi aſſet. Magna il- lius de qua Sulpit. in vita S. Martini, quæ nec hujus Sancti oculis voluit videri. Magna Magdalene de Pazzis, quam



dum mortuam, ut est in ejus vita, quidam lascivus voluit videre avertit vultum. Magna illius de qua Rosw. in vitis P. P. quam dum mortuam quidam voluisset contrectare, arripuit illum. Sed nulla est quæ visa solum extinxerit faces hujus ignis, nisi sola B. Virgo, & quæ ad amorem puritatis provocaverit, ut scribit S. Thom. in 3. dist. 3. quæst. 1. art. 2. Quid de aliis Vir-  
tutibus?

Chrysolog. ferm. de Annunt. dum loquitur de Consensu Virginis S. ait: *Mox sensit Virgo in se supernum suscipi Judicem, ubi jam ante vidit cælestem, & contemplata est mutatorem.* Mutari ad castra spectat, quid hodie Virgini S. cum castris? Duo Reges, Syriæ & Ephraim contra Regem Judæ conspirarunt, tremor invasit Achaz Regem Judæ, ut est Isai. 7. misit DEUS ad illum Isaiam. Noli timere hos duos Reges tanquam duas caudas fumigantium titionum, & ut sis certus quod tibi DEUS aderit, *Pete tibi signum.* Achaz sive ob reverentiam DEI, sive ob malitiam, nam ubi nos legimus, *Non petam & non tentabo Dominum.* Alii legunt. *Non glorificabo.* Noluit petere, tum Isaias. *Dominus dabit vobis signum. Ecce Virgo concipiet, &c.* An hic sunt castra contra hostem? Imò sunt maximè. Regnum Judæ erat Regnum David, cum annuntiatur Christus nasciturus, additur. *Dabit illi Dominus sedem David Parris ejus, & regnabit in domo Jacob in æternum.* Non timeas Achaz, sint quancunque hostes, regnum Juda est regnum David, erit perpetuum. Fumant & modò titiones non tantum hominum, sed etiam inferni, in hoc signo Virginis sub Emmanuele vincemus. Emmanuel concipitur, quia Virgo consensit. Emmanuel significat, *nobiscum est DEVS.*

## De Eadem. CONCIO II.

**V**Endiderat se homo in diram servitatem, vendiderat Patriam

triam, coelum: opus erat redimere, deerat tanti valoris nummus. Suspirabat homo, quia promissum habuit. Canuc. 8. *Quis mihi det te Fratrem meum?* Inveniebatur quidem hujus nummi materia in terra, sed forma quæ dat valorem deerat. Imprimis eam Spiritus S. hodie dum unit humanæ Divinam naturam, inde imago in nummo resultat quam ostendit Joan. Ecce *Agnus DEI*, &c. Hoc verò totum fit in B. Virgine quam ita Damian. serm. 45. salutatur. *Salve Virgo, gazophylacium thesauri, quo sumus de cruenti prædonis servitio comparati.* Consideremus & nummum & gazophylacium, ut sciamus quid nobis beneficii sit factum.

De valore hujus nummi loqui, neque ulli Coelitum datum est satis. Dyonis. de Div. Nominibus, cap. 2. *JESU in carne apparitio, & ineffabilis sermone, & omni ignota intelligentiæ, ipsi quoque antiquissimorum Angelorum primatui non satis perspecta.* Nihilominus nisi saltem aliquo modo cognoscatur, grati pro illa non erimus, atque ita saltem hoc de illa dico, quod plus fecit in illa pro nobis quàm nos cogitare possimus. Faciat novum mundum, novos coelos, Angelos, &c. propter nos: faciat hoc millies, &c. Amplius fecit cum est factus homo, quia fecit hoc quo majus facere non potest, lib. 3. de fide. *Nihil majus est quàm quòd DEVS efficere potuit, amplius enim efficere quid non valet.* Hic fecit quod maximum potuit, sapientia, bonitas, justitia DEI. In aliis operibus, quasi partem potentia, bonitatis, ostendit, hic totam. S. Thom. opusc. 60. docet *Incarnationem factam opere infinitæ potentia, incomprehensibilis sapientia & bonitatis immensa DEI.* Consideremus singula, & in primis sapientiam. Fuerunt ab initio mundi variæ actiones hominum, v. gr. Abraham immolabat Isaacum, Salomon ædificabat Templum, &c. Omnes liberrimè agebant: tamen DEUS ita illas ordinabat, ut quædam essent delineatio hujus mysterii. S. Joan.

Geo.

Geometra Doctor Græcus ubi alloquitur S. Virginem. *Illæ omnia te præsignarunt, Portam perviam ac simul clausam, ut est apud Ezech. Fornacem irroratam ac simul accensam, apud. Dan. Nubem in die simul & recti itineris nunciam. Exod. Petram melle fluentem Terram quæ inculta manna proferat, Tabulam à D E O conscriptam, &c.* Hæc omnia fuerunt veluti per carbonem delineatio, quàm adhibent Pictores imaginem depicturi. His ita se habentibus & immotis DEUS addidit colores, & imaginem DEI hominis perfecit, quod malo ejusdem Doctoris verbis exprimere. *Virtus Altissimi obumbrabit, quasi adumbratis quibusdam à Spiritu S. figuris per semetipsum colores ipsos injiciens.* Jam Angelus dicit. *Ecce Elisabeth, hæc vox continet mysterium, idem eum significat atque Septima DEI mei, Sabbatum.* Sex diebus creabat DEUS mundum, quievit septimâ; in hac quiete, in hoc Sabbato, *Verbum caro factum.* De illis figuris dici potest Isai. 37. *Venerunt Filii usque ad partum, sed non erat virtus pariendi. Hodie. Virtus Altissimi obumbrabit tibi, pariet Filium.* Et hic simul Sapientiam S. Virginis. Novum etiam quod Adam fuerit caput mundi, Noë instar colli in quo ad octo homines redactus erat mundus, quatuor Monarchiæ successerunt quasi manus & pectus, novissima tempora quasi pedes. Mittit 1. Reg. 21. ad Abigail, ut illam sumat in uxorem David, quid illa? Ecce famula tua, *ut lavet pedes servorum Domini mei.* B. Virgo similiter. *Ecce ancilla, &c.* Lavat verò etiam pedes, id est, ultima sæcula. Bern. sermon. 15. de verbis Isai. *Mysterium Incarnationis ad pedes specialiter cognoscitur pertinere.* Est allusio ad Seraphim qui velabant alii pedes. Sed quomodo pertinet? *Ipsè salvum faciet populum à peccatis eorum.* Hoc ipsum explicat, *regnabit in domo Jacob; discolors oves ad eum pertinebunt, & ipse erit Pastor, & Apostolus velut duodecim Pastores constituet, regnabit in domo David.* Regnum hoc ita se habuit, 1. Reg. 22. *Convenerunt ad eum omnes qui*



legitur ad hæfisse Lucifero, nam & ipse in choro ponitur inferiore, scilicet Cherubim, Seraphim, quia hic est ordo inter Angelos, ut mittantur à DEO Seraphini, ab his Cherubini, & deinceps. Hic verò à DEO mittitur, itaque est Seraphinus. Et hoc ipsum sentit Bernard. epist. 17. ad Hugonem à S. Victore. Nam, Angelus nomen est officii, non naturæ, & Angeli dicuntur qui parva, Archangeli qui nunciant magna. In consensu Virginis appenditur salus mundi, preces S. S. Patrum, suspiria, nihil, nisi Virgo consentiat, ut idem Bernard & August. ex his & ego dignitatem B. Virginis deducam.

Quanti DEUS Virginem S. faciat ex hac legatione patet. Non mittit ullus Rex Principem nisi ad personam quam tanto honore dignam judicat. Seraphim sunt Angelorum supremi. Hinc si magna dignitas Petri, quia DEUS ad illum misit in carcerem Angelum; magna Joannis, quia Angelus in Apocalypsi illi loquitur, quanta Virginis S. cui Seraphim honorem defert, qui tanto Angelis altior quanto Rex suis Agricolis. Archangelus enim Angelis sanctior, dignior, & sic per novem gradus ascendendo tandem pervenitur ad Seraphinos. Et isti ipsi quanti faciant Virginem S. qui etiam Sancto viro de illa non permiserunt loqui, nisi prius igne coelesti labia ejus purgavissent. Id enim advertit Alb. M. in Mariali, cap. 17. quòd antequam Isaias illa verba diceret, *Ecce Virgo concipiet*, &c. Purgavit Seraphim calculo ignito labia ejus; sed tam ignito ut eum manu tenere non sustineat, forcipe tulerit de altari. Quis verò ignis alius in cœlo, nisi Spiritus S. itaque tanto ardore implevit illum calculum Spiritus S. ut eum Seraphim capere non potuerit, & hoc ideò solum, ut de Virgine S. dignè Propheta loqueretur. Quomodo putamus Virginem S. eo repletam igne! Hinc veluti non caperet Seraphim solum dicit. *Spiritus S. obumbrabit tibi*, quasi diceret, hoc superat meum.

captum, quid & quomodo Spiritus S. faciet, caligant ad hoc mei oculi, quia omnis creaturæ captum superat mysterium Incarnationis Filii DEI, quod in Virgine S. peractum. Anselm. de excell. B. V. ita ex hoc dignitatem B. Virginis infert. Cum pro adventu Magni Principis tolent hospitium quàm maxime exornari. Si talis apparatus fit pro adventu momentaneæ potestatis, qualis apparatus fiebat in corde B. Virginis pro adventu æterni Regis. Explicuit ampliùs hunc apparatus Concil. Ephesinum. *Virgini nulla perfectio deest omnis post DEVM cogitabilis munditiei?* Nullo tempore, nullo loco fuit aut erit tam digna Virgo. Cogita quidquid post DEVM cogitare potes, in Virgine S. est. In Seraphinis est amor DEI, major est in Virgine S. In Cherubinis est scientia, in Virgine S. ipsa se reposuit Sapientia, &c. Uno verbo, *plena gratiâ*. Nulla perfectio post DEVM cogitabilis illi deest. Quidam appellavit Mulierem circulum, quia de viro sumpta, & Gen. 3. ad virum conversio ejus. B. Virgo est circulus DEVM concludens, juxta illud de ea. *Mulier circumdabit virum*. Bonau opusc. de laud. B. Virg. *Excepto solo DEO est omnibus altior*. Igitur si omnium Sanctorum dignitates in unum conferas, est dignior; & quia Mater æqualitatem quandam habet cum Filio, adeò ut Aristot. in Polit. dicat. Si mater in bello caperetur, à Filio non posset esse mancipium. Id eveniet quod S. Joan. Bapt. supremus inter Sanctos: & qui major non surrexit, ut de Filio B. Virginis diceret, *Non sum dignus solvere corrigiam calceamenti ejus*. Idem de B. Virgine omnes Sancti certo modo dicunt. Rem unam tamen miror in hoc Seraphino, antequam B. Virgo concepisset, vocat *gratiâ plenam*. Postquam assensit S. Virgo; *statim discessit ab ea*. Modò primò deberes Seraphine dicere, quid ei gratiæ accessit; nam quidquid illi hætenus collatum est eo titulo datum, quia futura erit DEI Mater. Jam concepit, modò illius

illius explica dignitatem. Potest fieri, ut ita acciderit sicut in humanis solet. Mittit Princeps ad alium Principem Legatum, hic perorat, interea Princeps qui misit, supervenit, Legatus statim verba abruptit. August. serm. 17. de Natali: *Nec mora, revertitur Nuncius, & ingreditur Christus.* Potuit etiam ex eo accidere, quia antequam B. Virgo concepisset, poterat Angelus ejus dignitatem verbis exprimere, *gratia plena*, ita plena, ut homo non possit post, seu infra DEUM cogitare plenior, sed cum Mater effecta est jam est factum quoddam infinitum, infinita est enim ista Maternitas, & qua ut docet S. Th. DEUS majorem facere non possit. Hoc jam (forte cogitabat Angelus) nec ego explicare, neque vos homines capere potestis. *Discessit ab ea.* Quò Soli aliquid viciniùs eò clarius; jam totus est Sol in hac Virgine, mortalium oculi hoc non sustinebitis. Jer. 31. *Creavit Dominus novum super terram, mulier circumdabit virum.* Ipsa Mater, ipsa Pater, ipsa Avus, Proavus, Filii, &c. Omnis illi creatura servire debet. Jam est mea post DEUM Domina & Regina, ego famulus, coram illa filere me decet. *DEVS lucem habitat inaccessibilem*, ad hanc lucem proximè S. Virgo accessit. Hanc DEUS Pater habet Affinem, Filius Matrem, Spiritus S. Sponsam: *discessit ab ea.*

Sed ad id redeamus, quod solum obiter attigimus. *Ne timeas Maria*, consenties, à tuo consensu pendet salus orbis, nisi consenseris, non fiet DEUS homo. Ergo tantum opus à Virginis S. pendet consensu. Ps. 8. *Videbo opera digitorum tuorum, Lunam & stellas.* Quando creabat coelum, terram DEUS, quasi ad hoc solum digiros adhibuisset, at verò præsens opus est tantum, ut ad illud DEUS brachii potentiam exerat. *Fecit potentiam in brachio suo.* Et in hoc relinquit in arbitrio Virginis S. ô quanta hæc est Virgo DEO! Jam intelligi potest Magni Theologi Suarez hypothesis. Si esset diversitas voluntatum



in cælo, & ex una parte omnes Sancti orarent DEUM, ut aliquid faceret: ex altera parte sola B. Virgo, ne faceret; id futurum quod illa oraret. Per aliquot millia annorum orabant Sancti, immolabant victimas, offerebant sacrificia, ut DEUS fieret homo, & ecce consensum Virginis S. DEUS expectat, igitur pluris illam facit quam Sanctos reliquos. Igitur & illa majorum est virtutum, quam Sancti omnes. Accipiamus ex his solam humilitatem, per quam præcipuè meruit esse Mater DEI. Et sicut Rupert. in 2. Cant. *Cunctæ virtutes, omnes gratiæ quæ Virginem exornabant, humilitati ejus tributa pendebant.* Angelus dicit: eris Mater. At illa. *Ecce ancilla Domini.* Jam Tibi ô S. Virgo tantum est à DEO collatum, quomodo es ancilla? sit servus qui peccavit, *Tu es tota pulchra.* Quò altius subvehitur, eò profundius descendit. *Fundamenta ejus in montibus sanctis,* quò plus aquarum in montes fundit cælum, eò majore impetu non fertur nisi ex monte. Lætificabo civitatem DEI, hæc humilitas reparabit ruinas factas per lapsum Luciferi in civitate DEI. Sed quomodo ancilla cum serva nunquam fuerit peccati? Tres sunt fontes *abyssi magna*, tres humilitatis. Fons peccati, fons nihili, fons Divinæ perfectionis. Ex primo nec B. Virgo, nec Angeli hauriunt humilitatem, ex duobus aliis abunde. Cogitavit DEI excellentias. *Ecce ancilla Domini.* Ille æternus, ego aliquot annorum: ille immensus, ego aliquot pedum, idque in alieno: ille mare boni, ego guttula, idque de ipso profluens; imò quota pars guttulæ, cum totus orbis sit guttula. Ille tantus DEUS, & ecce in me fiet guttula, quid ego deinde? S. Ambr. lib. de fuga sæculi. *Postquam te vidi propter me humiliatum à cælis descendisse, non valui amplius sustinere; sed tanto pondere amoris victus, in terram prostratus adoravi te.* Quid S. Virgo propter quam, & in quæ humiliatus? Ex altera parte, nec Ambrosius, nec alia creatura, ita penetravit nihilum sui ut B. Virgo

Virgo. Et quia ut Chrysoft. hom. 8. in Matth. *Humilitatis summa in eo consistit, si voluntas nostra per omnia Divina fuerit subiecta voluntati.* Humilitatem B. Virginis cum terra contulit Alb. M. in Luc. 12. Si terram mittas in mare, obsequitur: si in alto colles, manet, educitur à Sole in nubes, inde iubetur ad terram redire redit: Virgo S. perfectissimè voluntatem suam Divinæ submisit. Cum, ut Bern. in Milf. est homil. 3. *Cor fidei, labia confessioni, viscera adaperient Creatori, dixit: Ecce ancilla, &c.* Verus humilis ut sibi diffidit, ita confidit DEO, qui etiam de lapidibus potest facere filios Abrahamæ. Scio me hâc indignum esse gratiâ, sed si tu vis, ego volo. Isaias cap. 7. dum ad hoc Mysterium colimat, loquitur ad Achaz, *Pete tibi signum, sunt in profundum inferni; &c.* Videtur hanc humilitatem S. Virginis descripsisse, ac si diceret: Erit Virgo ita humilis, ut magis se humiliare possit quam aliquis inferno dignus, nemo Sanctorum magis. Sed simul excellentias alias S. Virginis innuit. *In profundum inferni.* Sicut Filius ejus vastavit infernum, ita & illa, etsi alio modo. Ille de sepulchro assurgit, ista assumetur. *Pete tibi signum in excelsum supra.* Nullum excelsius Virgine S. miraculum. Ambr. de institut. Virg. cap. 5. *Parturire Virginem majus est miraculum quam reviviscere mortuum.* Hoc enim sapius contigit, hoc verò tantum semel. Sed quomodo verum est Isaiæ, qui dixit vocandum Emmanuelem, cum non sic vocemus? Terull. lib. 3. contra Marcionem, responderet, vocandum Eirmanuelem non sono, sed sensu. Sicut Isai. 1. dicitur de Jerusalem, *Vocaberis civitas Justæ, Jer. 3. Solum Domini.* Zach. 8. *Civitas veritatis.* Hæc de humilitate S. Virginis, quid de Virginitate? Magna Virginitas S. Tereffiæ de qua Ribera in vita ejus, quod filias suas vetuit odorari flosculos, quos halitus viri afflaret. Magna illius de qua Sulpit. in vita S. Martini, quæ nec hujus Sancti oculis voluit videri. Magna Magdalene de Pazzis, quæ

dum mortuam, ut est in ejus vita, quidam lascivus voluit videre avertit vultum. Magna illius de qua Rosw. in vitis P. P. quam dum mortuam quidam voluisset contrectare, arripuit illum. Sed nulla est quæ visa solum extinxerit faces hujus ignis, nisi sola B. Virgo; & quæ ad amorem puritatis provocaverit, ut scribit S. Thom. in 3. dist. 3. quæst. 1. art. 2. Quid de aliis Vir-  
tutibus?

Chrysolog. serm. de Annunt. dum loquitur de Consensu Virginis S. ait: *Mox sensit Virgo in se supernum suscipi Judicem, ubi jam ante vidit cælestem, & contemplata est mutatorem.* Mutari ad castra spectat, quid hodie Virgini S. cum castris? Duo Reges, Syriæ & Ephraim contra Regum Judæ conspirarunt, tremor invasit Achaz Regem Judæ, ut est Isai. 7. misit DEUS ad illum Isaiam. Noli timere hos duos Reges tanquam duas caudas fumigantium titionum, & ut sis certus quod tibi DEUS aderit, *Pete tibi signum.* Achaz sive ob reverentiam DEI, sive ob malitiam, nam ubi nos legimus, *Non petam & non tentabo Dominum.* Alii legunt. *Non glorificabo.* Noluit petere, tum Isaias. *Dominus dabit vobis signum.* Ecce Virgo concipiet, &c. An hic sunt castra contra hostem? Imò sunt maximè. Regnum Judæ erat Regnum David, cum annunciatur Christus nasciturus, additur. *Dabit illi Dominus sedem David Parris ejus, & regnabit in domo Jacob in æternum.* Non timeas Achaz, sint quancunque hostes, regnum Juda est regnum David, erit perpetuum. Fumant & modò titiones non tantum hominum, sed etiam inferni, in hoc signo Virginis sub Emmanuele vincemus. Emmanuel concipitur, quia Virgo consensit. Emmanuel significat, *nobiscum est DEVS.*

## De Eadem. CONCIO II.

**V**endiderat se homo in diram servitutem, vendiderat Patriam



triam, coelum: opus erat redimere, deerat tanti valoris nummus. Suspirabat homo, quia promissum habuit. Cantic. 8. *Quis mihi det te Fratrem meum?* Inveniebatur quidem hujus nummi materia in terra, sed forma quæ dat valorem deerat. Imprimis eam Spiritus S. hodie dum unit humanæ Divinam naturam, inde imago in nummo resultat quam ostendit Joan. *Ecce Agnus DEI*, &c. Hoc verò totum fit in B. Virgine quam ita Damian. serm. 45. salutat. *Salve Vingo, gazophylacium thesauri, quo sumus de cruenti prædonis servitio comparati.* Confideremus & nummum & gazophylacium, ut sciamus quid nobis beneficii sit factum.

De valore hujus nummi loqui, neque ulli Coelitum datum est satis. Dyonis. de Div. Nominibus, cap. 2. *JESU in carne apparitio, & ineffabilis sermone, & omni ignota intelligentiæ, ipsi quoque antiquissimorum Angelorum primatui non satis perspecta.* Nihilominus nisi saltem aliquo modo cognoscatur, grati pro illa non erimus, atque ita saltem hoc de illa dico, quod plus fecit in illa pro nobis quàm nos cogitare possimus. Faciat novum mundum, novos coelos, Angelos, &c. propter nos: faciat hoc millies, &c. Amplius fecit cum est factus homo, quia fecit hoc quo majus facere non potest, lib. 3. de fide. *Nihil majus est quàm quòd DEVS efficere potuit, amplius enim efficere quid non valuit.* Hic fecit quod maximum potuit, sapientia, bonitas, justitia DEI. In aliis operibus, quasi partem potentia, bonitatis, ostendit, hic totam. S. Thom. opusc. 60. docet *Incarnationem factam opere infinitæ potentia, incomprehensibilis sapientia & bonitatis immensæ DEI.* Consideremus singula, & imprimis sapientiam. Fuerunt ab initio mundi variæ actiones hominum, v. gr. Abraham immolabat Isaacum, Salomon ædificabat Templum, &c. Omnes liberrimè agebant: tamen DEUS ita illas ordinabat, ut quædam essent delineatio hujus mysterii. S. Joan

Geo-

Geometra Doctor Græcus ubi alloquitur S. Virginem. *Illam omnia te præsignarunt, Portam perviam ac simul clausam, ut est apud Ezech. Fornacem irroratam ac simul accensam, apud. Dan. Nubem in die simul & recti itineris nunciam. Exod. Petram melle fluentem Terram quæ inculta manna proferat, Tabulam à DEO conscriptam, &c.* Hæc omnia fuerunt veluti per carbonem delineatio, quàm adhibent Pictores imaginem depicturi. His ita se habentibus & immotis DEUS addidit colores, & imaginem DEI hominis perfecit, quod malo ejusdem Doctoris verbis exprimere. *Virtus Altissimi obumbrabit, quasi adumbratis quibusdam à Spiritu S. figuris per semetipsum colores ipsos injiciens.* Jam Angelus dicit. *Ecce Elisabeth, hæc vox continet mysterium, idem eum significat atque Septima DEI mei, Sabbatum.* Sex diebus creabat DEUS mundum, quievit septimâ; in hac quiete, in hoc Sabbato, *Verbum caro factum.* De illis figuris dici potest Isai. 37. *Venerunt Filii usque ad partum, sed non erat virtus parienti.* Hodie. *Virtus Altissimi obumbrabit tibi, pariet Filium.* Et hic simul Sapientiam S. Virginis. Novum etiam quod Adam fuerit caput mundi, Noë instar colli in quo ad octo homines redactus erat mundus, quatuor Monarchiæ successerunt quasi manus & pectus, novissima tempora quasi pedes. Mittit 1. Reg. 21. ad Abigail, ut illam sumat in uxorem David, quid illa? *Ecce famula tua, ut lavet pedes servorum Domini mei.* B. Virgo similiter. *Ecce ancilla, &c.* Lavat verò etiam pedes, id est, ultima sæcula. Bern. sermon. 15. de verbis Isai. *Mysterium Incarnationis ad pedes specialiter cognoscitur pertinere.* Est allusio ad Seraphim qui velabant alii pedes. Sed quomodo pertinet? *Ipsæ salvum faciet populum à peccatis eorum.* Hoc ipsum explicat, *regnabit in domo Jacob; discolors oves ad eum pertinebunt, & ipse erit Pastor, & Apostolus velut duodecim Pastores constituet, regnabit in domo David.* Regnum hoc ita se habuit, 1. Reg. 22. *Convenerunt ad eum omnes*  
*qui*

qui erant in angustia constituti, & oppressi ære alieno, & amaro animo  
 & factus est eorum Princeps. Regnum id exerceat Christus, lavan-  
 do pedes dixit Petro: *Nisi te laverò, non habebis partem mecum.*  
 Ambros. prologo in lib. de Spiritu S. *Non solum Petro, sed cuique*  
*dicitur Fideli: nisi laverò tibi pedes, &c.* In hoc opere B Virgo so-  
 cia Christi. Arnold. Carnotensis, tract. de laud. Mariæ, *Di-*  
*vidunt coram Patre inter se Mater & Filius officia pietatis, & miris*  
*allegationibus muniunt redemptionis humanæ negotium.* Et hoc mo-  
 do pretium persolvit pro nobis, ipsa de se. *Mecum sunt divitiæ.*  
 Hinc Dami. 2. epist. 2. S. Virginem vocat *pretiosam pecuniam.* Sed  
 quid ad sapientiam? Imò plurimum. Maxima sapientia est  
 nosse, quantus est DEUS, & quàm vilis est homo. *Ecce ancilla*  
*Domini.* Ille Dominus, ego ancilla.

Hinc procedamus ad bonitatem DEI; hanc ostendet  
 quædam parabola. Rex quidam in sua arce cùm deambulat,  
 audit procedentem ex profundo carcere gemitum. Quærit,  
 quid hoc sit? dicitur illi: Est quædam scelerata mulier ad mor-  
 tem damnata; hæc plurima hominum millia perdidit, pestem  
 induxit, &c. Et quærit Rex: qualis illa est persona? respon-  
 dent: Oculos habet basilisci, aures draconis, linguam viperæ,  
 manus leonis, halitum pestiferum. Rex ad hæc. Istam ducam  
 in uxorem. Disuadet quasi quidam: prodet te, &c. & dig-  
 num ducis *super hujuscemodi aperire oculos tuos?* Nihil obstat. Ego  
 mihi illam formosam faciam, meus sanguis habet hanc virtu-  
 tem, si in illo balneet. Ego ditabo: solvam quod alicui debet.  
 Descripsi hic naturam humanam peccato infectam; descripsi  
 bonitatem DEI. Illud solum dicere possumus. *Salvum me fe-*  
*cit, quia voluit me.* Ludibrio fuit olim Adam, *Ecce Adam tan-*  
*quam unus ex nobis!* Jam modò ut Bernard. serm. 5. de Nativit.  
 Dom. *Ne ludens ultra dixeris Domine, ecce Adam quasi unus ex no-*  
*bis, sufficit diei malitia sua, & in voce exultationis dicamus tibi. Ecce*



DEVS noster non quasi unus, sed sublatâ omni moderatione dicemus verè, unus ex nobis factus est. Ita se demisit DEVS, & ut S. Thom. opusc. 57. *Vt homines Deos faceret, factus est homo.* Hæc Deitas in nobis nondum apparet, cùm venerit tempus, erimus similes illi. Certè ut Augustin. de prædestinat. S. S. c. 15. *Natura humana excelsa facta est ut quò attolleretur aliùs non haberet.* Et tamen quot sunt qui nec semel pro hoc beneficio gratias egerunt, quot sunt qui hunc Regem produnt hostibus per peccata? Hæc dignitas si in omne genus humanum redundavit, certè multò magis in Matrem. Acquisivit juxta Andr. Creten. *Dignitatem quâ omnes superat, præstat universis, non solum hominibus, sed & summis cælorum virtutibus.* Concluserit paucis verbis hunc meum discursum Cyrill. Jerosol. *Descendit è cælo Verbum DEI, ut naturam humanam quasi sponsam sibi assumeret.* Hinc ego subsumo imprimis. Christus accessit ad ficum, & quia in eo non invenit fructum, maledixit illi; quid faciet de nobis, si in nobis non repererit fructum? an parcat nobis propter quos de cælo descendit, si maledixit ficui, quia ad illam aliquot passus fecit, nec reperit fructum? Abulen. quæst. 106. in 21. Marth. *Quia Christus laboraverat declinando ad ficulneam, & ille fructum non habebat, maledixit.* Alterum est quod subsumo verbis S. Th. 3. p. quæst. 1. art. 2. *Per Incarnationis mysterium instruimur, quantæ sit dignitatis humana natura, ne eam inquinemus peccando.* Certè reprehendenda esset illa mulier de qua dixi, si jam facta Sponsa Regis in carcerem rediret, se in luto ejus volutaret, mallet carnifici nubere, à quo esset exurenda. Tertium est quod subsumo. Ita natura nostra est nobilitata in Matre DEI, ut Damasc. Orat. de dormit. Virg. *Infinitum servorum ac Matris discrimen est.* Cogitate, quid sit infinitum: Ita illa excedit homines & Angelos. Hinc non miremur verba Epiph. libro 3. contra hæres. cap. 39. ubi sic Virginem S. alloquitur. *Immensitatem gratiæ*

gratia & felicitatis tua considerare cupienti, sensus deficit, lingua faviscit. Imò plus addo, nullus homo, nullus Angelus capere potest, quanta sit dignitas S. Virginis. Id ante me dixit, & aliquid amplius, Dyonis. Richel, libro 2. cap. 8. Præconii B. Virg. *Eò quòd Maria veri DEI Mater vera facta sit, tantam gratiæ plenitudinem continet, quantam ne ipsa quidem Virgo, nisi Divinam contempletur essentiam, percipere possit.* Ita suam bonitatem in naturam humanam effudit; sed per quem id factum? *Ex te nascetur.* Illius consensu negotium stetit, nisi illa consensisset, nihil factum fuisset. Dedit Pater Filium, dedit Mater. Et hoc est nostrum pretium. Gen. 33. emit Jacob agrum centum agnis. Act. 7. dicit S. Stephanus, quòd emerit pretio argenti; conciliatur. Fuit pecunia argentea, cui agnus impressus, DEUS Pater dedit argentum, B. Virgo. addidit figuram Agni; unde Geometra ad B. Virg. *Sigillum Spiritûs S. in te exprimetur.* Comprehen- dit hoc totum paucis Tertull. contra Judæos, cap. 9. *Christum ex stirpe Jesse deputatum, per Mariam scilicet, & inde censendum.* Apud Romanos Cenforum fuit æstimare cujusque opes: quas Christus opes habet ad nos redimendos à S. Matre accepit. Hinc Damasc. Orat. 1. de Assumptione B. Virginis, cap. 10. *Omni profuit Creatura quam veluti coëmptam à servitute in libertatem asseruit.*

Supereft ut de potentia dicamus. Magna est potentia facere hominem DEUM, & DEUM hominem: & hac major cogitari non potest. Utrumque est hodie factum, & utrumque per S. Virginem. Magna potentia vincere eum, & spolia illi detrahere, qui totum humanum vicit genus; & hoc factum est. Magna, detrahere de cælo DEUM; & hoc fecit S. Virgo. Magna immensum parvo corpore concludere; factum est. Laudemus hanc potentiam, & simul timeamus. Magna S. Virgini fecit qui potens est, & illa vicissim magnificavit Dominum. Spe-

remus præterea per illam omnes subsidium, si eam coluerimus devotè. *Missus est Gabriel*, id est, *fortitudo DEI*. Erit hic DEI potentia, tamen expectavit consensum, quid nos qui volumus cooperari, & ex misericordia DEI coelum nobis promittimus? Claudio verbis S. Bonav. spec. c. 2. *Omnes dicamus ei Ave, & oremus propter suum dulcissimum Ave, nos oret liberari ab omni va.*

In festo S. Adalberti Episc. & Mart.

## CONCIO I.

*Animam meam pono pro ovibus meis.*

Joan. 10.

**I**N coelo DEUS Angelos inferiores regit per Superiores, non loquitur Deus ipse inferioribus sed per superiores: sic etiam mundum regit per Angelos. Illi regunt Regna, urbes, & nobis singulis assistit Angelus custos. Participant de hoc regimine Sancti, præcipue Patroni, *Constitues eo Principes super omnem terram*. Servo fidei dicitur: *Eris potestatem habens super decem civitates*. De aliis dicitur: *Gladii ancipites in manibus eorum ad faciendam vindictam in nationibus, &c.* S. Adalbertus est Patronus noster; videamus quam supra nos potestatem.

Cum Electi in locum Angelorum de coelo pulsorum substituantur, & novem sint chori Angelorum, atque de singulis lapsi aliqui, tum Sancti in varios choros dividuntur, & potestatem habent inæqualem. Inter Angelos statuuntur qui intrant coelum per poenitentiam. Inter Archangelos qui serviunt operibus spiritualibus. Inter principatus qui opera misericordiae exercuerunt. Inter potestates qui in patientia ex-

cellue-



celluerunt. Inter virtutes qui inimicos deligebant. Inter dominationes, illi Magistratus qui iuste populum, & Prælati qui sanctè gubernarunt. Inter thronos qui amplexi paupertatem Evangelicam. Inter Cherubim qui vacabant vitæ contemplativæ. Inter Seraphim qui in amore DEI excelluerunt. Singuli participant de potestate chori in quo sunt positi, & in singulis sicut Angeli aliqui sunt principales, ita & Sancti. Inter Angelos excelsit Raphaël. Inter Archangelos Gabriel. Inter Principatus Michaël, Dan. 10. *Ecce Michaël unus de Principibus primis.* Et sic de aliis quorum nobis ignota sunt nomina. Michaël est maximus inter omnes qui mittuntur in hunc mundum. Angeli præsentant bono particularium personarum, Archangeli bono communitatum, Principatus bono regnorum. S. Th. 1. part. quæst. 112. Rursus, pro ratione meritorum dat speciales potestates suis Sanctis. Qui omnia dimiserunt propter Christum iudicabunt mundum. Martyribus ut multum fructum afferant, sicut granum frumenti mortuum in terra; & sic de cæteris, quæ non ita expressa sunt in Scriptura.

Videamus jam quem locum meruit Sanctus, ut inde conjecturam faciamus de potestate. Novem annis apud Adalbertum Magdeburgensem Episcopum, qui etiam illi nomen suum imposuit in Confirmatione virtutis studio procul à Parentibus insumpsit. Hæc præparatio ejus pro Sacerdotio, nam Sacerdos & vitam sanctam habere, & jam quasi non haberet Patrem, Matrem, sed solum DEUM vivere debet. Levit. 21. *Omnis qui habuerit maculam, non accedet offerre hostiam.* Quod ut magis DEUS commendaret, ut scribit S. August. in Levit. 12. quæst. 82. Nunquam ægritudine corporali permisit affici summum Sacerdotem, & quemvis voluit esse Angelum. Malach. 7. *Angelus Domini exercituum est.* In quem locum Hieron. *Sacerdos Angelus Domini exercituum verissime dicitur.* 2. Cor. 11. Mu-

lieres in Ecclesia jubentur velari caput. Anselmus explicat: propter Sacerdotes. Quare cum in Missa dicit, *Dominus vobiscum*; non respondetur, *& tecum*: sed, & cum *Spiritu tuo*? Damian. respondet, *Quia Sacerdos debet totus à spiritu denominari*. Hinc jam ulterius intelligitur, quomodo Hebr. 7. Melchisedech dicatur sine patre, sine matre, quia Sacerdos DEI Altissimi; habuit ille patrem, qui, ut scribit Epiph. hær. 51. vocabatur Heracles: mater Asteria, sed quia Sacerdos. Genes. 12. *Egredere de domo tua*, &c. Quare? Hebr. 7. Habuit in lumbis Levi, id est, domum Leviticam; propterea in lege Sacerdos induebatur veste hyacinthinâ, cœlesti, quasi de cœlo esset. His adjungebat magnam deinceps Sanctus poenitentiam. *Lectus honestè stratus, somni tamen locus humus, & subiectus capiti lapis erat peregrinationem Ierosolimitanam suscepit. Meridies prandentem, præter dies festos, media nox dormientem nunquam vidit. Meretur propter hæc inter Angelos poni, nisi altiore etiam fuisset meritis locum.*

Meruit poni inter Archangelos, quia totam vitam consumpsit in operibus spiritualibus. In morbo puer consecratus & oblatus DEO, in domo Parentum edidicit Psalterium memoriter. Agnoverunt omnes in eo insignes virtutes, summumque pietatis studium, id agnovit populus, id Otto Imp. id Dæmones qui metuebant ne fieret Episcopus. Sed altior locus Sancto debetur. Principibus debetur, quia opera misericordiæ exercuit. *Mensa ejus duodecim pauperes albat semper.* Quartâ parte proventuum Episcopatus contentus fuit, reliquum in pia opera juxta Canones expendit. Sed Potestates ad se illum rapiunt. Patientia in Sancto admiranda, quid non est passus in Pragensium moribus? condonavit omnia, & cum illi tres occidissent Fratres, nihilominus eos dilexit, & bonum illorum curare proposuit missis ad eos legatis, per quod in choro

choro Virtutum paravit sibi locum. Sed proprius illi inter Dominationes. *Univerſam in illis curandis medicinam Divi Pauli conſumpſit.* Prædicabat, inſtabat, arguebat, obſecrabat, & quando id opus fuit, Sathanæ tradebat. Abiit, ab ovibus reſceſſit, ut ſe in eo magis ſtatu cognoſcerant, quales eſſent. Rediit cum meliora promitterent. Sed ampliora debebantur Sancto. Ergo paupertatem Evangelicam amplectitur, cujus ante amorem tantum oſtenderat, ut dum Episcopatum ingrederetur, vili & ſimplici equo, & fræno fuerit uſus canabino; ac poſt adiret cathedram pedibus. Sed jam ad montem Caſſinum venit, ac ſe Leoni Abbati S. Bonifacii Romæ in Ordine S. Benedicti ſubjicit, & quinquennium in omni charitate, obedientia, meditatione, clarus miraculis exigit, paratus magnâ ſuâ voluptate ad finem vitæ degere. Tanta in eo fuit perfectio, ut nullus in clauſtro eſſet cui non eſſet exemplo. Nullum in eo tam vile ac ſervile munus arbitratus, quod non ambiret, nihil deſſe ſibi paſſus ad perfectionem Religioſi, ubi locum inter Thronos meruit, ſed ob contemplationis altitudinem inter Cherubim illi parata ſedes erat, quàm in illo quinquennio exercuit. Sed proprius illi inter Seraphim locus propter ſummam charitatem, qua major non eſt quàm ponere animam pro DEO & ovibus per Martyrium, & quidem diuturnum. Non eo ſolum tempore Chriſtus pro nobis moriebatur, quando in cruce pependit, Iſai. ii. *Requieſcet ſuper eum Spiritus Domini, Spiritus ſapientiæ, &c. Et replebit eum Spiritus timoris Domini.* Cur timoris? Timor eſt de futuro malo. Quid timebat? Non peccatum, non peccati pœnam, quia peccare non potuit, videt at quæ paſſurus erat, & plura ac plura pati deſiderabat, unde ubi nos legimus, *conſummatum eſt.* Græci cum interrogatione legunt. *Conſummatum eſt?* Patiebatur videndo ſupplicia Chriſtus, inde plenus timore. Nyſſen. libro 3. in reſcript. Marci Papæ.



*Persecutorum scelerum suppleant dissimilitudines morum.* Hæ sunt Nerones, hi Diocletiani; sed majora imminebant. Patiebatur Sanctus, cum post suos labores videbat omnia in deterius ruerre; cum Clerus non abstinere ab uxoribus; cum cives pluralitate uxorum, ac incestu se contaminarent: cum Christianos Judæis in servitutem venderent. Quid ad hoc, qui per Arendas Judæis Christianos subjiciunt? Solabatur Angelus in horto Christum, solabatur Christus Sanctum, cum illi apparuisset aliquando illa formâ, quâ Judæis venditus à Juda fuit. Patiebatur, cum nundinas ac mercatum contra leges Ecclesiæ diebus Domini videret; cum ædes sacræ ac illarum immunitas violaretur. Sed ad cruentum anhelabat Martyrium, ut quam charitatem erga DEUM habuisset, ostenderet. Vadit ad Hungaros, & Geisam Regem in fide confirmat, reliquias idolorum subvertit; sed cum neque ita ad Martyrium pervenisset, vadit in Poloniam: sed pro Martyrio ad Cathedram Archiepiscopalem assumitur. Bullit sanguis effundi cupidus; igitur se confert in Prussiam adhuc idolis deditam, ubi magnas difficultates in fide ferenda sustinet, tum verò à gente immani sacrificulis instigantibus: dum sacra peragit mysteria confoditur, in partes secatur, caput resectum ludibrii causa palo infigitur. Plura noluit pati, sed consummatum. Recipite Seraphini hunc Seraphinum amoris. Pastor bonus posuit animam suam, in bonum ovium suarum, pro ovibus suis. Videte Pastores hunc Pastorem, legite homiliam in die S. Æschili. DEUS invisibilis, ut eum imitari possimus, misit Filium visibilem, qui Sap. 7. *Imago est bonitatis ejus.* Coloss. 1. *Imago invisibilis gloriæ.* Filius sui loco reliquit Adalbertum, qui clamer: *Imitatores mei estote, sicut & ego Christi.*

Potestas Sancti maxima, quia est in Throno altissimo: hæc usus, cum Prutheni pacti essent cum Boleslao Principe Poloniæ

Poloniæ, ut si vellet Divi corpus recipere ad æqualitatem ejus ponderis in bilance affunderet auri; ademit pondus corpori. Hac usus in his miraculis aliis, hanc Polonis promisit, cum suum corpus voluit custodiri ab Aquila, quæ stemma est Polonorum. Et licet Angeli non nisi ex inferioribus tribus choris ad nos descendant, Sancti tamen descendant, imò & qui est supra omnes choros Christus. Juvabit nos, quia plurimum potest, si tamen in nobis non invenerit mores Pragenſium, aliàs recedet à nobis, ne afferam quod scripsit Baronius. Obſidebatur quædam Italica civitas à Gothis, succurrebant tanquam propriæ Romani; sed cum ad conflictum est ventum, S. Patronus civitatis, non Romanum Ducem, sed Gothorum contra Romanos protegebat, eique dedit victoriam, propter Christianorum scelera.

## De Eodem. CONCIO II.

*Ego sum Pastor bonus. Matt. 10.*

Quàm utile, ita est difficile de Sanctis pro dignitate loqui. Ita ante me sensit S. Hieron. libro 3. epist. 7. *Et si cuncta corporis mei membra verterentur in linguas, & omnes actus humanæ voce resonarent, nihil dignum virtutibus Paulæ dicerem.* Basil. homil. de 40. MM. *Quis eorum dignitatem dicendo consequetur, ne quadraginta quidem linguæ, tot cantorumque virorum virtutem satis collaudare queunt?* De ipso verò Basilio Gregor. NYſſen. *Si eodem tempore quo Paulus, vitæ humanæ particeps fuisset Basilius, sicut Sylvanus & Timotheus: ita prorsus unâ cum Paulo literarum monumentis celebratus esset.* Nolo Sanctos inter se comparare, in quo enim quis gradu Sanctitatis, DEO soli notum. Non est dubium, quod

sancta fuerit Paula Toxocii uxor; sed tamen non Martyr, non Pastor, ut Adalbertus. Sancti fuerunt 40. MM. sed tamen non Episcopi, non Eremitæ, non Monachi. Sanctus est magnus Basilius, attamen non Martyr. Nulli S. Adalbertum præpono; sed tamen, quid cum aliquibus magnis Sanctis habuerit commune, dicam.

Habuit Sanctus inprimis cum Sammuele id commune. Sicut ille voto facto ex sterilibus natus: sic iste. Sicut ille sancto educatus: sic iste, antequam fuisset emissus domo paternâ, totum Psalterium memoriâ tenuit. Sicut ille DEO oblat; ita hic, cum fuisset morbo correptus infans, ille in duræ cervicis Saulem incidit, hic in Boëmos: illius *mortui ossa prophetarunt*, ut dicit Scriptura. Et hujus corpus in balance appositum pondus amisit, quo ostendit se in Poloniam velle sine pretio redire, & in ejus custodia manere, quod prophetavit etiam quia corpus suum voluit ab aquilis custodiri, quæ sunt stemma Poloniæ. Sed tamen Samuelem non legimus ad conversionem gentium excurrissè, zelus verò animarum alias virtutes plurimum superat. Audite Chrysostr. homil. 25. in 1. Cor. *Tu quamvis fame conficiaris, quamvis humi jaceas, quamvis cinerem comedas, quamvis semper lacrymis madeas, nihil magnum facis, si fratrem non lucraris.* Habuit has virtutes Sanctus, sed non tantopere æstimandum ex illis vult, ut ex Zelo Chrysostr. nuncquam illum meridies prandentem, nunquam media nox dormientem vidit. Præterea lectus terra, pulvillus lapis; egit annos quinque sub disciplina Monastica: ubi omnium virtutes imitabatur, & ipse omnibus præibat exemplo. Quidquid legit in sacris libris, hoc complebat opere, ut de illo dici possit quod Ennodius de S. Epiphanio Episcopo Ticinen. *Pingebat actibus suis paginam quam legisset.* Non inde tamen æstimo sanctum; & Antonius eremum reliquit, ut animabus periclitantibus



tibus ratione Arianismi succurreret. Si DEO Filius periret, qui illum reperiret, nonne DEO gratam rem faceret? Charitas est supra omnes virtutes, nec ulli majorem exhibere potes, quàm si Fratri quem amisit dones DEUM. Legimus apud Rosweid. cap. 63. Quod DEUS prætulerit S. Paphnutio Abbatibati tibicinem, quia dedit in dotem uni trecentos nummos.

Verum fuit in Sancto, quod Nazianz. de laude Gorgoniae. *O squalidum corpus, & indumentum virtute florens.* Verum erat quod Basil de S. Julitta: *Nox tibi nova precandi Numinis argumenta subiciebat.* Latuit in Monasterio; sed Zelus Sanctus Paulo similem faciebat. Illi apparuit vir Macedo, huic Christus eâ specie quâ olim fuit à Judæis venditus. Ille contumeliis affectus non abjicit salutem animarum huic tres occiduntur fratres. Ille de regno migrat in regnum, hic ex Boëmia in Ungariam, inde in Poloniam, ex Polonia in Prussiam, destinabat & Lituaniam & alias ditiones. Hieron. epist. ad Oceanum. *Res penè contra naturam est ut talis eligatur, cujus comparatione ceteri grex dicantur.* Quantus verò Pastor cujus tria regna sunt grex; jam de illo dici potuit quod Nazianz. de Basilio. *Citra sanguinem Martyr, & citra plagas coronam affecutus.* Jam quod Lactant. in epist. Divin. Institut. *Hæc acceptabilis víctima quam de seipsa anima immolat.* Sed nescio quid est mirabilius: an tanto ardere zelo, an eum potuisse per annos tenere, quibus in monte Casino latuit. Clamavisse ego contra ejus latebras, verbis Dami. serm. 2. de S. Severo Episc. unâ vocula mutata. *Exeat margarita de latebris, ut in summi Regis fulgeat ornamento.* Non lateat ulterius lucerna sub modio. *Pasce Dominicum gregem, & supra ovile Christi curam exhibe pastorem.* Testatur Ecclesia: *Universam D. Pauli in curandis Pragensibus medicinam, prædicandi, instandi, increpandi, obsecrandi, Sathana tradendi, consumpsit.* Subsistit in Polonia triennio, rursus Divinâ visione monetur,

ut pergat ad Gentes. Quia ut Leo ferm. 10. de Quadragesima. *Si dilectio DEVS est, nullum debet habere terminum charitas, quia nullo potest sine claudi Divinitas.* 1. Cor. 9. *Cum liber essem ex omnibus omnium me servum feci, ut plures lucrifacerem.* Quod Chryl. ostendimus explicat. *Non uni servivi, sed universi orbi terrarum.* Servit, currit, percurrit Prussiam, ubi tandem Missam celebrans ex instinctu sacrificulorum configitur hastis, & caput ad ludibrium palo imponitur. Hic quod Basil. orat. de 40. MM. *Vos non terra contexit, sed cælum excepit.* Ingressus fuisti antea Pragam in simplici equo & freno canabino. Cælum hastis & palo conscendit. Prospectas è palo ut bouus Pastor è loco altiore, & Dominum imitatus, clamas: *Sitio.* Drogo in hoc verbum Christi. *Vestram fidem sitio, vestram salutem.* Fuisti olim confixus Christo crucifixo, cum factus Monachus, tribus votis ut tribus clavis. Chryst. in epist. ad Hebr. *Qui Monachum professus est, crucifixus est.* Nunc pluribus lanceis configeris. Bonus Pastor animam ponit pro ovibus. Christus à Sacerdotibus, hic à Sacrificulis occisus. Impetratur Christi corpus à Pilato, redimitur Sancti à Pruthenis. Bonav. in vita S. Francisci, cap. 14. *O verè Christianissimum virum, qui & vivens Christo viventi, & moriens morienti, & mortuus mortuo perfectum studuit imitatione esse conformis, & expressâ promeruit similitudine decorari.*

Adduco pro fine verba S. Paulini, epist. 5. ad Severum. *Imitando imitatore Christum pervenimus ad imitationem DEI.* Habent pueri, habent Sacerdotes, habent Præsules quod imitentur. Greg. Nyssen. de S. Basil. *Totius propemodum terrarum orbis Pater extitit per spirituales labores, & parrus eos qui per ipsum ad Christianam pietatem formantur, in lucem producents.*

In Festo S. Georgii Mart. CONCIO.

*Omnem palmitem qui fert fructum purgabit eum, ut fructum plius afferat.*

Matt. 15.

**N**ON solum in Ægypto, Exod. 8. fuit plaga scyniphum, sed & in toto mundo. Scyniphes sunt vermiculi, ut de illis Orig. in 8. Exod. *Vermem volitantem qui videre non poterat, sentiret pungentem.* Ita sunt exigui, sed molestissimi. Caiet. in l. c. *Idcirco hac animalcula in supplicium DEVS Ægyptiis immisit, ut non relinqueret defensionis locum.* Patimur, etsi non videamus quis nos pungat, & defendere nos non possumus. Et quid mirum? Mundus est lacuna, opus nasci scyniphes. Taliter est ostensus S. Anselmo, ut Sur. 21. Apr. Sed quod Georgius passus, hoc mirum; videte enim quis ille fuit.

Malos pati necesse, id illis prophetavit Moyses Deuter. 28. *Sic cælum quod super te est aneum, & terra quam calcas ferrea.* Et hoc parum; ipsi mali se invicem lacerant, Ezech. 29. Pharaon vocatus draco. Isai. 7. Rex Assyriorum, novacula. Tamerlanes se iram DEI vocabat, ut scribit Leunclavius in hist. Musulmana. Attilam S. Lupus Episcopus, lit. Sur. 29. Jul. Flagellum DEI salutavit; simile est de aliis. Sed S. Georgius semper vixit sanctè. Habuit inciramenta ad superbiam; sed & ipsemet vertit in profectum. Erat in tota Cappadocia nobilissimus; sed ille. Pl. *Quæ utilitas in sanguine meo, si descendo in corruptionem?* Erat formosissimus; at ille. *Fellax gratia & vana est pulchritudo.* Præerat mille militibus; sed ille. *Quantò magnus es,*



*humilia te in omnibus.* Erat victoriosus; sed ille. *Non nobis Domine, non nobis, sed nomini tuo da gloriam.* Aberat avaritia, aberat luxuria. Virgo enim creditur fuisse corpore, ut de eo S. Vinc. conc. hod. Unde nec in Matrimonium filiae Regis Cappadocum consensit; adorabat enim pro DEO gens hæc draconem, cui etiam suas proles in cibum offerebat. Rex ipse in necessitate positus voverat suam illi se filiam expositurum, si evasisset, evasisit necessitatem, reum se voti credendo, obtulit filiam draconi, occidit draconem Sanctus, offerebat illi in uxorem Rex, eam quam liberaverat, respuit, contentus eo præmio, quia decem circiter millia hominum, visa draconis cæde ad Christum accesserunt. Nunquam de aliquo Sanctus vindictam sumpsit. Nullum odio habuit; jejuniis vacabat, cultum DEI non segniter exercebat: ita de illo S. Vinc. l. c. Et tamen quanta passus. Quid causæ: *Omnem palmitem qui fert fructum purgabit eum Pater meus, ut fructum plus afferat.* Agricola est DEUS, bonum agrum non negligit, bonum palmitem purgat. Non tulisset tantum Sanctus fructum, nisi fuisset passus. I. Cor. I. Vocat Apostolus Filium DEI *sapientiam & virtutem*: quia Eccl. I. *Qui addit scientiam, addit & laborem.* Vide quæ perferuntur in sapientia acquiratur. Vocavit virtutem. Coloss. I. *Virtus in infirmitate perficitur.* Igitur cum Sanctus fuerit in Christo ut palmes in vite. Et Coloss. I. *Adimpleo ea quæ desunt passionum Christi in carne mea.* Quid verò Christi passioni defuit? August. in Ps. 61. Christo quo capiti nihil addi potest, sed in suis membris existenti & deesse, & addi potest. *Si ergo in membris Christi es, quicumque homo, quidquid pateris, deerat passionibus Christi.* Etsi cum vite ita egit Pater, cur non cum palmitē? Sine hoc cultu Patris non Christus, nec Georgius hunc tulisset fructum. Sed singula videamus.

Diocletianus sævam moveat in Christianos persecutionem.

nem. Metaphrastes 23. Apr. latebant alii metu, accedit Georgius Cæsarem. Sumus tui fideles, quid in nos ita sævis? Lapidi & metallo operi artificis quod pro DEO colis, servire nolumus, cum illis & tu & nos meliores sumus. Heri ille informis massa, hodie rudis statua: ipsi vestri sapientiores id agnoverunt. Ad hæc Cæsar minas laudibus miscens, & in carcerem remittit Sanctum, atque grandi saxo supra pectus injecto jubet obrui. In hoc saxo, quam bene fructificat palmes? hic alacrior in Georgio confessio DEI, hic major idolorum contemptus, & saxum nihil in Sancto aliud fecit, quod ubi videt Cæsar, jubet excitari machinam acutis gladiis armatam, inque eam includi Sanctum. Horret ipse tortor, Sanctus spe fructuum gaudet: excolatur hæc terra his aratris. Agitur machina, conteruntur ossa, jactatur frustratim caro, fluit sanguis, Martyr quasi sopitus tacet, Cæsar mortuum credit & insultat, atque Apollini gratias soluturus abit. Interim in nubem cogitur aer, & inter tonitrua descendit Angelus, solvit & sanat Martyrem, ac sequi jubet Cæsarem. Videt Cæsar sanum, validum, stupet. Sed ecce fructus palmitis duo Tribuni Anatolius & Protoleo viso miraculo, & Cæsaris uxor Alexandra, & populi vis ingens exclamant. *Magnus est DEVS Christianorum, magnus DEVS Georgii.* August. de verbis Domini, sermone 59. *Colimus DEVM adorando non arando: & colit nos DEVS meliores reddendo.* Colit Deos Cæsar Georgium arando, DEUS Georgium facit palmitem meliorem. Errasti Cæsar statim Georgium saxo veluti torculari subjiciendo, expectandi erant botri quos proferret, & an illos profert, bibe hoc merum, dum his elicies sanguinem. Rursus errat in cultu Deorum Cæsar, & Martyrem vivâ calce obrui jubet, sed calx fructum maturat, stirpem non occidit. Laudes canit DEO inter ignes Martyr, prodit vivus ne quidem veste læsâ. Et quod Zeno Veronensis

nensis de pueris Babilonis similia passis serm. 1. *Intus hymnus canitur, foris ululatus auditur.* Cecinit in fornace Martyr, in palatio viso integro Martyre ululavit Cæsar; & in rabiem versus, ocreas acutis confixas clavis jubet Sancto induci; & ut sequatur suum currum imperat. Facit alacriter Martyr, & iisdem calceis proterit furorem Cæsaris. Ps. 16. *Propter verba labiorum tuorum ego custodivi vias duras.* Tum aliò Tyrannus vertitur. Aderat fortè hominis cadaver. Jactas DEUM tuum summè potentem Georgi, resuscita hoc cadaver, si vera dicis. Interim verò à Mago Athanasio triplex venenum uno acutius alterum paratur, & Sanctus à Judice jubetur bibere, ut prius in se mortem quàm in altero vincat. Ebibit illæsus, & dat se in preces ut etiam cadaveri vitam impetret. Sed iterum e palmitē purgato fructus. Mortuus recipit animam, & Georgii DEUM prædicat: attollit clamorem populus ingens, DEO laudes dicit. Aderat & Magus, qui cadaveri carminibus vitam reddere frustrà tentaverat, & ad Sancti procidens pedes, Deos ejurat, & malas artes, & ipse fit Martyr. Obrigit Cæsar, sed durior saxo quod Martyri imposuerat; jubet Martyrem retrudi in carcerem, tum Christus suo circa palmitē labore hilaris sic affatur Martyrem. *Fuisti prius comes Diocletiani, deinde mihi bonam militiam militasti: jam veni ad lauream, & tuum accipe principatum, crastina dies nos conjunget.* Hæc ubi illuxit, tentat jam Cæsar Martyrem non ferro, sed auro & promissis, ac secum ducit in Apollinis templum, additur rumor, Martyrem jam Cæsari consentisse. Georgius templum ingressus, præmisit Crucis signo, adjurat Apollinem, ut quis sit fateatur; is verò negat se DEUM esse, DEUM Martyris verum DEUM, & simul omnia labuntur idola, atque in pulverem abeunt. Conclamat populus. *Vicit DEVS Christianorum, ipse est DEVS in celo & in terra.* Tum ecce Imperatrix Alexandra. *DEVS S. Georgii adjuva*



*adjuva me*, inelamat, & Cæsarem impietatis ac crudelitatis arguit. Cæsar hanc gladio, illum securi subijci jubet. Illa orans ante ictum bona voluntate coronata expirat: Iste sub securi. Ecce cur DEUS purget palmites? Nihil illa bonitas non propter bonum facit, & nos gemimus dum purgat, & tamen meriti ob alia cultrum. Corrigamus opinionem nostram.

In festo S. Catharinæ Senensis. **CONCIO.**

*Simile est regnum cælorum, &c. Matt. 25.*

**Q**UOD Hieronymus dixit de S. Agnete V. M. jure hoc possum dicere de hac Sancta. *Literis & linguis omnium Gentium laudatur.* Quis nescit, quod per totam quadragesimam solâ S. Communionem vixerit, illique admiranda cœlestia secreta sint revelata? Quis nescit sacra Christi stigmata illi impressa, coronam datam spineam? Quis nescit cœlestem sapientiam, quâ dubia profundissima summis Theologis solvebat? Ego tantum in præsentem dicam illam similem Regno cœlorum.

Nihil in terris est cui Virginitas comparari possit, ad cœlum eundum est, ut illi digna comparatio reperiat. *Simile est regnum cœlorum.* Cœlum DEI sedes est. Tertull. ad Uxorem libro I. Sorores nostræ, quarum nomina penes Dominum, quæ nullam formam, vel occasionem prætermisissis maritis, sanctitatem apponunt; noluit enim nubere, DEO speciosæ, DEO sunt puella, cum illo vivunt, cum illo sermocinantur, illum diebus & noctibus tractant, orationes suas dotes Domino assignant, ab eodem dignationem velut munera maritalia quotiescunque desiderant, consequuntur. Quid in cœlis aliud agitur? Sed clariùs hoc ipsum Cypr. de habitu Virginum. Quod futuri sumus, jam vos Virgines esse cœpistis, vos resurrectionis gloriam

jam in isto sæculo tenetis, &c. Cum casta perseveratis, & Virgines Aug-  
 pis DEI estis æquales. Sedes DEI colunt; & ecce canit Ecclesia.  
*Ve ni electa mea, ponam in te thronum meum, quia concupivit Rex deco-*  
*rem tuum. Electa mea, ex multis. Ego te mihi elegi. Singula-*  
*ria in te omnia. Hieron. epist. 67. Sermo in Virginibus prudens,*  
*modestus & rarus, non tam eloquentiâ pretiosus quàm pudore. Electa*  
*quoad modestum vestitum. Tertull. libro de velandis Virgi-*  
*nibus. Cuidam sorori nostræ Angelus in somnis, cervices quasi applau-*  
*deret, verberans, elegantes inquit cervices, & meritò nude, &c. Si*  
*DEVS fuerit in corpore, cognoscetur & in capite fæminarum. Istæ can-*  
*ticum cantant quod nemo alius. Greg. Pastor p. 3. Singulare*  
*canticum Agno cantare, est cum eo in perpetuum præ cunctis Fidelibus*  
*etiam de incorruptione carnis gaudere. Quod tamen Electi cæteri can-*  
*tum audire possunt, licet dicere nequeant, quia per charitatem quidem in*  
*eorum celsitudine læti sunt, quamvis ad eorum præmia non assurgant.*  
 Matth. 19. Non omnes capiunt verbum hoc. Quod eò innouit summum,  
 quia denegavit, omnium. Sequi Agnum quid est? August. de bo-  
 no Virginit. Sequi quocunque ierit est ipse virginitatem mentis &  
 corporis imitari. Sunt similes regno cælorum. Cyprian. Cum ca-  
 stè vixeritis & Virgines, Angelus DEI estis æquales. A Joanne Vir-  
 gine Apoc. 19. Non est pallus scadorari Angelus, cum fuerit  
 passus ab Abraham, David, & aliis. At hic. Vide nefeceris, con-  
 servus enim tuus sum. Quia ut Ambr. libro de Virginit. Major  
 tamen est virtus Virginum quàm Angelorum. Illi non sunt Sponsi,  
 sed Spiritus administratorii. At verò Virgini dicitur. *Veni spon-*  
*sa Christi, accipe coronam. Optatus Milevitanus libro 6. Spirituale*  
*nubendi hoc genus est, in nuptias sponsi jam venerunt voluntate, & pro-*  
*fessione suâ. Hoc ipsum Ambros. ad Virginem lapsam. Cæterum*  
*quæ se spondit Christo, & sacrum velamen accepit, jam immortalis jun-*  
*cta est viro. Jam verò si est Sponsa Christi: monet Tertull. de*  
*vel. Virg. Incede secundum Sponsi tui voluntatem. Viue velata omni-*  
 bus,

bus, ad hoc velum à Sponso accepisti. Idem ibid. cap. 17. *Fundicabunt nos Arabiae feminae Ethnicae, quae non caput tantum, sed faciem totam ita tegebant, ut uno oculo liberata contentae sint dimidia luce frui, quam totam faciem prostituere.* Ita Sancta vixit.

Hæc sublimitas Virginum. Sed si fuerunt fatuæ, videamus quæ confusio. *Nescio vos.* Sicut si cœlum & astra cursum turbarent & locum, nemo illa agnosceret. In cœlo non sunt grandines, nives, &c. frigus, æstus. Si dominantur affectus mali; jam non sunt amplius cœlum, sed ut dixit Ambr. *Ancillæ mortis*, mancipia. Sicut mortuos jam in cinerem versos, nescimus, non cognoscimus. Non cognoscit ut sponsas, ut similes regno cœlorum. Filius prodigus quando recessit à Patre, edebat cum porcis; hoc idem Virgini malè agenti contingit. Plus est quod Tertull. libro de Pudicitia. *Etiam apud Christianos non est mœchia sine idololatria; ibidem sunt idololatria, ubi immundi spiritus res sunt; ibidem est homicidium ubi homo cum inquinatur, occiditur.* Fuit antea Virgo ut dicit Cypr. *DEI imago respondens ad sanctimoniam Domini.* Efficitur imago dæmonis. Excluditur à Sponso dum alii intrant: relinquitur in platea noctu, dum aliæ se intra domum recipiunt. Opus est vigilare. Apocal. *Si nolueris vigilare, veniam ad te tanquam fur, & nescis quâ hora veniam ad te;* spoliabo omnibus bonis, cum non advertes.

Fuit Sancta regno DEI similis, &c. vigilavit, &c. dormitaverunt aliæ dum Sponsus tardat. Parum in virtutes incubuerunt, dum vitam sibi longam promittunt; sed vero præoccupat, olim ibat pedes quando homines diu vivebant; & modo currit in equo, Apocal. 6. *Ecce equus pallidus, & qui sedebat super eum nomen illi mors, & infernus sequebatur eum.* Tertull. legit. *Super equum viridem.* Viridis color est symbolum spei; dum sperant longam vitam. Sed jam in Parad. so induti sumus




pellibus animalium mortuorum. Amos. *Super tribus sceleribus Moab, & super quatuor non convertam eum. Quod illud quartum? Eò quòd incenderint, ossa Regis Moab usque ad cinerem.* Etiam Romani urebant corpora, quid hoc? In eo loco ossium posuerunt idolum Veneris, Deam vitæ, memoriam mortis obliterando. Contra hoc in templis ponuntur monumenta. Scribit Barcephas quid Noë secum ad arcam ossa Adami intulit, & postea filiis dixisset, ut quisque in ea terra sepeliret quam erat obiturus. Statim à pueritia ita egit Sancta, acsi esset statim moritura. Attendit ad minimos pulsus Sponsi. Job. 40. *Vocabis me, & ego respondebo tibi.* Attendit Sancta ad suam lampadem ut esset munda, ornata. Sæpius discussit conscientiam, virtutes curavit, &c. Ideò à Sponso ad nuptias recepta, quam oremus ut ibi sit nostri memor.

*Finis Partis Hyemalis.*



BRE-



BREVIARIUM CONCIONATO-  
RIUM DE SANCTIS.

*Pars æstivalis.*

In Festo SS. Philippi & Jacobi Apost.

CONCIO.

*Nescimus quò vadis. Joann. 14.*

**N**ON solum quod Apostoli dixerunt, *quò vadis*, convenit Christo, nondum enim illi mysterium Ascensionis Christi noverant: sed convenit omnibus Apostolis, si quis enim vidisset rudes nomines à Christo collectos, diceret: nescio quò isti vadunt, ad quem finem illos collegit: omisfis aliis interim, de præsentibus duobus dico, illos ad hoc ire, ut id faciant quod eorum nomina significant, ut Philippus sit Philippus: Jacobus sit Jacobus, audite.

Philippus idem significat atque *os lampadis*, ut sit talis Philippus, ad hoc vadit: ita hoc nomen explicat Emislenus in 1. Joan. Quæ nostra lampas? Isai. 62. *Salvator noster velut lampas accendatur.* Hujus lampadis os erit Philippus. Si hoc velit quis ad prædicationem vertere, non specialiter competet Philippo: Prædicavit ille in Jerusalem, in Samaria, in Asia,

Aa

ubi

ubi innumerabiles ad fidem convertit, apud Scythas, & tandem apud Phryges, ubi etiam Martyrium subiit: sed etiam alii Apostoli in totidem provinciis predicarunt, proinde aliquid est in Philippo, propter quod specialiter est os Christi. Si propterea, quia dictum Jer. 15. *Si separaveris pretiosum à vili, eris quasi os meum, convertentur ipsi, & tu non converteris ad eos.* Separat, qui ostendit quàm peccatum sit vile, quàm virtus pretiosa, faciebat Philippus ex superbo humilem, &c. idola evertit. Fuit in quadam civitate Phrygiæ draco horrendus, qui halitu pestifero multos inficiebat & occidebat, ut scribit S. Vincen. Conchod. prope stabat Martis idolum, sanabo omnes & draconem pellam. Fecerunt illi. Sanctus draconem in eum locum misit in quo nemini nocere posset, & omnes infectos sanavit, & jam mortuos tres suscitavit, & reliqui conversi. Ita à vili dracone & idolo pretiosas animas separavit; sed etiam similia fecerunt alii. Est igitur aliquid in Philippo speciale? Est profectò quod in aliis non est, atque tale est quod ori Christi competit. Christi est vocare ad Apostolatam, vocavit Joan. 1. Philippus Nathanaëlem, & quidem virum hoc munere dignum, quia plurimis creditur esse Bartholomæus. Ecce os Christi! Christi est Mysterium S. S. Trinitatis exponendum Christum Philippus. Joan. 14. *Ostende nobis Patrem.* Christi est se manifestare Gentibus, Philippus illum ostendit Joan. 12. Christus manifestabat se aliquando ut DEUM, aliquando ut hominem, aliquando ut Regem, ut Sacerdotem: id faciebat Philippus, propterea fortè Apocal. 21. ubi aliis Apostolis attribuantur lapides unius coloris, Philippo attribuitur Sardonyus, qui in imo subniger, in medio candidus, in summo ruber. Quia & humanitatem Christi, quæ quasi subnigra quia videbatur esse Filius fabri: & Divinitatem Filii DEI, qui est candor lucis æternæ, & Sacerdotem in cruce sui sacrificii sanguine



guine rubentem ostendit. Christus benedictione suâ prospicit hominum necessitati, at verò cum vult prospicere, Joan. 6. vocat Philippum in consilium. *Vnde ememus panes?* Hinc jam quo loco sit Philippus apud Christum qui est os ejus: quo in honore apud nos esse debet, cum per illum in nos fluxerunt beneficia DEI?

Jacobi nomen ipsa scriptura in Gen. explicat *supplanteator*; sed bonus, ut ille Patriarcha. Supplantavit ille fratrem majorem natu, hinc Synagogam quod fuit esse Fratrem Christi; sic enim passim vocabatur, quia & Affinis Christi natus Alphæo, ex quo etiam fuit genitus S. Judas Thadæus: & ita facie similis, ut teste Ignatio M. ne Judæi errarent in horto, & pro Christo caperent Jacobum, Judas Iscar. digito ostenderit Christum. Jacobus Nazareus, ut & Christus, sanctitatem Christi mirè imitatus; nunquam carne, vino, balneo, quod in illis calidissimis regionibus propter sudores valde necessarium, usus: non lineam vestem unquam induit, non totondit capillum, non aquà corpus abluit, tam frequenter genu flexo oravit, ut instar pellis camelorum induruerit; Virgo semper corpore, licet nonaginta sex annos vixerit. Cum alii metu persecutionis abierunt Jerosolymis, ille permansit. Justus publicè appellatus, qui titulus est Christi. Paulus eum Gal. 1. inter primas columnas recenset, ejusque notitià gloriatur. Tam appetens de Resurrectione Christi, ut voverit se panem non gustaturum, nisi viso redivivo. Quare etiam Christus post mortem ad illum venit. *Frater Jacobs comede, jam resurrexi.* Soli Summo Pontifici & Jacobo licebat in Sancta Sanctorum ingredi. Illius vestis fimbriam contingere pro felicitate habebatur. Minor dicitur, quia alter Jacobus prius factus Apostolus; unde Paulus qui ultimò ad Apostolatam venit, 1. Corinth. 15. se vocat minimum Apostolorum. Sed primus inter Apostolos Missam celebravit,

quod datum est ejus sanctitati, idque in Jerusalem. Ab Apostolis constitutus Hierosolymorum Episcopus; nam licet omnes Apostoli fuerunt Episcopi, non fuerunt tamen alicujus certi loci. Cum anno septimo ejus Episcopatus ad diem Paschæ convenissent Apostoli Hierosolymam, interrogante Jacobo referebant, quid per illos in orbe fecisset Dominus. Per septem dies prædicabat Jacobus cum aliis, præsentibus Caypha & Sacerdotibus; & eò usque res deducta, ut solum superesset, ut peterent Baptismum. Profiliit quidam Judæus cum clamore. *Viri Israëlita quid facitis, quia ab istis magis vos decipi permittitis?* Et Jacobum ex loco altiore de quo prædicabat, præcipitavit, unde factus claudus. Ita S. Vincent. conc. hodi.

Sed quomodo vir iste adeò Sanctus potuit supplantare Synagogam? Anno Episcopatus ejus octavo, Judæi quia non poterant se vindicare de Paulo, quod ad Cæsarem appellasset, totum furorem verterunt in Jacobum: Miserunt ad illum. Populus seductus est inclinando ad JESUM, disuade, modò est frequens diebus Paschæ, es justus, neminem respicis. Et sic statuerunt illum supra pinnaculum templi. Virorum justissime, cui omnes obtemperare debemus, quid tibi videtur de JESU? expectabant, ut illum damnaret, supplantavit. *Ipse sedes in cælis à dextris virtutis DEI venturus judicare vivos & mortuos.* Clamarunt: quomodo justus erravit? & inde illum præcipitarunt, & lapidibus obruerunt; sed ille non solum mortuus, verum in genua elevatus. *Rogo Domine, nesciunt quid faciunt.* Tum unus perticam fullonis capiti infringens, cerebrum elisit. Sed nondum ex toto Synagogam supplantavit. Factum est, ut si Dux aliquis in campo vincat hostem, committat alteri ut ejus fortalitia dissipet. Christus vicit, commisit Jacobo, ut templum sedes Synagogæ dissiparetur. Fuerunt post mortem Christi conventicula; sed mortuo Jacobo subversum est templum.

Occiso

Occiso illo, à Romanis & templum & civitas à Romanis ever-  
sa. Quid aget contra hos Jacobus, qui Synagogas Judæorum  
promoveant, favore imò sumptibus propter lucrum tempo-  
rale erigunt? Josephus Judæus adscribit everfionem sui tem-  
pli morti Jacobi.

Sancti Apostoli, duo flosculi Majiales, quos idem sepul-  
chrum tenet Romæ, Psal. 67. Dormiamus inter vos tanquam  
inter medios clericos, seu ut alii legunt: inter duas sortes. Phi-  
lippus Os Christi, Jacobus Frater Christi & supplantator Ec-  
clesiæ. Adsint nobis pennæ columbæ deargentatæ, & posteriora  
*dorsi ejus in pallore auri.* Facite nos vigiles inter sortes justorum  
& injustorum, & tum occurremus Domino velut columbæ au-  
ro charitatis; & argento sapientiæ præfulgentes evolabimus.

## In Inventione S. Crucis. CONCIO.

*Sicut Moyses exaltavit serpentem in de-  
serto, &c. Joan. 3,*

**R**erum difficilium celebramus festa, quia virtus in arduo.  
Hinc festa Martyrum, Doctorum, &c. quia non est res  
facilis Martyrium sustinere, &c. Sed Crucem invenire facilli-  
mum. Vade ad scholas, judicia, convivia, &c. etsi non quæ-  
ras, occurret. Ita se res habet ut de serpente Moysis, facile  
serpentem invenire, sed non facile eum qui sit Moyses, qui fa-  
net morsus aliarum serpentium. Facile invenire crucem, sed  
non facile crucem Christi, quæ malitiam cujusque crucis alte-  
rius tollat. Hujus celebramus inventionem, de hac præsens  
erit sermo.

Sive Crucem consideremus ut vexillum juxta illud. *Vexilla*



*Regis prodeunt, fulget crucis mysterium*, cum quo Christus primus evasit in valla hostilia; mirum est quòd per annos trecentos sub terra defossum, sine honore latuerit. Cum ejusmodi vexillum loco honorato servetur, Si consideretur ut gladius, quo Christus mortem occidit Goliathum, in sacrario debuit reponi sicut est repositus Davidis. Sive ut virgam Moyse quâ per mare rubrum deduxit populum ex servitute in libertatem: virgam Moyse volente DEO in arca reposuit testamenti. Sive ut clavim cœli, quæ Victori clausi cœli Christo cum faceret cœlum deditionem est oblata; hæc super humerum Christi debuit esse juxta Isai. 22. *Dabo clavem domûs David super humerum ejus*. Lignum vitæ ne quidem tangi permisit DEUS ab Adamo, postquam est factus peccator. At Crux tam diu latuit, quia suos Amatores comitari illam docuit. Per trecentos annos sub terra in cryptis latebat; propter Tyrannos fides Christiana, per totidem Crux latuit, donec fidem eduxisset in lucem Constantinus, idololatriam subvertendo, & templa publica sacræ fidei erigendo. Neque hoc crucem dedecebat, in qua Christus se plus quàm si quis per annos trecentos singulis momentis semper magis ac magis se humiliaret. *Exinanivit semetipsum formam servi accipiens*. Durum est è regno cadere in servitutem, adeò ut aliqui elegerint potius mori, quàm servi & mancipia fieri. Plutarchus scribit de quodam qui caput sibi elisit ne serviret. Matres Dardanæ jactarunt captâ suâ urbe infantes proprios in fluvium, acclamando. *Non servietis*. Bajazetes à Tamerlane captus, cum suam uxorem servilibus operis admotam vidisset, caput confregit suum, & mori maluit quàm uxorem videre servam. Suscepit Christus formam servi, sed neque unius servi; sed factus quasi omnium servus. S. Leo serm. 12. *Solus D. noster JESVS CHRISTVS extitit, in quo omnes crucifixi, omnes mortui, omnes sepulci*. Omnium crucifixorum, mor-

mortuorum, sepulcorum, formam suscepit, omnes in se DEO Patri repræsentavit. Quomodo verò hanc formam accepit? exinaniendo seipsum. Si sciamus quid in cista fuerit, tum intelligemus, quid sit ejus evacuatio seu exinanitio. DEUS est omnia, itaque Christus exinanivit omnia. Rex si se regno exinanivit omnia. Rex si se regno exinaniat, solo se regno exinanit. Aliquis se exinanit decem aut viginti dignitatibus, non exinanit omnibus, quia in eo non sunt omnes. In DEO sunt omnia, unde Christi exinanitio infinitis major, quàm hi omnes Reges, Principes, Magistratus, &c. spoliarentur dignitatibus: omnes milites fortitudine, omnes docti scientiâ, consilio, prudentiâ; quia in his non sunt omnia ut sunt in DEO, imò ne guttula quidem appellari possunt, sed umbra potius, idque imperfecta respectu eorum quæ sunt in DEO. Verum quidem est ut Nazianz. libro de fide docet. *Non sic exinanitum accipimus ut aliud quàm fuerit, idem Spiritus, id est DEUS, fieret, sed ut seposito interim Majestatis suæ honore humanum corpus indueret, pro suscepto salus omnium fieret, ut cum sol nube tegitur, claritas ejus comprimitur.* Vel ut Cypr. in exposit. Symboli, sicut sol intrat lutum nec inficitur, carbonem nigrum intrat ignis nec denigratur. Sed tamen DEUS qui est Sol intravit lutum, ignis intravit carbonem, formam accepit servi, exinanivit semetipsum. Er videte, quod est plùs, qualis servi accepit formam, illius de quo dictum est. *Nisi hic malefactor esset, non eum tibi tradidissimus.* Qui turpissimo judicatus est dignus supplicio. *Factus est pro nobis peccatum.* Potestne exinanitus cogitari major? Admittetne te Christiane inter sui corporis membra, si non illi conformis fueris? Monstrum esset, si corpori humano caput pavonis inferetur. Dixit Bernar. *Sub spinoso capite non decet membrum delicatum.* Tu facile concludes. Sub ira humili capite non decet esse membrum superbum. At quid est esse superbum

bum? Ex actibus superbiæ id cognoscetur, & hi sunt non obedire Ecclesiæ, Superioribus. Gloriam mundi ex suis actibus captare. Res suas jactare. Alios non revereri. Alios contemnere. Vanitatem in vestitu quærere. Ambire dignitates. Simulare virtutes.

Non obfuit Crucī quòd tamdiu latuit, neque Sanctis obest quòd aliquamdiu lateant. Reperta est hodie Crux à S. Helena, *ut est in Breviario*, & in tanto honore habetur, & ejus doctes prædicantur. Illa est quâ notantur qui à morte eximuntur, Ezech. 9. Apoc. 7. Illa est per quam efficimur Filii DEI, nam si nascatur aliquid non vivum, non est Filius: ita qui non est per Crucem renatus, non vivit, atque adeò non est Filius DEI. *Nisi quis renatus fuerit ex aqua, &c.* Unde verò vim sumit hanc Baptismus? Roman. 6. *Quicumque baptisati sumus in Christo JESU, in morte ipsius baptisati sumus.* Mors Christi Baptismus est. Luc. 12. *Baptismo habeo baptisari, & quomodo coarctor donec veniat?* Crux etiam corpus sanat, patet hoc in serpente Moyfi, æneus fuit ille serpens. Quid aspectus æris conducit ad sanandum morsum venenatum? Figura fuit Crucis. Morbi enim omnes proveniunt ex peccato Adæ, quia comedit de ligno vetito. Hoc peccatum solvit Christus in Cruce; sed multis expedit pro bono animæ, ut sint infirmi. Crux paravit nobis gloriam æternam, antè enim nemo ibat ad coelum. Per Crucem educti sunt Patres de limbo. Zach. 9. *Tu quoque in sanguine testamenti tui eduxisti vinctos de lacu in quo non erat aqua.* Hic spes nostra erecta est. Si DEUS Filium dedit ad Crucem, quomodo non ea quæ sunt minora dabit nobis? Si dedit Filium inimicis, ut argumentatur Roman. 5. Quomodo non alia dabit postquam illi per Crucem reconciliati sumus? Crux ostendit, quanta sunt bona illa quæ nobis DEUS in coelo paravit. Non deceptus DEUS Pater qui pro illis ad mortem dedit Filium, non erravit



erravit Filius qui se pro illis morti exposuit. Non erubescamus Crucem, si Christi est. DEUS immittit tribulationes, Christi est Crux, prior ille sustinuit. Agamus sicut David 1. Reg. 2. cum Saule. Deprehendit hostem Saulem dormientem, tulit hastam & poculum, hastam reddidit, poculum retinuit, forte ut ex illo in salutem biberet Saulis. Continget labi in peccatum; fugiamus ut Adam sub arborem, sub umbram Crucifixi nos recipiamus, Cantic. 7. *Sub umbra illius quem desideraveram sedi, & factus est fructus ejus dulcis gutturi meo.* Ridebunt alii devotiones nostras, ascendamus cum Zachæo in Sycomorum ficum fatuam, satis sit nobis, quia *salus huic domui.*

In festo S. Stanislai Episc. & Mart.

CONCIO.

*Ego sum Pastor bonus. Joann. 10.*

**S**I appellarem S. Stanislaum Prophetam, probarem id, quia sicut ille è sterilibus Parentibus oratione interveniente natus, ut ille Saulem, 1. Reg. 1. ita hic coarguit Boleslaum. Si Eliam, Eccl. 48. & hujus verbum ardebat ut facula, & reducebat ad Dominum corda, dum concionator esset. Si Elisæum, 4. Reg. 4. Et hic famem pauperum affusa eorum ollis farina mitigavit. Si Simonem Oniæ filium, Eccl. 50. Et hic inter templum & altare occisus. Si Ezechielem. 37. Et hic ossa jussit stare, fieri redivivum, loqui, & ipsius partes concisæ, ita coaluerunt ut nec vestigium maneret. Si Petrum, Matth. 17. qui in pisce reperit staterem, & hujus in pisce repertus est digitus. Si Moysen, qui columnâ præeunte duxit populum, & supra hujus corpus luminosa apparuit columna. Si Florianum, & ad hujus

corpus excubârunt Aquilæ. Dabo illi titulum boni Pastoris, de hoc enim Christus in hodierno gloriatur Evangelio.

Nemo Pastoris sacri vile putet nomen, est enim thronus gratiæ. Habeo id ex hodierna epistola. Nam cùm dixisset: *Adeamus cum fiducia ad thronum gratiæ, ut misericordiam consequamur, & gratiam inveniamus in tempore opportuno.* Subjungit: *Omnis namque Pontifex ex hominibus assumptus, &c.* Ex quibus pater Pontificem seu Pastorem esse thronum gratiæ. Cujus gratiæ? Cœlestis. Ad eam ducit gregem sanando. Hinc olim dum Episcopus consecraretur, orabant super eum, ut scribit S. Clemens in Constitut. Apost. libro 8. cap. 16. *Ut DEVS repleat illum operationibus ad sanandum aptis atque opportunis.* Itaque sanat exemplo, ut de illo dici possit. *Aspice & fac secundum exemplar, quod tibi in monte monstratum.* Christum videre non possumus, qui dicit. *Discite à me.* Substitutum est aliud exemplar, Pastor Damiani ad Cardinales epistolâ apud Bzovium, anno 1057. *Non modò Sacerdotes, sed Sacerdotum decet vos esse magistros, necesse est vita nostra quasi quædam sit linea, & velut adamantis signaculum quod vivendi formam cæteris adhibeat. Adamantinum quippe sigillum, suam cæteris imprimit, à nullis verò metallis imaginem sumit.* Thronus est gratiæ. Apoc. Ex throno procedebant septem tonitrua. Tonitru ex halitu terrestri nascitur, sed supra nubes attollitur. Et jam non est terra, sed ignis, ita Pastor. Ignis omnia in se vertit, nihil sordium continet. Tonitru terret, non occidit. Totus purus est Pastor. Damiani lib. c. *Quomodo enim ex ore Sacerdotis oratio munda ad DEVM dirigitur, quod videlicet proprii sermonis sordibus inquinatur? aut quomodo inter DEVM & homines lingua mediatrix efficitur, quæ iram Judicis ex proprio reatu & ipsa meretur? in cassum quippe reus supplicationibus utitur cùm intercessor ipse culpabilis reperitur.* Tonitru æquè pauperi ac diviti audiendum se præbet, non unum tonitru sed septem, quia

quia non sufficit ut Pastor semel moneat. Tonitru non quiescit, Pastor non in sola hæret oratione. S. Th. opusc. 18. cap. 18. Mediator DEI & hominum in actione præcellere, & in contemplatione præcipuus debet esse. Tonitru non fileat, Pastor prædicat.

Non vile Pastoris nomen, quia Christum in labore iuvat. Si quis iuvisset DEUM in creando mundo, gloriari posset. *Cum eo eram cuncta componens.* Majus est cooperari ad justificationem impii quàm ad creationem. Hoc verò quomodo fecit Pastor? *Vos estis sal terræ.* Victores aliquos captos à se locos conseminârunt sale, ne deinceps in illis quidquam cresceret. Idem efficit Pastor. Sophoniæ 1. *Viro ego, dicit Dominus, Moab ut Sodomæ erit, &c. Acervi salis & desertum in æternum.* Sed si sal infatuatum fuerit, ad nihilum valet nisi ut conculcetur ab hominibus. A quo in cœlo recipietur? Malach. 2. *Scandalizastis plurimos in lege, propter quod & ego dedi vos contemptibiles.* Vos estis lux mundi, illustrant; ut Sol concurret ad plantarum, ita Pastor ad virtutum generationem. Sed si extinguatur Sol, fit nox. *In ipsa pertransibunt omnes bestię sylvæ.* Sed quid Solem extinguit nobis? Terra, cùm ille se terræ subjicit: cùm terrena dominantur Pastori. In tenebris dæmon merces vendit. Virga Moysis quando erat in manu, patrabat miracula: cùm in terram projecta est, facta serpens ut Magorum serpentes. Insuper non solum ad productionem concurret Pastor, sed etiam socius est Christi in conservatione. Describit Christum, Ezech. 40. *Vidi virum cui erat aspectus aeris candentis, & in manu ejus funiculus, quo universas domus partes metiebatur.* Experitur utrum alicubi non declinaverit paries, &c. ut occurrat damno, & sic conservet. Ita Pastor explorat, an sint omnia, Ephes. 4. *Ad mensuram quam donavit nobis Christus.*

Quid egi hætenus? Descripsi Stanislaum. Thronus gra-



tiae fuit, descriptas habuit viduas & pauperes, ut succurreret. Præbuit se omnis virtutis exemplar, adeo ut invitatus ad Insulam promoveretur Cracoviensem post Zulam sive Lambertum. Castitas integra, & quia castitas sine charitate, ut loquitur Bern. epist. ad Henric. Est lampas sine oleo. Hujus maxima probatio, si illis bene faciamus, qui nos aliquā affecerunt injuria. Invitaverat illum quidam Nobilis, ut ejus consecraret Ecclesiam, sed lite inter famulos exorta, & ipse ab eodem pulsus domo in campis egit noctem. Ab eodem mane revocatus consecravit eandem Ecclesiam; planè thronus gratiæ. August. serm. 50. de Verb. Dom. *Ut agnus humilis portavit peccatum erratice ovis.* Proderunt ex hoc throno repetita contra Boleslaum fulmina, qui Russicæ victor gentis à Russicis subactis vitiis, in omnem effusus libidinem, secuti sunt eum milites, secutæ & militum uxores, in quas sævit, dum suum scelus non contegit. Monet Regem bonus Pastor. Sed ille lineam allaborat ostendere inflexam dum Præsuli objicit injustitiam & avaritiam, quasi his artibus bona quædam Ecclesiæ quævisisset, excitat Sanctus mortuum bonorum Dominum Piotrovinum jam ante triennium in sepulchro mersum. Et hæc fuit sigillum adamantinum. Dicebat Sanctus cum Paulino, epistola 27. *Quis mihi daret, Boleslae, ut in conspectu tuo colloquioque requiescerem videns te non te.* Denique ut sal projicitur in Boleslaum, ne in eo crescant amplius vitia, & ut quidam referunt, obtinuit, dum post necem suam ad poenitentiam Boleslaum adduxit, fecitque Monachum. Effecit certè, ne Russiacis inquinaretur Polonia superstitionibus, ad quas inclinaverat.

Nos pro Martyre orare non possumus, nam ut August. serm. 17. ne Verbis Dom. *Injuriam facit Martyri, qui orat pro Martyre; quia ut idem 13. Civit. 7. Idem facit Martyrium quod Baptismus.* Ideo primus Martyr Stephanus, videt coelos apertos.

Docu-

Documentum tamen ab illo possumus aliquod accipere; & sit. Ego sum Pater, vos oves. Honorate Pastorem. Honorant quidam, si videant serico nitentem, divitem, &c. Sed si pauper sit, contemnunt. Hic honor non est Christianus, propter opes & Turca honorat. Ita Innocentium IV. honorarunt aliquot Soltani, qui in literis dederunt illi titulos. Dominus altissimi Solis, sanctus, illustris, purus, excellens, spiritualis, contemptor rerum terrenarum. Caput Christianitatis, sapiens, sublimis beatissimus, fiducia Sacerdotum & Religiosorum, adjutor Prælatorum & Cleri. Precati sunt illi perpetuam prosperitatem, longam vitam, favores coeli in sua gubernatione. Odericus Rinaldus, An. 1246. Sed si fuisset pauper, contempsissent. Vos honorate etiam pauperem dum sit Pastor. Dum personam Christi repræsentet, dum habeat potestatem administrandi Sacramenta, Christus pessimo etiam Sacerdoti obedit, ac venit ad ejus vocem in altare. Sed ut Ethnici Diis effingebant scelera. August. 12. Civ. 17. *Vt ab hac autoritate adhiberent patrocinium turpitudinis suæ.* Ita aliqui Pastoribus affingunt. Innoc. opusc. 6. cap. 10. *Qui per excellentiam Ordinis & officii dignitatem Deorum nomine nuncupantur.* Quid ex contemptu fit Pastoris. S. Cypr. de zelo & livore. *Profilitur ad hæreses dum Sacerdotibus obrectatur.* Spernetur primò minister, postea ministerium, prius Doctor, postea doctrina.

## In Ascensione Domini. CONCIO.

*Assumptus est in cælum.* Marc. 16.

**I**gnosceris coeli, si lamentamur quòd recipiatis à nobis Dominum. Quò ibimus Filii prodigi, si Pater nobis tollitur. Quò ibit populus DEI, cum illi Arca testamenti sublata? Quò

se vertet ovicula Pastore amisso? Quò famens & sitiens, dum panis vivus & fons vitæ aufertur? Sed quo? dum etiam ipsa via tollitur. Errabimus per invia, quia veritas abivit à nobis Peribimus, quia sublata est vita. Arescemus palmites, quia vitis translata. Sed non ita abit à nobis, ut qui, cum nobiscum esset dabat, non copiosius largiatur, quod ostendam.

*Sic DEVS dilexit mundum ut daret nobis Filium*, neque amare desinit, etsi recipiat ad se. Job. 39. Describit Ascensionem sub imagine struthionis, ut explicat Euseb. de præpar. & convenit. Struthio ferrum devorat: Christus 1. Petr. 3. *Deglutiens mortem*. Deinde, quod ad præsens festum spectat, struthio deponit ova in agro, ipse avolat: Sol verò pullos excludit. Posuit Christus veluti imperfectos partus discipulos, advolat instar Solis, Spiritus S. perficit. Et hinc patet, quòd Christus, si antea vita fuit, modò est abundantius. Quid nobis profuisset solus de coelo & doctrina per Christum allata, si ad nos non pervenisset? Apostoli verò nunquam in orbem se divisissent, nisi Spiritum S. accepissent, erant enim rudes, timidi, elingues, &c. *Nisi ego abiero Paracletus non veniet*. Sed cur non veniret? Filius autem Spiritui S. opus suum reliquit perficiendum. DEUS agit non violentè, ut vi utatur in homines, sed prius illos disponit; ita, priusquam faceret Apostolos, per longum tempus in sua doctrina retinuit, &c. Non erant discipuli dispositi ad recipiendum Spiritum S. nam omnia desideria eorum fuerunt circa rem materiale; & ita procul à Spiritu, sed circa quam? non circa opus, uxores &c. Circa Christi humanitatem, quia erat pulcher, suavis in moribus, clemens, illam amabant, de Divinitate quam non videbant, nihil cogitando: jam verò quale amamus, talis anima nostra efficitur: amans enim transit in rem amatam, oportebat illos ab amore temporalis rei avelli, ut amando Spiritum fierent suo



fuo modo spiritus, ut ad Divinitatem in cœlo amorem vertent. Beda. *Expedi ut forma servi, vestris aspectibus subtrahatur, quatenus amor Divinitatis vestris arctius imprimatur cordibus.* Quid putatis, si Apostoli amavissent aurum, vestem, &c. An Spiritus S. venisset? Certè non. Non miremur & nos, si non veniet in nos Spiritus S. si amamus terrestria, docet Aug. de Genes. ad lit. Quod cum DEUS post creationem aliis rebus benedixisset, herbis non benedixit. Et tandem dat rationem. *Quia per fibras & radices terræ inhaerent.* Virga Moysis quamdiu in manu erat, patrabat miranda, at ubi in terram est projecta, facta est serpens. Cum dispositi facti sunt discipuli Domini, descendit in eos Spiritus S. tanquam in ova scruthionis, *Ut Tertul. de Vel. Virg. c. 1. digererentur ab illo Vicario Domini Spiritu S.* Hinc vivi velut de novo facti loquuntur linguis, &c.

Ascendit etiam propter aliud nostrum bonum. Cœli pro nobis erant facti, sed usque ad illam diem clausi, nec Abraham, nec David introivit. Nemo etiam vi suâ ascendit nisi qui descendit, ut sol præcessit qui nos velut vapores attrahat, ut jam volantes nos mirentur Angeli. *Qui sunt isti, qui ut nubes volant.* Christo naturalis locus cœlum, aër vult esse supra aquam, terra infra omnia: si stella detracta è cœlo poneretur in terra, subito in cœlum fereciperet, quia ibi est ejus locus, Ps. III. *Cœlum cœli Domino.* Ivit Christus, sed simul, *Vado parare vobis locum.* Sumus exules, ut Reges apud Adonisabec, micæ ex mensa cœli delabentes colligimus. O qualis ibi mensa, si nos ita micæ delectant? O quale ibi palatium, si iste carcer, hæc domus bestiarum tantoperè placat! Aperuit cœlum, & simul ostendit esse præmia virtutibus, humiliatus ille infra omnes, super omnes exaltatus. Idem nos manet, venerat dies quadragesimæ post resurrectionem; venit Dominus ad discipulos prandentes,

dentes, & dixit se hac ipsa die rediturum ad coelos; ex hoc tristari cæperunt, at ille, Joan 14. *Si diligeritis me, gaudereis utique quia vado ad Patrem.* Tum ut eos solaretur, comedit cum eis. Et Act. 1. *Convalescens eis præcepit, ne discederent ab Ierosolymis, sed expectarent promissionem Patris.* Iverunt inde ad montem Oliveti, ibi rursus apparuit eis, & præcepit. *Euntes docete omnes gentes, &c. Non vos dimittam orphanos, &c.* Matth. ult. Et cum elevari cæpisset à terra, interrogarunt Apostoli; *Domine, si in tempore hoc restitues regnum Israël:* At ille. *Non est vestrum nosse tempora & momenta, &c.* Act. 1. Deinde illis benedixit, & illum nubes texit. Et dum in coelum prospiciunt, adstiterunt duo Angeli. *Viri Galilæi quid statis, &c.* Redierunt in Jerusalem discipuli cum gaudio. Luc. ult. Deduxit secum deventos in limbo, & ab hinc coeli patet aditus; & paulò post misit Spiritum S. Spiritum consilii, ut det consilia in via; Spiritum fortitudinis, ut nos confirmet ne animo cadamus, &c.

Cum ignito curru abiret in Paradisum Elias; Elisæus ejus discipulus orabat, da mihi *duplicem Spiritum*, Eccl. 48. explicatur hic duplex Spiritus. *Surrexit Elias Propheta quasi ignis, & verbum ejus quasi facula ardebat.* Opera erant ut ignis, verba ut facula; talis & Spiritus Domini. Act. 1. *Cæpit JESVS facere & docere.* Demisit Elias vestem, in signum quod hunc Spiritum daret. Amplius nobis Domine relinquis. *Ego ero vobiscum usque ad consummationem mundi.* Esto Domine, sed quia ut Joseph de carcere, exivisti de mundo, memor esto fratrum tuorum qui fame premuntur.

## In Festo SSmi. Corporis Christi.

## CONCIO. I.

*Hic est panis qui de cælo descendit. Joann. 16,*

**C**UM celebramus Christi Nativitatem, non nascitur Christus, sed solum fit memoria, quod fuerit suo tempore natus. Idem de Ascensione, Pentecoste, &c. Sed hodie id celebramus, quod est hodie, id est, verè præsens Christus sub specie panis. Proinde ac si illum oculis spectaremus, ita colendus, & ut magis nos ad se alliciat miracula facit maxima, quæ vèlitis contemplari.

Quod verè sit, præsens Christus nemo dubitare potest, qui novit quàm verax sit Christus, & quod dicat id se facere quod verè facit. Dixit verò, *hoc esse corpus suum*, quod panis videtur oculis, itaque tenendum est ita; & qui noller acquiescere, rebellis esset Domino: quia, ut Chrysostom. hom. 2. in Rom. Supremo Domino non solum obedientia voluntatis, sed etiam intellectus debetur, quando hic motu voluntatis in aliquam partem flecti potest, uti potest in rebus fidei, quæ semper est obscura. Ideo cum describit Paulus, 1. Cor. 11. Hoc mysterium, quod aliàs non ponit, posuit. *Dominus JESVS in qua nocte tradebatur*, &c. Sed ad miracula, quia hodie facio memoriam mirabilium suorum.

1. In parva panis particula totus est Christus. Aug. in Psal. 21. *Ad corpus humilitatis Christi acceditis, ubi maximus est in minimo* Non est tam parva particula, quæ sensu percipi potest, sensibile enim signum est Sacramentum, sub qua non sit totus Christus, magis contractus quàm fuit in Nativitate; & sic homo



hominem edit. Sed si non impingantur, non proficit in devotione, similis est macilentis illis vaccis. Gen. 41. quæ pingues devorârunt vaccas, nec saturitatis dederunt indicium. Ex latere Christi fluxit sanguis, sed simul & aqua. Tertull. de Bapt. cap. 16. *Ut qui sanguinem crederent, aquâ lavarentur.* Ad hoc ipsum facit, quod ante institutionem hujus mysterii dixit. *Occurret vobis homo bajulans amphoram aquæ.* Unde ita fervens in devotione facta est Magdalena? S. Paulinus *Ipsum vivificum panem manibus & ore præsumpsit*, quia eo tempore Fideles in manus accipiebant Eucharistiam; & sic edebant.

2. Est simul Christus in locis pluribus, nimirum in tot in quot est S. Eucharistia. Sicut olim panes multiplicavit, ut sufficerent pluribus hominum millibus. Sicut eadem vox loquentis est in plurium auribus, & ubique verè est, quia verò mutatur substantia panis in substantiam Christi simili modo, etsi altiori, atque in nobis potus & cibus mutatur in nostrum sanguinem. Et qui de hoc dubitat, similis est Bonvillo hæretico, quem asinus in præsentia S. Antonii de Padua convicit, cum eum cultum redderet Christo quem Hæreticus negabat.

3. Non consumitur à nobis sumptus Christus, imò nos mutat in se, ut ipse dixit Augustino. *Ego sum cibus fortium, verum non ego mutabo in te, sed tu mutaberis in me.* Inaudita res ut quis aliquid comedat vivum, & hoc licet nutriat comedentem, maneat vivum. Jonam vivum non sustinuit cœtus. Et cum Christum edimus, in Christum mutamur, quia cibus ut in nos mutetur, debet esse nostro calore debilior. Christus verò est fortior quàm nos, ideò nos in se mutat. Matth. 26. *Dedit eis signum Judas*, id est, Judæis. Quorsum? Uti que noverant benè Christum. Sed post sumptionem hujus panis, non solum in anima, sed etiam in facie Christo similes Apostoli, atque

atque adeò Judæi errare poterant, ita enim Chrysost. homil. 45. in Joan. *Omnes habebant Christiferas facies.* Illis & Christus dixit. *Ego sum.* Si daretur panis, quem qui ederet, mutaretur, in pulchrum, divitem, doctum, Principem, quantus ad illum fieret concursus? Ecce hic panis mutat in Christum, ut possimus DEO Patri de nobis dicere. *Respice in faciem Christi tui,* & licet hoc modo in facie nostra non appareat; sit tamen si dignè accesseris, in anima. Sed panis hic sæpè à mortuis per mortale peccatum sumitur, ideò prodest sicut panis mortuis: mittitur in guttur peccatoris sicut in tumultum, *Sepulchrum patens est guttur eorum.* Et cùm olim dignè sumentes etiam in facie mutaret, occidit etiam in corpore indignè sumentes, ut docet Paulus. *Ideò inter vos dormiunt multi.* Mortem appellat more Scripturæ somnum. Inter quoad animam evadunt rei iudicii atque si Christum ad mortem tradidissent. *Qui enim manducat & bibit indignè, iudicium sibi manducat & bibit, non dijudicans corpus Domini.* Dum sine puritate animæ velut cibum vulgarem sumit. Ingreditur ut vermiculus in hederam Jonæ Dominus, sed ut illam arefaciat. Apparuit Magdalene post resurrectionem, & ait: *Noli me tangere.* Cur ita? *Nondum enim ascendi ad Patrem,* unde vobis missurus sum Spiritum S. qui vos igne suo ad purum excoquet. Ambr. libro 10. in Luc. 21. *Nondum Magdalena evacuaverat lubricum sæculi, carnis ambiguum, nondum vixerat vitam Christi.* DEUS bone, post tantas lachrymas nondum digna ut tangat solum. Major præparatio facienda ad S. Communionem quàm ad mortem, quia majus est malum Christum indignè sumere quàm mori. Sed quare Thomas permissus non solum tangere, sed etiam digitum in latus imponere? Respondet S. Alexius, lib. 12. in Joann. cap. 58. quia Spiritum S. accepit per illa verba. Accipite Spiritum S.

4. Sub una specie æquè totus ac sub duabus, neque plus accipit Sacerdos quàm laicus, sicut non plus accipit qui duas sumit hostias quàm qui unam. Sub specie panis est corpus & sanguis: sub specie vini est sanguis & corpus, & sub utraque nihil ampliùs. Si aspiciamus species solas, & non Christi verbum; decipiemur sicut Isaac, qui involucrum manuum Jacobi considerabat. Falluntur sensus etiam in rebus non Divinis, putamus colores in Iride, cùm sit nihil præter aquam & lucem. *Latent res eximie.* Itaque totum Christum sive in una, sive in duplici specie sumimus. Christus totus intra nos venit: & cur nos non facit sibi conformes? cur non mutat in se? Antequam manna caderet, ventus desiccabat terram. Abulen. ad Exod. 16. desiccanda sunt priùs vitia: Eliam non juvit subcinericius panis, quando illum jacens comedit, sed quando surrexit & comedit, ambulavit in fortitudine cibi illius quadraginta diebus, & totidem noctibus. Si dignè sumimus, habemus illum intra nos qui latronem salvavit. Habemus Samaritanum qui curavit à latronibus vulneratum. Habemus illum qui miseretur super turbas: qui Lazarum resuscitat quadriduanum, &c. Sed hic ipse nobis hodie proponitur, ipse illius aspectus ex Matthæo Publicano fecit Apostolum, &c. Murmurent hæretici, murmurabunt & Pharisei, cùm ipse de hoc Sacramento loqueretur. Monuit: *Estote prudentes sicut serpentes.* In quo? Epiph. hæc. 37. Et Ambr. serm. in feria post Dom. 1. Quadrages. quia serpens bibiturus aquam priùs evomit venenum, deponamus venena peccati, proponitur *fontis aquæ solventis in vitam eternam.*

## De Eodem. CONCIO II.

**S**I fuisset præsentis, quando Christus positus fuit in præsepi



præsepi: Vel quando in cruce pependit, vel si in nostram domum intrasset ut in Zachæi: nemo esset qui non affectum specialem exhiberet. Alter oraret ut latro bonus, *Memento mei*, &c. Alter ut Petrus, *Exi à me Domine*, &c. Vel ut Centurio. *Domine, non sum dignus*, &c. Esset fortè quæ cum Magdalena lacrymis rigaret pedes. Esset quæ cum Chananæa, *Eriam catelli edunt micæ*, &c. Ecce, hic est iste, etsi tegatur velo, audit, videt, &c. Propterea hoc festum non celebramus ut alia, in quibus solum memoria agitur; hic res ipsa, accedamus, veneremur, petamus. Hoc festum vocat S. Th. miraculorum maximum, consideremus.

Æquè rem facit hic mirabilem, ac dignam amore, atque dum in præsepi erat, ibi assumpsit corpus & animam humanam, sed unam, non Petri, non Pauli, solum factus est homo. Hic cum singulis nostrum se unit, aut unire paratus eo modo quo cibus nobiscum, cujus pars vadit ad oculum, pars ad manum, &c. ut qui vellet separare, valde crudelis esset tyrannus; deberet enim singula membra in partes minimas resolvere. Sed cum DEUS factus homo, non mutatum corpus aut anima in DEUM, nec è contrà. Athanas. *Sine confusione substantiæ*. Hic nos mutat in se, ut docet August. ut jam dicere possimus: *Vivo ego jam non ego, vivit verò in me Christus*, ac proinde debeo meo oculo, linguâ, manu, &c. uti, sicut Christus. Hinc ut absurdissimum adducit. 1. Cor. 6. *Tollens membrum Christi faciam meretricis?* Hoc ipsum explicat similitudine Jacobi. *Suscipite insertum verbum, quod potest salvare animas vestras*. Inferitur furculus in arborem sylvestrem, jam bonos fructus facit. Arbor non suam sed furculi naturam sequitur, & si non sequeretur, excindenda esset; sic in nos inferitur Christus, ut jam non nostros, sed Christi faciamus fructus, patientiam, humilitatem, devotionem, &c. Roman. 11. *Tu cum oleaster esses, insertus*

*es in bonam olivam, & confers pinguedinis ejus factus es. Dat se nobis Christus, & de eo participamus. Ipse a mortuis resurrexit, nos si DEUS aliter à morte non fuisset excitaturus, propter usum hujus panis excitaret Joan. 16. Qui manducat me, vivet propter me, & ego eum resuscitabo in novissimo die. Habet ipse gloriam, dat manducanti. Qui manducat meam carnem, & bibit meum sanguinem, vivet in æternum, &c.*

Facit non minus admiranda quàm in cruce; ibi semel obtulit pro nobis sacrificium, in Missa dum hoc conficitur Sacramentum, toties idem repetitur sacrificium. Ibi fecit ut Parens, dum ejus Filius morbo extremo conficitur, nec juvari potest, nisi talis fiat bolus & poculum medicinæ, ut in illud omnis substantia sit expendenda, præparavit hoc populum, hic talem bolum & tale poculum præbet, carnem & sanguinem, &c. Et quia caro humana non est esca, illam ita sub speciebus abscondit, ut nullo sensu deprehendi possit, ut anima in corpore; & propterea multiplicat miracula. Totus est in tota hostia, & totus in quavis parte illius, ut anima nostra in suo corpore. Unde etiam ad animæ nostræ similitudinem se aptat, ut id quod facit non impossibile videatur. Frangitur hostia, non frangitur ille, idem est de anima nostra cum membrum amputatur. Major est hostia, nec major nec minor ille, sicut anima infantis & viri. Anima est in toto corpore, & toti animæ unitur oculus, nec tamen oculus est in pede, etsi ibi etiam sit anima, ita Christi humanitas jungitur toti Personæ Divinæ, nec tamen est in omni loco uti est Persona Divina. In cruce facta est mutatio; factus est enim anima recedente, ex vivo mortuus: hic fit mutatio ex pane in corpus, &c. Sed ibi mansit eadem materia in vivo & mortuo, hic neque forma neque materia manet in pane; ibi aliqua mutata accidentia. Hic in pane manent omnia antiqua: ibi carnificum ope peractum

actum est sacrificium ; hic etiam ope non solum boni, sed etiam pessimi potest peragi, nam Sacerdos se habet ut currus per quem Christus vehitur, sit aureus, servabitur ; sit ligneus, putridus, tandem comburetur. Missa tamen plus valet boni Sacerdotis quam mali, &c.

Non minus mirabile hic, quam si ad nos venisset ut ad Petrum, &c. Ibi ad unam venit navim : hodie deducetur per plateas & fora. Ibi in specie propria, hic in specie panis. Ibi ad Petrum, qui jam reliquit omnia, hic ad quemcunque. Ibi se manifestans, hic se occultans ; ibi nondum ad dexteram Patris sedens, hic sedens : ibi cum terrore, putabant enim phantasma esse, hic cum omni amore. Ibi ad illum Petrus per mare progressus, hic illum per terram adire possumus, &c. ibi facta gratia semel, hic quoties volumus & templum accedimus. Vades Domine non solum ad nos, sed per plateas. Ominosum in scriptura, quoties DEUS dicitur de loco suo egressus, fortè nostra peccata clamant ut Sodomorum, & tu vis videre ; sed hoc tempus non est ultionis. *Pertransivit benefaciendo*, his dabis contritionem, his spem in te, illis in bono perseverantiam, &c. Illuminabis oculos coecorum, ut videat peccator in quo sit periculo, aperies aures surdorum, ut audiant te & suam conscientiam, sanabis claudos ut currant mandatorum, &c. Proteges adversus hostes, Judic. 7. *Videbam panem subcinerium velvi in castra Madianitarum, & ea penitus delere.* Faciet nos degustare adhuc in terris coelestes delicias. Ps. 72. *Et erit firmamentum in terra in summis montium.* Hunc textum transtulit Hieron. & *erit memorabile triticum.* Paulus Burgensis & Titelman haberi ajunt in translatione Chaldaica. *Et erit placenta tritici in capitibus Sacerdotum.* Hoc est firmamentum nostrum, hoc coelum nostrum quod Sacerdotes in Missa elevant supra capita. Sed ait, vos ista non experiri. Aliquis promittit se daturum oleum quod-



quoddam pretiosissimum, dum qui volunt accipere, afferant vasa. Venit unus cum vase rebus aliis oppleto, neque illas vult effundere, venit alius cum vase vacuo quidem, sed valde sordido, neutri datur oleum, quis in causa? Postquam defecerunt vasa stetit oleum Elisæi.

Vadit ergo in plateas, & ad quemvis paratus venire, sed cavete ne illum collocetis cum Dagon. nam & Dagon peribit & vos. Philistæi coeperant arcam Domini, quæ erat figura hujus Sacramenti, loco honesto collocarunt in templo suo, ubi etiam fuit idolum Dagon, quid factum? Dagoni manus, pedes, caput amputatum, & ipse projectus est in limine templi. Si Dominus invenerit idolum. Avaritia est idolorum servitus, aliorum DEUS venter est, aliorum Venus, &c. & morbis puniet, & ipse recedet, ut Philistæos coëgit remittere arcam. Caveamus ne recipiamus Dominum sicut fecit Oza, qui debebat in curru semper arcam tenere, at ille ex indevotione neglexit, & tum primò arripuit cum videbatur casura, & ipse *mortuus est ibi.* Panis hic prodest, sed si adsit calor charitatis, devotionis: si in homine deficiat calor natus, & illi panis ingeratur, facit ad interitum. Si invenerit Obededom, benedictionibus implebit.

Sed jam procedet Dominus, agite hilares, deducite, hoc festum institutum est ut compensentur omnes ignominia, contumelia, quas Judæi Christo intulerunt. Isai. 60. *Pro eo quod fuisti derelicta & odio habita, ponam te in superbiam saeculorum, gaudium in generationem & generationem.* Et ut id alacrius agatur Papa Urbanus IV. indulgentias, &c. largitus. Caveamus ne illum excipiamus sicut Judæi die palmarum, postea crucifixerunt, crucifigit qui causam dat crucifixionis. *Indulgentias vide in epistola Pastoralis.*

In festo

In festo S. Antonii de Padua. CONCIO. I.

*Civitas in monte posita est, Matth. 5.*

**D**UM confidero Antonium, occurrit mihi quod Gregor. Nazianz. de Basilio dixit. *In illo laudando ipsius opus esset voce.* Tanta Basilii & vita & eloquentia; tanta Antonii virtus, ut in illo enarrando ipsius lingua opus esset. Illa nobis diceret: cur cætero corpore resoluta ipsa sit incorrupta. Et diceret: quia tot nationes ex corruptela vitiorum & errorum extraxi, tot ad scholas incorruptionis, scilicet induxi ad monasteria, &c. Diceret: quid egerit Antonius in illis suis latebris quinquennii, quid noctibus, &c. Audiremus, quanta fuerit in dicendo suavitas, ut pisces ad eam confluerint gustandam: quanta in eadem severitas ut Ezelinus Tyrannus in terram corruerit. Sed nec ipsum æquare possum oratione, neque ejus linguâ gaudere.

Est Civitas, cives virtutes, curia, &c. Quis singula potest breviter? At quæ? ut pictores partem pingunt cætera considera. Quam partem? optimam. Quæ? de Jerosolyma sine dubio. Fundamenta ejus in montibus? Unde *ascendimus Jerosolymam.* Sed quæ in ea pars optima? Templum. In Templo? Arca. Ita Greg. IX. Sanctum appellavit. Dum ergo volo civitatem ostendere, solum ostendam arcam, & totam civitatem considerationi relinquam.

In Arca tria fuerunt, Lex Moyfi in tabulis, Manna, & Virga. Moyfi & Aaron benè hic depingitur Antonius. *Lex.* 1. Concionator, non doctas fabulas. Inde dictus malleus hæreticorum, conterebat, ad ordinem ut lateres, in muro reducebat. O si modò talis esset! Idem de peccatoribus.

Dd

2. Fuit

2. Fuit Ordo sine literis, etsi Sanctus, ille primus Magister Theologiæ, primus regens studiorum. Quot inde Cardinales, Pontifices, libri! Ille instituit lectiones Alenf. Bonavent. Scotus, Ocham, Aureolus, Mayron illuminatus, Richard. Lyra, &c. Sed quomodo id cohæret cum eo quod pro S. Francisco legimus, *Revelasti ea parvulis*, Bernardus in Cantic. 36. *Revelasti parvulis, non stultis, tumorem damnat non acumen*. Hieron. Soli sibi prodest Sancta rusticitas, sed plurimis simplex docilitas.

*Jam ad Manna.* Unde illa doctrina Antonio, manna pluit de coelo in deserto montis Pauli in Alvilia, illa quinquenni; quando pro laico susceptus, ut laicus egit. Idem Bernardo qui ita in sua vita loquitur. *Nullos habui alios magistros præter fagos & quercus*. Quomodo didicerunt. Duplex est visio, matutina & vespertina, in coelo, idem in via, quidam res in DEO cognoscunt, quidam in se, in DEO noscuntur ut ad Solem, in se ut vespere. Diversi in manna sapes, Nationes diversæ loquentem intelligebant; his terror, his consolatio. Greg. lib. 31. in Job, cap. 10. *Manna est verbum DEI, & quidquid bona voluntas appetit in ore comedentis sapit*. Sed quo modo ignorantes linguam intelligebant? Ps. 18. *Cæli enarrant gloriam DEI*, &c. *Non sunt loquela neque sermones eorum, quorum non audiantur voces eorum*. Sicut stella magis locuta, de qua August. 30. de temp. *Stella nuntiavit tanquam lingua cælorum*. Cæli per influxus, tonitrua, &c. loquuntur; clariùs dicam. Videtis hunc Infantem, in libro. De hoc Infante libri Antonii, sicut Joannes Aug. in Joan. tractatu 36. *De illo pectore, in secreto biberat, in eremo*.

Fuerunt etiam Virgæ duæ in illa Arca, Moysis & Aaron. Virga scilicet fuit inprimis *Moysi*. Qualis? ex corylo. Cur ita miraculosa? quia in manu, cum verbis juncta operatio: sed cum illam projecit in terram, facta fuit serpens, sit elocutio nescio.



nescio quanta si in terra, &c. Hanc Virgam veluti haberet Anton. In mari, noluit Bonvillus hæreticus audire, audiunt pisces. Per mare ducit; dum prædicaret omnibus relictis currebatur, templum parvum, ergo extra muros. Burdeos in Gallia, ecce obtenebrescit, grando. Ille, nemo se moveat, in circum pluit, grandinat. Job. 28. *Ponebat legem pluvii, & viam procellis sonantibus* Ps. 101. *Respexit in orationem humilium.* Alia versio, *in orationem vacui.* Sicut sunt vasa hortentia, quæ metui vacui non dimittunt aquam. Sed etiam hoc scribit Nierenb. hist. II. c. 60. Hæretici statuam hujus Sancti membris mutilatam in mare dejecerunt, cum hæreticos mare in Lusitaniam eiecit, etiam statua emerfit, & in littore ambulavit, Bajam deinde solenniter perducta est. Pro magno quod tempore mortis Christi latro conversus, sed vidit miracula. Sed ut docet S. Vincent. umbra Christi, B. Virgo mediabat. Ad Antonium audiendum venerunt 22. latrones, conversi. Equo imperat ut cibo abstineat, Eucharistiam adoret. In simulatus pater quod occidisset filium, excitat Antonius filium, ut testetur, & rursus moriatur. Quid in Vesuvio evocatum ab inferis, mercatorem ut subscriberet syngrapham debiti? messes bis in anno? Aureos ruptos missos in eleemosynam, ex quibus sanguis fluxit? Cor divitis intra nummos post mortem dum concionaretur, *mortuus est dives, & sepultus in inferno.* Opposuit se Ezel'no & Fratri Eliæ ut Pharaoni. *Virga Aaron* subito floruit; in Dominicorum præsentia concionatus, quâ occasione à S. Francisco creatus regens; subito, tota ætas anni 35. ex his latuit 5. aliis quinque floruit. Canonizatus eodem anno quo mortuus, & ab eodem Greg. IX. à quo dictus Arca.

Sed cur non illi appingunt has Virgas? Legis tabulæ per librum, item manna exprimitur, Virgæ per lilium; exprimit lilium virgam amygdalinam, sed superaddit. 1. ut Hieronym.

epist. 8. Liliū est signum virginitatis. Novitiū iactabatur tentationibus, tantū attigit vestem Antonii, liber factus. Valet contra venena, Diosc. 3. cap. 99. Non nocuit illi propinatum ab hæreticis, inclinat caput, inclinabat ille coram Notario, quem prævidebat Martyrem. Significat B. Virginem sine macula Guilielm. in Cant. ille cum suis eam defendit. Plantatum videtur prius arefcere, postea floret, Hilar. in Matth. cant. 5. ita Anton. in Religione. Est signum Providentiæ. Ambros. *Lilia non nent neque serunt, tamen neque Salomon, &c.* Ita ejus ordo. Liliū inter spinas, ille, audita morte quinque Fratrum, desiderat Martyrium.

Apud arcam exaudiebantur : absolvimus arcam, quid petimus? Sanctus circa res perditas Patronus. Quid amittit peccator? Psal. 39. *Cor meum dereliquit me.* Gregor. 2. Mor. II. *Quoties graviter delinquitur cor nostrum non habemus. Vbi thesaurus tuus ibi & cor.* Non est cor, cum agitur de DEO, &c. solum est cor, cum de thesauro, rebus. Rogemus ut cor in arca servet, legis Divinæ, judiciorum faciat memores.

## De Eadem. CONCIO II.

*Vos estis Lux mundi. Matth. 5.*

**H**abet hoc in more DEUS, ut quò magis propter illum velit quis latere, magis ab eo illustratur. Sic factum S. Eremitis multis : sic Martyribus per tormenta obscuratis, & clari occisis, ut SS. Paulo & Joanni. Antonius se abscondebat ut vix magis potuerit, DEUS illum illustravit, ut vix amplius cogitari possit; hoc utrumque explicabo.

Natus Antonius in domo nobili, omnibus excultus scientiis, intrat Religionem S. Francisci in qua tunc non erant literæ

literæ, se non solum i diotam, sed rudissimum facit, impetratq;  
ut inter laicos admittatur, & inter eos se gerit ut vilissimus, ab-  
jectissimos quosque labores quærit, contemnitur adeò ut in  
Capitulo generali Assisii repertus Guardianus qui illum re cipe-  
ret; quid ampliùs facere debuit? E contra DEUS ita illum il-  
lustravit, ut de illo dici possit, Eccl. 44. *Non est inventus similis  
illi in gloria.*

Non est repertus similis quoad scientiam. Nam iussus ex  
tempore dicere aliquid spirituale, ita dixit ut ejus Superior S.  
Francisco tum viventi scripserit, non esse illi similem in do-  
ctrina, quo motus Franciscus, etsi timeret scientias inducere  
in ordinem, ne vacillaret humilitas, fierent æmulationes, ex-  
emptiones: tamen à DEO inspiratus vidit posse Antonium  
scientias administrare, sine his incommodis, fecit illum Magi-  
strum, & quòd Antonio negotium successit benè, videmus  
hucusque, cum post laboriosas conciones fratres in duro vi-  
res reparant strato: Spiritus consumptos in studio pane emen-  
dicato restituunt, hic fructus Magisterii Antonii. *O quanta  
silentio nascitur vox!* Dixit de Joanne S. Petrus Chrysol. cum ex  
muto Zacharia genitus fuisset Joannes, qui factus vox cla-  
mantis in deserto; hoc ipsum de Antonio. Duravit hæc vox  
in Bonaventura, Bernardino, Alensi, Scoto, Mayronio, Au-  
reolo; & durat modò, & tum Antonius vix annos 27. ingres-  
sus fuerat.

Illustravit illum cum fecit summum concionatorem, & ad  
hoc duo dedit illi subsidia, vocis & linguarum. Quantumvis vo-  
ce mediocri diceret, in quacunque distantia audiebatur; quam-  
vis solo suo nativo sermone, à quavis natione intelligebatur.  
*Diffusa est gratia in labiis ejus.* Quocunque venit velut in maxi-  
mo festo, cessabant labores, officinæ claudebantur, totus ad  
audiendum illum populus confluebat; & quia templa capere



non poterant, vacua relicta civitate in campos exhibant. Quo verò fructu? testabitur hostis infernus, qui aut fingeat se illius cathedram frangere, aut elementa commovere, aut nuntios venire mali alicujus ad populum; sed qua voce collegat Sanctus populum, eadem fraudes aperiebat dæmonis: & populus augebatur in tantum, ut oportuerit armatos assistere, ne opprimeretur, aut à carpentibus de ejus vestitu sacras reliquias & ipse discerperetur. Testabuntur qui viginti latrones ex curiositate venerunt ad audiendum, redierunt omnes conversi. Quid inimicitiae compositae, Ecclesiae ad sanctitatem reductae, monasteria ante vacua, ab illo repleta, haereses extinctae, fervor poenitentiae, cum ab illius concione non jam solum percutientes pugnis pectora, sed flagris tempora lacerantes redirent, estque traditio ab illo introductas flagellationes publicas. Testabuntur pisces in littore Ariminensi, ad quos conversus dum nollent auscultare haeretici, cumulatim audierunt, praedicavit illis beneficia collata à DEO in suum genus; Illi soli in diluvio salvi, illi naufragum Jonam servarunt: illi Tobiae visum: illi nummum quem Petrus pro Christo in Paulum dedit. His & similibus dictis impertitus illis benedictionem, & dimisit; quo viso conversi & haeretici.

Dedit Antonio DEUS in manum virgam Moyfi patricem miraculorum, quâ velut Pharaonem fregit obstinatum Ezelinum; erat hic Tyrannus Patavinorum, sed adeo feri animi, ut cum fuisset à Mediolanensibus captus, cibum omnino repudiaverit, ne de manu hostium reciperet: omni verbo abstinuit, ne sermonem misceret. Reddidit S. Humbertus ursum placidum, Simonides leonem mansuetum, alii tygrides, &c. Certè hoc non minus Antonii, ad cujus pedes procidit Ezelinus. Dedit DEUS Antonio Spiritum Prophetiae: praedixit uni infanti nondum nato, & alteri jam viro, futuros Martyres.

Dedit

Dedit cordium notitiam, quod Iſſus Brugenſis Epiſcopus, cujus & dubia mentis aperuit & ſolvit; dicit novitius ſui ordinis, cui ſuas illius tentationes explicuit & compoſuit. Dedit ut aliquando in locis pluribus ſpectaretur. Dedit ut in ſomnis appareret, peccata oſtenderet, & certo Sacerdoti juberet confiteri. Quid ſanatos paralyticos, mortuos excitatos, &c. Dedit in obſequium Angelos, egebat Antonius tabellario, qui ad ſuum Superiorem deferret literas, detulit Angelus velociffimè, & reſponſum retulit. Dedit ſeipſum DEUS Antonio in forma puerili, cum quo ſanctiſſimas ſæpe habuit delitias, oſcula caſta. Annum habuit 36. occurrit JESUS cum Maria, ut animam exciperent morientis; occultare volebant Religioſi mortem, ſed infantes fletu & ejulatu per urbem Patavinam publicarunt. Dedit, ob multitudinem miraculorum, uno vix elapſo anno ut canonizaretur, & hoc ipſum campanæ ſpontè ſonantes Spoleti & Oſſipone publicarent: ſepulchrum Angelicis manibus creditur factum: lingua hucusque incorrupta.

Dedit Antonio quod paucis Sanctis evenit, ut gloria in mundo jam in quintum ſæculum duret. De aliis dici poſteſt, quod Eccl. 44. *Omnes iſti in generationibus gentis ſuæ gloriam adepti ſunt, & in diebus ſuis habentur in laudibus.* Habentur, vel apud ſolam ſuam gentem; neſcimus ferè, quos Patronos habuit Hiſpania, Gallia, &c. multò minùs illos colimus. Alii Sancti ad tempus in cultu, poſtea circa illos devotio reſeſcit, ut circa Abraham, Moysen, Davidem: tranſiit non una generatio, æquè colitur Antonius. Et in toto mundo colitur, nullum ejus altare vacat anathemate, &c. Non in ſola Italia illum invocant circa res amiſſas in periculis, anxietatibus animi, &c. Piſcina ille eſt veluti Probatia contra omnes morbos, ſed omni loco & tempore, ut repetere cogar. *Vos eſtis lux mundi,* totius mundi, ait omni. Non eſt ſimilis tibi in gloria. Denique  
tecat

fecit illum DEUS Patronum libertatis, laborabat & Pontifex & Veneti, ut Patavium liberarent ab Ezelino; nihil profecerunt. Hic Tyrannus post mortem Sancti factus insolentior, sed nocte præcedente festum Sancti prostravit se apud ejus sepulchrum quidam Religiosus recommendando civitatis Patavii afflictionem, audivit vocem de sepulchro. Non dubita: in octava mei festi recuperabit civitas libertatem. Venit octava, Ezelinus quodam timore correptus, è civitate profugit, & civitati libertas redditæ. Precemur, ut nostram etiam libertatem in suam curam recipiat. Et cum DEO quàm liberalissimè procedamus ejus exemplo.

In Festo S. Aloysii Societ. JESU.

CONCIO.

*Et vos similes hominibus expectantibus Dominum suum. Lucæ 12.*

**N**Otæ sunt hujus Beati virtutes: Mundi contemptus, nam consanguineus Regum, Cæsarum, ipse Marchio, sit Religiosus: de Castitate ipsa S. Rituum Congregatio testatur. *Nunquam stimulos carnis passus, nec ullam impuram cogitationem habuit.* Cum penè infans domi luderet, in quo ludo qui perderat, imponebatur illi aliqua mulcta; illi impositum ut oscularetur umbram in pariete cujusdam Virginis, quam faciebat candela mensæ insistent, ille recusavit. Et cum diceretur, turpem esse illam umbram; respondit, satis esse quòd mulieris esset. De illius oratione supra dicta Congregatio. *Carnis distractionibus & evagationibus mentis.* Quid de humilitate, patientia, &c. De illo dici potest illud Hieron. epist. 33. *Felix præconium quod nullâ rerum*

*vicia*



*vita ſorde maculatur.* Sed cū Evangelium memoret ſimilitudinis, virtutes ejus aliquot per ſimilitudines proponam.

Receperat tantam à DEO puritatem animi Beatus, ut Confefſarius illius doctiſſimus ac pientiſſimus Cardin. Bellarminus auſus fuerit dicere, illum ſtatim ac natus in gratia DEI confirmatum. Conſtat eodem inſtanti quo cognovit DEUM, quòd ſtatim illum adamaverit; hinc quadriennio adhuc frequenter orans, diu flexis genibus in angulis domus ſolarius deprehendebatur: à ludis & ſpectaculis adhuc puerulus abhorrebat, etſi ad illa fuit adaectus, claudebat oculos, verbis parcus, veſtium pretioſarum contemptor, & ita erit annis 17. in ſæculo. Ab undecimo ætatis duas dies ſeptimanæ in pane & aqua tranſigebat, idque ſumpta ſemel de die, & non excedebat unciam victus quotidianus; cū deeſſet cilicium calcari- bus arabat latera, in lecto ſub linreamine ligna vel lapides abſcondebat, hyeme in ſolo induſio in terra cubebat, horis quatuor orationem continuabat, aliquando ſex, ter de die & ter de nocte flagris ſe cruentabat, illachrymabatur mater cruentatis induſiis. Ita dici poteſt de illo quod Bern. dixit. *Actu innocens ſuſcepit pœnitenter affectum, & qui non habuit unde pœniteret, habuit tamen ut pœniteret.* Novennis DEO vovit Virginitatem, & omni cura tutatur, ut nec Matris faciem fixè aſpexerit. Hæc innocentia; jam ad ſimilitudines.

Vidiſtis aliquando figulum, facit ex eodem luto vas in honorem & vas in verecundiam; ita factum Jerem. 28. Hoc Beato hærebat in animo: poterat me DEUS me facere vas in contumeliam, num quid mei eget? Famulus ſuus & ſervus expectans Dominum, vigilanter agendum, nescio quâ hora venturus, quid de me factururus. Aſpiciebat quod ſit latum ex origine, cætera ſunt dona DEI, poteſt vas ut figulus confringere. Hinc ſæpè audiat illius voces. *Quid habebit de me miſero Religio?*

ad nihil valeo. O mi Aloysi, quæ tua humilitas? Quid faciet de te Religio? Faciet hoc. Numerabit te inter Sanctos suos, & tuum nomen inter suos honores. Quid faciet? Memoriam tui perpetuam tanquam Angeli proponet suis filiis in exemplar. Depictas tui imagines per orbem distribuet. Depinget te Victorem aquarum, cum ad Ticinum delapsus in aquam mergi non potuisti: Triumphatorem ignis qui te Castilione non ausus lædere, cum exuisset lectum in quo jacebat. Compositorem pacis à variis frustra tentatæ inter Fratrem tuum Marchionem Castilionis, & affinem Ducem Mantuanum. Quid faciet Religio? Altaria in tui cultum eriget, pro munere magno Principibus partes tuorum cinerum distribuet, reliquas in argento servabit, & circa plurima appendentur anathemata. Quid faciet? Senis apud tuam imaginem cæcum visum recipiet. Perviis multi paralytici curabuntur, mortui surgent.

Similes hominibus expectantibus cum lucernis. Ambr. in Psal. 118. *Multæ sunt tenebræ, multæ lucernæ necessariae.* Si quis in tenebris vadit cum vase ficuli, facile frangit. *Habemus thesaurum in vasis fictilibus.* Oratio Beati erat continua, quâ lumen petebat, & DEUS ita illustravit, ut nunquam peccaverit gravius, sed ne veniali fortè ullo. Nihilo minùs cum lucerna vigilans Dominum expectabat. Jam morbo factus morti vicinus petiit, ut pro suis culpis, cum ipse non possèt, à capite ad calcem aliorum manibus flagellaretur. Videant peccatores, & ad lumen Beati spectent sua peccata, quibus poenis sint digna, cum innocentissimus hic Angelus tantis se dignum judicet. Nullum in hoc morbo solatium, nullum revelamen admittit, ut totum pariat. Hic Beatus, quem S. Magdalena de Pazzis vidit inter Martyres in cœlo, & cum videret in extasi, exclamavit. *O quàm magna est gloria, quàm Aloysius habet filius Ignatii! Mihi videtur, quòd certo modo dicendo, non sit tanta gloria alia in cœlo quan-*

tam ille habet. Ego vobis dico, quod sit magnus Sanctus, & vellem si possem ire per totum mundum, ut illum deprædicem. Et post modicum eadem Sancta. Aloysius fuit Martyr ignotus, & seipsum fecit Martyrem ipse. Provocabat Beatus mortem, dum ex caritate Nosocomia ægris inficientibus referta frequenter visiteret. Provocabat quando tempore pestis Romæ petiit ardentissimè, ut ad obsequium pestè morientium exponeretur. Provocabat quando tam durè corpus suum tractabat. Videbat dicta Sancta Beatum orantem in cœlo pro existentibus in aliqua necessitate præsertim spirituali, sed & ipse adhuc vivens in terris hunc favorem DEI habuit, ut nihil unquam ab illo fuerit precatus quin obtinuerit, quamvis iudicio humano videretur res inextricabilis. Precemur ut etiam pro nobis oret.

In festo S. Joannis Baptistæ. CONCIO. I.  
*Inter natos mulierum non surrexit major Joanne Baptista. Matth. 11. 10.*

**C**ommunis persuasio populi eos esse majores Sanctos, qui majora faciunt miracula. At Joanne major non surrexit, Jo. 10. Joannes quidem nullum signum fecit. Quomodo ergo major aliis? Certè major Greg. Thovenaturgus, qui oratione montem transtulit, alii &c. Non comparo Sanctos, tamen repeto. *Inter natos mulierum*, &c. Et hoc demonstro ex eo, quia nullum fecit miraculum.

Certissimum est, quod DEUS impossibilia non præcipit, & si aliquando aliquid fieri velit ab aliquo quod ejus vires superet, statim ad hoc confert vires. Plena hujus rei exemplorum S. Scriptura. Jubet Moysen esse Ducem populi, dat illi



animos, sapientiam quantam Ducum nemo habuit. Patet hoc ipsum in Jeremia nesciente loqui, Elisæo bubulco; Amos, Davide pastoribus. In Artificibus Arcam & Tabernaculum ædificaturis, Exod. 31. quos implevit ad hæc opera omni sapientia. Jam verò Joannes Jo. 1. *Venit ut omnes crederent per illum.* Et quidem Judæi qui solos se sapere putabant; & ut crederent rem difficillimam, hoc est Christum esse Filium DEI, quam putabant esse Filium fabri, pauperem, &c. Neque dedit ad hoc Joanni ulla miracula, imò dedit unam admirandam sanctitatem, quâ id perficeret. Certè Joannes ad rem tam difficillimam egisse videtur magnis miraculis. Elias 4. Reg. 8. ut se demonstraret veri DEI servum de coelo ignem advocat. Josua ut se successorem verum Moylis aquas dividit. Jos. 3. Moyses ut persuadeat Pharaoni, esse DEI voluntatem, ut populus in deserto sacrificet, quæ non facit prodigia? Exod. 7. Quare non Joannes? Quia supplebat sanctitas, alioqui DEUS impossibili præcepisset. Persuadere modò Christum esse DEUM non est tanti laboris, atque erat tempore Joannis, tot sunt argumenta modò, ut difficilius sit non credere quàm credere. Unum altimo argumentum. Si Christus non est DEUS, quomodo potuit tot homines retrahere a deliciis ad jejunia, a divitiis ad paupertatem voluntariam, & quidem ex omni ætate, sexu, statu, lingua, doctis, Principibus: & sine armis, sine vi ulla, per piscatores, inter persecutiones, ignominias? Hoc Joanni deerat argumentum. Sed neque sanctitas aliqua minor illud supplere potuit. S. Franciscum Xaverium publicè vocabant Ethnici magnum Patrem, Sanctum, videbant ejus jejunia, &c. Tamen ut persuaderet Christum esse DEUM, quantis opus erat miraculis? Excitare mortuos, aquas maris dulces reddere, naufragia avertere, meritas naves recuperare, exercitus furibundos frangere. Similia fecit Rembertus in conversione Danorum, Boni-

Bonifacius in Slavorum, &c. Qualis sanctitatis debuit esse Joannes? Plura certe in illo debebant esse quàm quæ legimus; sanctitate suâ convertit.

Sed respondebitis. Joannes non convertit Judæos. Ita est, non omnes, quia nec Christus hoc effecit cum majori sanctitate & miraculis ob illorum pertinaciam; ita nihilominus persuasit, ut inexcusabiles reddiderit Joan. 15. 22. Si non venissem, &c. Si opera non fecissem, &c. Nunc autem excusationem non habet. Convertit tamen multos, & Petrum ac Andream, Marc. 1. & redigebantur ad Christum misit, Joan. 1. 38. Et aliqui ideò Joanni non credebant de Christo, quia ipsum potius Joannem credebant esse Messiam, ut est Luc. 3. 15. Existimante autem populo & cogitantibus omnibus in cordibus suis de Joanne, ne fortè ipse esset Christus. Faciebant alii miracula: Elias & Elisæus mortuum excitavit, Isajas Solem retrò jussit ire: Daniel intra leones fementes mansit illæsus: Jonas in ventre ceti; quis horum aliquem cogitavit Messiam? at Joannem absque miraculis putabant Messiam. Fuit Elias in vestitu asper, &c. Itaque his omnibus Joannes sanctior. Hinc ulterius. In aliis Sanctis causa est miraculorum sanctitas; in Joanne causa fuit ne faceret miracula, quia si absque miraculis devenit ad hoc, ut Messias putaretur, & ut S. August. tract. 4. in Joan. facile ad hoc pervenire poterat, ut pro DEO coleretur, & illi fierent sacrificia, &c. Quid fuisset, si miracula accessissent? Siquidem tanti fuit æstimatus cum faceret Christus miracula, ille verò nulla. Sed hoc est mirum, Apostolis dictum Matth. 5. *Vos estis lux mundi*, quod propriè Christo competit, Joan. 1. *Erat lux vera, quæ illuminat omnem hominem venientem in hunc mundum*. Et tamen ex Apostolis quidam pejeravit, quidam non credidit, alii deseruerunt, Joanni titulus non datur lucis, imò *non erat ille lux, sed ut testimonium*

*perhiberet de lumine.* Marc. i. 5. Egrediebatur ad eum omnis Judææ regio, & Jerofolymitæ univerſi & baptizabantur ab eo in Jordanis flumine, confitentes peccata ſua. Nunquid Apoſtolis deterior Joannes? Imò Matth. ii. *Inter natos mulierum non ſurrexit major Joanne Baptiſtâ.* Quomodo ergo illi *lux*, Joannes *non lux*. Facile de illis adverti potuit, quòd non eſſent lux primaria, quia tenebras admiferunt aliquando, atque adeò non poterat dubitari, quòd nullus illorum eſſet Chriſtus. At de Joanne alia ratio. Adventus Joannis per Prophetas prædictus ut Chriſti annuntiata conceptio ab eodem Angelo: ſicut Chriſtus ab utero Matris, ut Sanctus proclamatus; vitam egit tam rigoroſam, & quod eſt ſupra cætera, Chriſtus à Joanne baptiſatus, ubi Chriſtus aſſumpſit ſpeciem poenitentis, ille enim Baptiſmus ad poenitentiam disponebat, Joannes baptiſabat. Fuſſet periculum, ne Joannes cum Chriſto confunderetur, ſi acceſſiſſet illi testimonium, quòd & ipſe lux eſſet. Ita ex altera parte Hebræi Joannem pro Meſſia recipiebant, imò aliqui Doctores Chriſtiani, aut hæretici attributuri erant Joanni plus quàm decebat. Origenes putabat verè eſſe Angelum; fuerunt hæretici qui docebant, quòd Joannes ſuâ poterat authoritate deſtruere legem Moyſis: quòd ipſe primus eſſet author Religionis Chriſtianæ & Baptiſmi, ut eſt apud Suar. tom. 2. de Incarnat. diſp. 24. ſect. aliquot. Imò S. Cyrill. libro 2. in Theſſalon. 4. *Ad eos dicebat, Joannes pervenit terminos quòd natura humana aſpirare poteſt, cùm tamen B. Virgo altiùs pervenerit, & DEUS in infinitum ſanctiores & ſanctiores facere poſſit.* Proinde necèſſe fuit, ut Joannes neque lux appellaretur, neque miracula faceret.

Denique conveniebat, ne tantus Sanctus ulla faceret miracula, ut diſceremus, non minoris faciendos illos Sanctos, qui nulla vel pauciora faciunt, quàm qui plurima miracula, non



non est sanctior Joanne, nulla tamen fecit. Sanctitas non in miraculis consistit. Hinc discipulis dixit Christus dum gaudent, Luc. 10. *Domine, etiam demonia subjiciuntur nobis*, dixit, inquam. *In hoc nolite gaudere, gaudere autem quod nemina vestra scripta sunt in caelis.* Ex quo ipso patet, quod facere miracula non sit certum signum esse aliquem in coelo. In quo ergo vera sanctitas consistit? Certè non in gustu quem quis habet orando, non in extasibus, non in lachrymis, non in facilitate impetrandi aliquid à DEO, potest enim istis fraus dæmonis subesse. Consistit in hoc sanctitas. Si audias aliquid mali de te dici, falsò te accusari, si non te excuses, non turberis, sed feras humiliter, optando videri hominum oculis vilis ut DEO placeas. Consistit sanctitas in condonanda facile offensa, & in reddendo bono pro malo. In hoc consistit: si te DEUS vult esse pauperem, sine honore, contentum esse; si infirmum, gratias agere; si afflictum, illum benedicere: nulli invidere, imò gaudere quod alii sint feliciores, digniores, ditiores, & ad hoc etiam illos promovere, juvare, Gratia gratis data non faciunt Sanctum. Audite S. Chrysostr. homil. 47. in 13. Matth. Ubi hunc sensum habet. Si tibi DEUS daret vel per potestatem, totius plateæ pulverem in aurum convertendi, vel totum aurum contemnendi, potiùs hunc contemptum eligere deberes. Sed utique si aurum faceres, prodesse multis posses? Multa pia opera facere? Sed etiam posses in superbiam propter aurum & avaritiam cadere, &c. Sed si aurum contempnas propter Christum, es securus te benè agere; Eodem modo subest periculo præesse aliis, non subest privatim humiliter vivere. Sanctitas absque miraculis est tutior.

## De Eodem. CONCIO II.

*Quis putas iste puer erit? Lucæ I.*

**N**emo est qui consideratis quæ circa Joannem nascentem contingunt, non dicat: *Magnus erit coram Domino.* Adhuc est in utero Mater DEI ad illum festinat, & ipse in utero existens in utero existentem DEUM agnoscit & adorat, ut docet Salméron, tomo 3. tract. 10. Gabriel Angelos prænunciat. Pater obtumescit; sed adventum Messiae impetrat, quem tot Patriarchæ non obtinuerunt, nam pro illius missione sacrificabat, non pro Filii sui Nativitate, quem sibi nasciturum desperabat. *Exaudita est Oratio tua.* Quilibet dicere potest: *Magnus erit?* Idque indeterminatè, *magnus.* Non dicit tantus vel non tantus. Quæram aliquem, qui mihi directè ad hoc, *Quis putas erit?* respondeat.

Non est dubium, futurum fuisse Joannem magnum, quia in ipsa Nativitate similis Christo. Audiamus Evangelium, de B. Virgine dicitur. *Impleti sunt dies Mariæ ut pareret:* de Elisabeth, *Impletum est tempus pariendi.* Nascente Christo dicit Angelus: *Evangelizo vobis gaudium magnum.* Nascente Joanne *multi in Nativitate ejus gaudebunt.* Ibi *vocabis nomen ejus JESVM:* hic cum miraculo scribitur & dicitur, *Joannes est nomen ejus,* Christum B. Virgo parit, etiam Joannem videtur parere, more in scriptura consuetum. Genes. 30. Rachel dum ipsa esset sterilis suavit marito Jacobo, ut ex Bala procuraret prolem, quod cum factum est, ait Rachel. *Dominus exaudivit me, dans mihi Filium,* quia Rachel illum suscepit; Sed etiam teste Damiani serm. 23. B. Virgo Joannem levavit, Christus Panis Verbum: Joannes *Vox clamantis,* non Patris, quia hic mutus. Damiani. *Eris mutus*

*Zacha-*

*Zacharia. Cur ita? Ut intelligas Joannis vocem ſupra naturam formatam. Cujus tamen vox? Origen. in caten. apud S. Th. Vox ejus qui ſtabat & clamabat ſi quis ſitit, veniat ad me. Imò, ſi res magis conſideretur, quædam illuſtriora in Joanne quàm in in Chriſto. Hic annuntiatus in domo privata, Joannes in templo, ad dextram altaris. Nomen Joannis gratia; quia ita plenus gratia, ut ferrum candens igne, ut jam dici poſſit ignis, Chriſtus unctus. Deinde vita auctera Joannis, Chriſti communis. Legatos Sacerdotes mittunt ad Joannem, non mittunt ad Chriſtum. Turcæ etiam nunc feſtum Joannis celebrant. Chriſtus in pueritia viſtum & veſtitum à Matre accepit, non accepit Joannes. Lex ad Joannem terminat Vetus Teſtamentum. Unde ſicut nautæ, viſa terrâ, clamant: Terra, terra; Ita viſo Ioanne, gratia, gratia. Iſai. 40. Conſolamini, conſolamini popule meus, dicit DEUS veſter, loquimini ad cor Jeruſalem, & advocate eam; quoniam completa eſt malitia ejus, dimiſſa eſt iniquitas illius, &c. Quod ſignum hujus? Vox clamantis in deſerto: parate viam Domini, &c. Ioannes ſignum hujus quòd dimiſſa iniquitas. De Ioanne Aug. Præcellit cæteros, eminet univerſi, antecedit Prophetas, ſupergreditur Patriarchas. Et hoc eſt, cur non poſſim reſpondere ad illud, Quis putas iſte puer erit? Martyr erit, Virgo, &c. Supra hos Ioannes Damasc. ubi ponit ordinem, quo Sancti colendi poſt DEUM, primò ponit B. Virginem, utpote quæ nunquàm ſurrexit, utpote non lapſa in originale. Secundò Ioannem, quo nemo major ſurrexit. Tertiò ponit Apoſtolos; tum cæteros Sanctos ordine. Surrexit Ioannes, ſed primus, ex aſtro Sanctus vocabitur, prius ſanctificatus quàm Ieremias, ut docet S. Vincent. conc. de Conceptione B. Virginis. Proinde illum allocuti: Tu puer Prophetæ Altissimi vocaberis, &c. quæ ut ſcribit S. Ambr. probè infans Ioannes intellexit. Quis ergo Ioannes.*



Audiamus DEUM Patrem. Ille dicit illum fore Angelum, Malach. 3. *Ecce, ego mitto Angelum meum, &c.* Sed si ita, quomodo cohæret, Matth. 11. *Qui minor est in regno cælorum major est Joanne?* Quomodo Angelus minimus major Joanne, & Joannes Angelus? Inte ligemus: sint duo vasa, unum ex argento, sed iudis operis, proinde tantum valet quantum argentum, v. gr. flor. 50. alterum ex argilla, sed operis admirandi; in hoc non æstimatur materia, sed artificium. Minor itaq; Joannes quovis Angelo, si materiam spectes; sed si artificium DEI, par Angelo, aut etiam fortè superior. Videte, quale opus DEI Joannes. Prov. 30. *Tria mihi sunt difficilia, quartum penitus ignoro. Via Aquile in cælo: via colubri super petram: via navis in mari: via viri in adolescentia.* Præcipui Sancti per ista videntur notari: per Aquilam Joannes Evangelista; per navim Petrus: per colubrum Moyses, qui serpentem in deserto erexit. At per ultimum Joannes Bapt. In hoc uno artificium magis mirum. Christus est lux vera, de Joanne Ps. 46. *Paravi lucernam Christo meo.* Quæ est ista lucerna, quæ lucem veram illustret? Joan. 5. *Joannes erat lucerna lucens & ardens.* Sol est admirabile opus Excelsi. Quantò admirabilior esset lucerna quæ Solem illustraret? Illustravit Joannes, Christum cum demonstravit, *Ecce Agnus DEI*, &c. illustravit in limbo, cum ibi Christum prædicavit. Illustrat in cælo, quia ut ibi ordo est, inferiores Sanctos instruit. Hinc fortè Theodor Studita vocat illum *Pronubum Christi & Ecclesiæ.* Sed quisnam Angelus & Joannes? An Michaël, quia ut Lucifero restitit Herodi? An Gabriel, certè annunciat, *Ecce Agnus DEI?* An Raphaël? occidit piscem Asmodaum, id est, draconem. Basil. Selen. orat. 18. *Cum diabolus à Christo victoriam desperasset, in Joannem vertit arma, & Herodianis assensibus pro armis usus est.* Sed & aliàs vicit hunc draconem, ut scribit Rader in Viridario. Colebatur Antiochiæ draco, & puellæ

puellæ illi offerebantur: S. Lucas injecit huic draconi digitum S. Joannis, & statim crepuit draco. Niceph. lib. 1. cap. 20. scribit, quod Herodiadi caput amputaverit glacies. Puto illum Angelum esse Joannem, de quo Apocal. 10. Sterit uno pede in mari, altero in terra: ille enim & Vetus & Novum complexus Testamentum, est vestitus nube, id est, pilis camelorum Juravit per viventem, &c. prædicavit poenitentiam. *Securis ad raditem posita.*

Audiamus DEI Filium, nam Joannes quodammodo est Frater illius, at mirè illum amat; quid enim diceremus de Rege qui dum properat ad bellum: nihilominus ex via ad civem unum descendit, & apud illum moras trahit dulces. Certè hunc civem amari summè diceremus à Rege, qui propter illum tam urgentes suspendit curas: hoc fecit Christus, dum festinat. *Nomen ejus festina accelera.* Moratur apud Joannem in utero manentem. Fraternitas Filii DEI cum Joanne in hoc est. Filius DEI est medius inter Patrem & Spiritum S. De Joanne dicit B. Laurent. Justinianus, conc. hod. *Joannes totius medius Trinitatis.* Quid de illo Christus? *Quid existis videre in desertum? arundinem vento agitatam?* &c Sed satis quod dixerit: *Non surrexit major Joanne.* Sed non dixit quàm magnus, id factum est propter nos, qui majora nostro intellectu non capimus. Planè hic circa Joannem accidit quod Abrahamo, Gen. 15. Dixit DEUS Abrahæ, *Ero merces tua magna nimii.* Sed quàm magna? Isid. Pelusiota. *Si dici posset, magna non esset.* Ita & Daniel, cum sub imagine quatuor bestiarum describit quatuor mundi Monarchias, sub specie Leæne Babilonicam: sub specie Ursi Persicam; sub specie Pardi Græcam, ubi ad Romanam ventum est; non ponit nomen bestię. Causam dat Hieronym. *Vt formidolosam faceret, nomen tacuit.* Ita Joannem non dicit, quàm sit magnus, ut tantò majorem cogitemus. *Non surrexit major,* quia

quia tantus ut eum capere non possimus. *Si dici posset, magnus non esset*; erit Joannes ut Romana Monarchia, cui jam Christus succedit. Joannes Evangelista postquam cap. i. descripsit DEUM, antequam dicat, *Verbum caro factum est*; ponit Joannem, *Fuit homo missus à DEO*. Et sic illum collocat inter DEUM & DEUM hominem. Natus Joannes Apostolus omnium, *ut omnes crederent per illum*. Ostendit veluti in agro defossum thesaurum. *Ecce Agnus DEI*, veluti defossus lateat Christus per annos triginta; ostendit Christum veluti herbam salutarem peste affectis. Prædicat Joannes prædicationem incipiente Christo, quis par esset in Pauli prædicantis conspectu cathedram conscendere? Et Christus ipse accedit, ut Joannem audiat, prædicanti Joanni attestatur DEUS Pater. Joan. i. *Qui me misit baptizare in aqua, ille mihi dixit, &c. Vidi Spiritum quasi columbam descendantem de cælo.*

Audiamus Spiritum S. quòd dicat per os Zachariæ. *Tu puer Prophetæ Altissimi vocaberis*, per tuum os Spiritus S. loquetur, qui locutus est per Prophetas, sed modo altiore, per te. *plebem perfectam* parabit; perfectionem Evangelicam opere & verbo exprimes. Tu eris, Isai. 40. *Vox clamantis*, Tu Ps. 28. *Vox Domini super aquas*, scilicet Jordanis. Tu alter David coram arca saltabis. *Exultabit Infans in utero meo*. Tu Elias, sed non diebus 40. verum annis 27. in eremo. Tu Moyses sed non ut ille à tergo, sed de facie in faciem videbis Dominum. *Propheta Altissimi*, dices & ostendes digito. *Altissimi*, nemo alter sic vocatus; *Altissimi*, tanquam singulariter eximius Prophetæ, sed talis qui præibit, qui scientiam dabit, non per ænigmata loquetur. Quocirca omni Prophetâ major Prophetæ Altissimi.



Audiamus denique quid Joannes de se. *Non sum dignus corrigiam calceamenti solvere.* Quomodo hæc cum testimonio SS. Trinitatis de illo coherent? Tantus est DEUS noster. Sit aliquis Angelus, sit æqualis Joanni, non est dignus, & hunc DEUM quomodo nos colimus, quomodo in illum peccare audemus? quomodo nos pœnitet, si in illum peccavimus? Dicantur nobis de nobis, *quis putas iste erit?* quid de te fiet. Queramus de Filiis, *quis putas iste eris.* Ambr. lib. 3. de Virginib. *Quid potuit Filia de adultera Matre discere nisi damna pudoris?* Sic ille de Herodiade. Ex podagricis podagrici, ex calculosis calculosi nascuntur. Salvian. lib. 5. de Providentia. *Nutrices mores suos, vel bonos vel malos, in pueros quos alunt, cum lacte transfundunt.* Quidni parentes cum sanguine?

In Festo SS. Petri & Pauli Apostol.

CONCIO.

*Tu es Petrus.* Matth. 19.

Certum est, quod paradifus fuerit figura Ecclesiæ. Sicut ibi Adam primus homo, & ex illo omnes, ita hic Christus; ibi Eva quæ non nata, sed modo singulari condita, ita hic B. Virgo, quæ veluti ex Adam non fuisset genita, sed alio modo facta, originale non contraxit. Hinc Christus vocatur secundus Adam, B. Virgo nova Eva. Ibi ad vitam nascituri erant homines, in Ecclesia nascuntur per Baptismum; ibi docturus erat legem DEI Adam, hic docet Christus, &c. Plurimæ fuerunt ibi arbores, Et aliæ nobiliores aliis, hoc idem in Ecclesia, sed duæ celebriores, arbor vitæ, & alia scientiæ: has assumo in Materiam dicendi, & perinde erit ac si de Clavi Petri, gladio Pauli dicerem. •

† Clavis Petri mihi probat Petro competere, ut vocetur arbor vitæ, Spiritus S. omnia vivificat, unde eum in Credo in Missa confitemur *vivificantem*, ideoque initio mundi supra aquas ferebatur, fovens eas ut gallina, ut de iis viventia deinde possint prodire, adeoque vitam aperiebat ut Clavis vitæ. At verò Petrus Filius columbæ Bar. Jon. Scio bene, quòd Spiritus S. non possit habere filium per naturam, potest tamen modo alio. Hieron. in Matth. 16. *Petrus ex confessione sortitur vocabulum, quòd revelationem ex Spiritu S. habeat, cujus filius appellandus sit.* Hinc cum eo Christus agit veluti cum Fratre, ille mutat Christo nomen: *Tu es Filius DEI.* Christus illi: *Tu es Petrus.* Et sicut in lege mos erat, ut defuncti Fratris semen excitaret Frater: ita Petrum Christus designat, ut postquam mortuus fuerit in Ecclesia, suum suscitaret semen, *Super hanc Petram ædificabo Ecclesiam meam*: alii erunt Pastores avium, tu & ovium & agnorum, sive ipsorum Pastorum Pastor. Tu eris alter Josephi vetus, coram quo undecim manipuli, alii Apostoli, & stellæ innumeris populi se flectent. Tu Ecclesiam conservabis quam sanguine meo acquisivi, quæ de plaga lateris mei nascetur sicut Eva de Adamo: Tibi dabo specialiter potestatem ad vitam admittendi æternam: in tua dispositione relinquam satisfactiones Sanctorum quæ illis non erunt necessariae, utens cui velis, donec per indulgentias, & hæc potestas etiam ad successores transibit.

Et videte quomodo Christi impleta promissio. Dedit Petro Christus auctoritatem, convocat primum Concilium Jerosolymis, & concludit; manet eadem in successoribus, ita ut contra eam nemo in materia fidei ac morum, vel in mente quid admittere velit, imò totius Orbis Concilia illi se submittant, & malint etiam vitam perdere quàm illi resistere: & hæc potestas in totum orbem se extendit. Plures quàm sexcenti erant

erant Patres in Concilio Calcedonenſi Baron. an. 438. concluſerunt quòd poſt Romanam alias Putriarchias deberet præcedere Conſtantinopolitana, & pro hac parte fuerunt Cæſares: contradixit Leo Papa, ceſſerunt omnes. Sic etiam alia Concilia, quæ non approbavit Petri ſucceſſor, ſunt nulla, ut, Ariminenſe, Africanum, Antiochenum, Conſtantinopolitanum, Mediolanenſe, Numidianum, Seleucenſe, Ephelinum ſecundum. Bozius de ſignis Eccleſiæ l. 5. cap. 8. Et iſta poteſtas fuit, etiamſi Petri ſucceſſores non fuerunt opulentiffimi, & aliquando nec ætate, nec vitâ, nec doctrinâ graves, nec nobilitate illuſtres, & quidem fuit poteſtas in omnia regna etiam ſub Ethnicorum ſceptra ſita, ut Bein. de Conſideratione, lib. I. dixerit. *Exeundum orbe illi eſt, qui fortè velit explorare, qui ad ſummi Pontificis curam non pertineant.* Cui Imperatorum pedes oſculati ſunt Reges id Petri ſucceſſori fecerunt Cæſares Juſtinus, Juſtinianus, Carolus Magnus. Dixit equum ſub Alexandro tertio, Papa Imperator Fridericus primus Venetiis ſub Nicolao primo Ludoviçus ſecundus Roma. Baron. an. 1155. & hos honores non armis, non bello obtinuerunt. Vivebant Pontifices in ſpeluncis & carceribus, & modo eadem colebantur etiam in primitiva Eccleſia, honorabantur legationibus. Miſit ad Eleuterium Rex Britannæ Lucius, Fabianus Pont. in ſummo honore habitus à duobus Philippis Cæſaribus. Oppugnarunt hanc Petri authoritatem, primò Romani Cæſares, poſtea Orientis: Reges Herulorum, Oſtrogothorum, Longobardorum; Saraceni manet integra; oppugnarunt ferro, igne, calamis, calumniis, bonorum ſpoliatione, morte, falſis conciliis, perfidiis; uniebantur contra illum etiam aliqui Epiſcopi cum Novitianis, Donatiſtis, Arianis, Præſcillianis, Neſtorianis, Albigenſibus, Hiſſitis, &c. Nilominius, ut dixit S. Auguſt. epiſt. 162. *Sen. per in Eccleſia Romana Apoſtolica*



*ſtolice Cathedræ vixit principatus.* Quadrageſies Pontifices eie-  
cti Româ, Boz. lib. 17. c. 6. cum uniore gloria ſemper rediere.  
Et hoc minus fuiſſet datum Petro, ſi omnes fuiſſent ſucceſſo-  
res verè ſancti, ſed fuerunt etiam aliqui, quales vide apud  
Bell. in præf. ad librum de Rom. Pontif. Nihilominus in nulla  
Sede ut Sancti quos in Romana? in hac ſeptuaginta duo ca-  
nonizati, ſaltem viginti, qui non niſi adaſti hunc cathedram  
conſcenderunt. Triginta Antipapas in ſua poteſtate habue-  
runt, ita ullum morte affecerunt. Nullus cum Ethnicis pro-  
pter quævis commoda junxit arma. Urbanus ſecundus gra-  
viſſimè à Græcis Schiſmaticis læſus; tamen pro illis contra  
Turcam movit Chriſtianitatem. Sed eſt mirum: Nullus eti-  
am malorum Pontificum in doctrina fidei erravit, nemo do-  
cuit hæreſim, nullus unquam Hæreticus aſcendit cathedram,  
cùm alias conſcenderint.

Jam initia hujus fabricæ dederat Petrus, quando voluit  
facere tria tabernacula; ſed has curas ad Eccleſiam tranſtulit,  
quia ibi eſt permiſſus, fecit ut flumen, quod ſi loco uno clau-  
ſeris, erumpet alio: ita fundavit Sedem Antiochiæ, ſed ibi à  
DEO prohibitus illam continuare, ut ſcribit Marcellus Papa  
M. tranſtulit Romam. Hic ruruſ Petrus eſt arbor vitæ, qui  
ejus fidem tenet, non perit: eſt enim Eccleſia quam regit Pe-  
trus arca Noë, ut ait S. Cypr. extra quam quiſquis eſt, diluvio  
mergitur. Chriſtus verba vitæ æternæ habet. Petrus per verba  
dat vitam dum ſolvit. Potestas Chriſti exprimitur per clavem,  
Apoc. 10. & Iſai. 22. *Dabo clavem domûs David ſuper humerum*  
*ejus,* nam Chriſtus regnat in domo David: Cùm clavi Chri-  
ſtus vetitur, velum templi ſcinditur, & abſcondita fiunt palam,  
latroni Paradifus aperitur: clauditur infernus, oracula, &  
ficta miracula dæmonis. Habe fiduciam qui ſtas cum Petro.  
Chryſoſt. hom. 83. in Matth. *Claves regni cælorum Petro conceſſe,*  
*totamque*

etiamque potestatem ei commisit. Epiph. in Amurato. In ipso fun-  
data est fides qui claves regni caelorum accepit. Primarium caput Ec-  
clesiae Christus, Vicarius Petrus ad Regimen visibile, publi-  
cum. Propter ea cum numerant Evangelistae Apostolos, loco  
primo ponunt Petrum. Petro ante omnes revelata Christi Di-  
vinitas, pro Petri fide oravit Christus. Petrus convocat Con-  
cilium ad substituendum Matthiam in locum Judae; primus in  
Concilio dicit sententiam, Paulus cum Petro confert. Univer-  
sum Concil. Ephes. cap. 6. *Petrus Apostolorum Princeps & caput,*  
*hujus Successor Papa Caelestinus.* Concil. Chalced. in fine, Succef-  
forem Petri Leonem vocat, *Universalis Ecclesiae caput.*

Sed jam à vitæ arbore ad arborem scientiae, à clave ad  
gladium. Abraham obtinuit benedictionem, quia filium ob-  
tulit ad mortem. Paulus seipsum obtulit, 2. Cor. 12. *Ego liben-  
tissime impendar, & superimpendar pro omnibus vobis.* Quæ benedi-  
ctio Abrahæ? Pater gentium, Pauli, Doctor gentium, Pater  
in Spiritu. Arbor scientiae. Sed si talis arbor, unde scientia? Pe-  
trus à DEO edoctus. *Caro & sanguis non revelavit tibi, sed Pater  
caelestis.* Et Paulus: *Non ab hominibus neque per homines accepi Evan-  
gelium.* Quomodo verò doceat, audi Greg. 18. Mora. *Predi-  
cando vult omnia simul docere, non in uno loco sed in omnibus, triginta  
septem annis.* Neque solum vivens sed etiam moriens, dum ille  
de collo ejus fuit, convertit carnificem. Sed quantus est Pau-  
lus, inde colligamus. Si quispiam Rex habet inimicos, contra  
alios suos mittit milites, sed contra unum in sua persona pro-  
greditur, certè iste videtur potentissimus: ita Christus contra  
Judæos misit Steph anum, contra alios misit alios, misit suos  
Apostolos, contra alios misit alios Duces, at dum hostis  
fuit Paulus, ipse in persona comparens, *Saule, Saule, quid me  
persequeris?* expostulat. Actor. 7. Nimirum talis fuit Paulus ut  
Abner Davidi, illo obtento, regnum obtineretur. Idcirco ut

Paulus nasceretur, cum deleri debebat tota tribus Benjamin, reservati fuerunt viri sexcenti, Judic. 20. & ideo fuisse reservatos asserit Chrysoft. Ex tribu Benjamin Paulus, antea filius doloris dum minas spiraret, postea filius dexteræ cum Christo accessit. Nactus hunc virum Christus ad cælum tertium rapit, ut ipsemet edoceat, & edoctus adducat Gentilitatem. Et ut nascente Benjamin mortua ejus Mater: ita nascente Paulo occubuit Synagoga. Paulus didicit *arcana DEI verba*, quæ loqui non licet, quia ut August. 12. in Genesim, vidit DEI essentiam; & quia ipsemet vidit hunc thesaurum, plus pro illo eruendo laboravit, quam qui solum de illo audierunt. Labores ejus quanti! In mari, in terra, in profundo maris, apud Judæos, Gentes, falsos fratres; infame, siti, frigore, nuditate, ærumnis, carcere, vinculis.

Sed dum Petrum Christus in dignitate est collocaturus, videte de quo illum examinat; de charitate, *Petre amas me?* quia *qui charitatem non habet, prædicationis officium suscipere nequaquam debet*, ait Gregor. & qui amat DEUM, amat proximum. Duos elegit Dominus, *Petro credidit Evangelium Circumcisionis*, seu pro Judæis: Paulo pro Gentibus, ut utrumque angulum jungant, debent ipsi unum secum esse. Jerem. 1. *Vidit virgam vigilantem, & ollam succensam*, utrumque fuit in eodem coelo. S. Maximus per virgam vult accipi sceptrum Petri, per ollam succensam Paulum spirantem minarum accepit Dominus, fecit virgam Moyse, & ut Num. 20. percussit petram Judæorum. Ollam succensam fecit *vas electionis*. Ambo se amant, & vitam deinceps ducunt similem. Petrus pugnat cum Simone Mago, Paulus cum Elima: Petrus castigat Ananiam & Saphiram, Paulus Corinthium incaestuosum. Paulus resistit Petro, nec Petrus illi dicit: tu es persecutus Ecclesiam DEI, ego cum Christo vixi. Petrus Filius Bar Jonæ, id est, Spiritus S. Paulus, *Charitas DEI*



DEI diffusa est in cordibus nostris per Spiritum S. inhabitantem in nobis. Petrus totâ vitâ deplorat suum peccatum: de Paulo August. in verba Pl. 147. *Mittit crystallum suam sicut buccellas.* Sic ait: *Paulus durus, ut crystallus in aquam resolvitur, & fit in eo fons salientis aquæ in vitam æternam.* Christus ad fabricandam Ecclesiam accepit Petrum & Paulum sicut Moyse, Deuter. 32. Beseleem & Oliabum ad faciendum tabernaculum concordēs: Oliab idem est quod *adjutorium Parris.* DEUS Pater dicit de Christo: *Hic est Filius meus,* adjuvat hunc Petrus, cùm dicit: *Tu es Filius DEI vivi.* Beseleel idem quod *in umbra DEVS.* Paulus dum fit per triduum cæcus, videt DEUM in hac sua umbra. Petro mutat Christus nomen Simonis in Petrum: Saulo in Paulum mutatur. Sed cur non altiora nomina? cur non Petro Caput, Princeps. Cur non Paulo: *Dedi te in lucem Gentium.* Utrumque continet æquè. Petre, memineris te esse petram. In petra nihil nascitur nisi per miraculum. Petra uti & terra tota pendet à meis tribus digitis. Petra ducit ex se venas ad Aquilonem, à quo omne malum, ad quem tendebat me negando. Supra talem te ædifico Ecclesiam; & tu Saule & Paulus, ultimò es ad Apostolatum vocatus, persecutus es DEI Ecclesiam, & natione Græcus non Judæus ex Palestina, ac proinde inficitius. Quid Paulus ad hoc? Ita est, tum peccator: non solum me ipsum pænitet, sed etiam alios à peccato avocabo. Quid Petrus? Vera sunt omnia; sed in te tantò magis sperabo. Neque hoc solum in vita faciam cum Paulo; nam Paulus post mortem venit ad Neronem, & scelera exprobravit. Petrus: *Dabo operam ut post mortem sim vestri memor.* Umbra Petri sanabat ægros, sanabant Pauli sudaria, &c.

Ut claudam hunc sermonem, petamus à Petro pabulum vitæ, à Paulo scientiam. Petrus est Præses nostri, id est Ecclesiæ. *Videte ne à vobis auferatur regnum DEI, & detur genti facienti*

*fructus ejus.* Non faciebat fructus Judæa, translatum in Orientem, inde in Occidentem, hunc hæretes occupaverunt, transferunt in Indias, Isai. 1. *Derelinquetur filia Sion sicut umbraculum in vinea,* dum hyems venit, & *sicut tugurium in cucumerario.* Joan. 5. *Est Moyses qui accusat eos.* Et nos fortè accusant SS. Patroni, itane vivitis ut nos docuimus? Meminerimus nos, monet S. Paulus, esse oleastros, sylvestres arbores, si melioribus non pepercit, non indulgeamus nobis. Heb. 7. *Terra crebro venientem super se bibens imbrem, & non proferens fructus, maledictioni obnoxia, &c.*

## In Visitatione B. M. Virginis.

### CONCIO. I.

*Unde hoc mihi, ut Mater Domini veniat  
ad me? Lucæ 2.*

**P**ostquam Angelus in Annunciatione absolvit suam legationem, discessit à S. Virgine obstupefactus; quia vidit quòd nunquam ipsi hactenus videre contigit, ut Euseb. in 1. Luc. *propter plenitudinem virtutis.* Beda in Visit. explicat, *propter plenitudinem humilitatis.* Quæ, ut Chrysost. homil. 23. in 2. Cor. sicut Abraham, quoniam Genes. 18. *Non habuit peccata quæ diceret; sed undique bonis operibus fulgebat, circumcursans & nihil contra se inveniens, ad naturam ipsam confugit, & quoniam nomen terræ videtur quodammodo honestum esse, cineris addidit.* Hæc verò addidit *Ancillæ*, quod est plus. Cinerem esse non est quid ignobile, at verò ancillam, est personam libertate spoliata, hoc probat reipsa cum hodie vadit ut Elisabethæ serviat. Subsistamus in hoc spectaculo, ad cujus nomen obstupuit Angelus, & simul fructus ejus contemplemur. Ve-

Venit ad Elisabetham Mater DEI ministrare. Mater, quæ ut Epiph. de laud. Virg. *donorum antenuptialium nomine accepit Spiritum S. donis verò gratiâ cælum cum Paradiso.* Jam est illius Spiritus S. potest de illo disponere. Bernardin. *In omnes temporales missiones Spiritus S. potestatem accepit*; habet enim potestatem naturalem in Filium ut Mater, à Filio verò Spiritus S. procedit missione æternâ, itaque potestatem accepit etiam ad mittendum illum in suis donis, & hanc communicare potest, sicut & Filius communicavit cum insufflans in Apostolos dedit eis potestatem, ut acciperent & darent aliis Spiritum S. hanc habet Mater certo modo, quia decebat Matrem omnia quæ sunt Filii communicabilia, jure maternitatis possidere. Hic eger dono remissionis peccatorum, ille linguarum munere; iste Spiritu sapientiæ, aut consilii, aut scientiæ; alter timoris, fortitudinis, aut pietatis; ille dono gubernandi, aut prophetiæ; alius opitulationum aut sanitarum. In has omnes & reliquas missiones temporales, quæ sine Spiritu S. expediri non possunt, Virgo S. potestatem accepit, ut det cui velit. *Accepit dotis gratiâ Paradisum*, jam illum antè habuit ob suam sanctitatem, sed ut det cui velit; nemo enim, ut ait S. Germ. *salvatur nisi per illam.* Ita dotata Virgo. domum Zachariæ ingreditur, sed velut cythara David, quæ dum sonat Spiritus malus abijt à Saule, abiit peccatum originale à Joanne, & statim non expectatâ circumcisione vel Baptismo nostro sanctificatur, ubi enim arca collocatur, Dagoni rumpitur caput, & manus, & pedes, & in lumen projiciuntur, ut ea concuscent omnes: propterea Bonav. in Psalterio vocat Virginem S. *finem iræ DEI*, quia *labia ejus sicut vitæ coccinea.* Ferebat originale sicut hostis captâ civitate, sed ubi vittam coccineam advertit in domo Rahab, ibi stetit suum furorem; dum alii peccato originali obruuntur, Joannes ab illo factus liber, *exultavit infans* & c.



Tanti momenti res est à peccato eripi; sed tanti etiam est Christo, ut reducat sibi donum à Patre datum, si quis convertatur. De his dicit Joann. 17. *Pater quos dedisti mihi*, utique emitte istos suo sanguine, quia tamen sunt eo usi, ita gratum est, ac si Pater dedisset donum, quid de illis fiet, qui alios in peccata inducunt? S. Germ. *Nullus qui salvus fiat nisi per te ô Virgo sanctissima, nemo est qui liberetur à malis nisi per te ô purissima.* Debit sanctificationi Joanni adesse Virgo S. quia, ut Richard. à S. Laurent. *Dies non potest esse, nisi præcesserit aurora.* Jacuisset in tenebris Joannes, nisi hæc fuisset orta aurora. Christus nobis omnia promeruit, sed ad hoc Virgo S. concurrat. Pugnant duo, uni quispiam arma suggerit, quibus vincat, vincit; qui arma suggestit, nonne ad victoriam concurrat? Pugnavit Christus cum antiquo serpente; sed quibus armis illum vicit, nonne carne quam à Virgine S. accepit? Nisi mortuus fuisset non profuisset nobis: nisi homo fuisset, mori non potuisset. Rursus, offertur victima pro peccato, nonne qui illam dedit, particeps est sacrificii? Dedit DEUS Pater Filium in mortem, sed etiam dedit S. Mater, nam & hæc jus in illum habuit, atque inde infert S. Antonin. *Quod dicitur de Patre æterno, idem dici potest de Matre.* Roman. 8. *Proprio Filio non pepercit, sed pro nobis omnibus tradidit illum.* Inde Basil. Seleucus illam salutat. *Ave inter DEVM & hominem Mediatrix intercedens.* Hoc illi collatum est ut sit Mediatrix post Christum, sed altiori modo quam fuit Moyses. Inde Græci in Menæis vocant illam *vehiculum Divinitatis*, quod ad nos DEUM vehat. Bern. *Aquæ ductum* quod per illam in nos fluat gratia. Hinc Idiota: *Inventa Mariâ invenitur omne bonum.* Vis ex mortis periculo eripi & ad honorem quo & fortè spoliatus restitui? Recurre ad Virginem S. Gen. 40 Fuerant duo cum Josepho conjecti in carcerem, sed qui somniavit se vitem videri, liberatus est. Ita valuit sola B. Virignis figura; nam illa

de se, Eccl. 24. *Ego quasi vitis fructificavi.* Volumus à nobis hostem avertere; id per S. Virginem efficiemus. Isai. 10. Iratus DEUS populo minatur illis Assyrios. *Assur virga & baculus furoris mei mittam te contra populum, &c. ponam in conculcationem.* Nihil factum est mali populo. Quare? Rupertus dat causam, quia statim ibid. sequitur. *Egredietur virga de radice Jesse, &c. Quàm pulchra oppositio,* ait idem Rupert. lib. 2. cap. in Isai. *Supra ostendebatur Virga furoris, ecce autem virga gratiæ!* Hæc est virga Moysis cui nomen DEI inscriptum, cum est utero clausum; hæc virgâ mersus est populum insequens Pharaon. Volumus in paupertate subsidium? Illa est quæ dedit tantum pecuniæ Sacerdoti Polono, de quo Lubinius in vitis Epp. Plocen. ut studia absolverit, & ad Episcopatum Plocensem pervenerit. Quia sicut omnia mala ex eo, quia perdidit pro nobis Eva gratiam; ita cum illam Virgo amissam reperit, omnia redeunt bona. Unde Angelus in Annunt. non dixit *Acquisivisti gratiam,* sed *invenisti quod rebus amissis convenit.* Aug. apud Ludolphum, cap. 5. *Gratiam Eva perdidit: Maria invenit, non solum pro se, sed etiam pro nobis.* Hinc & ipsa hodie: *Fecit mihi magna qui potens est.* Magna, quia magnum damnum reparo. *Qui potens est fecit potentiam in brachio suo,* quia hoc opus est magnæ potentæ; quia magnæ potentæ est facere ex peccatore justum. Det enim DEUS alicui potestatem resuscitandi mortuos, det creandi coelum, nondum talis poterat justificare peccatorem; at Virgo S. invenit pro peccatoribus.

Sed cur, cum tanta & posset & soleat facere S. Virgo, nos sæpè ad se clamantes non exaudit? Tres hujus rei causas invenio. 1. Quia ipsi nolumus ab ea juvari, ut si quis incidisset in puteum, & alter illi funem demittat, per quam illum extrahat, ille funem rejiciat. Rejicimus ejus auxilia, nolumus ea arripere, ut de peccato exeamus, monet, aufert socios malo-

rum,

rum, alios querimus. 2. Quia preces tales offerimus, quas non est dignum ut respiciat. Sicut si in lance sordida cibos alicui offerres: tale os, tale cor nostrum, imò amplius, ita agimus. Ut si quis occideret, & cruentis manibus ex cæde oraret Matrem ejus, da mihi hæreditatem. *Manus vestrae plene sunt sanguine.* Visitare solebat quendam, ut scribit Baron. Sanctum B. Virgo, ille à socio accepit mutuum librum, cui adjunctus erat, liber Nestorii hæretici, venit pro more Virgo S. sed cellam intrare noluit, miratur vir S. At illa. *Habes inimicum meum in cella sua.* Fovet hæreticos, favet blasphemantibus Filium meum atque me Judæis, retinet blasphemos, impudicos, usurarios, &c. ejiciamus illos ex domo nostra; visitabit nos S. Virgo. Greg. lib. i. epist. 47. *Pone finem in voluntate peccandi, & invenies Mariam indubitanter promitto, promptiorem carnali Matre, ac mitiorem in sui dilectione.* Tertia causa. Quia petimus quæ nobis sunt noxia. Ita petiit, ut est apud Baron. Daniel Eremita pro lapidicida Eulogio, quem ex suo labore dare videbat pauperibus opes majores à B. Virgine, ut tantò plura haberet quæ largiretur. Promisit B. Virgo, dum spondcret Daniel Eulogium bene illis usurum. Spondit; Lapidem secando Eulogius invenit thesauros; sed statim comparat equos, &c. Fit apud Cæsarem aulicus superbus, pauperum hostis. Venit S. Virgo ad Danielelem; redde mihi Eulogium. Laborat circa Eulogium Eremita, sed frustra. Demum orat, ut ad pristinam redeat paupertatem, & impetrat; & tum Eulogius redit ad lapides & ad virtutes. Orant opes multi: sed quid fieret, si obtinerent, modò egent, & inebriantur, & luxuriantur, &c. Orant honores, &c.



## De Eadem. CONCIO II.

*Magnificat anima mea Dominum. Lucæ 2.*

**D**ifficile intellectu, quomodo possit magnificari, seu magnus fieri à creatura **DEUS**: propterea ad Patres confugio, ut explicant. Origen. homil. 8. in Luc. *Cum grandem fecero animam meam quæ est imago DEI, tum in me DEVS magnificatur: decrevit nobis Dominus in nostra imagine, cum peccatores fuerimus.* Idem sensus Ambros. in Luc. 1. Theophilact. verò *Magnificat DEVM qui ex rerum creatarum magnitudine Opificem contempletur.* In summa ille magnificat **DEUM**, qui illum seu illius attributa maximè exprimit, quod B. Virgo quomodo fecerit, videamus.

Sit primò **DEI** potentia. *Fecit mihi magna qui potens est.* **DEUS** prout vult creare, naturas mutat. Aqua sub pedibus Petri non cedit. Pueros Babilonios ignis non urit. Idem est circa nostram salutem. S. Ægyd. Minorita. *Nulla est tam nodosa arbor quæ non possit arte fabrorum plana fieri: ita nullus tam flagitiosus peccator, quem non possit DEVS ornare gratiâ suâ.* B. Virgo hoc attributum hodie expressit. Adventu suo Joannem ab originali liberavit, in eodem usum rationalis acceleravit. Intellectum Elisabethæ ad cognoscendum Incarnationis mysterium elevavit. *Vnde mihi hoc ut Dominus meus veniat ad me?* Joanni robur dedit ut exultaret, & se verteret facie ad Dominum, cum aliàs in utero infantes respiciant dorsum Matris. Exhibet & modò potentiam in tot miraculis, in tot conversionibus peccatorum. Alterum est **DEI** attributum Sanctitas, & sanctum nomen ejus. Sanctitatem definit Dyonis. de Divin. Nomin. cap. 12. *Sanctitas est ab omni labe immunis & omninò perfecta, & immaculata munditia.* S. Virgo immaculatè concepta, nullo deinde se peccato infecit,

& gratiam semper auxit etiam in somno. Bernardin. tomo 1. ferm. 61. *B. Virgo magis in contemplatione DEI excelluit dormiendo, quàm alius aliquis vigilando. Sanctitatem aliis afflabat. Repletus est ejus adventu Zacharias Spiritu S. ac donis ejus. Specialiter omnibus afflabat castitatem. Ambr. de Institut. Virg. cap. 7. Tanta erat Mariæ gratia, ut non solum in se Virginitatem servaret, sed etiam si quos inviseret, integritatis insigne conferret. Non metuebat illi Joseph dum simul irent in Ægyptum, nec petebat ut Abraham à Sara, Genes. 12. Dic quòd soror mea sis, &c. Simon de Cassia, libro 2. cap. 22. Non poterat immundè conspici; sicut lili-um inter spinas, aliæ mulieres spinæ sunt aliis; quia ex eorum in-uitu concupiscentiâ punguntur, ait Richel. in Cant. 2. f. 2. Mones Isai. cap. 8. Dominum DEVM exercituum ipsum sanctificate, & eris vobis in sanctificationem. Sed etiam Romualdus Abbas cavet, Melius unum Psalmum puro corde, quàm centum impuro dicere. Hoc applico præsentì rei.*

Tertium attributum DEI, est misericordia. *Misericordia ejus à progenie in progeniem. Cur DEUS nobis benefacit? S. Leo ferm. 1. de jejunio mensis Decimi. Tota ratio ob quam nobis DEVS benefacit, est misericordia ejus. Expressit hoc attributum S. Virgo. Festinavit ut benefaceret Joanni, dedit sapientiam quam deinceps exhibuit; dedit donum prædicandi, amorem vitæ eremiticæ, zelum DEI. Genes. 1. Fecit DEVS duo luminaria, &c. Hugo in hunc locum. Majus luminare est Christus, qui præest diei, id est justis: luminare minus est Maria quæ præest peccatoribus. Misericordia versatur circa miseros, quid miseriùs peccatore? Luna est B. Virgo, quia celerrimè inter omnes planetas currit ad succurrendum. Pulchra ut Luna. Sed cur pulchra Luna? Hil-debertus epist. 16. Quia pulchrum est benefacere vel indignis. Eadem S. Virgo amicta Sole. August. libro de Symbolo. Mulier amicta Sole est Virgo, quæ DEVM peperit & quotidie parit in mentibus humanis*

humanis ſuarum precum, interuentu. Sed videte, hæc miſericordia facta eſt in domo Zachariæ. Hugo Cardin. *Qui extrâ vagantur indigni ſunt ſalutatione Maria.* Opus eſt eſſe in Eccleſia. Origen. hom. 7. in Ezech. Si quos viderimus homines manſuetos, caſtos, & benè exteriori conuerſatione compoſitos; ſed aliunde Hæreſum (aut Judaïſmi) defenſores: intelligamus illo externo cultu morum & virtutis, idola figmentorum ſuorum ornâſſe, ut veſtitu ovium rapinam luporum interiorum operuiſſe. Tales in domo Zachariæ non ſunt.

Quartum attributum DEI eſt iuſtitia. Depoſuit potentes de ſede, & exaltauit humiles. In hoc eſt iuſtitia, ut reddatur cuique quod ſuum eſt. *Qui ſe exaltat humiliabitur; & qui ſe humiliat exaltabitur.* Scribit S. Antonin. pag. 2. tit. 3. cap. 3. Tyrannus quidam iuſſit ex hymno Magnificat eradi verba, Depoſuit potentes, &c. Ivit ad balneum, depoſuit veſtes, has Angelus aſſumpſit & figuram ſibi Tyranno ſimilem aptavit, venit ad famulitium, pro Domino eſt receptus. Tyrannus verò deſertus ab omnibus, coactus ſine veſte ad aulam venire, ſed ab omnibus exploſus, tandem poenitenti reddidit Angelus veſtes, additâ monitione; Ira D<sup>E</sup>U S. confundit ſuperbos. S. Virgo expreſſit iuſtitiam DEI. Juſtum erat DEO laudes reddere; reddidit. Juſtum erat ſerpentis, qui primos Parentes deceperat conterere caput, contrivit dum in Joanne ut à peccato originali exolveretur, effecit. Hæc eſt Judith quæ caput Holoferni amputavit; hæc Jahel quæ Siſaram occidit. Quintum attributum DEI, non ſtatim vindictam exercet; ſed eſt longanimis. Manſit B. Virgo ſerviens Eliſabethæ, quaſi tribus menſibus. Orig. hom. 9. in Luc. *Per tres menſes ungebatur Joannes, & preparabatur in Matris utero.* Expectabat ut velut Rebecca imperaret benedictionem Joanni, ſicut Judith animavit Betulienses ad ſuſtinendam obſidionem.

Non allego alia DEI attributa ſive proprietates, quæ



sunt infinities plures quàm in Sole radii. Quid enim est DEUS? Nyssen. orat. 7. de beatitud. *Quemodo id definiam, quod neque auribus percipi, neque oculis cerni, neque mente animorè comprehendi potest?* Est quid incomprehensibile, est mare perfectionum infinitum. Ex hoc mari nostræ virtutes, ut guttæ in fossiolas alias fluunt. sed in B. Virginem, ut in aliud mare; ideò illa supra omnes expressit DEUM atque adeò magnificavit. Acclamemus illi cum Elisabetha. *Benedicta tu in mulieribus, completa sunt in te quæ dicta sunt à Domino.* Visita & nos, & sicut Joannem ab originali: ita nos ab actualibus tuâ intercessione libera, & velut Elisabetham imple Spiritu S.

In festo S. Bonaventuræ. **CONCIO.**

*Qui fecerit & docuerit, &c. Matt. 5.*

**Q**uoties S. Bonaventuram vidit Alexander Alensis, quem omnes vocant Doctorem irrefragabilem, toties dicebat Joan. *Hic est verus Israëlita.* Jacob, Genes. 38. luctabatur cum Angelo qui referebat DEUM, nec voluit dimittere eum, donec illi daret benedictionem, & vocavit eum Israël, inde Israëlita. Videamus quas benedictiones dederit huic Sancto.

Sicut in terris non omnia in omni regione nascuntur; ita in Ecclesia, alius interpretes Scripturæ, alius Propheta, Concionator, &c. Sed Sancto data ea benedictio, ut omnia protulerit. Quare meritò *magnus vocabitur*, fecit & docuit. Sicut artificium quomodo id posset obtinere, accessit fontem æternum, de quo omnia profluunt. Accessit illum S. Thomas, quærit unde habeat tantam scientiam, ostendit paucos libros, ille miratus; addidit Sanctus, suam bibliothecam esse Christum crucifixum. Hic est fons, Col. 2. *In quo sunt omnes thesauri sapien-*

*sapientiae & scientiae DEI absconditi*, Et quia totum ex latere Crucifixi habuit, meruit vocari Doctor Seraphicus. Causam dat Gerson. *Quia inflammat affectum, & illuminat intellectum*. Hoc figurabat templum sapientissimi Salomonis, ad quod ascendebatur per gradus quindecim, de quo Gregor. in Proöm. sexti Psal. Pœnit. *Numerus iste in septem & octo dividitur, & ideo per eum gemina Sanctorum vita designatur, activa & contemplativa*. Hinc Salomon ait Eccl. 17. *Da mihi Domine partes septem, nec non & octo*. Hæc fuit scientia Sancti. Participant omnes creaturæ de DEO, aliæ esse, aliæ moveri, vivere, intelligere; sed altissima participatio secundum sapientiam, quia Christus est Patris sapientia, proinde hoc est Christum induere: de sapientia vera loquor, qualem hic Sanctus habuit. Sed quare Sanctus pro Bibliotheca elegit Crucifixum, non natum, &c. Quia in Apoc. nemo poterat aperire librum nisi Agnus ab origine mundi occisus. Inde fluxit hæc sapientia: in Cruce fecit & docuit. Non est miles Josue, Jud. 7. qui solum aquam linguâ lambit, in ore solum sanctitas, sed qui manu. Psal. 49. *Exaltationes DEI in gutture eorum, & gladii ancipites in manibus eorum*. S. Th. p. i. q. 23. art. 8. *Prædestinatis curandum est ad benè operandum & orandum; quia per ejusmodi prædestinationis effectus impletur*. Sic docetur sapientia Sanctorum, si facias ipse. Oves Jacobi ex ea colorem accipiebant quod videbant. Aspiciebat Sanctus Crucifixum, & faciebat sicut ille. Et qui alios docet, ipse proficit. Nazianz. orat. 2. in Pascha. *Doctrina & institutio ejus qui alios alit, cibus & alimentum est*. Sed cibus spiritualis non convertitur in alitum, sed qui illum edit convertitur aliquo modo in cibum; sic Bonaventura in Christum. Et ita Sanctus vocabitur magnus. Vixit pauper, ex humilitate abstinuit à Missa; sed Christus misit ad illum partem hostiæ, dum audiret Missam. Habemus unde humiliemur. Paulus de se, 1. Cor. 19. *Ego sum minimus Apostolorum*

lorum. Salomon Prov. 30. *Stultissimus sum virorum.* David Psal. 21. *Vermis & non homo, opprobrium hominum: si isti, quid nos?* Cant. 6. *Descendi in hortum nucum, ut viderem poma convallium, & inspicere si floruissent vineæ, & germinassent mala Punica.* Multa erant in horto nobiliora, à viliori appellat *Hortum nucum*: quia Sancti non attendunt ad bona quæ fecerunt, sed solum ad mala, & inde se humiliant. 1. Cor. 4. *Nos autem tanquam purgamenta hujus mundi.* Et tamen multa bona fecerat Paulus. Hoc totum procedebat ex intuitu Crucifixi. Gregor. libro 4. epistola 36. *Quanta humilitas virtus est, propter quam solam veraciter edocendam, is qui sine æstimatione magnus est, usque ad passionem mortis factus est parvus? &c. Quid nos dicimus qui honoris locum ex Redemptoris nostri humilitate suscepimus, & tamen superbiam ipsius hostis imitamur? Quia dum homo contemplatur eum qui crucifixus, id illi evenit, quod Gregor. 27. Moral. 25. dixit. Homo si loqui de D E O cœperit, illicò quàm sit nihil ostenditur: quia magnitudinis illius immensitate devoratur, & quasi in profundum raptus absconditur.*

Amplius Sanctum implevit Christus benedictionibus. Post annos triginta à morte Sancti, dum ejus corpus transferrent in novum templum, invenerunt os, caput & cor Sancti recentissima; per quod DEUS ostendit ejus caput, sapientiam incorruptibilem, quâ gubernando suum Ordinem reduxit ad primum vigorem; cor incorruptum & os, quia Divino amore perusta. Quare Sixtus IV. in Bulla ejus Canonizationis dixit, quòd Spiritus S. per illum loquebatur. Quia, ut dicit de illo Innoc. V. nemo veniebat ad illum, etiam pessimus quin redderetur melior; nemo illum audiebat quin acceptaret illius admonitiones, ut Seraphinus ubique accendebat ignem. Græcos reduxit ad obedientiam Romanæ Sedis. Quare qui habent talentum dicendi, non fideant. Bernard. serm. 36. in Cantic. *Si tacuero, os meum condemnat me.* Sed simul agant benè: ibid.

*Quod si*



*Quod si loquar, profectò vereor idem iudicium, ne loquentem videat, & non facientem, identidem os meum condemnat me, &c. An non responsum mortis & damnationis in seipso habebit, quoties in mentem venerit sermo quem dixit DEVS; quia servus sciens voluntatem Domini sui & non faciens vapulabit multis? Meminerint etiam Auditores, quòd dixit Gregor. homil. 12. in Ezech. Aliquando propter malos Auditores datur sermo Doctoribus etiam malis. Magnus in regno cœlorum Bonaventura, quia fecit & docuit; potest id quilibet in domo sua præstare. Denique ut idem ibid. Quia nobis cuncta de meritis nostris incerta sunt, unam humilitatem teneamus. Vitemus verò scandalum tam verbo quàm opere: quia si magnus est in cœlo, qui bona facit & docet, nec parvus erit in interno, qui mala facit & docet.*

**In Festo S. Margaritæ Virg. & Mart.**

**CONCIO.**

*Simile est regnum cœlorum homini negotiatori quærenti. Matth. 13.*

**A**N nos cœlum magis desideret & quærat, an verò e contra, inde judicemus. Invitavit ad se cœlum, coeperunt se omnes excusare; alius, *emi iuga bouum*, &c. Venit ergo ad nos Dominus cœli, ecce *manducat cum peccatoribus*, &c. Neque hoc placuit, *murmurabant de hoc Pharisei*. Loquebatur de regno DEI illud commendans, negligebatur: Ipse ergo descendit in specie negotiatoris tanquam ad margaritas, sed solum *inventa una*, & hæc est hodierna Sancta, de hac loquar quòd una.

Quòd Sanctam appellem unam, non ideo derogo aliis,  
sed

sed & illi dico quòd fuerint una margarita, & hæc una inter millia non margaritarum, sed lapidum luti, &c. in urbe Antiochena. Ideò verò dicitur una, quia omnes quæ sua sunt quærunt, non quæ *JESU CHRISTI*. Illa una non sua quærebat, sed quæ Christi; quia in primis Virgo fuit. *Mulier quærit quomodo placeat viro suo: Virgo quomodo placeat Christo*. Patet hoc in Elia Virgine qui etiam ideò curru igneo raptus in Paradisum; oportebat impios fame puniri, etiam ipse vult famem sustinere, dum satisfiat DEO. Iste enim loquitur apud Chrysost. hom. 1. de Elia. *Non ingratum est quòd fame crucior, tantum ut impios puniri videam*. Non curo me ut Jonas, nec meum nomen, prædicabo famem impiis, etsi interim DEUS illis misereatur, & ego pro falso habear Prophetam, sive, ut loquitur Basil. Seleu. orat. 12. *DEUS flectetur, & ego mendax vates inveniar*. Flectitur DEUS & illum ipsum mittit ad Regem Achab, ut annunciet futuram pluviam, non solum vadit, sed etiam jubet prospicere puerum, an jam nubes pluviosæ confurgant. Virgo quærit, quomodo placeat Christo. Ita Sancta non respicit Parentes, propinquos, S. Ephrem. serm. de margarita. *Margarita est lapis ex carnibus genitus*, genita ex Parentibus, sed eorum non meminit ut lapis, non movetur eorum precibus & lacrymis ut lapis, soli curat placere Christo. Nata Patre summo Sacerdote idolorum, edocta fidem à nutrice, baptisatur occultè septennis vel octennis, & simul emittit votum castitatis, nata ex carne sed lapis, manet deinde in hoc voto firma ut lapis, periit ovicula Christo, quia jam hanc herbam, jam illam scelerata, donec ita recessisset, ut amplius Pastorem videre non posset, & quò magis deinde progressa, magis erravit. At Margarita lapis manet loco eodem, velut lapis non quærit pastum sæculi, quasi non viveret, quasi nullos haberet sensus, solum est, ut per hoc placeat DEO qui Moyse petenti se quis esset, respondit illi. *Ego sum*

*Sum qui sum, qui est misit me ad te.* Ita dices Pharaoni. Intellexit impius pater Margaritam factam esse Christianam, flagellavit, necem intentavit, & perfecisset nisi mater dissuasisset. Mortua interim mater; ferox pater Filiam in proposito stabilem domo ferè nudam ejicit; sed unio non eget ornamentis, ipse ornat cætera, & ipse per sepulcher. Ejecta quò se vertat? quò Princeps Virginum Elias, in desertum. Vadit ad domum illius suæ sed pauperrimæ nutricis, quæ nec suo victui sufficiebat, neque domi Virginem S. ut haberet, tutum erat. Committit ergo ei aliquot, quas habuit, pascendas oviculas, & jam eremitam agere docet procul ab omnibus. O quæ mutatio! Pro annulo sumit baculum; pro serico vetus linteum. Vadit Virgo, & soli curat placere Christo; antea ovicula, nunc Pastorcula; antea in palatio, nunc in sylva: antea in cibus deliciosis, nunc ut Elias in pane subcinericio. Perge & age ut maxima pœnitens, quæ es maxima innocens; jaceat paulisper margarita in sterquilinio, non perdet pretium.

Margarita una quia sola. Porro unum est necessarium, unum quærit, & solùm quomodo Christo placeat. Ex rore nascitur margarita ut Ephrem. l. i. Nascebatur ibi & crescebat Christo dum ad perfectam plenitudinem perveniret, quantus ros in illam gratiarum DEI fluebat, quantus lachrymarum ab oculis depluebat. Coeli influxus perficiunt Margaritam, ferebatur Spiritus super istas lacrymarum aquas & fœcunditatem illis dabat. Duravit hæc vita Sanctæ annis aliquot, donec jam nubilus fieret. Transiverat fortè Olibrius persecutor Christianorum, advertit non pastorculam, sed margaritam; jejunia & egestas non minuerant, sed auxerant formam. Margarita etiam sine auro placet, & placuit ut eam suo thalamo vellet inferere Olybrius; sed prius quærit nomen, illa profert se esse Margaritam, & videt nomen consonare faciei: deinde petit,



quo sit patre nata? ait, Summo Deorum Sacerdote Antiocheno Aedesio. Subdit Olybrius, an patrem sequatur in Deorum cultu? Hoc illa pernegat, suadet argumentis, adjicit minas, sed in lapidem incidit, frangi potest, flecti non potest; ergo minatur frangere, & intentat mortem, desiderat hanc ipsam Margarita. Nam ut Isidorus scripsit, longè purior sit margarita, si à columba devoretur. Incitat Virgo Olybrium ad iram, ne si blanda videretur, etiam à virginitate crederet posse avocari. Tutior puellis ira virorum quam amor. Una est Margarita. Ps. 26. *Vnam petii à Domino, hanc requiram ut inhabitem in domo Domini omnibus diebus vite mee.* Veni coelestis negotiator accipe hanc margaritam, una sum, ait, non est ullus qui me adjuvet. Projecta est in carcerem, indeeducta invenit & præmia si negaret Christum, & poenas si affirmaret. Sed una uni eligit poenas. Primò ut in verecundia puniretur, nuda producit, hic Elia Princeps Virginum demitte pallium, quod Elisæo demisisti, sed & verecundia teget, & impudicorum obtenebrabit oculos; sed jam video tegi purpurâ, nam ita flagellis concisa ut sit unus sanguis, unum vulnus. Parum hoc, laceratur, deinde ferreis laminis conclusa, & clavis affixa, ferreis laniata fuscinis, ac sic in obscurum redacta carcerem; & jam est altera vestis, partes corporis avulsi, dependentes. Uritur deinde laminis candentibus, ac projicitur in aquam, ut per ignem & aquam transeat in refrigerium. Recluditur iterum in carcere, ubi antea venerat ad eam dæmon in specie draconis ingentis veluti illam devoraturus. Sed columbæ hæc margarita debetur, quæ supra illius aquas lachrymarum ferebatur, quæ illam etiam sanat, pellit dæmonem signo Crucis. Vertitur coluber tortuosus, & ubi non processit aperta vis, ad dolos se convertit. Assumit Eremitæ Christiani speciem, suadet ut fide Christi interim dissimulatâ, consentiat in matrimonium Olybrii, multa

multa ex hoc secutura bona, posse fieri ut ejus prudentiâ etiam ipse Olybrius fidem suscipiat, persecutio cesset, ipsa dives facta multis egenis succurrat, advertit Virgo S. dolos, rejicit dæmonem, & in Christi confessione se confirmat, & Olybrius irâ & desperatione victus, profert sententiam capitis in Virginem, quam coelestis Negotiator ut suam Margaritam in thesauro suo reponit.

## In festo S. Mariæ Magdalenæ. CONCIO I.

*Vides hanc mulierem. Luca 7.*

**Q**UI audit quòd mulier, quod in civitate peccatrix modicam potest de sanctitate Magdalenæ concipere opinionem. Mulier appellatur quæcunque foemina, peccatrix jam illa quæ ad summum venit peccatorum. Ita Aristoteles summus in Philosophia vocatur Philosophus; Cicero Orator; Paulus Apostolus, &c. Sed qui cum Chrysol. serm. 93. considerat ejus lacrymas, dicere debet: *Mutatur rerum ordo, pluviam cælum terræ dat semper, ecce nunc rigat terra cælum, imò super cælos usq; ad ipsum DEVM imber humanarum profiliit lacrymarum.* Rigat cælum, ut in eo crescant Sancti; ad Dominum pervenit imber, ut ipsi crescat gloria. Et ita crevit, ut quæ antea non dicebatur Maria, nomen ipso Domino mutante acquirit novum, sit Maria. Ita enim Modestus Archiep. Jerosol. apud Photium, *Maria de nomine nuncupatur*, in quo sanctitas ejus conversæ exprimitur, de qua dicere constitui.

Sicut per recessum à DEO constituitur peccator: ita Sanctitas est maximè accedit ad DEUM, nullus verò major accessus est quàm cum seipsum contemnit homo, DEUM summè amat Magdalena *dilexit multum*; & hæc duo præstitit. Lazarus

& Martha fecerunt convivium Christo in domo sui affinis. Nam Niceph. vocat Simonem Patrem Lazari propter affinitatem aliquam, certè non fuit Pater, aderant multi, quid Magdalena? August. serm. 14. de temp. cap. 6. *Non mensam invado, sed micam quero.* Veluti caniculus; & projicit se sub mensam, pedes lambit Domini. Si parum est sub specie caniculi ad DEUM redire, audite amplius. Cogitavit Christum suum sponsum, & se ab eo delapsam in adulterium, hoc enim habet peccatum. Cogitavit non solum seipsam id mali fecisse, verum etiam illius charos occidisse. Prov. 7. dicit ejusmodi mulier, *intexui funibus lectulum meum.* LXX. legunt, *intexui institis*, qualibus ligabantur pedes & manus mortuorum, ut patet ex historia Lazari, Joan. 11. Plus est, DEUS mihi animam meam commisit tanquam castrum ad custodiam, prodidi hostibus. Quid agam? Modò plurimi hospites sunt apud Dominum, sunt mei affines, noti, confusio magna erit, procidam ad pedes ejus, si me ab illis rejecerit sustinebo, amplectar nec me avelli sinam, fortè veniam tanto sceleri dabit. Effundam per lacrymas cor meum, agam ut Moyse sacrificaturus Domino. Exod. 10. *Cuncti greges pergent nobiscum, non remanebit ex eis ungula.* Nihil celabo, nihil occultabo, quæ feci in occulto in conspectu Solis hujus proferam. Scio contra me latam sententiam, Ezechiel. 18. *Anima quæ peccaverit ipsa morietur.* Scio latroni qui sæpè ad idem crimen rediit non solere ignosci; sed scio etiam, Thren. 3. *Non defecerunt miserationes ejus.* Scio non expectatum esse cum aliis per annum, imò nec mensem, nec diem; sed cum me tamdiu expectaverit, expectavit ut poenitenti faceret misericordiam. Læsi DEUM, me tamen defendit ab hoste, jure me posset occidere, an adhuc hostis partes contra illum tenebo? An dæmoni contra illum militabo? O non fit! procedam, deprecabor. Et dum procedit, fortè id illi accidit, aut quid



quid simile quod scribit Godescalcus Scalea. Quaedam mulier lebat se comere, pingere; vocat pro more famulam, ut in hoc præster illi obsequium, accurrit dæmon specie famulae, vestit, ornat, pingit, sed sicut dæmon facit unum monstrum; in fine dat speculum, ut se conspiciat qualis sit. Drogo, *Fecisti de corpore tuo D. JESU speculum animæ meæ.* Hinc Magdalena conspecto Domino, ut in speculo videt suam turpitudinem. Tum primò intra se incipit gemere, quid feci, quid feci? Ego stulta hactenus domum mihi fabricabam in inferno. Hostem intra me admisi apertis sensuum portis. Arcam foederis, ejecisti legis tabulis, feci hospitium dæmonum: Quid feci? Quid agam? Psal. 55. *Pro nihilo salvos facies illos.* Redigam me in nihil, illius proprium opus facere aliquid de nihilo. *Adam ubi es?* Magdalena ubi es? Sed saltem Adam post peccatum audivit monentis vocem, ego tot instinctus sprevi. *Surgam, circumibo*: ita fit, si cui gemma pretiosissima est concredita, & dum ille dormiret est ablata, non edam, non bibam do nec reperero. Amplectar pedes Domini, de illis scriptum: *Super aspidem & basiliscum ambulabis, & conculcabis leones & dracones.* Ego leo, ego draco, ego basiliscus, ego aspis. Mei oculi fuerunt sicut basilisci in Jerusalem, mea lingua sicut aspidis, interficiebat animas ut leo & draco; calcet me Dominus meus dum remittat. Scio Domine, Job. 13. *Scribis contra me amaritudines, & consumere me vis peccatis adolescentiæ meæ.* Non frustra enim, Ezech. 9. habes atramentarium in lumbis tuis. Cecidit ad pedes, rigavit lachrymis, osculata est, obsterlit capillis, effudit unguentum. Et Dominus quid? *Dimittuntur ei peccata multa, quoniam dilexit multum.* Egit sicut Joseph cum Fratribus: Nolite timere, ego sum Frater vester, complexus erat undam ovem, recepit drachmam perditam. Illa amplius pergit. *Fortis ut mors dilectio, mors aufert omnia, ab illa dilectio abstulit,*

Projicit gemmas, &c. Isai. 30. *Erunt oculi tui videntes Præceptorem tuum, & aures tuæ audient verbum post tergum monentis, hæc est via, ambulate in ea, &c. Et contaminabis laminas sculptilium argenti tui, vestimentum conflagrabilis auri tui, & disperges ea sicut mundiciam menstruata, egredere, dices ei.* Projicit omnia sicut victus solet arma projicere ad pedes victoris. Dominus etiam non solum peccata, sed etiam poenam debitam peccatis dimittit, & facit illam tam mundum, atque si nunquam peccavisset; audivit à Christo. *Fides tua te salvam fecit.* Tertull. contra Marcion. l. 4. *Et si pœnitentiæ stimulus ex fide acciderat, per pœnitentiam ex fide justificata audivit, Fides tua te salvam fecit.* Vincent. conc. hod. *Si tunc fuisset mortua nullum habuisset purgatorium, Ezech. 16. Suscitabo ego pactum meum tecum, & scies quia ego Dominus, ut recorderis & confundaris, & non sit tibi ultra aperire os præ confusione tua, cum placatus tibi fuero in omnibus quæ fecisti.* Jam Magdalena facta est æqualis illis, qui nunquam peccaverunt; jam his in oblivionem actis quæ fecerat, videamus quomodo de sanctitate cum Sanctis contendit.

Facultates suas inprimis convertit in eleemosynas, Luc. 8. *Iter faciebat JESVS per civitates & castella, &c. Et Maria quæ vocatur Magdalena ministrabat ei de facultatibus suis.* Tradidit se in discipulam Christo, quantum sub hoc Magistro profecit, cum præ omnibus illi attenderit! Luc. 10. *Maria sedebat secus pedes JESV, & audiebat verbum illius.* Quid ibi Christus dixerit, nescimus. S. Vincent. ita opinatur. *Cogito ego quod ipsa petebat à Christo audire de ordinatione & gloria Sanctorum. Christus dixit de tribus hierarchiis Angelorum, item quomodo animæ collocantur in illis ordinibus. Credo quod ipsa petiit de se in quo ordine collocaretur, & forte fuit dictum à Christo, quod cum Seraphinis ob ardentem charitatem.* Deinde ut idem S. Vincent. dedit Magdalenam sociam Matri suæ, ut sic duæ viæ coeli ostenderentur, una per Innocentiam, altera

altera per poenitentiam; atque hinc videtur sequi, quod sicut S. Mater fuit summè innocens, ita hæc summè poenitens. Et cum non oportuerit illam satisfacere pro peccatis, quia dimissa jam fuerunt. Cum sua poena, & tamen summam agebat poenitentiam, itaque cum satisfactionem meritum comiteretur, summè merebatur, & ad summam perveniebat sanctitatem. Hinc etiam Christus fecit illam Apostolam Apostolorum; illa Joan. 20. illis annuntiavit resurrectionem Christi. *Vade ad fratres meos, & dic eis*, &c. Sed etiam perfectionem Apostolorum habuit, omnia post Christi ascensionem vendidit, & dedit pauperibus, ac DEO serviens labore manuum vivebat. Fuit Martyr sicut S. Joannes Evang. etsi mors non secuta, quia cum fratre Lazaro sorore Martham navi lacera sine remis, velis, à Judæis ejecta in mare, ut sic perirent. Ibi Magdalena rursus Apostolam egit, & totam Provinciam Massiliæ, in quam delata est navi illâ, convertit. Cum ita haberet perfectionem Confessorum, Martyrum, Apostolorum, ut ampliùs in sanctitate proficeret, etiam ad Virginum perfectionem enixa. Scribit Egesippus, quod post suam conversionem nullum de facie virum vidit nisi Christum. Ampliùs conscendit & rogavit Dominum, ut illam vitæ contemplativæ redderet, quam ad pedes ejus degustaverat, & statim ex civitate Aquis in qua tunc erat, delata ab Angelo in profundam eremum. Scribit Guilhelm. Parisiens. conc. de hac Sancta, eremum illam fuisse plenam venenatis, statim omnia cesserunt. Crucem erexit Angelus coram qua oraret, specum ostendit, deerat aqua, statim eam saxa fuderunt. Ubi locum quietis delegit, lapis factus est instar cæræ, & figuram ejus excepit. Quotidie in altum septies elevata, quotidie à Christo, ut scribit Sylvester Pierius, centies & decies visitata, præcincta circa lumbos cingulo lucido aureo. Angelum custodem visibilem habuit, qui  
illi



illi quotidie sacram afferebat Eucharistiam. Hæc vita aspera duravit annis triginta duobus, ibi illa recognabat, *quid feci?* Armodò, Jerem. 8. *Nullus est qui agat poenitentiam supra peccato suo, dicens: quid feci?* Omnes imitantur Magdalenam peccantem, nemo poenitentem, seminamus avenam, & speramus messem tritici. Fœtebat antea Magdalena, Eccl. 4. *Mulier fornicaria ut stercus in via*, non solum unguenta effudit ut repleretur odore domus. Sed ipsa in odorem utebatur casto amore. Multum fecit Moyse qui jejunavit diebus quadraginta hæc amplius triginta annis. Magnum si alicui Sancto per Angelum afferatur S. Eucharistia, illi afferebatur toties. Magnum si hora mortis nunciatur, illi nuntiata, & ab Angelis ad S. Maximinum deportata, ut deinceps manu sacrum sumeret viaticum. Unde S. Vincent. vocat illam *excellentem Creaturam, & gloriosissimam Sanctam super omnes alias exceptâ Virgine S. Maria.* Oret pro nobis, & spero faciet; non enim frustrâ ex capite illius post mortem enata est vitis, hoc enim indicio, quod ipsa per somnium Carolo Regi Siciliæ ostendit, repertum est hoc caput. Vitis hæc in nostris nos lætificabit necessitatibus. Sanctæ misit Christus per Angelum Michaëlem Crucem pro solatio Sylv. Roa. & nos illa solabitur.

## De Eodem. CONCIO II.

*Erat in Civitate peccatrix. Lucæ 7.*

**S**icut dicimus de aliquo superbissimo, ipsa est superbia: ita Chrysol. term. 93. de Magdalena. *Ipsius civitatis facta fuerat ipsius peccatum.* Discit esse peccatrix ut scitis, quâ id consecuta arte; etsi scitis, proderit tamen si illam breviter exposuero.

Nata fuit in domo illustri, ut scribit Petr. de Natalibus Episc.

Episc. Equilinus, quamdiu vivebant Parentes habuit custodes virtutis; iis mortuis, & bonis divitis, Lazarus frater accepit ea quæ fuerunt in ipsa Jerosolyma, Martha Bethaniam, Magdalena arcem Magdalum, libertatem nacta in omne scelus prorupit, ita ut August. & Chrysost. vocent eam meretricem. Servius verò Græcus. *Ecce mulier peccatrix, utpote non uni, sed omnibus peccatis, atque adeò fornicationi obnoxia; Scriptura enim sacra omne peccatum fornicationem appellare consuevit. Annos duodecim ita exegit, tamdiu fuit in his tenebris & umbra mortis; sub illo decreto, Ezech. 18. Anima quæ peccaverit ipsa morietur. Et ecce Christus circumferebat lucem, Psal. 75. Illuminans à montibus æternis. Tetigit hæc lux Magdalenam. Ubi sum? Accedit Christum concionantem, audit de mundi contemptu, & videt quanta sint omnia vanitas, &c. Ubi sum? Incipit cogitare æternitatem. Væ mihi. Videt jam quàm turpe sit peccatum. Anselm. lib. de similitud. cap. 190. *Si hinc peccati pudorem, illinc inferni horrorem cernerem, prius me in infernum mergerem, quàm me in peccatum intromitterem. Videt clarè hunc pudorem. O Domine, verba tua sunt sagittæ acutæ, ibit illa in luce sagittarum tuarum. Origen. homil. 2. in Cant. Præbe & te Magdalena jaculo formoso, siquidem DEVS sagittarius est. Quid agam? ajo: Ecce inter tua unguenta est unum pretiosum, vade, in pedes Domini effunde, placa, deprecare. Vadit in domum Simonis, ubi convivio Dominus excipiebatur. Dominus hic recipit peccatores. Chrysost. homil. 6. in Matth. Quia perfectè incaluerat pœnitendo, bacchari, ut ita dixerim, caput, exagitari desiderio Christi. Amplectitur pedes Domini velut reus altare. Quid agis? quid dicent homines? At illa: Sinite me; surgam & circumibo civitatem, per vicus & plateas quæram quem diligit anima mea; si apud Simonem non reperero, quæram, &c. Balabo ovis perditam, ut me audiat Pastor; ibo filia prodiga ad Patrem. Augustin. homil. 23.**

inter L. *Quæ diu malè ambulaverat, vestigia recta querebat.* Procidit ergo ad pedes Christi. Paulin. epist. 4. *Ipsos pedes altare sibi constituit, in eo cor suum cremat.* Sed quid agis? Te lacrymis ablue non Dominum. Sed & sic benè agis, sunt in his pedibus & tua peccata. Zeno Veronens. *Dominus sumendo carnem, totius humani generis peccatorum sordibus est obfolitatus,* Tergit capillis, & fit ut Judith 4. *Altare DEI operuerunt cilicio.* Accedit retrò, quia se oculis Christi indignam iudicat; amplectitur ut naufragus si inveniatur saxum. *Respice in me, & miserere mei.* Spectemus exemplum pœnitentis, qui imitari sumus peccatum. Ambros. in Catena c. Th. *Lavie maculas pedum Christi, lavie maculas proprias, tersit comis, ut per eos sibi assumeret sacros sudores.*

Et assumpsit hos sudores. Omnibus DEUS dat lucem sufficientem ad sua peccata agnoscenda. August. lib. 1. contra Manich. cap. 3. ad hoc adducit illa verba. *Illuminat omnem hominem venientem in hunc mundum.* Sed cur non omnes pœnitent? Adrianus Papa VI. quodlibeto 7. quæst. 1. explicat hunc modum tali similitudine. Incidit quispiam in puteum; porrigitur funis per quem extrahatur, rejicit funem: alter recipit funem, & extrahitur. In quo culpa? In puteo sunt peccatores omnes, sed unus arripit, alter non arripuit oblatam sibi gratiam. Arripuit illa mulier de qua Mazarinus, in Psal. 50. Inprimis à Patre inducta ad incæstum, propter quod cùm à Matre fuisset correpta, eam veneno sustulit. Ob hoc scelus novum à Patre reprehensa, caput illi securi abstulit; venit ad Templum, incidit desperabunda in Concionem de Misericordia DEI, compungitur, confitetur, in satisfactionem illi datur, ut iterum audiat concionem, tantum dolore & amore inarset, ut in hujus concionis medio sit mortua; & revelatum est, illam salvatam. Hæc gratiam arripuit, at è contrà verum est,



est, quod Lessius de gratia, cap. 10. n. 64. Multi loquuntur apud inferos, qui multò majoribus auxiliis ad salutem à DEO donati fuere, quàm nonnulli Beati. Magdalena peccaverat multum, quantum est vulnus tantum debet esse emplastrum, nec de gravibus peccatis leviter est dolendum. Roman. 6. Sicut exhibuistis membra vestra servire iniquitati, ita exhibete servire justitiæ. Greg. hom. 33. Magdalena. Unguentum quod pro odore carnis suæ turpiter sibi adhibuerat, jam hoc DEO laudabiliter offerebat, oculis terrena concupiebat, sed hoc jam per pœnitentiam flebat, capillos ad compositionem vultus exhibebat; sed jam pedes capillis tergebat. Per quæ peccabat, per eadem agebat pœnitentiam. Ita fecerunt & imitatores Magdalene. Ita Valentianus Imp. delectabatur ludo circa bestias, ut scribit Ambr. orat. in ejus obitu, jussit omnes interfici. In Japone quædam mulier quater decies millies nomen sui Idoli die nominabat, hoc ipsum facta Christiana fecit circa nomina sancta JESU & MARIÆ. De Roberto Rege scribit Heldegailus, solebat more foemineo longiorem nutrire comam, vanitatis hujus pœnitens, convocatis 160. & amplius Clericis, jussit post mensam prælegi Evangelium quod legitur in Coena Domini, ac singulorum lavit pedes, & capillis terfit. S. Arsenius, quia delectabatur antea odoribus, factus Monachus aquam foetidissimam in qua folia palmarum fuerant macerata, asservabat in cella. Dum Clodovæus Rex Gallorum antea fidei nostræ persecutor Baptismum volebat accipere, S. Remigius illum baptisaturus, ex una parte posuit effigiem Crucifixi, ex altera illius Idola, dicens: *Incende quod adorasti, odora quod incendiisti.* Chrysostom. serm. de S. Philegonio. *Provocasti DEVM pecuniarum rapinâ, per easdem illum reconcilia: provocasti linguæ maledicentiâ, nunc puras effundas preces.* Otho IV. Imper. quia contra caput Ecclesiæ insurrexerat, ut scribit Crantzius, libro 7. histor. Saxon. cap. 39. Vicinus morti voluit in aream

publicam palatii exportari, coquinarios autem iussit ut colum suum ac caput promerent calcibus. Testatur in lib. 4. Reg. cap. 3. *Non pœnitescit aliquem verè, qui permanet in peccato, nec aliquis verè dolet de fornicatione, dum tenet concubinam in domo.*

Sed revertamur ad Magdalenam. Loquere verbum Domine, solare flentem, utique lachrymæ istæ sunt cibus & potus tuus. Chrysost. serm. 93. *DEVS delinquentium lacrymas esurit, sicut lacrymas peccatorum.* Hieronymus in Isai. 38. *Oratio DEVM lenit, sed lacryma cogit.* Ambr. in Psal. 38. *Lacryma vincit invincibilem, ligat Omnipotentem.* Cùm rigatur cœlum à vaporibus terræ, depluit Chrysost. serm. 93. de Magdalena. *Ecce nunc rigat terra cœlum, descendat pluvia.* Audi Domine melos. Id. ibid. *Ad delicias Deitatis totius totam pulsæ cordis sui & corporis symphoniam.* Sed non sum spe deceptus. Hieron. in Psal. 93. *Quantum pondus lacrymarum, tantus & consolationum numerus.* Pluvia purgat aërem, & sequitur serenitas. Isai. 21. *Babylon dilecto meo posita est mihi in miraculum.* Videte omnes DEI misericordiam, nemo desperet. *Remittuntur ei peccata.* Sollicitatur adhuc Magdalena quæ multa habet peccata, an omnia dimittantur. *Dimittuntur ei multa.* Quantum ibi gaudium! S. Francisco ante mortem in extasi dimissa sunt pauca, quia habuit pauca; & teste Bonav. in ejus vita. Adhuc in extasi exclamavit. *Laudetur Dominus, ipsi honor & gloria in sæcula.* Hæc ipsa verba per octiduum ita repetebat, ut vix aliud loqui posset. Lætitia Magdalensæ non fuit sterilis; sed dimissis peccatis se ad meliora vertit, & vitam præteritam cœpit compensare. Audierat à Domino: *Vende omnia, & da pauperibus.* Omnia bona in sustentationem Domini ac servorum ejus vertit. Luc. 8. *Maria quæ vocatur Magdalena ministrabat ei de facultatibus suis.* Post Ascensionem Domini reliqua ad pedes Apostolorum projecit. Interim Judæi in navim sine velis & remis eam imponunt cum Lazaro, Martha,

tha, Marcella, & Maximino uno de septuaginta Domini discipulis, cui fuit ipsa à S. Petro commendata; facto signo S. Crucis conscendunt navim, perveniunt ad Massiliam in Gallia, ibi plurimos sancto verbo ad salutem ducit, quia antea non paucos abduxerat. Impetrat sterili illius loci Dominae filium; & per somnum apparet monendo, ut locum donent suis sociis. Id fit & secundo, & negligitur. Comparat tertio Domino & Dominae, monet sint grati, quia oratione sua filium habent. Datur locus, & in eo erigunt Ecclesiam, & ejus Episcopus fit Lazarus. Maximinus autem fit Aquisgranensis, ipsa in eremum abit. Oculis antea peccabat, scribit Egesippus, quod deinceps nunquam virum videre voluit. Addit alia ut reddat pro peccatis. Dixerat Joannes de Christo: *Ventilabrum in manu ejus*. Quid hoc tibi vult? Laur. Justinian. apud Novarin. hom. de poenitentia. *Ipsè perpendit utrumque pondus, & poenitentiae, & pestilentiae*. Saul I. Reg. 15. dixit: *Peccavi, non consecutus veniam*. Idem dixit David, consecutus. Cur hoc? Cæsarius Arelat. homil. 29. *Quia in Saul non compensabat magnitudinem criminis levis humiliatio supplicantis*. In David compensabat; qui enim debet decem millia talenta, si ea possit reddere, & nummulum offerat, videtur illudere. Non levi & transitoria opus est satisfactione pro malis quibus est paratus ignis æternus. Roman. 11. *Dedit illis DEVS spiritum compunctionis, oculos ut non videant, aures ut non audiant*. S. Aëlredus libro 2. Specul. Charit. cap. 20. *Nunquid non genus compunctionis hoc excæcat oculos, aures obturat, illorum duntaxat qui immanissimas vitiarum sordes sine poenitentiae fructibus paucis hæc lacrymis aestimant abluendas? O quàm salutem sunt salutis suæ proditores! Videte Magdalenam in eremo quid agat. cum à Domino fuisset illi tempus mortis nuntiatum; hoc ipsum indicat Maximino, & noctu in ejus Templum defertur ab Angelis, in quo ab eodem reperitur*



manè supra terram duabus ulnis sublimis, & Sacramento reficitur; tum ante altare se prosternit ac moritur, & cum odore fragrantissimo per dies septem manet, ac demum à Maximino sepelitur. Hic nos Origen. monet. *Sequamur hujus mulieris affectum, ut perveniamus ad effectum.* Computemus quantum debemus, & quantum solvamus. Idem. *Disce peccator à peccatrice muliere. Ploret quisque ad JESUM, quia non celavit se querenti peccatrici.*

## In Festo S. Jacobi Apostoli. CONCIO.

*Calicem meum bibetis.* Matth. 20.

**D**UM calicem Domini cogitamus, formido quædam invadit, & nihil nisi cruces, mortes cogitamus; sed non sic. Juxta proverbium Judæorum calix ista omnia, quæ illi inesse putamus significabat. At verò, *Dilectus meus quemadmodum filius unicornium.* Sicut unicornis, dum invenit aquam venenatam, mistet cornu, & reddit salubrem. Abac. *Cornua in manibus,* quando ipse sumpsit in manus calicem, jam omne ex illo malum pepulit; & ut simus de hac re certi, dedit Jacobo bibendum: & non tantum illi non nocuit, sed victorem mortis & omnis crucis malæ & amaræ fecit, quod fusius explicare proposui.

Primus hunc calicem bibit Jacobus inter omnes Apostolos; nam dum calicem Domini promissum haberet, ita spe solâ calicis animatus, ut sicut Aminadab, cum rubrum mare esset transeundum primus insilierit, unde Cant. *Conturbata est anima mea propter quadrigas Aminadab,* loquitur in persona Synagogæ, quam vehementer Jacobus confutabat, ostendendo quia *hic est Christus, hic est Messias promissus, hæc est veritas,* Syna-

Synagogæ doctrina umbra. Finitum tempus adventus Messiae, quod Daniel in suis hebdomadis clarè prædixerat, ostendebat ex Prophetis alium non expectandum. Chrysost. hom. in Matth. 17. *Sic acer atque gravis Judæis Jacobus erat, ut magnum munus eis obtulisse, cum eum Herodes interfecit, visus est.* S. Th. ita de Jacobo loquitur. *Præcipuus debellator erat Adversariorum fidei, ideò Herodes eum occidit.* Cum Judæi sunt repressti, ausus cum illo configere, quâ argumentis, quâ miraculis, quâ non nisi falsa afferre poterat Hermogenes Magus; sed etiam confutatus: movet iste contra Jacobum omnem scientiam Gentilium, sed succubuit: movet omnes præstigias, sed cesserunt: advocavit dæmones, sed jussi sunt silere. Sed ad calicem festinat Jacobus, quia ita nobis propinat DEUS, sicut aliquando bonus Princeps suo famulo, implet auro calicem, postea vinum infundit, bibe. Ebibit ille vinum, aurum accipit. Sed estne calix Christi, cum aliquid adversi accidit? Hinc ad peccata ruimus, quia non reputamus esse calicem Christi, & jam nobis facimus calicem demoniorum. Afflictus plagis Pharaò à Moyse, nolebat agnoscere quòd esset calix Domini, vocavit Magos. Sed nunquid dæmon bene potest velle homini? Fecerunt illum obstinatiorem, in majora peccata præcipitarunt, & tandem amisit cum anima regnum. Hic est fructus eorum, qui ad Magos, vetulas fortilegas, cum filius aut animal infirmatur, cum adversitas incidit, recurrunt. Casu putant fieri quæ DEUS vel in pœnam, vel ad exercendos eos in patientia, immittit, & doctrinæ Philistæorum adhærent, cum DEUS eos flagellavit propter Arcam irreverenter tractatam, si boves hac viâ iverint factum est à DEO, si illa factum est casu, cum nihil fiat casu. Amos 3. *Si est malum pœnale in civitate quod non fecerit DEUS?* Christiani debent imitari Davidem. Maledicebat ei subditus proprius Semei; at ille quid? 2. Reg. 16.

Domi-

Dominus iussit, ut Semei maledicat. Afflixit Sachan Jobum. At ille Job. 1. *Manus Domini tetigit me.* Ipse est Dominus de quo Psal. 79. *Dabis nobis potum in mensura.*

Properat Jacobus ad Calicem Domini, videt sævientes, ob suum zelum Judæos cum Herode festinandum. *Calicem salutaris accipiam, & nomen Domini invocabo.* Capitur ab Herode, damnatur capitis, propinat calicem carnifici, osculatur. Pax tibi, sumit hunc calicem carnifex, bibit salutem, quia fidem veram amplectitur: Ita dulcis est Christi calix. Job in suis plagis *radebat testâ vulnera*, sed num aliquid mollius reperire non poterat? Non, quia ad illam in spiritu respiciebat testam de qua Ps in persona Christi. *Aruit tanquam testâ virtus mea.* Inde in illa prorumpebat. *Credo quòd Redemptor meus vivit, &c.* In calice suo Christus ebibet gloriam. *Nonne oportuit Christum pati, & ita intrare in gloriam.* Bibam & ego ut eum sequar ad gloriam. Primus inter Apostolos Jacobus moritur, & quidem eâ ipsâ die qua Christus, id est, April. ut scribit Oforius. Aduit morti illius B. Virgo, & omnes Apostoli, quia nondum per orbem fuerunt dispersi. Ebibit calicem, sed in eo gloriam non solum in cœlo, verum etiam in terra.

Vivens laboravit circa Hispanos, sed septem vel novem solum convertit, arabat veluti petram; nam Hispania est petrosa, sed modò Hispania ita Catholica, ut nullum aliud regnum, nullus hæreticus, nullus Judæus, nullus infidelis. Imò per Hispanum S. Franciscum Xaverium insulæ maris Japonia, &c. Chinæ Imperium fidem acceperunt, per filios Hispanorum S. Dominici & Ignatii orbis reparatus, domitæ hæreses. Hoc erat constanter & ad fundum calicem Domini bibisse. Jam est impletum, Isai. 41. *Lau'ate habitatores Petræ, Hispani qui petras inhabitatis, de vertice montium clamabunt, donec Domino gloriam & laudem ejus in insulis nuntiabunt.* Jam Mater Filiorum



liorum Zebedæi, noli esse sollicita in procurando loco pro tuo filio, procuravit ille sibi illum calicem bibendo, ut sedeat à dextris in regno Christi. Eliam currus igneus paulatim tulit, paulatim tuus filius procedat, perveniet, noli festinare. Abulensis de Elia. *Currus trahatur prius super terram, postea in nubem mutatus abiit altè.* Magos ad Christum stella duxit, quia ut Chri-  
 sost. hom. 87. *Magos tenuiter micans stella assuefecit ad lucem*, ut possent intueri Solem Christum. David sumptis armis Saulis non statim profilit contra Goliath; sed prius *tentat an possit incedere.* Nesciebat Petrus quid loqueretur, cum in Thabor, diceret. *Faciamus hîc tria tabernacula.* Unde Timoth. Antiochen. *Retia didicisti texere, tabernacula vis edificare.* Ad ambitionem noli Mater aperire viam. Ambitosus quærit honorem non laborem, sicut adulter voluptatem non prolem. Bibat prius calicem Filius, tum sequetur gloria. Erit tuus Filius gloria Hispanorum, ad ejus sepulchrum ex toto orbe sicut ad Petri confluent peregrini, stella ipsius sepulchro locum in campo designabit, unde locus dicetur Compostella. Et certè non hæc una gloria ubi calicem Domini sumpsit Jacobo contigit. Vocaverat illum Christus Bonaergen, hoc est filium tonitru, quod juxta Hebraicam phrasim est tonitru; nam sic etiam dicitur filius perditionis qui est perditus, filius iniquitatis iniquus, &c. Ecce tonat hoc tonitru. Ps. 103. *A voce tonitru tui formidabunt*; est velut Josue de quo cap. 24. *Sepelierunt eum in finibus possessionis suæ*, contra Moabitas in præsidium. Sepultus Jacobus in Galæcia in finibus suæ Hispaniæ. Tuetur illam ut suam possessionem, adest in bellis, hostium civitates pro Hispanis expugnat. Plurima ejus rei exempla. Omittere non possum quod affert Ferdinandus in Genes. tom. 3. laborabat Ferdinandus I. Rex Hispaniæ ut Conimbriam à Mauris recuperare, & S. Jacobum invocabat, venit ad Regem quidam Epi-

scopus Græcus, dissuadet ut invocet Jacobum, asserens esse piscatorem non militem. Venit Jacobus ad Episcopum cum clavibus Conimbriæ, trade has Regi, ego illi cras aperiam Conimbriam, & ita factum est. Factum id Anno 1045.

Sed neque illud est minus. Grassabantur Mauri per Hispaniæ partes, Abderemanet Dux Maurorum unum obsederat castellum, in quod multa plebs Hispanorum se receperat, erat etiam in illo Joannes Abbas. Desperata est loci defensio, ergo jactum consilium, ne plebs in hostium manus veniret, excindere, castellum exurere: apti bello cum Abbate viam per hostem quærent. Irruunt in hostem, novem millia iterunt Maurorum, cæteros dispergunt; tum unicus dolor superest, quod ita in suos egerint sævè. Redeunt in arcem petendo, ut S. Jacobus qui dedit victoriam, dolorem abstergat; abstergit, nam omnes cæsi facti rediivi obviâ processerunt victoribus, in collo quo gladius transierat, veluti coccineo præcincti funiculo.

In festo S. Annæ Matris B. M. V.

## CONCIO.

*Simile est regnum cælorum homini negotiatori quærenti. Matt. 13.*

**V**aria de S. Anna invenio apud SS. Patres. Epiph. hæresi 39. vocat illam *nobilissimam*. Germ. & Nyssenus *Sanctissimam*. Hieron. *justissimam*; quia bona sua in tres partes divisit: unam Ecclesiæ, alteram pauperibus dabat: de tertia ipsa vivebat. Alii vocant *patientissimam*, quia publicè ab altari repulsa

repulsa æquanimiter tulit. Dabo ei ego, non recedendo ab Evangelio, titulum agri qui margaritam protulit, pro qua emenda coelestis negotiator omnibus venditis descendit.

Attulerat ad templum victimam S. Anna; sed quia sterilis fuit, tanquam maledicta à DEO cum suo marito Joachimo à Sacerdote rejecta: cum per annos viginti expectarent prolem, & novissent ut si DEUS illam daret, in templo serviret. Sic ab altari pulsus Joachim abiit in sylvam ad pastores ubi vacabat orationi; Anna idem fecit domi, tum ad Joachimum venit Gabriel Angelus. Exaudita est oratio tua, habebis Filiam; sed quæ erit Mater Messiae, in signum hujus vade, & in porta quæ dicitur aurea invenies Annam uxorem tuam. Similia Annæ idem Angelus dixit. Habes jam ô Anna victimam, offer DEO; acceptabit, faciet hoc munus ad intentionem DEI, qui proposuit redimere mundum. Offer unionem, qui faciet tibi pretium. David quia tantum voluit ædificare templum. 2. Reg. 7. obtinuit à DEO. *Fidelis eris domus tua, & regnum usque in æternum ante faciem tuam.* Quid non dabit Annæ DEUS pro hac unionem omni templo pretiosiore? Nescivissemus quanta sit Anna, nisi hæc fuisset nata margarita. *Ex fructibus eorum cognoscetis eos.* B. Virgo Filia, Christus nepos. In verba Isai. 13. *Flos de radice ejus ascendet.* Ita habet Bern. *Non magis se Mariæ Filium Christus quam Annæ gloriatur esse nepotem.*

Ex Nepote ergo habet Anna benedictionem Abrahamæ, Davidis, & Joannis Bapt. Abrahamo solum in figura ostensus fuit hic nepos, & facta obscura promissio, quod ex posteris ejus esset nasciturus, & ecce apud illum Angeli hospitantur. De Sodoma punienda cum eo confertur. Loth salvatur. Promissio etiam facta obscura Davidi, & ecce à Saule defenditur, Goliathum superat, Spiritu Prophetico repletur. Johannes quia Præcursor erat futurus, in ventre Matris sanctificatur,



miracula fiunt in nativitate, Pater prophetat. Jam verò Annæ non obscura, sed clara facta promissio, sanguine Christum tangit; est enim illi duplici modo Christus nepos, quia sola sine viro Filia S. illum gignit, at cum alii nepotes ratione patris alicui sunt nepotes, & ratione matris sunt alteri, hic quasi utroque modo est Annæ. Plus Anna conjungitur Christo quàm Præcursor; ille famulus, hæc matris mater. Itaque repleta est majoribus aliquibus benedictionibus quàm isti. Moyses effectus luminosus ut radii de capite emicarent, neque illum sine velo possent Judæi videre, quia diebus quadraginta moratus cum DEO: Anna certè pluribus cum Christo. Audita voce, vel facie Christi visâ semel, effecti sunt quidam Sancti, ut Paulus, Quid Anna quæ illum non semel in ulnas suscepit, pavit, tenuit? S. Th. docet non posse meliorem creari Maternitatem, quàm sit B. Virginis; quia Filius melior esse non potest. Sed etiam Nepos melior esse non potest; itaque neque dignitas, quam ex hac parte accipit S. Anna major esse potest, & Abrahæ, & Davidis, &c. crescere potuit dignitas, Annæ ista non potuit, est in summo, addi illi nihil potest, eminet supra omnes. Proinde est in singulari observatione apud Nepotem, propter illam facit multa, ejus pteces non rejicit. Dicitur est Judæis, Isai. 51. *Attendite ad Abraham patrem vestrum, & ad Saram quæ vos peperit.* Hoc ipsum præstat sine dubio Christus, qui non venit legem solvere, sed adimplere. Jesse quàm remotus à Christo, attamen, ut Hieron. interpretatur, idem est quod *Ardens*, ubi est allusio ad Ruben ardentem, quem Moyses viderat, & jussus calceamenta deponere, si propius vellet accedere: per quod innuebatur, quod Jesse reverenter esset habendus, quia ex posteris ejus nasciturus esset Salvator. In quo honore habenda est Anna, quæ non per mille annos ut Jesse distat à Christo; sed Matris ejus est Mater, ille

ille nepos illius. Aedificat aliquis Princeps templum, statim in primo fundamento ponit adamantes, rubinos, &c. Quales deinde erunt parietes? Christus est Templum, nam de se dixit: *Dirue hoc Templum, & in triduo reedificabo illud.* Fundamenta illius Abraham, David, &c. gemmæ. Quid Anna quæ proximè ad illud complendum accessit?

Accedit S. Annæ ex Filia pretium; hæc enim ejus margarita pretiosissima. Margarita enim Matris est filia juxta illud Hieron. ad Lætam de institut. Paulæ. *Postquam ab lactaveris, redde pretiosissimam gemmam cubiculo Mariæ.* Hic verò Unio natus velut in agro, in Anna, & intra eam per novem menses latuit. S. Vincent. conc. hod. Proponit sibi, cur S. Joachimi non ita solenniter celebratur dies ut S. Annæ? Et respondet: *Quia licet Joachim fuit sanctus, & benedictus amicus DEI, tamen majoris sanctitatis fuit S. Anna. Ratio, quia majorem participationem habuit cum Virgine Maria Filia sua, Pater verò modicum participat cum Filiis; sed Mater quæ novem menses portat, & post natiuitatem lactat, nutrit, dormit cum eis, & osculatur.* Quia ergo B. Anna habuit majorem participationem cum Virgine Maria Filia sua forte totius sanctitatis, quæ jam in utero existens erat sancta, cogitate ergo quanta sanctitas remansit in B. Anna, quæ ipsam portavit & nutrit dando sibi illa quæ habebat, Virgo Maria dabat Matri sanctitatem. Et hic impletum est Roman. 6. *Haberis fructum vestrum in sanctificationem vestram.* Certè bona filia exornat Matrem quantum potest. Umbra solum fuit B. Virginis Arca, & cum aliquamdiu stetit in domo Obededom, benedictione DEI illam replevit. Quomodo non multò magis B. Virgo S. Annam? Maneat sanè in aliquo vase balsamum, an non odore illud replebit? Maneat Sol, an non illustrabit? Manet oleum, an non unget? Ipsa Eccl. 24. *Transite ad me omnes qui concupiscitis me, & à generationibus meis implemini.* Si solum qui transit ad B. Virginem

impletur DEO quem illa genuit; quomodo non multò magis Anna? Certè sumpsit tantum de bonis, ut nobis etiam impertiri possit. Damasc. Orat. 1. de Nativit. *Joachim & Anna tanquam spirituales montes dulcedinem stillaverunt.* Exempla hujus rei posuimus in libello de S. Anna, Eccl. 11. *In filiis agnoscitur vir.* Chrysost. in Matth. 23. homil. 45. *Sicut arbor in fructu cognoscitur: sic Parentes in Filiis. Nam de spinis colligunt uvas.* Hinc illa. *Beatus venter qui te portavit.*

In Festo S. Ignatii Societatis JESU.

CONCIO. I.

*Misit illos binos ante faciem suam.*

LUCÆ 10.

**H**ANC curam DEUS habet de Ecclesia: quoties nova in mundo oritur corruptela, toties aliquem virum excitat qui illi occurrat. Eccl. 33. *Contra malum bonum est, contra mortem vita.* Eadem nata est die B. Virgo quo Eva, ait Canis. de Deip. &c. Quo tempore, ait Prosper, *natus in Britannia Pelagius Hæresiararcha eeu caligo quædam, natus est in Africa Augustinus veluti clarissimus.* Sol noctem illam discutiens; sic Dominicus contra Albigenses, &c. De S. Ignatio dicit Breviarium, quod contra Lutherum & alios. Sed cum hos mittit Dominus, ipse sequitur. Gregor. hom. 17. *Prædicatores suos Dominus sequitur.* Videamus quomodo S. Ignatius præcessit, quanquam gratiâ præventus Dominus secutus.

Ut aliquis sit operarius Christi idoneus, duo requiruntur: virtus & doctrina. Ut virtutem acquireret Ignatius, à profundissimo incepit fundamento, & nihil se fecit quoad animam



nam & corpus. Quoad animam: ita se constituit exinanire, ut statim internus expaverit, unde domum in qua fecit propositum, terræ motu concussit ut ante effectum occideret Ignatium: sed nihil aliud in lucro tulit quàm fragmenta murorum, & calcem deciduam. Tota quasi anima fuit Ignatii gloria mundi, ad hanc spiritus accepit à sua natione gloriosissima Hispanica, ad hanc è sua nobilissima familia Ognias, ab educatione in aula, à Præposituris militibus sic erat constitutum. Sed occorrebat modò, me ad DEUM convertam, cum Pampalonom quæ meæ curæ commissa fuit, accepit Gallus; quid dicet mundus? Omnes vocabunt desperationem; vulnus etiam in pede nondum solidatum. Sed conculcanda omnia, & hoc ipsum juvabit ut sim magis nihil. Vestes ergo splendidas donat mendico, sordidas sumit, arma in templo appendit, accipit rudem baculum, caput non tegit, barbam & capillos negligit, & ostiatum mendicat, ridendum, vexandum se proponit. Quomodo magis in nihil se reduceret, ubi gloria domus, militiæ, &c. Facta sunt nihil. Hoc facto etiam corpus in nihil reducit; cilicium continuum, spinæ latera præcingunt, jejunium quotidie in pane & aqua præter dies Dominicos, quibus adjungebat aliquam herbam amaram, conditam cinere vel arena: quotidie cruenta quinquies carenis acutis flagellatis, pectus saxo tundit, saxum est lectus, septem horis de die flexo genu orat, sine cessatione plorat, aliquando tribus, sex, septem, aut etiam octo diebus omni cibo abstinet, nec misereatur sui, etsi languor, deliquium, morbi, etiam febris accedat, sic annus transigitur in specu Montis ferrati, sive Manressæ.

Sed quid hoc? Anno exacto, abit ex specu, deponit catenam, quanquam cilicium non relinquit, vestem sumit honestiorem, caput tegit, capillos ordinat, calceos induit, dura solvit jejunia, adit civitates & domos. Itane ille fervor qui  
fuit

fuit ut torrens, cessavit ut torrens? Reduxit se in nihilum Ignatius; sed nisi hæc fecisset quæ modò diximus, non rueret securus Dominus. Non fuisset Xaverius & per illum everfus Paganismus; non Japon, non China fidem Christi audisset, non Reges venissent, ab ultimis terris Romam, non laboravisset in Brasilia Anchieta, non in Tumquim Baldinotti, non in Æthiopia Oviedo, non vidisset zelum Campiani Anglia; non Germaniæ succurrisset Canisius, non Franciæ Cottonus, non habuisset Italia Bellarminum, Polonia Scargam, non tot volumina prodissent, non tot Martyres, non Kostka, &c. Sed antequam ad hæc Ignati, opus est quærere subsidium à literis, quomodo aliàs confutabis Lutherum in Germania, Calvinum in Gallia, Henricum in Anglia? Invenit modum Ignatius, quo & literas edisceret, & magis se nihil redderet, ut tantò copiosius se illi DEUS infunderet. Acceperat ille tantam rerum coelestium notitiam in specu Marrefano, ut mysteria creationis, redemptionis mundi, præcipuè S. S. Trinitatis, ut si Scriptura, concilia, &c. periissent, imò totus mundus à fide defecisset, ita ille mansisset constans ut pro fide mori paratus esset, scripserat adhuc homo solum legere ac scribere sciens, illum parvum sed admirabilem exercitiorum libellum, quem hæretici vocant opus diaboli, compendium incantationum, sed B. Virgo illum variis temporibus dictavit, ipsa usui ordinavit. Fuit in schola coelesti in illo specu, dum per dies ac noctes octo fuit continuas in extasi. O si quæ ibi didicerat scripisset! Vera hæc sunt, & verum est quod Exod. 16. *Sole orto manna liquecebat.* Ubi Divina allucet Sapiencia, deficit humana. Sed hoc ferè soli Ignatio utile fuit. Fuit Apocal. 5. Liber signatus inter seniores, nec nisi Agnus illum aperuit. Ignatius in stabulo natus ut agnus. Clausi fuerunt libri, rude illud erat sæculum, oportebat scholas aperire, cathedras, &c. Oportebat

bat & ipsum & filios quos erat habiturus fieri malleos hæreticorum. Hunc titulum dat Bern. in Cant. S. Augustino qui contra Pelagium à DEO missus; cur non dem Ignatio, qui contra Lutherum? Hæretici sunt ut Hyppotamus, qui solo malleo vincitur. Multi erant sumpturi malleum ab Ignatio, 1. Esdræ 3. Cùm à Cyro templum Domini fuit ædificatum, steterunt Sacerdotes in ornatu suo cum tubis, & Levitæ in cymbalis, ut laudarent DEVM per manus David. Jam David erat mortuus, sed cantica ejus cantabant. Ignatium videtur descripsisse Ezech 40. *Et ecce vir cujus species erat quasi æris, & in manu ejus funiculus lineus, & calamus mensorius, & mensus est.* Vir est juxta Rupert qui integritatem virtutis habet, habuit Ignatius; quasi species æris, miles fuit, cataphracturam veteres ex ære cudebant; mensus est, mensus terram & omnia officia templi, est Eremita & Concionator: est peregrinus & studiosus: est Catechista & Religiosus legislator. Uno anno in Hispania, altero in Gallia; uno in India, altero Jerosolymis. Est in specu & in foro, est in carceribus & Academicis, est in hospitalibus & aulis, &c. Mensus est ubi opus esset malleo. S. Th. de Villan. conc. de S. August. *Lapides extrusos malleo æquabat, faciens concordare funiculo Evangelii.* Opus fuit ad hoc doctrina.

Triginta quatuor annorum erat, dum pueriles in manum sumit lectiones publicè, qui Manresæ ad coelestia admissus arcana DEO Magistro. Quanta hic opus fuit victoria, & sui nihilo? nec cessat donec in Doctorem Theologiæ evadat; terruit hæc res statim initio dæmonem. Videte, quam inuit artem! Excitabat in Ignatio devotionem sensibilem velut esset in coelo, illa diffuebat, reducebat visiones in memoriam quas habuit Manoresæ, lachrymas provocabat cùm aperiret librum, ut primam disceret conjugationem,



ut disceret. *Amo, amas.* Non jam impuros amores adducebat; sed amorem Divinum objiciebat menti. Quid amanti Divino rebellis in libris hæres, discas hunc amorem sine libro, in sylvis ab avibus DEO canentibus, plantis, &c. Et in specum revocabat, & jam ad hoc coepit inclinari, sed à DEO illustratus, resilit, & jurat non cessaturum se à studiis, & accedens Magistrum in templo, & ad pedes ejus procidens, petit veniam, & in posterum si in aliquo scholæ non satisfaceret, ut veluti cum puero ageretur, & statim omnis tentatio cessavit. Quò ulterius debuit descendere Ignatius?

Præcesit Ignatius in sui abyllum. Videamus quomodo secutus Dominus ad exaltationem ejus maximam. Adhuc Ignatius erat in suis opibus & gloria, & solum præcedendi Dominum concipiebat propositum æger in lecto, misit ad illum S. Petrum Apostolum, ut à vulnere sanaret. Parum est; venit B. V. Maria, cum suo Infante, & abstulit ab illo omnem sensum libidinis, qui favor vix factus alicui, qui consenuit in sanctitate. Senex in eremo Hieronymus lamentatur, videri sibi se choris puellarum interesse. Narrat Augustinus multos aliàs Sanctissimos in hoc visco hæsisse. Parum est, sæpius quàm quadragesies illi Christus apparuit: Idem illi visus in itinere dum iret Pataviam, visus dum navigaret in Cyprum, visus in terra sancta. Si parum hoc, dum it Romam, intravit in quandam desolatam Ecclesiam propè muros, ut oraret. Apparuit illi DEUS Pater, qui illum unice Filio crucem tenenti commendabat, ubi Filius dixit Ignatio: *Romæ vobis propitius ero.* Cum cruce Christus, quia solatiis hujus Religionis miscet cruces. Quid plùs favoris DEUS facere debuit? Fecit hoc, Spiritum S. Romæ, sicut olim in Apostolos, misit in specie ignis. Præterea quantam ejus curam gessit DEUS! Destituitur victu & domo Ignatius, & in

in publica jacet platea, excitatur coelesti voce Senator Taru-  
finus, & audit sibi imperari, surgat de lecto, etsi nox erat,  
quærat Ignatium, in domum suam recipiat. Quid quod DEUS  
injurias Ignatio illatas vindicabat? In navigatione ad Cy-  
prum constituerant nautæ Ignatium in deserto exponere sco-  
pulo, nunquam ob ventos adversos ad illum pervenire po-  
tuerunt. Dum rediret Ignatius è terra sancta, noluit Præfe-  
ctus navis recipere Ignatium in suam navim, periit cum na-  
vi, Ignatius verò lacerâ trajecit mare. Quidam cum stricto  
ense invadebat Ignatium, sed motum omnem perdidit. Al-  
calæ quidam asseruit Ignatium dignum igne, mox ipse periit.  
Cordubæ alter Ignatium submersione dignum, & ipse submer-  
sus. Quid verò è contra Ignatius? Orabat vehementer à DEO  
in præmium suorum laborum, ut illum omnes vivum con-  
temnerent, mortui obliviscerentur; è contra DEUS, cum  
secundò transferretur corpus Ignatii, stellas jussit comitari fe-  
retrum.

## De Eodem. CONCIO II.

*Dicite illis: Appropinquavit in vos regnum*

*DEI. Lucæ 10.*

**D**um imaginem hujus Sancti considero, miror cur non  
pingatur sicut S. Norbertus proculcans hæreses, nam  
& ipse protrivit. Cur non ut S. Bernardinus cum JESU no-  
mine, nam ab hoc nomine & religionem suam vocavit, &  
pro insigni illud accepit. Cur non ut S. Augustinus cum  
transfixo corde, & iste amavit DEUM. Cur non ut S. Mar-  
garitam tenentem in catena dæmonem, & iste mirum in dæ-

mones exercuit imperium. Cur non cum stellis quæ cum transferretur ejus corpus, supra comitari sunt visæ. Cur non cum Sanctissima Trinitate quæ illi se mirè explicuit; cur non cum B. Virgine quæ illi regulas dictavit; cum Spiritu S. qui in illum visibiliter descendit? Pingitur cum libro cui inscriptum: *Ad majorem DEI gloriam*, quia hæc verba totam ipsius sanctitatem explicant. In his appropinquavit in eum regnum DEI. Regnum Christi est quod quæsit. *Ego gloriam non quero, sed Patris. Gloriam DEI semper in ore habuerat, semper in omnibus quæsierat.* In hoc vita ejus conclusa, hæreses calcatae, nomen JESU gestatum, cor amore confixum, dæmones victi, hic stella, hic visiones. Hic sistamus.

Legimus in Genesi, *Benjamin lupus rapax.* Aug. serm. 14. *Hoc in Apostolo impletum est*, non in Beniamino, ad vespeream divideret escas. Hoc impletum cum Paulus portabat nomen JESU coram Gentibus. In Lusitania ac Indiis vocant socios JESU Apostolos, itaque multò magis caput eorum Ignatius dici debet Apostolus. Benjamin Ignatius, quia octavo genitus & inter suos fratres minimus. Omnis Biscaia seu Cantabrie nobilitas, è qua est Ignatius; habet lupum in stemmate licet situ vario. Primus de domo Loyola, cum suo vicino, deprehendit illum dormientem in sua camera pepercit illi, & solum ahenum, quod pro more illius loci in camino fuit appensum abstulit, & sic eum ad concordiam coëgit, quam ut partes firmarent, pro stemmate acceperunt duos lupos de illo aheno simul comedentes, mutatum hoc deinde stemma in illud quod gestat Austraca domus. Dividit escas vespere Ignatius; esca quomodo de Paulo prolata conveniunt Ignatio? Esca est, 1. Cor. 10. *Omnia ad DEI gloriam facite.* 1. Ephes. *In laudem gloriæ ejus.* Philip. 2. *Ad gloriam & laudem DEI, &c.* Hanc eandem dividit Ignatius.



Omnes qui Apocalypsim rimantur, agnoscunt quod in illa sit historia status Ecclesiae, ibi descriptae persecutiones, incrementa, &c. atque etiam futurae religiones. Mulier sedens in solitudinem notat Benedictinos: Angelus spargens carbones, Ordinem Prædicatorum: Angelus clamans voce magnâ, ne quatuor Angeli noceant &c. Franciscanos; & sic de aliis. S. Franciscus enim cum S. Dominico mundum, ne lanceis Christi periret, conservârunt. Angelus qui uno pede stetit in mare, altero in terra, videtur designasse Societatem & ejus Fundatorem. *Ethnicæ superstitioni trans mare, hæresisque in terra bellum indixit, ab ipso templorum nitor, Catechismi traditio, Sacramentorum frequentia, &c.* Unde Baron. vocavit Societatem *Anastasiâ*, id est, resurrectionem. Patuit hoc statim in Baptismo Ignatii, cum paternum illi nomen imponeretur Beltramus, ut scribit Melchior de la Corda, quo infans exclamavit. *Ignatius est nomen meum*, quasi diceret. Ego alter Ignatius S. Petri, *nihil de his quæ videntur, desiderans ut JESVM CHRISTVM inveniam.* Ego Ignatius in cujus corde nomen JESU erit, sicut in illius. Ego Petri discipulus, ille me Pampeleonæ vulneratum sanabit, & viam Domini docebit. *Ego cum leonibus & leopardis pugnabo; ego ero triticum Christi quo pascatur mundus, pugnandum mihi erit cum bestiis, quibus & cum benefeceris peiores fiunt.* Proinde ut has dividat escas, jam vir inter pueros discit Grammaticam: edocetur in raptu Manresano ut Paulus. Castigat corpus ut Paulus. Anathema optat esse pro fratribus ut Paulus. Audivimus nonnullos qui pro seipsis nives, aquas gelidas ingressi, fecit hoc Bernardus, Cutbertus, Henricus, Petrus Damiani, sed qui pro altero fecerit, non legi. Ignatius omnes, ut est natura ignis, in sui conabatur similes convertere. Fuit Parisiis juvenis lasciviâ notus, laborabat Ignatius variis modis, ut eum à turpi revocaret

vitâ, non profuit; observavit ergo viam ille quâ itutus erat ad mulierculam, lacus fuit propè & gelu acre, infiliens in lacum Ignatius coepit clamare: Vide miser, vade, ego de lacu non exhibo & pro te me cruciabo, neque exhibo dum te videbo hâc euntem; vicit Juvenem. Vocabant ob magnas conversiones quas faciebat, incantatorem cordium, & propterea Barcellonæ, Alcalæ, Salmanticæ, Parisiis, Venetiis, Romæ examinatus, & cum laude factus liber. Infamabatur calumniis, irridebatur, ad carceres rapiebatur, catenas sustinebat propter suum zelum; & quia sicut dixit S. Hieron. *Illud verum est testimonium, quod ab inimici voce profertur.* Testatus dæmon non semel se in mundo graviorem Ignatio non habere inimicum, & tamen tunc vivebant aliquot Sancti.

Paulus non ab homine accepit Evangelium, & Ignatius; sed quia mirè occultabat, non multa scire possumus; concrediderat suo Confessario aliqua, sed postquam intellexit hunc optare, ut sibi aliquantum superviveret, quò ea quæ audivit ab Ignatio posset edicere, & Confessarium Ignatius statim mutavit, & Confessarius mortuus antequam Ignatius. Concionabatur subinde semimortuus in campo, & ad trecentos passus audiebatur. S. Carolus Borromæus ex illius exercitiis initium sanctitatis sumpsit. S. Philippus Neri suum donum contemplationis profitebatur se ab Ignatio accepisse. S. Franciscus Xaverius adhuc viventem appellabat Sanctum, & flexo genu illi scribebat. Summi Pontifices, Paulus tertius, Julius tertius, Paulus quartus, Marcellus secundus, non alio nomine quàm Sancti vivum adhuc vocabant. Joannes tertius Rex Portugalliæ procurabat, ut Ignatius in Summum Pontificem assumeretur. Concil. Tarraconense. *Ignatium singulari providentiâ DEVS dedit his temporibus Ecclesiæ, ut tanquam Atlas geminis humeris doctrinæ & pietatis Ecclesiam sustentaret.* Sustinet tanquam  
Paulus

Paulus', omnibus factus debitor sapientibus & insipientibus : tam pueris quàm doctis. Dum Calari vespere tormenta bellica exploderentur, accepto nuncio de ejus festi institutione, quòd adhuc plebi ignotum erat, scribit Escobus pag. 273. mirantibus hanc explosionem, infantulus clarâ voce dixit : *Crastinâ die festum S. Ignatii celebrabitur*. Debitor sapientibus & insipientibus. Ethnicis, voto se obstrinxit ad conversionem Turcarum, & propterea in terra sancta peregrinatus. Judæis, erat quidam obstinatus Isaac, hoc solo dicto eum convertit. *Isaac mane nobiscum*. Inimicis, furatus illi quidam pecuniolam quam habuit in necessaria studiorum, & cum ea Rotomagum profugit, ibique in morbum lapsus, ubi id cognovit Ignatius, pedes absque cibo ad eum cucurrit, ut subveniret : uno verbo ut processus Canonizationis loquitur. *Omnes suas cogitationes, verba, opera in DEVM tanquam finem referebat, ad DEVM, ad DEI gloriam, honoremque destinabat*. Ut verò fructus Ignatii melius videamus locum Ezech. i. consideremus. *Vidi, & ecce ventus turbinis veniebat ab Aquilone*. Lutherus & alii & *nubes magna, & nubes involvens, & splendor in circuitu ejus & de medio ejus quasi species electri*. Hebraica versio, *Quasi species Chasmal*, hæc vox nihil significat, ita labores Ignatii videntur quibusdam nulli. Non apparet nempe qualis fuerit ager in quo jam post laborem crevit triticum. Sed lege eam retrorsum, significabit Christum. Vide quid ante Ignatium fuerit in templis, scholis, domibus, foris, &c. Ecce videbis in medio nubis hæresim involuentis Christum advectum, videbis in circuitu splendorem in templis, &c. Videbis ignem, hujus globus supra caput Ignatii faern. cantis, aliquando apparuit; sed & ipse cum mitteret in Indias Xaverium ac alios, dicebat. *Incute omnia incendite, ac inflammate*. Ecce nubes involvens.

Illud hic omittere non possum quod solatio omnibus  
circa



circa animas laborantibus esse potest. Cum Ignatius Romam irer, apparuit illi Christus cum spinea corona & cruce jam utique Christus impatibilis, quid spinæ, quid crux? Multa erat passurus Romæ Ignatius, Christus videtur suscipere ejus in se spinas & crucem, non tibi sed mihi ista inferentur, ego patiar non tu; ita cum Saulus Christianos persequeretur, Christus illi. *Saule quid me persequeris?* Fuit in arce Xaver. crucifixi effigies, hæc sudabat quoties Xaverius affligeretur in Indiis. Raptabatur Ignatius à Turca in terra sancta, & Christus se illi ostendit ligatus ad columnam. Hos operarios circa animas ut confortem claudio verbis Gregorii quæ scripsit S. Vilibaldo Episcopo, & illa recitat Lipomanus. *Toc damnatorum poenas sustinebat, quot animas neglexerit quis lucrari pretextu privata quietis.* Optabat Ignatius salutis propriæ incertus vivere potius quam ad coelum ire, ut animas juvaret.

### In Festo S. Ignatii. CONCIO III.

*Misit eos in omnem civitatem. Lucae 10.*

**A**Periebantur sigilla septem in Apoc. per hæc interpretes intelligunt septem majores Religiones, sive per totum orbem diffusas, ut per sextum sigillum intelligam Societatem JESU, adducit me ad hoc prophetia Joachimi Abbatis, qui multò ante Societatem vixit, ita ille parte 1. Apoc. 6. *Ordo quem de nomine JESU initiandum in tempore sexto datum est illi perfecte imitari filium hominis, datum est illi habere linguam eruditam in Evangelio.* De nomine JESU, sæculo sexto, id est mundi sexto millenario, &c. Sexta Religio universalis, sexta Regula, vestis nigra, & per cilicium notatur prædicatio poeniten-

nitentiæ ; Hoc præcipue concessit Ignatio. Videamus quomodo misit illum Dominus , & ipse ivit.

Ita mittit Christus discipulos ut Sol radios , quos etiam Solem dicimus. *Ego sum lux mundi*, id est Sol. *Vos estis lux mundi*. Jam hic modus loquendi, in lege veteri fuit in usu. De Simone filio Oniæ, Eccl. 15. *Quasi Sol refulgens sic ille effulsit in domo DEI*. Rationem dat S. Greg. 11. Moral. 3. *Ut Sol oculis nostris sunt, qui contemplationem nobis veræ lucis aperiunt*. Sed aperto sigillo Apoc. priusquam Sol appareret vestitus cilicium factus est terræ motus ; contremuit camera in qua ex Pampe-lonensi decumbebat Ignatius, ubi coepit de conversione cogitare, fit motus populi, dum illum conspiciunt in veste mendici, dum inter pueros Grammaticæ studentem. Induitur jam Sol cilicio in specu Manresano ; patitur deinde vincula & verbera. Elucet deinde, cum sæpè illum B. Virgo adit, regulas scribenti assistit, cum Spiritus S. in specie ignis descendit, cum illi tum aliàs tum in Eucharistia Christus se ostendit, cum DEUS Pater illum recommendat Filio, cum se SS. Trinitati exhibet. Incipit hic Sol illuminare ab Oriente, vadit in Palæstinam, inde pergit ad occidentem in Hispaniam, mittit radios in Aquilonem quem hæresis obscurabat. Tunc planè factum est quod vidit Jer. 1. *Ollam succensam ego video, & locum ejus à facie Aquilonis*. Procedebat Lutherus veluti olla tollendo jejunia, & quod sequitur, carnis licentiam inducendo, procedebat velut olla incensa tot bella miscendo. In olla bulliente aqua sursum deorsum movetur ; ita & tunc fiebat, omnia sacra profana & profana sacra. Laici prædicabant, sacra administrabant, Sacerdotes rejiciebantur. Et statim Jer. ibid. è contrà : *Virgam vigilantem ego video*. Per virgam cum oculo, scilicet vigilantem, Sol notabatur in Ægyptiis Hieroglyphicis. Macrob. lib. 1. c. 21. Hic

Sol Ignatius oppositus ollæ succensæ ; Illa ardet , hic lumen amplissimum spargit ; illa urit, iste illuminat ; illa tandem extinguetur, hic semper lucebit. Radii Solis hujus novem, focii primi novem. Petrus Faber mittitur à Paulo tertio Theologus Sedis Apostolicæ ad Concil. Trident. Jacobus Laynez qui in eodem Concilio velut oraculum audiebatur. Claudius Jajus qui sæpè cum hæreticis confligit Ratisbonæ , Augustæ , Ingolstadtii, Viennæ, Vormitiæ, passim vocatus Angelus & Apostolus. Quid Francisc. Xaverius ? Nicol. Bobadilla zeli Apostolici, Paschasius Broëtus destinatus Patriarcha Æthiopiarum, Nuncius Pauli tertii in Hiberniam, Joannes Codurius Confessarius Margaritæ filiæ Caroli V. cujus animam vidit S. Ignatius inter choros Angelorum ; Alphonsus Salmeron scriptis notissimus. Laynez ita æstinatus , ut cùm in morbum incidisset tempore Concilii, substituerit Concilium donec convalesceret ; supra ejus caput, dicitur, sæpè columba est visa. Simon Rodriguez Indorum seminaria erexit, & multa patravit, ut historia narrat, miraculosa. Per hos radios Ignatius reduxit. Eccl. 42. *Sol illuminans per omnia respexit, & gloriâ Domini plenum est opus ejus.* Jeremias ait : Virgam video, fortè virgam Moyfis. In virga Moyfis fuit insculptum nomen DEI, ut Cornel. in Exod. 4. vers. 25. inde robur sumebat. In Societate insculptum nomen IESU. *Ne despicias illam, nomen meum in illa est.* Illuminavit hic Sol omnes : Catholicos, hæreticos, Judæos, Ethnicos, pueros. Illuminavit omni modo : calamo, voce, confessionibus, concionibus, missionibus, scholis, &c. Omni loco : in templis, plateis, carceribus, nosocomiis, &c. Omni auxilio : Congregationibus Studioforum, colloquiis, &c. Omni scientiâ, lingua ; omnes terras, &c. ut de Sole dictum : *Non est qui se abscondat à calore ejus, per S. exercitia, documenta, monita, &c.*

Demum



Demum iste Sol ubi ad Occasum perrexit, coeleste auditum melos, & stellæ supra funus apparuerunt; tum jam in miraculis veluti stellis Solare lumen resplendere. Sunt etiam de die stellæ, sed non apparent; faciebat vivus miracula, sed ita occultabat, ut solum sciri poterit suspensum, per illum ad vitam revocatum. Aridam manum mulieris sanata, viri unius exustam manum verbo curatam, aliquos epilepticos aut febris pestifera correptos ejus ope sanos evasisse, ipsum simul Romæ & Coloniz visum. Sed post Solis occasum plenum spectatur stellis cœlum; plenus orbis Ignatii miraculis, de illius chartacea imagine fluit sanguis in Sicilia, illius imagines certissime spectra e domibus pellunt. Reliquiæ puerperas nunquam fallunt in difficili partu. Quinquies Pater Ave dictum in memoriam quinque sensuum, in quibus fuit ille, scil. Miles, poenitens, peregrinus, Studiosus, Religiosus impetrant omnia quæ sunt e salute alicujus. Aqua Ignatiana quam potens contra lemures? Ille paulò post mortem apparet ad Genuam puellæ, & liberat à naufragio. Ille in sylva Petuana juveni & tutum facit à latronibus; ille in civitate Leucensi conspicitur à moribunda & sanat. Ille in Archiepiscopatu Toletano afflictam virginem consolatur. Ille conspicuus in Monasterio Macerateni Monialem morti eripit. Ille visibilis in Pedemontio reddit sanum filium matri. Ille in Vasconia inimicum Societatis suæ arguit. Ille Florentiæ se videndum præbet, & Nobilem tam quoad res ejus quam quoad personam ab incendio eripit. Ille Munebergæ & Manresæ duos infantes mortuos vitæ reddit. Ille in Hispania, in loco Pardos, puellam duodecim annorum à morte resuscitat. Ille Ferrariæ, dum lapsu ex alta fenestra in terram elisus fuisset infans, sanum reponit in eadem fenestra. Ille cogit demones, ut reddant duabus juvenibus syngraphas quas miseri

supra animam dederant. Dies deficeret, si vellem omnia numerare; facit prodigia quotidie magnitudine admirabilia, numero copiosissima. Ita missus à Christo in mundum. Ignatius ivit, etsi etiamnum tum in suis filiis, tum in miraculis ire non desinat.

## De Eodem. CONCIO IV.

*Designavit Dominus & alios. Lucæ 10.*

**V**idit S. Petrus Act. 10. tribus vicibus de cœlo plenum vas animalibus demitti. Per animalia certum est designari Gentes; per initia quatuor. Glossa vult quatuor Fundatores Ordinum: Augustinum, Benedictum, Dominicum, Franciscum. Ubinam S. Ignatium statuam? Sequar Concil. Tarraconense habitum anno 1612, hoc mihi locum indicat his verbis, ut referunt in Imagine Soc. lib. 5. cap. 1. Ignatius Angelus Apocalypticus est, de quo Apoc. 10. *Vidi Angelum fortem descendentem de cœlo, amictum nube, & iris in capite ejus, & facies ejus erat ut Sol, & pedes ejus ut columnæ nubis, & habebat in manu sua libellum apertum, & posuit pedem suum dextrum super mare, sinistrum autem super terram, & clamavit voce magnâ quemadmodum cum leo rugit.* His verbis insistendo fortè circa illud vas Petri locum Ignatioreperiam; nam *designavit Dominus & alios.*

*Vidi Angelum.* Coelibes inter Angelos numerari, patet ex Tertull. lib. 1. ad Uxorem. *In terris non nubendo de familia Angelica deputantur.* Et Fabianus libro 1. cap. 9. *Celibes quasi cœlices dictos.* Sic patet Ignatium debere dici Angelum; Fortem verò, quia nullis adversitatibus cessit. Imag. lib. 5. c. 1. Gaspar Quiroga Archiep. Tolet. negat Sanctum fuisse ullis perturbationibus obnoxium. Cogitabat aliquando Sanctus, quid.

quid se posset turbare, venit in mentem, si Ordo suus dissiparetur, tamen adjecit se intra quartam hanc partem animam compositurum. Non etiam motus favore, nam illum Joani. III. Rex Lusit. alterum Petrum vocabat. Imag. l. c. ipse se despiciebat.

*Vidi Angelum descendente de caelo.* Descenderunt de coelo quatuor vasis initia, id est quatuor Fundatores, quidni & Ignatius? Audite quid de illo Petri successores? Marcellus II. vocat eum *DEI instrumentum velociter operantis*. Urbanus VIII. *Ducem & Atlantem Ecclesiae*. Coram Greg. XV. à Cardin. Francider. asseritur *opus esse Providentiae Divinae*; quod ut Athanasium, Basilium, Hieron. & August. Dominicum & Franciscum contra haeceses hodiernas excitavit cum legione fortissima. Gabriel Cardon. Paleottus, *Lumen Ecclesiae*, quo revivisceret Ecclesiae disciplina. Ludov. Cardin. Ludovisius vocat *totum orbis thesaurum*, ista ex Actu Canoniz. fol. 3. Igitur debet habere Ignatius inter illos Fundatores locum. Et ut de coelo descendat, ad octiduum rapitur in extasim, ibi ut Paulus edoctus quod deinde traderet. Jo. Vega Prorex Siciliae Ignatium vocat *eiusmodi esse Ducem, cujus signa in caelo cum Domini & Francisci trophaeis sunt constituta*. Imag. l. c. Angelus est qui Loth de Sodomis eduxit, Genes. 19. quia ut ille non sensit ignem; etsi non ut Franciscus immerferit se nivibus; non ut Benedictus spinis, non stagno gelido ut Bernardus. Hieronymum in solitudine choreae Romanae vexarunt, Augustinum antiquae amicae laceraverunt. Senex Nazianzenus plorat quod uratur. Ignatius statim post conversionem hoc obtinet, quod Tertull. de Resurrect. in coelo futurum promissit: *In regno DEI erit caro reformata & Angelificata*. Ille Angelus eduxit Loth per manum. Ignatius vocat illum juvenem, pro quo se merfit in lacu Parisiensi. Clem. Alexand. libro 1.



Stromatum : *Angelicae virtutis est juvare sive per manum, sive per linguam.* Et cum factum est quod Chrysost. in Act. 2. dicit de Pauli labiis. *Lutum in us (corpus) otiabatur, ignis loquebatur.*

*Vidi Angelum fortem.* Cypr. de bono pudicitiae. *Nulla major victoria, quam quae de cupiditatibus refertur.* Cupiditas carnis quomodo statim ab Ignatio victa; Cupiditas vindictae & irae quae ad irascibilem appetitum spectat, sicut prior ad concupiscibilem, pariter victa, quae non minus difficilis ac prior; nam ut August. *Ira sua nulli videtur injusta.* Hanc in dolo fervidus ita vicit Sanctus, ut à Medicis judicatus fuerit frigidus. Per triginta annos post conversionem verbo neminem laesit. Quanta passus! 2. Reg. 14. *Sicut est Angelus DEI Dominus meus Rex, ut nec benedictione, nec maledictione moveatur.* In his omnibus talis est Angelus Ignatius.

*Nube vestitum.* Ex hac nube continui lacrymarum imbres, ut Medici oculis ejus metuerent nubes, post cujus pluviam tot manipuli frugum sacrarum creverunt. Quidquid per filios ejus actum, isti nubi debetur. *Iris in capite ejus.* Signum pacis. Iris in capite ejus; Societas de illius capite nata. *Facies ejus erat ut Sol.* Omnia pro DEI gloria; omnia gratis. Lactantius instituit. l. 3. *Nec aquam neque Solem vendimus.* *Facies ut Sol,* quia Societas JESU. Similis est Angelo illi, de quo DEUS. *Observa, & audi vocem ejus; est enim nomen meum in illo.* Sed ulterius. *Pedes ejus ut columbae.* Fundat Religionem in obedientia Summi Pontificis. Psalm. 17. *Ponit pedes meos quasi cervorum ad exequendum sua mandata.* Unde Marcellus II. fertur dixisse: *Eja Ignati, tu milites collige, nos iis utemur.* Similis in hoc illi Angelo, de quo Zachar. 1. qui equo insidens rufus stabat inter myrteta, & post se ducebat exercitum equitum, rubris, & albis, & variis equis insidentium. S. Hieron. & alii passim,

passim, per primum Angelum intelligunt S. Michaëlem, per alios regnorum præfides. In rubro equo Michaël, quia tum Synagoga fuit in captivitate Babilonica: stat inter myrteta, quia promittit felicia, quod factum est cum Esther nupsit Ahihero, quia myrthus est arbor nuptialis. Stetit Ignatius inter myrtheta clamans: *Ecce sponsus venit, exite: illi obviam sequitur exercitus variorum, qui sunt conversi. Nube fuit amictus ille Angelus, Apocal. Nubes est symbolum Apostolorum, ita Isai 60. intelligunt. Aug. Hieron. Qui sunt isti qui volant ut nubes? Aug. in Ps. 96. Videntur nubes, & contemnuntur antequam de illis exiliat quod mireris. Vita est communis, nihil singulare in victu, vestitu, templo. Hinc cuidam Eremitæ Sancto, ut scribit Andr. Luc. in vita S. Ignatii, vilis orta opinio de S. Ignatio; sed DEUS oranti Eremitæ. *Iste quem tu contemnis eo quod nihil auferum ac triste in exteriori ejus specie observes, vas est mihi electionis ad salutem multorum, Apostolico spiritu plenum. Hoc est quod Greg. 10. Moral. 16. Sæpe electus à cunctis despicibilis cernitur; sed tamen ante oculos occulti Judicis virtutibus emicat. Unde enim hoc proveniret nisi ex magna virtute, Sordet mihi terra?* Franc. Xaverius ejus nomine scripto patrabat miracula. S. Carolus Borromeus ex ipsius exercitiis initia Sanctitatis sumpsit. Magdalena de Pazzis, &c.*

*Habebar libellum in manu sua. Video Sanctum sub Pampelona læsum, cum libro in manu, de quo meliorem vitam incepit. Ibi factum quod Nazianz. de laud. Basil. Cum Martyrum encomia lego, corpus aspernor. Video librum nostrarum constitutionum, de quo ipsemet Sanctus, ut scribit Palma in Exerc. die 8. Cum illum scriberem, sæpe ad me venerunt JESUS & Maria. Hic est liber qui à Cardinalibus examinatus, in nullo correctus, de hoc Pontifex: Digitus DEI hic est. Video librum Exercitiorum quem initio conversionis conscripsit, hic primos de-*  
cem

cem socios peperit. Hunc libellum Ludov. Strada, Ord. S. Francisc. vocat *Tyrociniū toti humano generi institutum*. Hunc Ludov. Granatensis Ord. Prædic. *divinum* appellat. Hunc Martialis Doctor Sorbonicus dum gustasset, laboravit ut Sanctus Doctoratu Theologiæ ornaretur, eò quòd diceret, altitudinem scientiæ, praxim virtutum; nullis è libris, scholis, templis se tantam hausisse. Hic in omnes versus linguas. *Clamavit voce magnâ, quemadmodum cum leo rugit; & elevavit manum, & juravit, quia tempus non erit amplius, & septem tonitrua exiguilârunt, & locuta sunt.* Omnes consentiant quòd hic Angelus poenitentiam prædicet. Rugit, ut in gemitu cordis rugiant; elevat manus, ut DEUM offensum placent. Tempus non erit, igitur hoc modico quod habemus, bene utendum. Ignatius aperit finem propter quem homo creatus. Edicta sunt media ad hunc finem. Respicite, non erit tempus. Ita epist. de perfectione. *Si mentis oculos in gloria æternæ præmii mercedemque jaciamus, nullo negotio nobis illud Apostoli in animum inducemus. Non sunt condigne passionis hujus temporis, &c.* Cum igitur nos adversitas premit, dicamus: Momentaneum quod affligit, æternum quod delectat, &c.

Sed quo loco, ad quod initium vasis, de quo in Actis Apost. collocabimus Sanctum. Angelus est, loco non circumscriptur, & ut S. Th. *Ibi est Angelus, ubi operatur.* Benedictus tenet initium unum, id est, altitudinem contemplationis: Augustinus ardorem claritatis, tubam Verbi Divini Dominicus: Paupertatis murum Franciscus; at Ignatius ibi est ubi operatur, aperit contemptions in Exercitiis, &c. Tubam Verbi DEI tenet in prædicationibus. Ardorem charitatis circa pauperes & nosocomia, & pueros: paupertatem etsi ubique, præcipue in domibus professis.

In Festo



## In Festo S. Dominici. CONCIO.

*Vos estis lux Mundi. Matt. 5.*

**Q**uod Posidonius dixit de S. August. hoc meritò possum dicere de S. Dominico. *Si cuncta corporis mei membra verterentur in linguas, adhuc non essem dignus aut sufficiens ad laudandum tantum patrem.* Est Virgo, est Doctor, est Religiosus, est Patriarcha, Prædicator, Propheta, Martyr voluntate, &c. Solùm id assumam quod Sacerdos dixit loco, *Dominus vobiscum*, dum Missam celebraret, quam mater cum filio suo Dominico audiebat. *Ecce reparator mundi.* Sed hoc quoniam hoc tam sublime, ut Christo sit conveniens principaliter, est tam illustre ut oculos perstringat, utar cæcorum industriâ, illi permittunt se à caniculo duci, & ego pro duce assumam castellum faciem præferentem qui Sancto appingitur.

Christus D. cùm repareret mundum, præcipuè fecit, tenebrosa illustravit, Joan. 1. *Erat lux vera quæ illuminat omnem hominem in hunc mundum venientem.* Et frigentia calefecit, inflammavit. *Ignem veni mittere in terram, & quid volo nisi ut accendatur?* Ad eadem me docuit Catellus S. Dominici faciem ore tenens, quæ simul & illuminat & accendit mundum. Sicut noctu dum sunt tenebræ, nec fossas ante nos videmus, nec montes, &c. Idem fit dum intellectus obscuratur & tenebrescit, putat se apprehendere verum & ecce falsum, DEUM & ecce idolum. Quæruni beatitudinem homines, & incidunt in honorem, voluptatem, & putant veram beatitudinem. *In tenebris ambulant*, perveniunt ad fossas, præcipitia. Invenit Sanctus ejusmodi tenebras, & tantas quidem ut mun-

dus periisset, nisi ille cum S. Francisco illuminavisset: & ad hoc fundavit Religionem Prædicatorum, seu mundi Magistrorum, quia etiam hoc modo Christus illuminavit per Apostolos. *Vos estis lux mundi.* S. Th. in 2. 2. quæst. 88. art. 4. ad 3. docet, quòd Apostoli relinquentes omnia propter Christum, voverunt pertinentia ad perfectionis statum. Igitur voverunt paupertatem, castitatem, & obedientiam; atque veri fuerunt Religiosi. Et cum dixit, *Prædicate omni creaturæ*: erexit Ordinem Prædicatorum. Inde visus est Sanctus habens in fronte stellam quæ totum illustrabat mundum. Peccabant atque si DEUM supra se non viderent, plenæ domus erant luxuriâ, usura exercebatur veluti non esset peccatum, sed industria. Simonia frequens fuit, & putabant se rectè obtinere beneficia, nec ad restitutionem obligari. Jejunia pro nihilo erant, vindicta pro generositate ducebatur, ebrietas erat civilitas. Ecclesiasticos redditus defraudare, justitia & cura conservandæ patriæ. Propter hoc jam Christus vibrabat tres lanceas quibus mundum confoderet, sicut Joab Absalonem. Illustravit S. Dominicus, & ostendit, quòd usura sit usura, Simonia sit Simonia, &c. Et hoc est quod vidit Innocentius III. Papa, ruentem scilicet Ecclesiam Lateranensem, & Dominicum illi humeros supponentem. Hoc est, quòd dum fuisset ingressus Romæ Ecclesiam S. Petri. S. Paulus illi comparando librum dedit. *Vade & concionare, nam ad hoc ministerium divinitus es electus.* Præter tenebras in moribus fuerunt tenebræ in fide. Albingenses hæretici fidei lumen locis multis extinxerant, illustravit Sanctus, nam ut S. Antoninus in vita S. Catharinæ, ultra centum millia illorum convertit, & ut omnes illustraret adhibuit ignem. Nam cum Tolossæ disputantis argumentis per meram obstinationem non cederent:

pro-

projiciam meos ego, inquit, & vos projicite libros vestros in ignem, & illius valeant argumenta, cujus libri manserunt incolumes; Manserunt Dominici. Alterâ vice ut illos illustraret, misit iisdem libros quos legerent, projecerunt libros in ignem, sed ignis non læsit libros. Cùm hanc lucem igni non possent vincere hæretici, confugerunt ad aquam; sed lux aquis non superatur. Libros Sancti projecerunt: sed post triduum & ficci, & non dissoluti sunt reperti. Bzovius, Anno 1204.

Altera pars reparationis mundi consistit in calefactione. Refruxerat charitas in mundo antequam Christus venisset, misit Spiritum S. in specie ignis ut illam accenderet. Refruxit etiam tempore Sancti, & hic ad ignem recurrit, charitate suâ charitatem accendit. Charitas DEI consistit in præceptorum observatione. *Si diligitis me, mandata mea servate.* Erat in mundo superbia, & charitatem congelabat, ille adhuc unius anni infans in domo nobilissima natus, ad accendendam humilitatem frequenter in terra egit noctem: violabatur lex jejunii, ipse decennio abstinuit à vino, & jejunabat sæpè in pane & aqua. Violabatur lex de succurrendo in necessitate proximis, ille accendit suo exemplo, Valentia dum esset, supellectilem, etiam libros vendidit, & pecuniam distribuit inter pauperes: secuti exemplum divites coeperunt esse liberaliores. Violabatur de parcendo inimicis, ille dum in civitate Gargafona prædicaret, convitiis, luto, impetitus, libenter ignovit. Negligebatur poenitentia, ille ter in die flagellabat se catenâ ferreâ. Instituerat Romæ Capitulum Fratrum, tanta erat paupertas, ut nihil esset quod in cibo apponeretur, ut doceret in Domino sperare; jubet instrui mensas, & ecce, afferunt Angeli cibos: deerat vinum, jubet Fratrem nihilominus promere, reperiuntur omnia plena vino.



Fuerunt aliqui ita obstinati in odiis, ut nec moriendo illa vel-  
lent remittere, ille ante mortem suos osculatus Fratres. Fuit  
negligentia in fide defendenda, ille, cum prodissent hæretici  
cum centum millibus armatorum in campum, assumptis cum  
Simone Monfortio bis mille Catholicis ita fortiter egit, ut vi-  
ginti millia ceciderint hæreticorum. Et iste est modus præ-  
stantissimus charitatem accendendi dare exempla charitatis.  
Abundabat Sanctus unâ planè Divinâ eloquentia, sed sem-  
per exempla fortius movent quàm verba. Basil. Constit. cap.  
22. *Qui pervertit exemplo alios, ad imitationem flagitiorum infligit.*  
Similiter qui exemplo ad bonum incitat, infligit. Ostendit  
manus & pedes suos Christus discipulis, tandem postea mi-  
tit ad prædicationem. De Concionibus Sancti illud solum  
dicam: *Erant verba ejus facula ardens.* Nullum cor ita durum  
quod non emolliverit, nullum ita frigidum quod non calefe-  
cerit, ita congelatum quod non solverit. Ingens hujus rei copia  
est exemplorum. Hinc jam intelligere possumus quid sibi ve-  
lit Brixienfis Episcopi visio dum S. Dominicus moreretur.  
Vidit ille duas scalas ad coelum pertingentes, unius caput te-  
nebat Christus, alterius B. Virgo, & Sanctus coelum aureâ  
coronâ intrabat coronatus. Dixerat olim S. Paulus de suis  
discipulis. *Vos estis corona mea.* Corona S. Dominici quàm pre-  
tiosa Hyacinthus, Antoninus, Vincentius, Thomas de A-  
quino, Raymundus, Albertus Magnus, Petrus Martyr, &c.  
Catharina Senensis, Rosa Peruana, &c. Aurea corona quia  
plena charitatis, quam S. Scriptura vocat aurum; fulgentissi-  
ma, quia radiis ejus lucet orbis. Duplex scala est, non tan-  
tùm ideo quia Ordo S. Dominici vitam & contemplativam  
& activam continet; sed quia partim more sui Patris orbem  
illuminat, partim accendit. Hic hæreses, hic Ethnicismum,  
hic Judaismum, ut tenebras pellit; hic Fidei Sanctæ affidet,

ne aliquando *lumen fiat tenebra*. Ab altera parte exemplis & verbo frigescentem mundum inflamat. Sunt ad capita scalarum Christus & B. Virgo, quia dum verè imitatur Christum in illuminando, B. Virginis cultum acerrimè promovet. Verè *lucerna ardens & lucens*.

## In Dedicatione B. M. ad Nives. CONCIO.

*Beatus venter qui te portavit; Beata ubera quæ te lactaverunt. Lucæ II.*

**Q**uæcunque hæc fuerit mulier quæ ista dixit, fuisse putant Marcellam Magdalenæ pedissequam, & fortissima & sapientissima fuit. Fortitudo patet, quia cum Sacerdotes Judæorum detraherent Christo, & qui inter eos videbantur sanctiores, videlicet Pharisei, veneficum appellabant, in *Beelzebub ejicit demonia*, sese opposuit. Sapientia patet, quia futuri erant hæretici prodromi Antichristi, qui & Christum & Matrem ejus erant blasphematuri; hoc enim futurum scribit Apoc. 12. *Blasphemavit nomen DEI & tabernaculum ejus*. Per tabernaculum S. Athanas. Methodius & alii, B. Virginem intelligunt, ita illis occurrit, & illa laudavit tali argumento B. Virginem ut omnia eorum solverit sophismata; relictâ interim fortitudine, videamus hoc argumentum.

Argumentum hoc est. *Beatus venter*, &c. quod ita se habet. *Beatiùs est dare, quàm accipere*, ut dixit Æterna Sapientia, Act. 20. Beata Virgo plurimum dedit Christo, cum esset Mater & Nutrix ejus, ut homo plus homini dare non possit, quia Mater dat esse filio; nutriendo verò, dat melius esse & conservat. DEUS verò liberalitate se vinci non patitur,

itaque dedit tantum quantum nemo dare matri vel educatrici potuit. Videamus quanta matribus boni filii fecerunt, quanta educatoribus itaque plus dedit, ac proinde gloria sua maximè implevit, super omnem creaturam exaltavit, sibi assidere fecit proximam, ejus verba pro plenâ autoritate habet, contra ejus voluntatem non facit, quantum exornare juxta statum ejus potuit, exornavit, potestatem suam illi communicavit, omnia obedienciæ illius subjecit, &c. &c. quia dicit DEUM esse beatiorem quàm creaturam; beatior verò, qui dat quàm qui accipit. Multò ergo plus illi dedit quàm illa ipsi, ut illius beatitudinem infinitè superant, infinitè & liberalitatem; itaque est Sanctissima, Beatissima, Regina Mundi; Regina Angelorum, &c. Et jam nihil contra hiscere potest vel Hæreticus, vel Antichristus. Superat igitur sapientia hujus mulieris, omnes laudatores Virginis qui laudant ex iis quæ B. Virgo accepit. Hic continetur laus Angeli, *Gratiâ plena*, hoc enim decuit ut Matri daret DEUS: continetur Elisabethæ, *Benedicta tu in mulieribus*; continetur alia quævis. Habuit hanc sapientiam S. Paulus; nam cùm laudarent illum, quia visiones, linguas, prophetiam, &c. habuit, quia Doctor Gentium esset; ille contrà. *Libenter gloriabor in infirmitatibus meis*. Laudes non curo; sed si laudandus essem, laudandus ab infirmitatibus, vinculis, contumeliis, verberibus, &c. quæ Christo dedi, cùm propter illum sustinuerim, inde enim quisque prudens inferret, quòd multò majora mihi DEUS reddiderit, quàm vos offeratis, cùm millies majora DEUS reddat quàm illi à Creatura dentur. Sed statim contra hunc meum discursum opponetis. Christus correxit mulierem cùm dixit. *Imò Beati qui audiunt verbum DEI & custodiunt illud*. Sed hoc discursum hætenus factum non destruit, imò ampliùs extendit. Si enim Beata est Virgo, & ad multam erga illam effudit



effudit se liberalitatem : quia ab ea carnem & lac accepit, quæ sunt res materiales : multò majora in eam contulit propter virtutes, quæ res sunt spirituales & in se digniores quæ sic in se considerata caro & lac. Inter has virtutes obedientia est tanta, ut de illa sit dictum. *Melior est obedientia quàm victima*, quia per victimas caro animalium datur DEO ; at per obedientiam anima hominis, imò pars animæ nobilissima, scil. voluntas. Mater mea perfectissimè mihi obedit, & verba mea custodit, propterea non solum dat mihi carnem suam & lac, sed jam animam ; quare si propter carnem & lac tanta illi dedi, quid non dabo propter datam mihi animam, cum & hoc ipsum quòd sit mea mater, quòd mihi carnem & lac dederit, contulerim ipsi propter hoc ; quia mihi suam antè dederat animam, suâ voluntate relicta meæ me conformando. *Fiat mihi secundum verbum tuum.* Et quia audit verba mea, novo modo efficitur Mater mea. *Qui facit voluntatem Patris mei, hic est Mater mea & fratres mei.* Mater mea, quia me in se gignit modo mystico, quo sensu dixit Paulus. *Filioli mei quos iterum parturio donec in vobis formetur Christus.* Nascitur enim & formatur Christus in auditore & factore Verbi DEI, & formatur ad justam staturam *Fratres* sunt, quia juvant Christum pugnantem contra hostem, dum ejus verbi complent opus. *Fratres* sunt, quia Christus ex DEO, & qui audit Verbum DEI, ex DEO est. Jam si B. Virgo novo modo est Mater & Soror Christi, & auxiliatrix, dat Christo de novo : & Christus dat illi de novo. Et hic iterum gratulemur illi. *Beatus venter, beata ubera.*

Inter dona quæ dedit Matri numero hodiernam nivem. At quale hoc munus. Non vilipendite priusquam explicem rei seriem. *Legatur historia ut est in Breviario.* An res parva naturas rerum mutare, nivem in magno æstu demittere

tere, in majori conservare, quid sibi velit per nivem explicare. Nivem dedit. Peccator David de se dicit. *Super nivem dealabor.* Matri suæ dedit peccatores ad dealbandum. O quot quantosque dealbavit, ad contritionem, poenitentiam, &c. adduxit. Cooperata es mihi Mater contra hostem dando velut cataphracturam, carnem in qua illum vincerem, & ego te faciam cooperatricem in conversione peccatorum, quod certè majus est quàm si illam assumpsisset in cooperatricem Creationis cœli. Dedit illi nivem, sed hoc significat potestatem extinguendi æstum libidinis. Dum Virgo B. viveret, nemo illam aspexit quin castus evaserit; nemo invocat modò, quin in hoc æstu sentiat refrigerium. *Vide Prophetissam nostram.* Dedit nivem, & hoc est signum quòd ad suæ sapientiæ mysteria admiserit, ad suos thesauros inspiciendos. Job. 33. *Nunquid ingressus es thesauros nivis?* In thesauris servat causas nivium, ventorum, & aliorum quæ in aëre nascuntur, causas ventorum veras ignoramus, probabiles conjicimus. Ps. 134. *Qui profert ventos de thesauris suis.* Illa dedit suum intellectum DEO. *Quomodo fiet istud? virum non cognosco.* *Fiat mihi secundum verbum tuum.* At ille dedit Sapientiam, ut sit Mater Sapientiæ, ut Albertos Magnos, Scotos, Hermannos, &c. pariat sapientes. Dedit nivem, ergo dedit potestatem regna defendendi eo modo quo ipse defendit per similia Meteora, 1. Reg. 12. &c. Et Exod. 9. & Psal. 104. & Josue 10. & Isai. 30. Dedit nivem, ergo ut nos vestiatur, tegatur. Ps. 147. *Qui dat nivem sicut lanam.* Nix tegit in terra omnes sordes, illa oratione suâ in peccatoribus. Dedit nivem, ergo illam fecit præsidium contra famem. Isai. 55. *Nix inebriat & infundit terram, & facit eam germinare.* Dedit nivem, ergo auxilium contra siccitates. Zach. 13. *Petite pluviam à Domino in tempore opportuno, & Dominus faciet nives; refrigerabit veluti nive potum, in æstu terram.*

ram. Et fiet, Prov. 25. *sicut frigus nivis in die messis.* Dedit alia innumera, & omnia in bonum nostrum. Sed ut de illis participemus, audiamus illius ipsius consilium. Eccl. 24. *Transite ad me omnes qui concupiscitis me, & à generationibus meis implemini.* Transite; ex indevotis fiat devoti ut ego, ex impuris casti ut ego, &c. *Transite ad me.* In necessitatibus vestris non ad mendacia, perjuria, maledicta, maleficia; sed ad me transite. *Implemini generationibus meis,* dabo vobis fructus quos percepi ex maternitate tam materiali quàm mystica.

## In Transfiguratione Domini. CONCIO.

*Transfiguratus est coram eis.* Matt. 17.

**P**lanè ita nobis accidit ut pueris famelicis & sitientibus, qui vilissima quæque vorant, atque etiam noxia. Pater ubi advertit, deducit illos ad bonum jentaculum, comedite antequam detur prandium. In hoc mundo famemus, inquietum cor nostrum, vertimus nos ad opes, honores, imò ad vindictam, &c. Christus hodie ducit in Thabor, ostendit bona corporis vera, quibus priusquam detur prandium bonorum animæ in coelo, accumbite, ego distribuam hoc jentaculum.

Prandium nostrum sive coena quæ per totam æternitatem durabit, à nobis intelligi multò minùs potest quàm dulcedo Musicæ à furdo percipi, nihil in intellectu quod non prius fuerit in sensu, nec in surdi aure Musica, nec in nostro oculo visio benefica DEI, tamen furdo solum deest naturalis auditus, nobis supernaturale lumen gloriæ veluti nova potentia addi debet. Illa beat animam quæ beatitudo etiam



in corpus redundat, & hujus effectus, id est, dotes corporis glorificati facilius in hac vita capere possumus; & instar jentaculi nobis Christus ostendit, ut interim illis nos solemur. Sunt verò tantæ, etsi respectu visionis DEI sunt minimæ, ut Petrus illis visis extra se quasi factus, & nesciens, an id diceret, voluerit tabernacula extruere, ut è spectaculo illarum nunquam abiret. Est enim illa satietas corporis quæ non timet famem, illa sanitas quæ morbum non timet, illa subtilitas quam carcer & vincula non concludunt. 3. Reg. 11. *Re-gnabis super omnia quæ desiderat anima tua.* Desiderabis pulchritudinem corpori, ecce habebis claritatem: desiderabis sanitatem, ecce est impatibile; desiderabis libertatem, ecce est subtile, omnia illi patent: desiderabis quò voles ire, videre, ecce agilitas. Has dotes corporis innuit nobis, 1. Cor. 15. *Seminatur cum terræ mandatur corpus nostrum in ignobilitate, corruptioni, obscuritati subiectum, surget in gloriâ, erit clarum incorruptibile. Seminatur in infirmitate, fatigatur ambulando, surget in virtute, cum habebit agilitatem. Seminatur animale, surget spirituale, cum veluti spiritus propter subtilitatem omnia penetrabit.* Et de claritate rursus Sap. 2. *Fulgebunt justii.*

Fulgebunt, ecce in Christo exemplum. *Facies ejus re-fulsit ut Sol.* Solè nihil pulchrius, hinc claritati adnectitur pulchritudo. Sol post finem mundi septuplò erit clarior; quanta erit pulchritudo? Philip. 3. *Reformabit corpus humilitatis nostræ, vilitatis, configuratum corpori claritatis suæ.* Ille speciosus formâ præ filiis hominum, & nos erimus, plus quam Jonathas aut Absalon. Exhibimus ex hac vilitate nostra sicut Asuveri sponsæ: & quia pulchritudo recreat videntem, inter cætera verò præmia erit, vidè corpus alterius gloriosum, tanta erit pulchritudo, ut eam videre sit magni alicujus laboris justum præmium.

animum. Et quia anima transibit quodammodo in similitudinem DEI, qui est fons omnis pulchritudinis, & mare, & ex quo omnia pulchra sumunt ut sint pulchra: corpus verò assimilabit se animæ. O quàm pulchrum erit! Lucent in hoc mundo iusti exemplis. Prov. 5. *Iustorum via sicut lux splendet, & crescit usque ad perfectam diem.* In terra splendet, ibi lucet ut perfecta dies, seu meridies. De agilitate August. 12. Civit. 30. *Ubi volet spiritus, protinus corpus erit;* quia quò sanius corpus velocius movetur, ibi erit sanissimum. Sap. 2. *Sicut scintille in arundine discurrent;* modò, corpus quod corrumpitur aggravat animam. Ezech. 1. *Animalia ibant in similitudinem fulguris.* Hieronymus in hunc locum. *Animalia quatuor sunt elementa, ex quibus componimur.* Jam ista currunt ut fulgur. Aderit subtilitas quâ omnia penetrabimus; & quia penetrabimus non solum corticem rerum, sed intima, etiam videbimus. Isai. 40. *Assument pennas ut aquile, volabunt, & non deficient.* Nihil erit quod volatum nostræ agilitatis possit sistere. Impassibilitas nihil adversi permittet sentire, etiam si per medium transiremus infernum. August. 13. Civit. 23. *Fiet spirituale corpus quia subdetur spiritui usque ad immortalitatem.* Quo modo subjicietur? quia vincet anima, & suas leges jubebit sequi; sicut vincit vinum generosum aquam sibi mixtam. Agilitas corporis major erit quàm sagittæ, imò quàm astrorum quæ una horâ millia miliarium percurrunt. Sicut modò ubi volumus statim sumus per imaginationem: ita tunc corpore. Subtilius erit quàm lux quæ vitrum, quia corpus gloriosum etiam metalla quævis transit, nullo claudi potest. Sicut Christus ad discipulos intravit per clausam januam. Impassibiles erimus, nec igne uri, neque gladio secari poterimus. Claritas tanta, ut si loco Solis poneremur, magis quàm Sol illuminaremus. Agilitas datur pro victoria acedix, impassibilitas pro patientia, sub-

tilitas pro abstinencia, charitas pro perseverantia in bono.

Sed quid nos juvabit ad has virtutes per quas dictas consequemur dotes. 1. Ascendamus in montem Thabor, Ps. 88. *Thabor & Hermon in nomine tuo exultabunt.* Hi duo montes junguntur cum monte Calvario, ut scribit Joseph. Consideremus quâ alacritate pro nobis in Calvaria Christus passus, nam & in Thabor hodie loquitur de excessu, & vincemus acediam, qui DEI excessus in amore, quis noster in peccatis? Ascendamus in montem, de monte non solum proxima, sed etiam remota videntur; non solum spectemus quod est, sed etiam quod erit. Ita Petrus fecit cum dixit: *Ecce reliquimus omnia quid erit nobis?* Prospiciamus quod præmium erit, quæ poena. 2. Cor. 4. *Non contemplantibus nobis quæ videntur, sed quæ non videntur, præsens seu est, momentaneum est; quod erit æternum est.* Divitiæ, Matth. 13. *fallaces*, 1. Tim. 6. *incerta*; Luc. 6. *inique*. Sic armabimur patientiâ. Sed quidam aspiciunt, *essent*. Laicus dicit, si essem Sacerdos, ita & ita viverem: Sacerdos, si essem Prælati: Miles, si essem Monachus. Fac hoc quod es, & spectata quid erit. Ascende in montem, & vide Moysen & Eliam, quid meruerint jejuniis dierum quadraginta, & voles esse abstinens. Ascende ad orandum, pete in bono perseverantiam. 1. Cor. 3. *Nos revelatâ facie gloriam Domini speculantes, in eandem gloriam transformamur.* Speculemur gloriam DEI, cum aspiciamus speculum, nostra est imago in speculo: sed cum DEUM, DEUS sit in nobis novo modo præsens, & nos ut domum suam exornat. Isai. 58. *Implevit splendoribus animam tuam quasi hortus irriguus.* Hinc de anima dici potest, Cant. 4. *Pulchra ut Luna.* Tamen pulchritudinem sumit à Sole Luna, & maxime in plenilunio pulchra, quia directè aspicit Solem. Sed plures sunt qui conscendunt non Thabor, sed montem Seir; volunt esse beati, sed



sed quasi joco, cum alia faciant omnia. Isai. 21. *Ad me clamas ex Seir. Custos quid nocte? Custos quid de nocte?* Sed quid lucrantur? *Dixit custos, venit mane, & nox.* Pro non feriis redduntur non feria, quis enim nescit quod post diem veniat nox? Id. circò ut ibid. *Si queritis, querite: convertimini & venite.* Jer. 14. *Homo de domo Israël, qui scandalum iniquitatis posuerit contra me, & venerit ad Prophetam non sincero corde, ut interroget me per eum. Propheta cum erraverit, ego Dominus decepi Prophetam illum.* Hinc fit ut DEUS permittat, ut nos nobis perversa dictamina formemus. Hoc non est peccatum. Sacerdotes exaggerunt infernum. Si eleemosynam dederò pauper evadam: si restituerò, filii mei mendicabunt, &c. Et ita ut est in Psal. *Ibunt in adinventionibus suis.*

## In Festo S. Laurentii. Mart. CONCIO.

*Nisi granum frumenti cadens in terram,  
&c. Joan. 12.*

**N**on est ambigendum quod Martyres sint grana. Nam S. Ignatius M. de se: *Frumentum Christi sum*, &c. Sed in terra non est seminatus S. Laurentius, verum in igne, quis fructus sperari potest? Tulit certè magnos fructus, quia illos deprædicant Itali: S. Leo, Maximus, Ambrosius, Africanus, S. Aug. Græci: Nazianz. Chrysost. Igitur cum granum frumenti non fructificet nisi in terra, ignis pro terra fuit Laurentio, de quo amplius dicam.

An ignis in terram verti possit, disputant Philosophi, Laurentio ignis est terra, quia ibi est terra viro forti ubi habet adversarium. Mater Sancti habuit nomen *Patientia*, ut scribit

Ribadeneira in vita S. Laur. Patientiæ filio ibi locus ubi maximè viget, nam quia piscis in aqua, avis in aëre, gramen in terra viget maximè, illorum locus proprius hæc sunt elementa, illis gaudent. Sanctus hic natus Cæsaraugustæ, factus Romæ Cardinalis. Seminatur a DEO in igne. Sap. 3. *Tanquam aurum in fornace probavit electos*, Job. 23. *Probavit me quasi aurum quod per ignem transit*. Ibi expertus quos ferat fructus. Cum apparuit in curru igneo Elias, tum Elisæo duplicem spiritum protulit. Ardebat jam antea interno igne Laurentius, *Dispersit, dedit pauperibus, &c.* Et factum est quod Isai. 58. *Anteibit faciem tuam misericordia, & colliget te gloria*. Misericors in pauperes ad gloriam transit. Ita in lege victimæ quæ in craticula uri debebant, ungebantur oleo, quod significat misericordiam. Ponitur ergo Sanctus in igne, & ut ille rubus Moyse DEUM profert. Cum nos afflictio corripit, lamentamur ut Rachel, quæ cum in doloribus parit filium, appellat filium doloris, id est, filium dexteræ. Gen. 35. Putamus quod ad sinistram simus, cum in calamitate vivimus, in dextra sumus. Benedictio datur nobis sicut à Josepho decussatis manibus, ubi putamus sinistram, ibi est dextra. Abac. 3. *Fluvios scindes terræ*. Hieron. explicat, scindit per terræ motum, & ecce fluvius qui erat supra terram, ad abyssum abijt, qui erat infra terram est supra, cum scindit DEUS fortunas, credimus perire, interea meliores emergunt.

Dispensabat opes S. Laurentius, nam cum S. Sixtus sive Xistus Papa cum eundo ad Concilium Toletanum transfret Cæsaraugustam, ob famam virtutum transtulit Romam, fecit Cardinalem Diaconum. Fuit tum Imperator Christianus Philippus, qui magnas contulit Ecclesiæ opes; sed ejus successor Decius hostis Christianorum, omnia eripere constituit, quod futurum prospiciens Sanctus, dispersit inter pauperes. *Bonum*

*opus*

opus operatus, &c. Emit cœlum sibi, quæ erat amissurus in cœlum transtulit. Sed hoc granum nondum fructificat DEUM. Accedunt tormenta; Decius cum videt se delusum suâ spe, incipit eò magis odissè fidem Christianam, quâ impulsus Laurentius opes distribuit, & eam tanquam crimem summum objicit Laurentio, & in obscurum carcerem projicit. Jam est granum intra terram, sed non hic locus ejus. Deinde ita carcere, fame ac siti fatigarum interrogat Decius, an velit Diis sacrificare; renuentem jubet fustibus contundi. Jam hic ad fructum paratus Sanctus, quia quædam semina priusquam inferantur, contunduntur. Tertiò ponitur in cœleo, & scorpionibus laceratur, in quo tormento cum se putat moriturum, vox de cœlo auditur. *Adbuc mulea tibi debentur certamina*, quod ipsum paulò ante prædixerat S. Xystus. *Majora tibi debentur*, &c. Cum nimirum Laurentius optabat cum Xysto collum subicere gladio. Quartò; jubet Decius ad latera candentes laminas apponi, jam ampliùs granum ad inferendum paratur, sicut quædam semina prius certò liquore disponuntur. Quintò, Decius jubet plumbatis gravissimè cædi, ecce iterum granum contunditur ut feraciùs evadat. Sextò, pectinibus ferreis laceratur; & jam adest Angelus de cœlo qui spe fructus solatur, & eum prædicit. Septimò, sine potu & cibo tetruditur in carcerem, hic granum toties madefactum siccatur. Octavò, in craticula deponitur; hic jam DEUM profert. *Gratias ago tibi Domine, quia januas tuas ingredi merui.* Hic rubus ardens incombustus. *Assatum est jam, versa, manduca.*

De hoc rubo dici potest. *Locus iste sanctus est.* Plenus est igne charitatis DEI. Amor est maximus DEI, cum propter DEUM quæcunque nobis dulcissima sunt contemnimus, ut Sanctus contempsit opes, honores, vitam denique quæ nihil



nihil est carius. Est in hoc loco rubus durus, fortitudo, quæ tantò major est, quantò circa difficiliora versatur; quæ verò difficiliora possunt his esse quæ iste vincit; Alii fortitudinem circa res suas ostenderunt: Job sustinuit damna rerum, sanitatis, sed vita illi non est ablata: Fortitudinem commendat, si quis adversa hilariter sustineat. Sanctus illa quæsit, desideravit, dixit enim Xysto cum ille ad Martyrium raperetur: *Cur me desiris Pater, &c. Experire, utrum idoneum ministrum elegeris, &c.* Fortitudinem commendat si plura quis perferat, quot pertulit Laurentius? Est prudentia, *pellem pro pelle dabit homo*; dedit corpus pro anima, elegit momentaneum quod cruciar, ut possideret æternum quod delectat; transiit intra paucos dies cruciatus, durat gaudium jam per mille amplius annos, & durabit absque fine. Est hic iustitia, dedit prior pro nobis vitam Christus, iustum est ut nostram quando res poscit pro illo demus. Ex hoc rubo invitamur, ut nos à servitute Pharaonis liberemur, & ad terram promissionis eamus. Imitemur Sanctum, ille januas cœli ingressus, reliquit vestigia quibus insistamus. Fuit cœlum, si non peccavissēmus, apertum; modò violenti rapiunt illud, fuit instar horti patens, modò urbs clausa muris. *Cœlestis urbs Jerusalem, &c.* Fuit hæreditas post Baptismum, post peccatum est denarius tolerantium pondus dici ac æstus. Describit Ps. 38. cœlum. *Quàm dilecta tabernacula tua?* &c. Sed videte hujus Psalmi titulum. *In finem pro torcularibus filii Core* statim torcularium fit mentio, statim *Core* per quod Cassiod. vult significari montem Calvariæ. Non deest & nobis Martyrii occasio, & sine sanguine peragi poterit. Augustinus serm. 60. ad Fratres. *Si imitabimur sequendo Laurentium, iracundiam mitigare, libidinem frangere, justitiam custodire, cupiditates concemere, pars magna est Martyrii.* Duo enim sunt in Martyrio,

tyrio, & pati propter DEUM, & hoc est præcipuum; nam ut Aug. in Psal. 38. Causa facit non poena Martyrem: & pati usque ad mortem. Hoc sensu Greg. hom. 39. *Injurias tolerare, inimicos diligere, secretum est Martyrium.* Volumus aliquid lenius? & hoc à Sancto discere poterimus. *Dispersit, dedit,* Gregor. hom. 5. *Regnum DEI tantum valet quantum habes: da tantum, & regnum accipis.* Chrysost. hom. 9. de poenit. *Da panem, & accipe caelum.* Si diceretur: da panem, accipe civitatem, plus est regnum coeli. Si diceretur: da panem, & trecentis annis vives. Cur ita vile coelum? Cur non aestimantur inferni supplicia, nec tantum quidem dare volumus, ut nos ab illis exolvamus, quantum aliquis dat canibus, muribus, &c. Illo Aug. in Ps. 42. concludo. *Si panem dederis tristis, & panem & meritum perdis.*

## In Festo S. Claræ Virginis. CONCIO.

*Simile est regnum caelorum, &c. Matt. 25.*

**M**ultas laudes tribuunt Virginitati S. S. Patres, ut est videre in lectionibus secundi nocturni pro Virginibus; & ipsa laus magna, quia dum Festum occurrit de S. Virgine & Martyre, totum officium est de Virginitate. Sed laudari magis non potuit, quam dum coelum comparatur Virginibus non solum prudentibus, sed etiam fatuis, ut advertit S. Chrysost. Videamus quàm sit res excellens Virginitas, si tamen illi desit Charitas, quàm sit nulla, & qualiter utrumque conjunxerit.

In tanta fuisse aestimatione apud Romanos Virginitatem Vestalium, scribit S. Hieron. ut & Consules & Imperatores triumphantes, & omnis dignitatis gradus eis de via cedere

*solicus sit.* Si reo Virgo vestalis occurrisset, à quovis crimine absolvebatur. *Simile est regnum cœlorum decem Virginibus.* Quid majus pro cœlo facerent? dum Psal. 77. exaggerat calamitates populi sui, tanquam summam ponit. *Virgines eorum non sunt lamentatæ, id est, cædes earum nemo luxit.* Genebrard. *Non deplorabantur eò, quòd singuli in suis calamitatibus deplorandis essent occupati.* Sed cur non ponit mortem potius non deploratum, Sacerdotum, Senatùs, &c. Ostendit quòd fuerit summa calamitas, quando ne Virgines quidem deplorari poterant, quæ in maxima erant æstimatione. Sed utique etiam idem dicit de viduis. *Et viduæ eorum non plorabantur?* Non idem, quia de viduis dicit non plorabant, de Virginibus autem quòd non fuerint lamenta in morte earum. Hebræa vox sonat, quòd non fuerit *ululatus*. Alii legunt, quòd non fuerint *illarum dictæ laudes*. Ecclesia ita æstimat Virginitatem, ut cum Festo Christi nati eam jungat, Stephanus, Joannes, innocentes omnes fuerunt Virgines. Ipse DEUS cum hostes excindi jubet, excipit. *Virgines servate vobis.* Sed supra omnia, *Simile est regnum cœlorum.* Ergo & Virginitas illi similis, & quale illud est talis illa. Ergo summum est opus DEI inter visibilia, summè ornatum, maximè à terra distans. In cœlo DEUS ostendit gloriam suam, &c. Dum enim non exprimit in quo sit simile, multa opinari permittit. Discat hinc Virgo quomodo agere debeat, cœlum semper laudat DEUM Ps. *Cœli enarrant gloriam DEI.* Non mittit literulas, &c. æstiment se virgines. Ambr. libro 2. de Virginib. *Thecla leoni est objecta, sed adorabat prædam suam bellua, & naturam induerat quam homines amiserant.* Et osculans virginis pedes, docuit quid homines facere deberent. *Tantum habet virginitas admirationis, ut illam etiam leones admirentur.* Docuerunt religionem dum adorant Martyrem. Docuerunt & castitatem, dum Virgini, demersis in terram oculis plantas oscu-



oscularentur tanquam verecundantes virginem videre. Non curent placere ulli nisi DEO. Cypr. lib. de bono pudicitiae. Pudicitia bene sibi conscia de pulchritudine, tunc se magis pulchram sentit, si improbis non placet; & ipsa sibi decus, ornamentum nullum præter se sibi quaerit. Venerabilis etiam hostibus suis, dum illam multò magis mirantur, qui eam expugnare non possunt. In quo autem consistat Virginitas, docet S. Th. quodlibeto 9. quæst. 10. Ad veram virginitatem duo concurrunt, materiale & formale. Materiale est privatio omnis delectationis. Formale verò, propositum nunquam experiendi delectationes carnis. Et hoc deficit in illis quæ aliquando volunt nubere, & ideò laureolam non consequuntur. Videamus quàm Sancta exactè hanc observaverit virtutem, &c. Alias etiam ad eandem traxit; laudabat sororibus, præcavebat. Utebatur sæpè monitis instar S. Ambros. libro 1. de Virginib. Digna sanè virginitas ut apibus comparetur, sit laboriosa, sit pudica, sit continens. Rore pascitur apis, & de suo cibo mella componit. Ros Virginis est sermo DEI, mel fœtus laborum. Imitare soror apiculam, cui cibus ros est; Verba tua pura & plena gravitatis sint, meritorum quoque tuorum æterna tibi posteritas tuo ore pariat. Sume alas, sed Spiritus, ut supervoles, si contingere cupis Christum; amat ille gigni in hortis, in quibus eum Susanna dum deambulare invenit, mori potius quàm violari parata.

Affimilat Christus Virginibus cœlum, sed non quomodo cuncte consideratum, sed ut regnum. Debet cogitationes Virgo habere sublimes, Regias. Psal. 44. Adducentur Regi Virgines post eam. Debet imitari B. Virginem, de rebus terrenis non esse sollicita. Ita S. Clara dum esset in periculo suum monasterium, solùm de conservanda suarum sororum Virginitate fuit sollicita. Regnum est tanti pretii virginitas, ut dixerit Eccl. 26. Omnis aurem ponderatio non est digna continentis animæ. Virgo enim est Sponsa Christi. 2. Cor. 11. Respondi vos uni viro

*Virginem castam exhibere Christo.* Sponsus verò cum Sponsa sunt unum juxta illud, 1. Cor. 6. *Erunt duo in carne una.* Hoc ipsum indicavit Philo Hebræus ubi vocat, *DEUM virum, non Virginum, sed Virginitatis.* Hoc etiam in Apoc. 14. voce masculinâ Virgines exprimuntur. *Hi sunt qui sequuntur Agnum;* quia non solum puellarum, sed & masculorum est Sponsus, id est Virginitatis, sive in his sive in illis.

Sed si Virginitati desit charitas, quæ consistit in absentia omnis peccati mortalis, quam sequitur gratia, nihil est; dicitur, *Nescio vos*, scilicet ut S. Th. explicat, *scientiâ approbationis.* Sicut dicimus malo servo: *Nescio te, abnego te.* Non facis cantare in choro, aut à mundo separari, recludi. Non cognoscit Sponsus ex voce, etsi dicant: *Domine, Domine.* Cant. *Ostende mihi faciem tuam, sonet vox tua in auribus meis.* Prius facies ostendenda. In multis est vox Jacob, sed manus Esau. Verum quidem quod S. Th. in 4. dist. 35. art. 3. *Virginitas supremum sibi decorem vendicat.* Et quod, dum continentia conjugalitatis trigesimum, vidualis sexagesimum affert fructum, Virginitas affert centesimum. Sed debet illi adjungi amor DEI. Hieron. ad sacras Virgines. *O felix Virgo in cujus corde, præter amorem Christi nullus alius versatur amor.* Quare si non habeat amorem DEI, si non sit in ejus gratia, nihil est. 2. Corinth. 15. *Gratiâ autem DEI sum id quod sum,* aliàs pro nihilo habet DEUS, *Nescio vos*, ut nos id quod non est. Sine gratia DEI Paulus, etsi Apostolus, etsi Doctor Gentium, Virgo, Martyr, nisi fuisset; sine gratia hæc omnia nihil. Irrideretur à Sanctis à quibus petiisset oleum. *Ite potius ad vendantes, &c.* Procuravit Sancta hanc gratiam omni studio, puram animam à peccato exhibuit. Ambros. *Quid prodest mundum habere corpus, & animam pollutam?* augere conata hanc gratiam, dando omnia DEO per voluntariam paupertatem quæ habuit

buit, dando corpus per votum castitatis, dando animam per votum obedientiae, &c.

Quare similis est in gloria regno coelorum. Quot ejus Moniales tot stellae, & inter has sunt aliae, ut Sol, Luna, &c. Ezech. 15. *Calceabo te hyacintho.* Hæc est gemma coelestis coloris; hi sunt sui calcei. Cant. 7. *Comae tuæ sicut purpura Regis juncta canalibus.* Quæ modò tantum exivit à tinctura. Cogitationes tuæ versæ sunt tibi in purpuram. Sponsus tuus Rex, itaque tu Regina, multum apud Regem tuum potes, dic pro nobis verbum, &c.

## In Assumptione B. M. V. CONCIO.

### *Optimam partem elegit MARIA.*

Lucæ 10.

**C**um Ecclesia nihil habeat in Scriptura de Assumptione B. Virginis; nam Evangelistæ toti fuerunt in tradenda Christi natura & doctrina, quod extra ista est, omittebant. Accommodat hoc Evangelium Festo hodierno, quia B. Virgini maxime convenit. *Venit JESVS in castellum;* venit in uterum, *excepit illum mulier:* concepit B. Virgo. *Sedebat ad pedes Domini.* B. Virgo conservabat omnia verba Christi in corde suo. Hodiernæ diei servit, *optimam partem elegit*, ubi sunt duo, *elegit*, & *optimam partem.* Hæc quomodo præsentī Festo conveniant, audite.

Eligere assumptionem non potuit nisi præviâ morte, itaque mortem elegit, sed quomodo? Christus elegit mortem, Isai. 53. *Oblatus est, quia ipse voluit, quia mors intravit per peccatum,* quod in Christo locum non habuit, sed etiam B. Virgo fuit ab originali peccato præservata. Aliud est de nobis,



in quos redundavit, in quacunque hora comederis, morte morieris. Unde eligere non possumus vivere vel mori. Aug. serm. 4. de Assumpt. *Putredo & vermis est opprobrium humanæ naturæ, à quo cum JESUS sit alienus, MARIA excipitur.* Sed quidquid sit de hac questione, an scilicet si Adam non peccavisset, mori deberemus spectatis nostris corporibus, in quibus continuè pugnat calidum cum frigido, humidum cum sicco, & seconficiunt? An verò fuisset immortalis? In Paradiso ut docet S. Th. 1. p. q. 97. art. 1. Inerat vis animæ corpus ab omni noxia qualitate præservare. Ex citat. verbis Aug. solum hoc, quòd non putrissent cadavera, nos in vermem fuissent versa, non autem quòd non moreremur. Sed quidquid sit hac de re, sive B. Virgo debuit tandem aliquando mori, sive non: mortem elegit, audiamus quomodo id factum. Misit Dominus ad Virginem S. Gabrielem Angelum cum palma (*vide copiosius in mea Prophetissa*) denuntiando ut ex hac vita discedat; illa in amorem DEI effusa, eodem amore, ut docet Alb. M. in Martiali, & Victorinus Afer. Sicut aliquando contigit aliquos ex nimio animi dolore mori. Omnes in B. Virgine fuerunt actus meritorii, itaque liberi. Habuit etiam ne quidquam ageret imprudenter, ac proinde ne quid tale, ex quo vitæ grave damnum inferret, igitur cum Christus per Angelum obtulit illi mortem, & illa talem elicit actum amoris ex quo mortem sequi fuit necesse, mortem elegit.

*Optimam partem elegit.* Nos ad diem judicii ultimi resurrectionem expectamus, illà tertià die resuscitata. Nos imitatur Adamum, illa Christum. Fracta mors à Christo, ut ait Damasc. Hanc tantum aspiciens extimuit, ejus enim Filium aggressa, didicit ex iis quæ passa est. Assumitur Virgo ad coelum, & sicut Gerson dicit, omnes animas ex purgatorio secum ducit, ibi coronatur juxta illud Cant. *Veni coronaberis.* Hæc assumptio fuit

fuit præmium virtutum, quomodo ergo libera cum sit in arbitrio dantis præmium, quomodo illa ut optimam partem elegit? Hoc modo, quia merita tanta contulit, ut illis tantus honor deberetur. Magnus honos & qui nulli alteri post Christum contigit, expectat millibus annorum Moyſes gloriam corporis, expectat Joannes Bapt. expectant Apostoli; at B. Virgo tertiâ die illam obtinuit. Sed nullus etiam Sanctus post Christum majora merita habet. Nemo inprimis Sanctorum eo momento quo in utero conceptus fuit, statim sanctus, sola id B. Virgo habuit quod ab illo primo instanti vitæ coepit perfectissimè DEO servire. Sola ita humilis ut nullus umquam Sanctus, quia ut Bernardin. tom. 2. serm. 51. artic. 3. *Nulli alicui creaturæ in hoc sæculo datum est tantum gustare nihilum creaturæ quantum Virgini huic.* Scimus nos esse de nihilo, degustamus hoc aliquomodo nihilum, ut cum quis amittit visum, degustat visus nihilum, sed nihilum sui nemo potest nisi factus nihil, et jam tum non erit qui degustet. Dicimus nos esse nihil, & tamen sic agimus atque si essemus maximum aliquid; si nihil sumus, quid contemni nolumus, contumeliis turbamur? Certè his non movetur nihilum, nulli resistit, nulli contradicit. Alb. M. serm. 31. de SS. vocat Virginem S. *Divinâ contemplatione eminentissimam.* Ad contemplationem tria concurrunt, ut colligitur ex August. lib. de Spiritu & Anima, cap. 32. Primum, perspicuâ veritatis agnitio, deinde jucunda ejusdem cognitæ admiratio, tum per Divinam inspirationem ejusdem perspicuæ veritatis inflammata dilectio. Cognitionem tantam haavit, ut ad Epiph. de laud. Virg. dicta sit *Thronus Cherubicus propter multitudinem supermundanæ scientiæ ipsis Cherubinis superiorem*, amore plus ardens quàm Seraphim. Et hanc contemplationem ab instanti primo vitæ suæ exercuit (quod nullus Sanctorum) etiam somno non interruptit. Nemo Sanctorum

Etorum suis actibus tantum meruit. Bernardin. tom. I. serm. 81. art. 3. c. 1. *Virgo B. in conceptionis Filii DEI consensu, plus meruit quam omnes creaturae, tam Angeli quam homines, in cunctis actibus, motibus, & cogitationibus suis. Et rationem reddit: Nam omnes qui meruerunt, nihil aliud mereri potuerunt, nisi secundum varios status & gradus gratiam & gloriam sempiternam. Hæc autem Virgo in illo admirando consensu, meruit totalem fomitis extinctionem, dominium ac primatum totius orbis, plenitudinem gratiarum, & dignitatem maternitatis. Si aliquot verbis tantum meruit, quantum reliquæ tota vitæ? Jam, quia ut docet S. Th. 3. p. q. 7. art. 10. In Matre DEI fuit gratia, sive sanctitas tantæ dignitati proportionata, dignitas verò Maternitatis Divinæ transcendebat non solum Sanctorum omnium, sed etiam Seraphinorum dignitatem, proinde & sanctitas transcendebat omnes sanctitates quæ in creatura rationali possunt inveniri. Alloquitur Christus suam Matrem apud Rupert. in Cant. 4. *Odor unguentorum tuorum super omnia aromata. Nulla merita SS. ita DEO olent, imò plus est quod Germ. de Assumpt. Omnia in nobis Divina dona supernaturalia ad Deiparam referenda sunt, tanquam ad sequestram quâ mediante illa obveniunt. Hinc epist. hodierna. Quasi palma exaltata sum in Cades. Juxta Hieron. Cades, idem est quod sanctitas, exaltata inter sanctitates ut palma, omnes superat, omnes vincit; illa palma, nos humiles myricæ. Ab æterno ordinata sum. Itaque nata certo tempore? Explicat id Fulgent. Tanta est pulchritudo sanctitatis MARIE, ut vix æternitati commensurari queat, hoc est, ut opinor. Si aliquis ab æterno & in æternum viveret, & semper merita ac sanctitatem cumlaret, vix sanctitatem S. Virgini adæquaret; & quia talis homo esset infinitus in sanctitate, dicerem hanc sanctitatem excedere nostrum intellectum. Sed Ansel. de excell. V. cap. 5. dicit, gratiam Mariæ excedere Angelicam cognitio-**



nem. His meritis ornata optimam partem elegit. Ildefonsus ferm. 2. de Assumpt. *Sicut incomparabile est quod Virgo gessit, & ineffabile donum quod percepit ita inestimabile atque imperceptibile præmium & gloria.*

Hæc hodie Virgo, hæc arca foederis quæ in terra fuit sub papilionibus jam templo infertur, jam Esther nostra coronatur, jam Judith redit Bethuliam. Moyfi olim dictum, *solve calceamenta*, non accede calceatus ad DEUM. Bern. de pone *pellem mortuorum animalium*. B. Virgo intrat cum corpore. Alii ut equos relinquunt ante palatium. Isai. 31. *Equi eorum caro*, illa tota intrat. O quis nobis occursum filii & gaudia deferiberet coelitus? Deferis nos Mater? non puto. Non frustra Marthæ laborantis in hoc Evangelio est mentio, & in cœlo pro nobis laborabis. Dic S. Virgo, quod Genes. 12. à Sara sua precatus Abraham, *quod Soror nostra sis, ut benè sit nobis propter te*. Legitur in libro Græcorum magnæ authoritatis, qui dicitur Horologium. Post Christi in cœlos abitum antequam dividerentur Apostoli in communi vivebant, & in mensa locum unum vacuum relinquebant pane etiam appposito, velut si in eo Christus esset sessurus. Finitâ mensâ hunc panem elevabant dicendo: Gloria tibi DEUS noster, gloria tibi. Gloria Patri, & Filio, & Spiritui S. Interim cum in orbem fuissent divisi ad prædicandum rursus nubium vehiculo ad S. Virginem morituram sunt advecti, cui persolutâ sepulturâ cum se reficerent tertiâ die, & panem more solito elevarent, Angelorum choris circumdata in nube lucidissima S. Virgo sublimis apparuit. *Avete, ego vobiscum sum omnibus diebus*. At illi. *Panagia*, hoc est omni modo Sancta, *Dei para adjuva nos*. Teneamus verbum, nobiscum se promisit futuram. Sed etiam memores simul illius juvenis, qui non erat solitus S. Virginem colere; illud prætendens, se ad id

non obligari ; hic dum in aqua mergitur , invocat B. Virginem , at illa ipsi. *Tu me non obligabaris colere , nec ego te obligor à morte liberare.*

In Confraternitate B. M. Virginis assumptæ  
pro defunctis. **CONCIO.**

*Optimam partem elegit.* Lucæ 10.

**C**onvenistis A. R. DD. partim ut hoc congressu charitatem inter vos renovetis , & sic de vobis dici potest quòd sitis congregati in Spiritu S. accendet vos id ad omnem perfectionem , quia *charitas est vinculum perfectionis.* Accendet in vobis zelum , quia *misit Dominus binos discipulos , &c.* De quo Greg. homil. 17. *Binos mittit quatenus hoc nobis innuat , ut qui charitatem non habet , prædicationis officium suscipere nullatenus debet , quod ut confirmetis Matrem pulchræ dilectionis adhibetis.* Partim ut hanc defunctis Fratribus charitatem exhibeatis ; & hoc sub patrocinio Virginis in cœlos assumptæ. Omnia prudenter , sed quòd Virginem assumptam in Patronam elegistis , *optimam partem* elegistis , quod ita ostendo.

Qui assumit Sacerdotium bonam partem eligit , quia fit similis B. Virgini , similitudo facit amorem. Hinc omne animal simile sibi diligit. Similitudinem ostendo ex B. Alberto M. super Missus. *Dicimus B. Virginem singulorum Ordinum dignius & per excellentiam possedisse munus.* Et ita explicando singulos Ordines deducit. Exorcistæ , Gen. *Ipsa conteret caput tuum.* Ostiarii , Jer. 9. *Hæc porta clausa , &c.* Princeps ingreditur per eam. Lectoris , est Arca in qua lex servabatur. Acolythi cujus est ferre lumen ; *Orietur stella ex Jacob , illuminavit.* Subdiaconi , S. Bri-

S. Brigitta; erat Magistra Apostolorum, ab illa didicerunt Evangelistæ. Diaconi, porrexit hostiam Christo quam offerret, scilicet dedit illi corpus & sanguinem. Presbyteri est duplex manus: Offerre, & per verba facere præsentem in speciebus panis Christum; Illa etiam per verba, *Ecce ancilla Domini*, &c. fecit præsentem. Unde Remundus Eremita lib. de laud. B. V. *In Altaris sacrificium pulchram demisit similitudinem.* Alterum munus Sacerdotis est mediare inter DEUM & homines. Legatum esse cum potestate. *Quorum dimiseritis peccata*, &c. Unde Paulus. *Legatione fungimur pro Christo.* De Virgine in hunc sensum Bernard. Mediatorem dedit Pater Filium, sed fortè & hunc times; est enim Judex, habet Mediaticem in qua sola est misericordia. Habetis in manu vestra A. R. DD. & Sacrificium, & Mediatorem, ut animi illo, ne id vobis contingat quod B. Alano, qui cum sacrificare intermisisset, audivit à Christo. *Serve deses & piger, accepisti margaritam, & in sudario reposuisti.*

Bona hæc fuit pars, sed adhuc meliorem elegistis cum illam in Fratrum defunctorum suffragium vertistis. Obligabitur vobis Christus, quia Sponsam ejus de manu hostium eripitis, scilicet animam ex purgatorio. Obligatur ejus uxor, cum assistet *Regina à dextris circumdata varietatibus*, prædicabit se illas à vobis habere. Apoc. 9. *Uxor Agni amicta byssino, byssinum justificationes sunt Sanctorum*, id est, vestrae pro defunctis satisfactiones. Obligabuntur Angeli quorum domos vacuas per lapsum Luciferi impletis. Obligabitur Angelus custos defuncti cujus labores consummatis. Obligabitur, & quidem maxime, & ipse è captivitate redemptus. Dixi hanc partem priore meliorem. Statuamus enim duos habentes suos thesauros, uterque expendit, utrique non deficit etsi expendat, & quam stultus est si non expendat, cum ei nihil per hoc de-



ficiat, imò augeatur. Sed tamen unus cum expendit non semper id consequitur propter quod expendit, nec ita necesse ut expendat; alter & cum magna necessitate & cum certo fructu expendit. Cujus ex his pars melior? Ita est, qui pro vivis expendit, nec ita necessario dat cum se illi aliter possint juvare, ac defuncti non possunt: nec ita certo fructu, quia vivus fortasse amat suum peccatum, & est DEI hostis, peccati verò prius culpa tolli debet quam poena. Sed hæc ipsa pars multò melior, cum illam per manus B. Virginis offertis; fortasse enim quis indignus, ut de ejus manu suscipiatur à Christo: sed cum per manus caræ Matris Filio offertur, rejici non potest. Hinc dictum Bernardi intelligitur. *Velocior est nonnunquam salus invocato nomine MARIÆ, quàm invocato nomine JESU.* Hoc verò totum maximè valet in negotio defunctorum, quia illos specialiter amat; nam apud S. Brigittam ipsa ait, ut est apud Blosium in Monili. *Ego Mater omnium qui sunt in purgatorio, quia per preces meas illis omni horâ pœne mitigantur.* Ipsa cum ei apud S. Birgittam dixisset Christus, *Pete à me quod vis ô Mater mea*, petiit. *Triplex est miseria in purgatorio, in visu, auditu, tactu: peto contra illam triplicem misericordiam, &c.* Illi servit, Eccl. 34. *In fructibus maris ambulavi.* Explicat S. Bernardin. Purgatorium visitavi omnibus solatia impendendo.

Sed ampliùs processistis, & non solum bonam & meliorem, sed optimam partem elegistis A. R. D D. cum in Patronam orando pro defunctis B. Virginem in cœlos assumptam invocatis; cum enim in cœlos assumeretur, omnes à purgatorio secum eduxit, sicut Christus in cœlos ascendendo omnes captivos qui limbo tenebantur Patrum secum duxit, juxta illud. *Ascendens in cœlum captivam duxit captivitatem,* quod & ipsa duxerit, est traditio in Mæneis Græcorum. Et  
ratio-

rationem dat Gerson. in Magnificat. *Cum Princeps coronatur, carceres aperiuntur.* Dies Assumptionis est dies coronationis. Sed etiam quòd omni Festo Assumptionis multos liberet. Idem Gerson. l. c. *piè creditur in Assumptione illam in purgatorium descendere, ut aliquos inde eripiat.* Idem ante illum asseruit S. Damasc. epist. 2072 & probat exemplo cujusdam Animæ Romanæ, quæ hac die liberata dixit, tot per B. Virginem secum liberatas quòd Romæ homines essent. Meminit B. Virgatiæ Coronæ etiam alias. Sed quæ ejus Corona? Cantic. 7. *Veni de Libano, coronaberis de capite Amanæ, de vertice Sanir & Hermon.* Omnia ista depingunt animas purgatorii. Amanæ, idem est quod nocturna avis; sunt aves animæ illæ, sed nocte tenentur. Sanir, idem est quod Dens vigiliarum, tenentur illæ dentibus vigilum inferni. Hermon, idem est quod anathema, hoc fertur ad correctionem; sunt sub anathemate, non admittuntur in templum & consortium cœleste: carent osculo & mensa illâ, oratio illorum pro se inefficax.

Quantum amamus Beatam, tantum illius coronam exornemus; in corona illius veluti gemmæ sunt animæ, sicut Paulus dixit de suis: *Vos estis corona mea.* Aurum in coelo in plateis jacet, gemmæ loco saxorum in muris, animæ sunt corona. Laboremus pro illis liberandis, & has gemmas coronæ B. Virginis addamus.

### In Festo S. Bernardi Abbatis. CONCIO.

*Ecce nos reliquimus omnia, & secuti sumus te, quid ergo erit nobis?*

Matth. 19.

**S**icut S. Joannem appellant Chrysostrum, id est, aurei

R. r 3 oris;

oris ; S. Petrum , Chryſologum , id eſt , aurei ſermonis : S. Thomam , Doctorem Angelicum : S. Bonaventuram , Doctorem ſeraphicum : alios alios : ita S. Doct̃or Angelicus , S. Bernardum concione de illo vocavit *os gemmeum* , ſeu de lapide pretioſo. Gemma & per ſe pulchra eſt , & ornatur auro , ſmalto , alijs minoribus lapillis. Hinc reſponſum habeo ad illud , *Quid ergo erit nobis ?* Bernardo factum , ut & gemma fuerit pulcherrimè & mirè exornata.

Pulchra imprimis gemma Bernardus propter ſuam admirabilem ſanctitatem ; erat enim Virgo , & pro virginitate in aqua ſe gelida merſit , & impudicas mulieres non ſemel à ſe repulit. Fuit Confefſor ; Doctorem libri ejus probant , neque à Pontificibus excludi meretur , licet Archiepiſcopatum Mediolanenſem , Genuenſem & alias infulas recuſaverit. Martyrii meritum illi attribuit Alexander Tertius Papa in literis Canonizat. cùm ait : *Conſidamus Martyrum quoque eum merita obtinere Sanctorum.* De Angelorum choris ita S. Th. I. c. *Habuit Bernardus in ſe virtutes & officia omnium Angelorum* , hoc eſt , etiam Cherubinorum , Seraphinorum , &c. Neque id mirabimur , ſi meminerimus eum lacte B. Virginis paſtum , ſanguine lateris Chriſti potatum. Phavorinus Philoſophus de lacte ſic ait : *Sicuti valet ad conſingendas animæ atque corporis ſimilitudines , vis & natura ſeminis : non ſecus ad eam rem lactis quoque ingenia & proprietates valent.* Natus ex ingenuis ferino lacte nutriatur , evadet ferus. Juſtinus libro 43. ſcribit Romulum & Remum à lupa lactatum , ad latrocinia & furta pronos fuiſſe. Idem lib. II. Agis Rex Curetum à cerva lactatus æquabat velocitate cervos. Unde Macrobi. lib. 5. c. II. *In moribus inoleſcendis magnam ſerè partem nutricis ingenium , & natura lactis tener.* Qualis igitur poterat eſſe Bernardus niſi Sanctiſſimus , cùm lacte B. Virginis paſtus ſit ? Scribit Caniſius ,  
Eſin-



Beningrenius, Costerus & alii. Cum hic Sanctus venisset in urbem, & templum ingressus, audivisset cantari antiphoniam, *Salve Regina*, &c. dum caneretur in eadem, *Et JESUM benedictum*, &c. adjunxit. *O clemens*, & per tres passus versus imaginem B. Virginis progressus; rursus addidit. *O pia!* & iterum tres passus fecit, tum vicinus imagini factus, apposuit: *O dulcis MARIA!* B. Virgo verò quæ Christum infantem tenuerat in dextra, transposuit in sinistram, & discoopertâ mamillâ instillavit lac in os Sancti. DEUS Pater Filio suo talem elegit Matrem, de cujus lacte corpus ejus ad omnem virtutem haberet temperiem, hæc eadem lactat Bernardum. Vultis amplius? scribit Mirardus Abbas, lib. de exord. Cisterc. Philotheus & alii, cum hic Sanctus semel in contemplatione esset Christi crucifixi, Christus avulsâ utrâque manu à cruce Sanctum arctè complexus. Prov. *In dextera ejus longiturnitas vitæ, & in sinistra ejus divitiæ & gloria.* Applicuit os Bernardi ad suum latus dicendo: *Bibe Bernarde.* Hinc tanta in eo sanctitas, ut dæmon cum morienti apparuisset, nullam in eo maculam reperire potuerit, ut scribit Guillelm. Abbas, libro 2.

Fuit Bernardus gemma pretiosa ob miram sapientiam, erat gravissima scissio in Ecclesia. Anacletum falsum Papam omisso vero Innocentio multi sequebantur. Rogerius Rex Siciliæ pro Antipapa collegerat exercitum, & pro illo ut disputaret contra Bernardum, constituerat doctissimum in Italia Petrum Pisanum, & primum illi attribuit locum, res agitur in conspectu Regis & omnium Episcoporum; proponit Petrus. Respondet Bernardus, ita ut nec mutire amplius possit Petrus, imò dicta Sancti approbavit, quod ipsum & alii & Rex fecerunt. Prodiit in Gallia famosissimus Petrus Bailardus hæreticus, ita illum convicit Sanctus, ut hæresim ejura-

ejuraverit. Sed iterum Petrus relapsus. Iterum à Sancto confutatus in Concilio præfente Rege Ludovico & Episcopis. Prodiit rursus Hæresiarcha Gilbertus Episc. Pictaviensis, & cum hoc coram Papa, Cardinalibus, &c. congressus Sanctus vicit, & ad Ecclesiam reduxit. Quid de libris & Concionibus ejus dicam, propter quæ appellatus mellifluus Doctor? Quid de illius admirabili eloquentia? Persuasit Lothario Imperatori ut cum exercitu Innocentium Papam reduceret in suam sedem. Regi Ludovico ut in terram sanctam faceret expeditionem persuasit. Conradum Imper. suafione impulit ad recuperandam Jerusalem; ad eandem compulit Regem Neapolitanum Rogerium. Ad defendendum Pontificem contra Schismaticos rursus eloquentia suâ induxit Lotharium. Unde hæc Sapientia? Eodem lacte cum Sapientia incarnata nutritus, eandem quodammodo carnem habuit, & Sapientia in illo veluti in proprio corpore loquebatur. Sollicitus aliquando fuit Sanctus, ut est in Chron. Cisterccien. quasi illius Auditores non intelligerent eum tam sublimia loquentem. Apparuit illi puerulus in luce maxima monendo ut audacter prædicaret quidquid ipsi in os veniret, nam ejus sermo non esset illius, sed Spiritus S. qui in eo loquebatur. Sanguis Christi converterat Bernardum in Christum adeò, ut dicere potuerit, *Vivo ego, loquor ego, jam non ego, vivit verò Christus in me.* Jam in sensu eodem accommodo illud, Isai. 6. *Spiritus Domini super me, &c. usurpare potuit.*

Fuit Bernardus gemma pretiosa ob admirandos affectus. Adscribitur quibusdam gemmis virtus exhilarandi. Lapsus fuit quidam in tam horribilem melancholiam, ut nihil ageret nisi fleret, dedit illi Bernardus osculum pacis, & statim tristitiam pepulit. Adscribitur verè an falsò, quòd inter pericula tutum faciant. Dicit Rainierus Dux Apuliæ hanc virtutem verè

verè se in Bernardo expertum, qui per ejus orationes vicit hostem, qui asserbat se Regem Siciliae. Dicit Pontifex Innocentius ab omnibus derelictus, & per Bernardum suae sedi restitutus. Desertus fuit ab Henrico Rege Angliae, à Guillelmo Duce Aquitaniae, à Rogerio Rege Neapolis, Siciliae, & Mediolani Principe, pulsus Româ, bis captivus: desertus ab aliis, per Bernardum restitutus, ut ipse in literis ejus Canoniz. profitetur. *Specialiter Sacrosanctam Romanam Ecclesiam, cui authore DEO praesidemus, ita quondam sub gravis persecutionis turbine laborantem, tam vitæ meritò, quam datae sibi cæliis sapientiae studio sustentavit.* Dicit Dux Ranulphus à Rogerii exercitu circumdatus, qui oravit S. Bernardum ut Rogerium precaretur, ut à cæptis absisteret; sed ubi id non successit, jussit in DEI nomine Ranulphum configere, & victorem fecit clamando: Victoria, victoria. Dicit Episcopus Pataviensis pulsus injustè de suis bonis à Guillelmo Duce Aquitaniae, cui cum sacra hostia Sanctus occurrit, duritiem fregit. Virtus fugandi daemones verè an falsò adscribitur quibusdam gemmis, verè fugavit Sanctus baculo à quadam foemina incubum. Transibat Alpes Sanctus curru, daemon contrivit unam rotam, jussit Sanctus daemonem ut loco rotæ esset in eam transformatus; & ita factum est. Innumera ejusmodi possent afferri. Adscribitur gemmis certis virtus corroborandi, Bernardum in expeditione ad terram sanctam, in qua erat Conradus Imper, Ludovicus Rex Franciæ, Rogerius Neapolis & Siciliae Rex, & alii, Ducem elegerunt belli Bernardum. Quædam gemmæ conferunt oculis, Sanctus novendecim cæcos aspersione aquæ benedictæ illuminavit. Quædam gemmæ curant morbos, fecit hoc Sanctus sæpissimè, ac præcipuè quando in civitate Sarletti prædicabat contra hæresim Henrici, ubi in confirmationem suorum dictorum plurimos panes benedixit,



dixit, coram toto populo affirmando, ut qui ex illo pane edisset, ab omni morbo liberaretur. Arduum id visum Gofredo Episcopo Carnotensi, & dicta Sancti restringendo, addidit. Si quis cum fide panem edisset, sed hoc additamentum Sanctus rejecit, & eventus probavit. Dicuntur quædam gemmæ prodesse castitati, profuit Bernardus. Ducissa Lotharingæ vixit licentiosè, apparuit illi dormienti Sanctus, & de pectore illius septem extraxit colubros, conversa est instar Magdalenæ. Nicolaus Clericus dissolutus semel ex curiositate audivit Sanctum concionantem, compunctus cecidit ad pedes Sancti, & impetravit S. habitum, & in eo sanctè vixit. Finis non esset enumerandi alias virtutes. *Sed quid erit illi?*

Christus inclusit hanc gemmam auro quando ad suum latus applicuit. *Caput ejus aurum optimum.* Christus est caput Ecclesiæ, imò de illo dicitur: *Non adequabitur ei aurum.* Ornavit hanc gemmam aliis gemmis. Illi S. Th. conc. hod. attribuit verba Scripturæ. *Omnis lapis pretiosus operimentum tuum, Sardius, Topazius, & Jaspis: Chrysolitus, & Onyx, & Beryllus: Saphirus, & Carbunculus, & Smaragdus.* Ornavit illum Christus speciali potestate in seipsum; scribit Guiliel. in vita Sancti. Privaverat quendam Monachum Sanctus Communione, ille nihilominus accessit cum aliis ne se proderet; nam occulta erat privatio. Dedit Sanctus ne etiam proderet, sed ita Christum alligavit palato Monachi, ne ullo modò avelli posset. Poenitens accessit deinde Monachus, & Christum solvit Bernardus, non imperio sed oratione. Ornavit Sanctum potestate in Reges. Lotharius Imp. quædam injusta petebat cum minis à Pontifice Innocentio, egit cum Lothario Sanctus, & ita fregit, ut dixerit Cæsar. Tanti facio amicitiam tuam Bernarde, ut licet DEUS non offenderetur propter meas prætensiones, tamen illis propter te cedo.. Dedit authorita-  
tem

tem apud Concilium tempore Schismatis Petri Leonis, collectum fuit in Gallia Concilium, ut definiret quis esset verus Papa, remisit id ad Sanctum; & eo definiente recepit Innocentium, etsi Regum maximos favores habuerit Antipapa Anacletus. Fecit Regibus amabilem. Prædicare ob multitudinem Spiræ coactus Sanctus in platea, circumposuerat Conradus Imper. milites, ut Sanctus à populi frequentia opprimeretur, sed miles non valebat reprimere populum concurrentem ad oscula pedum, complexus suis brachiis Sanctum Cæsar, & sic in palatium reduxit. Fecit populis amabilem DEUS. Ibat Sanctus Mediolanum, omnis populus occurrit ad septem milliaria, ut pedes Sancti oscularetur, benedictionem acciperet. Scribit Guillelm. l. c. Venerat Sanctus ad quandam Dominam, quæ unius anui infantem in ulnis habuerat, proripuit se infans ad Sanctum, osculatus reverenter. Posuit DEUS Sanctum in medio Apostolorum, ita vidit ille qui ad Sanctum Mediolani per capita ferè hominum pervenit, ut ejus pedes oscularetur, ut est in lib. de Viris Illustr. Ord. Cisterc. Dedit Sancto DEUS in obsequium Angelos, quando misit ad infirmum ut illi canerent. Apposuit ornamentum B. Virgo, quando se salutanti, *Salve Regina*, respondit: *Salve Bernarde*. Ipsa ægrum sanavit. Coronam huic gemmæ superposuit DEUS ingentem, nam dixit S. Paulus ad discipulos: *Vos estis corona mea*. Quàm grandis corona? Illesca lib. 5. c. 5. Adhuc vivente Sancto, erecta sunt quatuor millia Monasteriorum, sex millia Monasteriorum Monialium; & in Chron. Ord. n. 20. additur, quòd ipse Sanctus erexerit centum sexaginta. Sed quales isti sunt Religiosi, audite Innocent. IV. privileg. 10. Est Religio mansueta & humilis instar columbæ, & quam specialiter elegit DEUS, tota pulchra à capite ad pedes, desuper & infra, non invenitur in illa ruga & macula

turpitudinis alicujus. Audite Nicolaum IV. in quodam privilegio. Hic Ordo plantatus in campo Domini, inter alias plantas & arbores hujus agri altius assurgit, & lucet instar pulcherrimæ stellæ. Audite Eugenium IV. in privil. fol. 78. Vocat hanc Religionem in omni virtute supra alias notabilem. Alex. IV. in epist. ad Capitulum Cist. vocat hujus Ordinis fidem, anchoram quæ periculoso tempore naviculam Petri conservavit. Innoc. IV. privil. 10. sic alloquitur Cistercienses. Præclara & sancta vestra Religio, ita habuit semper affixum cor & affectus ad thesaurum virtutum, ut maximè placuerit DEO, & sit accepta non minùs in oculis hominum. Accedat Pontificum oraculo effatum Frederici Imper. ad Capit. Cisterc. ubi vocat hanc Religionem altissimam Ecclesiæ columnam; & addit, pro certo habendum, quòd hic mundus plenus peccatis, vitiis, & abominationibus, ne pereat, sustentatur precibus Cisterciensium. Sed supra omnes sit testimonium ipsius Christi, quod refert Vincentius audivisse quendam Clericum ex ore ipsius Christi. Quòd non sit alia semita, nec alia via magis secura ad coelestem Jerusalem, sicut hæc Religio. Hæc recepisti Bernarde, præter illa quæ oculis nostris non patent in coelo, &c.

## De Eodem. CONCIO II.

*Centuplum accipietis. Matt. 19.*

**T**Anti facit DEUS Sanctos, ut nihili videatur facere omnia præ illis. Occurrit dæmon semel DEO, quærit quid egerit? respondit, *Perambulavi terram.* Non quærit: *Vidistine Reges, &c. sed solum. Nunquid considerasti servum meum Job?* Quid de S. Bernardo, qui de lacte B. Virginis pastus, de quo



quo illud dici potest, quod Aug. epist. ad Cyrill. de Hieron  
*Totam penè fundavit Ecclesiam*; nam licet illum S. Robertus &  
 S. Stephanus fundaverit Cistercium; & ad hoc multum con-  
 tulerit Albericus, tamen Bernardus ita perfecit, ut Tiraquel-  
 lus nobilis Jurisconsultus ubi tractat. An quis in sua possit Ju-  
 dex esse, dixerit, posse. *Si fuerit unus ex Cisterciensibus*, ita ju-  
 stus & Sanctus. Si de Bernardo interrogarer à DEO. Con-  
 siderasti illum? Dicerem, *Non est ei similis in terra*. Ita illum  
 ornasti, &c. Hæc materia ejus hujus sermonis.

Tacto nunc de virtutibus, quia alibi de illis sum locutus,  
 solum loquar de ornamentis quibus veluti *gloriâ & honore coro-*  
*navit eum Dominus*, & tanquam centuplum illi pro virtutibus de-  
 dit præmium. Inprimis dedit illi filios tam gloriosos, ut de  
 illis dici possit. *Nazaræi ejus candidiores nive, nitidiores lacte, ru-*  
*bicundiores ebore antiquo, sapphiro pulchriores*. Nazaræi nunquam  
 tondebant comam capilli, juxta Aug. significant cogitatio-  
 nes, hæ tam sanctæ in filiis, ut nihil amputari ex illis debeat.  
 Nazaræus idem quod floridus. Quales sunt flores? Certè li-  
 lia, quia *candidiores nive*. Quia verò lac est institutum in ali-  
 mentum infantium. Ordo Sancti dat lac parvulis, docendo,  
 exemplo precando. Sunt hi Religiosi *nitidiores lacte*. Et quia  
 id totum faciunt DEI amore, sunt *rubicundiores ebore antiquo*.  
 Gregor. per colorem rubrum *sancti desiderii flamma designatur*.  
 Quia toti in rebus coeli; *sapphiro pulchriores*, qui est cœlestis co-  
 loris, sed illud cœlum quod apparet cœruleum, non est cœ-  
 lum Lunæ aut Solis, sed supremum; ita illi in hoc sunt su-  
 premi; est cœlum stellatum, quia hic Ordo tot ferè Sanctos  
 habet, quot sunt stellæ, sunt stellæ variæ, alius excellit con-  
 templatione, alius scientiâ. alius poenitentia, &c.

Dedit illi DEUS Reges in Filios, Henricus Frater Regis  
 Galliæ sumpsit ejus habitum. Idem fecit Joachimus Rex Ar-

ragonum, quem ob præclara sua gesta in Concilio Lugdunensi, cui intererant quingenti Episcopi, sexcenti Abbates, Imperator & Rex Galliæ, statim juxta seipsum Pontifex confidere jussit. Idem fecit Alphonsus V I. Rex Aragonum. Idem Gusmanus Rex Sardorum; recipi petiit Fridericus III. Imp. petierunt tres Reges Aragoniæ unus post alterum. Dedit Sanctos, nam soli Generales fuerunt undecim Sancti. Dedit Scriptores illustres, quos numerat Philippus Seguinus ultra duo millia. Dedit illi milites; Ad eum spectant, & ex ejus regula vivunt, milites Templarii, ut refert Illesca in vita Eugen. III. Et illi ex ordine de Avis, ad illum de Alcantara, ad illum de Monfrac, ad illum de Montesa. Illius sunt milites S. Stephani Florentiæ. Illius antiqui in Hispania; ex illius Ordine fuit Arnoldus, qui præter innumeras à se obtentas victorias, cum duobus millibus progressus contra Regem Petrum ejus centum millia fugavit. Bernardi tres Abbates fuerunt Generales S. Ecclesiæ, & pro defensione illius admiranda fecerunt. Nota est in Hispania fortitudo militaris S. Raymundi Abbatis, nota Fratris Didaci Valazquez, quâ defenderunt contra Mauros Callatravam. Dedit Sancto DEUS Summos Pontifices Eugenium III. Gregorium VIII. Alexandrum IV. Urbanum IV. Clementem III. Nicolaum III. Innocentium VI. Benedictum XII. Gregorium XII. Anastasium IV. Adrianum IV. Urbanum IV. Philip. Seguin. Numerat Archiepiscopos plures quàm octingentos, Episcopos plures quàm mille quadringentos qui ex ejus ordine assumpti fuerunt. Verè *amavit eum Dominus & ornavit eum, stolam gloriæ induit eum*, etiam in hoc mundo, ut nihil loquamur de alio qui nostris oculis non pater.

Neque id mirum esse debet, quia DEUS Pater dixit Filio: *Tibi dabo Gentes hereditatem tuam.* Et Filius recepit. *Omnia data*

data sunt mihi à Patre meo. Data ut homini non ut DEO cui dari non poterant, data Filio S. Virginis. At Bernardus etiam factus fuit Filius suo modo B. Virginis, quia illum lacte pavit, & quia spirituale alimentum in se vertit hominem, non vertitur in ipsum hominem, idem pie sentiri ob excellentiam jam in gloria existentis B. Virginis. Et quia ut S. Macarius docet, *Reverà ab omnibus membris maternis lac proficiscitur.* Omnibus membris suis genuit Bernardum, oculis, manibus, corde, &c. quæ est præstantissima generatio, igitur in similitudinem sui, atque adeò Filium certo modo. Christus etiam Sanctum pro Fratre agnovit, nam cum Sanctus semel coram Crucifixo orat, Christus veluti Fratrem complectitur, atque adeò dicere potest, *adimplet quod deest passionibus Christi.* Passione suâ Christus ædificavit Ecclesiam, Guillelm. procem. in vita S. Bern. dicit de Bernardo. *Ecclesiam temporis nostri in antiquum Apostolicæ gratiæ ac virtutis voluit resflorere: & quantum circa illum operatus est verbo & exemplo nullus ferè terminus orbis ignorat.* Filius DEI est Sapiencia, fecit hunc Sanctum sine magnis studiis Doctorem Ecclesiæ, & quidem mellifluum. Filius est imago DEI Patris, fecit Bernardum imaginem sui, cum illi tradidit instrumenta suæ passionis cum quibus pingitur, Filius cum sua Matre dulcia exercebat colloquia, & Bernardus S. Matri, *Salve Regina.* Et ipsa illi, *Salve Bernarde.* Filius est Patris Omnipotentis, & Bernardo cooperatus singulariter ad miracula. Filius in eremo dabat exemplum poenitentiae, & Bernardus à civitatibus sua removit Monasteria, &c.

Si ita DEUS in terris suos Sanctos glorificat, quid in coelis? Est Bernardus coronatus laureolâ Virginum, Doctorum, & si datur voluntarii Martyrii. Et si DEUS ita glorificat, cur illi non servimus aut tepidè servimus? solutio trahit militem in pericula, trahit mercatorem lucrum. *Hoc mo-*



mentancum & leve tribulationis nostræ immensum gloria pondus operatur. Centuplum. Scimus quia in hoc mundo diligentibus DEUM omnia cooperantur in bonum. Non solum benè succedunt, sed simul cum illis agunt in bonum diligentium. Terra illis uberius producit panem, &c. cum quo cooperantur? cum DEO. Ita vidimus cooperatos Reges, Pontifices, &c. in gloriam Sancti. Cur tepidè agamus? audiamus de hoc ipsum Sanctum in dedic. Ecclesiæ, serm. 10. *Ecce Fratres nugari libet, otiositatibus indulgere delectar, nimirum gemino hoc serpente vicino; dissolutione & otio, qui duplicem nobis auferunt vitam, alter corporis, alter cordis, quidni severè dormiamus, nisi de negligentia in graviore periculo, non securitatis est quàm desperationis initium?* Levia disponunt ad graviora, & cum magna est dispositio, sequitur forma gravis peccati, & quos DEUS habere volebat amicos, reputat inimicos. Semper Sanctus proficiebat, &c. At impii in circuitu ambulant. De malis egressi ad eadem redeunt. Pervenit eò Sanctus, ut Frater Christi dici mereatur. Nam ut Gregor. 4. l. c. 5. in Regum. *Qui instituuntur in Ecclesia quasi parvuli adhuc filii sunt, sed qui magnus meritis, & jam in virum perfectum occurrit, Frater est Redemptoris.* Habeamus timorem DEI & torporem deponemus. Basil. orat. in principium Proverb. *Sicut qui clavos corpori infixos habet, doloribus pressus non faciliè quidquam agere potest; sic DEI timore confectus, non oculo uti præter decorem, non manus ad nefarias movere actiones, non denique parvum aliquid aut magnum contra officium agere poterit, quasi angustia quâdam & metu minarum Domini vinctus atque oppressus.* Clamemus frequenter cum Propheta. *Confige timore tuo carnes meas, à iudiciis enim tuis timeo.* Finio verbis hujus Sancti de quo sum locutus; ita ille serm. 7. in Dedicat. Ecclesiæ. *Glorificare itaque Dilectissimi, & portate interim Christum in corpore vestro, onus delectabile, suave pondus, sarcinam salutarem, etsi premere aliquando videtur,*

videtur, etiamsi interdum latera tundit, & flagellat recalcitrantem, etiamsi in freno & chamo maxillas constringit, omnino feliciter.

In Festo S. Bartholomæi Apostoli.  
*Philippum & Bartholomæum, &c.*  
Lucæ 6.

**D**uodecim fuerunt Patriarchæ, duodecim panes propositionis, duodecim lapides relictæ in Jordane, Josue 4. Duodecim boves templi, 1. Reg. 7. Duodecim stellæ in Apocal. 12. Duodecim Apostoli, & inter illos Sextus Bartholomæus. Summam faciebat operum suorum DEUS, quando faciebat hominem, quia in ipso sunt omnes creaturæ, esse habent lapides, vegetari plantæ, moveri brutæ, ipse demum est rationalis, qui die sextâ est creatus, in ipso sunt omnia, ita Bartholomæus est sextus, in ipso sunt omnia.

Incipiamus à Petro, in hoc amor erga Christum eminebat. *Petre amas me?* &c. En hujus amoris probatio fuit, quia ex animo propter Christum, unde confidenter loquitur, *Eccc nos reliquimus omnia.* Quia ut August. quæst. 18. *Charitatis venenum est spes acquirendorum vel retinendorum temporalium.* Propter meum ac tuum frigidum illud verbum, refrigescit charitas. Reliquit omnia & Bartholomæus, & summum temporalium ostendit contemptum, cum Polimii Regis filiam à dæmonio liberavisset, misit Rex gratus ad illum camelos auro, argento, & gemmis onustos, sed hoc ipsum præsentiens Sanctus, ita se abscondit, ut die illâ reperiri non potuerit: postridie verò cum esset repertus, omnia repudiavit, atque suam paupertatem ita strinxit, ut per eam veluti per foramen acûs intrare non potuerit camelus. Qui enim in charitate DEI con-

stituitur, efficitur Filius DEI. 1. Joann. 4. *Nunc Filii DEI sumus.* Proinde sicut aliquis rusticus amat securim, ligonem, sed Filius Regis ista contemnit: sicut avicula pascitur vermiculis, bos foeno; sed homo, qui est istis nobilior, ab his abhorret, ita qui est DEI Filius, hæc temporalia vilipendit, quia supra hominem est elevatus. Adamaverat Christus Bartholomæum, nam plurimi docti viri, & potissimum fulti, quia S. Joan. in Evangelio ubi numerat Apostolos, omittit Bartholomæi & ponit Nathanaëlis nomen, asserunt quod idem sit Nathanaël & Bartholomæus, & eundem nomen utrumque significat, ideoque in numero Apostolorum Luc. 6. simul cum Philippo à quo ad Christum adductus, ponitur. Dilexit illum, *vidit sub ficu*; sub illa inquit in hunc locum Aug. ficu de qua Adam comedit, aut folia in tegmen sibi atque Evæ detraxit. Ibi adhuc dilexit, elegit; sed & Nathanaël dilexit. *Ecce verus Israëlita, in quo dolus non est.* Confessus Christum verum Messiam sicut & Petrus. Et ut ad illum redeam, *reliquimus omnia.* Reliquit amplius quam ceteri Bartholomæus, quia & pellem suam.

Andreas ardentem illam Orationem edidit: *Salve Crux,* &c. Bartholomæus idem significat, ut scribit Lorin. in Act. 1. quod, *os lampadis.* Ignis de hoc ore procedebat copiosus. Oratione enim Sanctorum ignis quidam est. Rosweyd. scribit Eremitam quempiam, dum elevatis manibus oraret, visum habere loco digitorum radios flammarum. Alium orantem de ore suo visum habere loco digitorum radios flammarum. Alium orantem de ore suo visum mittere usque ad cælum funiculum ignitum non interruptorum. Metaphrastes scribit de S. Bartholomæo, quod centies de die, centies de nocte quotidie solitus fuisset orare. O quot ignes de hoc ore lampadis erumpebant? Quam pulchrè lucebant! Et hoc inter labores:



labores Apostolicos & conversiones Gentium, curas novarum Ecclesiarum, & quot sunt qui propter Oeconomiam, imò propter vana queruntur tempus sibi ad orandum deesse? Quot sunt quorum oratio quæ debebat esse ignis, ut factum est Machabæis, invenitur aqua creffa, luculenta, foetida! *Non ego juravi, dixi jurantia verba*, excusabat se quædam persona, quia legit formulam juramenti sine animo jurandi. Ita legimus libros orationum, legimus orantia verba, sed non oramus. Itanè circumspicis, alia agis, cum aliquid à Domino temporali precaris. Timeamus ne eveniat nobis quod Ps. 108. de Iſcarioth scriptum. *Fiat oratio ejus in peccatum.* Causam in hunc Psalmum dat Aug. *quia non per Christum mediatorem oravit.* An per Christum orat, qui Christum per superbiam spinis coronat, per luxuriam flagellat, per avaritiam spoliat, per gulam felle potat, per iram lanceâ transfigit, per invidiam in terra raptat, per acediam cruci affigit? Vel si orat per Christum, & ita à se tractatum DEO Patri repræsentat, qualis ista Oratio?

Sed ad Jacobum tranſeamus. In hoc maximè constantia enituit, cum in Hispania septem aut novem solùm convertisset, non ideò deferuit, imò post mortem etiam ad eandem regressus, multa obstabant inter Barbaros Bartholomæi laboribus: at ille jam Armeniam, jam Indiam, alias regiones, ubique Christo aggregat, & tanquam Christi pascit gregem. Ita enim August. tr. 123. in Joan. illa verba, *Pasce oves meas* explicat. *Oves meas sicut meas pasce, gloriam meam non tuam in eis quære lucra mea non tua attende.* Job dicebat cap. 9. *Si voluerit homo contendere cum DEO, non poterit ei respondere unum pro mille* tot millia pavit quot convertit, nec ab ullo accepit mille, & DEO pro illis respondit. Constantia maximè ejus patuit, quando Aſtyges Frater Regis Polemii, eum aggressus; Cæ-

fus est ut Jacobus fustibus, non desinit prædicare Sanctus, actus est in crucem ut Petrus & Andreas, non desinit, vivo detrahitur pellis, non desinit, demum caput amputatum est, tum demum cessat laborare quando & vivere. Pellis animali detractæ invenio tria in Scriptura beneficia, 1. Reg. 19. quæsitum ad necem David, substitutâ in ejus locum statuâ pelli- bus involutâ Michol salvavit. Jacob Gen. 27. primogeniti benedictionem pellibus manus & collum vestiens obtinuit. Vel- lus Gedeonem ad bellum animavit, Judic. 6. Præstabit nobis hæc omnia pellis Bartholomæi. Nota est historia de Jacob, qui ut oves redderet discolores, virgas jam integras, jam de- corticatas, proposuit illis spectandas. Proposuit DEUS alios Apostolos hunc pelle, hunc sine pelle, ut imitemur.

Joannes Divinitatem Christi explicuit, eandem Phi- lippus maximè est scrutatus. Bartholomæus fidem nostram profundissimè introspectit. Refert ejus dictum S. Dionys. in Theol. Mystica. *Theologia multa est minima: Evangelium ma- gnum & breve.* Multa est Theologia, quia tractat omnia fidei mysteria, minima est in solo uno DEO sistit. Evangelium magnum quia Christum enarrat; breve, quia omnia præce- pta ad unam dilectionem reducit. Hanc Theologiam in se ex- pressus Sanctus, scribit Petr. de Natalib. lib. 7. c. 103. quòd filius fuerit fratris Regis Syriorum, ecce magnus: contentus inter Apostolos loco sexto, ecce parvus. Laur. Justin. conc. hod. *Contempsit omnia*, ut verus esset Christi discipulus; sed modò invenies, qui dum sua nulla haberent, cum sunt facti discipuli Christi. Amos 8. *Quid vides? uncinum pomorum?* Be- da nomen Bartholomæi explicat, *Filius suspendentis aquas.* Da- miani serm. 42. *Cum dicitur Filius suspendentis aquas, dicitur pro- cul dubio Filius DEI.* DEUS enim, Job. 26. *ligat aquas in nubibus.* Ecce quàm magnus? crucifigitur, decollatur velut latro. Po- situs

fitus in fundamentum Ecclesiæ, & per Sardium lapidem in Apoc. significatus. Lapis hic in corde piscis Sarda in mari Indico nascitur, & lucidus, res magna est. Non assumitur ad secretiore à Christo, ut Petrus, Andreas, Joannes, contentus, & ecce quàm parvus. Visus à Christo sub ficu, prædestinatus, magnus est: laborat circa suam salutem velut illius incertus, parvus est.

Cùm Elias in paradysum abit, 4. Reg. 2. reliquit vestem Elisæo, & cum ea duplicem suum spiritum, relinquet & Sanctus nobis, si illius pellem per imitationem induerimus; sed aliqui merentur aliam pellem. S. Patritius Vereticum Regem Walliæ convertit in vulpem, quia fraudulenter contra Christianos serabat calumnias. Theridates Rex Armeniorum, quia sicut aper vastabat Christi vineam, conversus in aprum. Nabuchodonosor factus est monstrum, fœnum ut bos comedit, capilli ejus in similitudinem aquilarum, & ungues quasi avium. Dan. 3. Singula respondent peccatis ejus. Bos satur ruminat, ille de factis peccatis sibi complacebat: aquilæ pennæ mixtæ aliarum avium pennis eas consumunt, ille rapax. Ungues avium, oppressionem debiliorum notant. Recordemur Job. 19. *Rursum circumdabor pelle meâ.* In quali pelle comparebimus. Tanta Sanctus fecit pro regno DEI obtinendo, & nos quid? Scribit Paulinus de quodam Doctore Theologo Parisiensi, hic coram Rege jussus, in hunc sensum dixit. Ignari rerum Apostoli, non satis sapiebant Martyres, inscii Eremitæ, deceptæ Virgines, quia si vos putatis vos inter delicias, & nihil asperi tolerando, posse salvari, cur illi tanta passi? *Sed nemo coronabitur nisi qui legitimè certaverit.* Sub ficu vidit DEUS Nathanaëlem, ficus à muscis & calicibus compungitur, & nisi hoc fiat non amittit amatorem. Etiam si revelata nobis esset nostra prædestinatio, laborandum esset.



1. Petri 2. *Ipsi tanquam lapides vivi superedificamini.* Quod S. Leo sic explicat. *Nos Authoris nostri extruit manus, ut cum Artifice suo etiam is qui reparatur, operetur.* Sed etiam seipsum ipse S. Petrus explicat. 2. Pet. 1. *Magis satagite ut per bona opera certam vestram vocationem & electionem faciat.*

## In Festo S. Augustini. CONCIO.

*Non potest civitas abscondi supra montem posita. Matt. 5.*

**E**T obscure, & facto difficilis res proposita Jobo 38. *Nunquid nosti ordinem cæli, aut rationem ejus ponere in terra?* num aliquis cæli ordinem in terra ponet, quo in eo Sancti sedent? Explicuit hoc ipse DEUS Moyse, Exod. 25. Et is ille ordo quis sit, docuit: ostendit illi in monte formam tabernaculi. *Aspice & fac secundum exemplar.* Hoc modo pones rationem cæli in terra, cum servant ordinem sanum in cælo, quem milites apud justum Ducem in tabernaculo. Fecit Moyses, sed adhuc illud tabernaculum non satis exprimebat cælum; quid ergo sit? non jam sub figura tabernaculi, sed ipsum cælum deimit in terram. Apoc. 21. *Vidi civitatem S. Jerusalem descendentem de cælo, &c. Ecce tabernaculum DEI cum hominibus.* Tabernaculum DEI est civitas, quæ posita in monte abscondi non potest. Incolæ varii, eum tenent ordinem quem in civitate. Videamus quo loco sit Augustinus.

Non juxta aliud quam merita in Ecclesia, datur & in superna civitate datur locus. *Non potest abscondi civitas in monte posita.* Ipsa Ecclesia dicat merita Augustini. Hier. ad Aug. *Vocat eum Ecclesiæ conditorem, non quod Ecclesiam condiderit,*

rit, id enim Christi est. Sed sicut dicimus ei qui nos à morte eripuit, tu me genuisti; ita dum urbs obsessa in summo est periculo, qui eam liberavit, potest dici illam de novo condidisse, quia ne dirueretur, occurrit, variè fuit alias impugnata Ecclesia, alii hæretici volebant illi speculas tollere, id est, Episcopos: alii munditiem, ut Helvidius virginitatem, ut sordibus explendo cogeret ad deditionem: alii muros quæiebant, Sacramenta corrumpendo: alii fontes inficiebant, Scripturam falsificando: alii fossas implebant, statum humilitatis Monasticum tollendo. Arius conatus Principem ejus occidere, tollendo ei Divinitatem. Sed Pelagius cives ad hoc deducendo ut suum Principem contemnendo, non egemus tuâ gratia, nos ipsi, nos sine te tueri possumus, sine te subsistere; magnum hoc periculum, quia ad superbiam proni homines, & si succisisset, suis viribus corruisset civitas, & periculum erat ne blandiens hostis plus mali inferret, quàm omnes alii inanisset. Prodit contra Pelagium Aug. nam eodem die nascitur quo Pelagius, Ezech. 40. *Vir in cujus manu funiculum ac talamus mensurius.* Mensus est vires homines, ostendit quòd sine DEI nihil ad salutem possit. S. Th. de Villan. ita conc. hoc. de Sancto Aug. *Mensus est omnes ædificii partes, egredientes lapides malleo æquabat, faciens omnium corda concordare cum funiculo Catholice doctrine.* Si parum est contra Pelagium navasse victricem operam, commemoremus quomodo Donatistas profligavit, quomodo Arianos repressit, Manichæos prostravit. Felicem, Faustum, publicè protrivit. Si parum, etiam post mortem in libris omnes quæcunque suscitari possunt hæreses, perdomuit, omnium fascinos prævit & patefecit. Clamabat quidem Hæresiarcha. *Tolle Augustinum, & ego subvertam Ecclesiam.* Cor suum reliquit Ecclesie velati Lydium contra hæreses lapidem. Hieron. Roma lib. 1. Chron.

cap. 35. Nunquam ea Ecclesia, in qua fuit cor S. Augustini, hæreticorum ingressum passa, sed si quis ingredi eam voluit, si non in vestibulo cecidit, intus occubuit. Reliquit in defensionem Ecclesiæ, tot fortissimos exercitus, quot sunt Religionis qui ejus sequuntur Regulam; tales verò non sunt paucæ. De una illarum sic prophetavit Ab. in Apoc. 14. *Surget Ordo, induci nigris vestibus, desuper accincti zonâ pelliceâ, hi prædicabunt fidem, quam defendent usque ad consummationem sæculi in virtute & Spiritu Eliæ; hic Ordo erit, Eremitarum.* Prædicarunt & defenderunt, &c. Hinc meritò in libro ad Fratres in eremo, confertur Sanctus cum Abraham. Hic dicebatur *Excelsus*, hoc Sancto convenit, sed multò magis, quando dictus est, *multarum Gentium Pater.* Quando dictum, *In tuo semine benedicenter Gentes.* Hic jam volebam quærere in quo loco Sanctus in illa civitate DEI quiescat.

Sed nondum meritorum finis. Parum est aliquam urbem ab hoste liberâsse, nisi quis ita illam instituat legibus & armis, ut deinceps quemvis possit hostem repellere. Oblatus fuit Apoc. 5. liber arcanorum DEI, sed nemo illorum poterat aperire, propter quod flebat Joannes. Data fuit S. Scriptura Ecclesiæ, sed nemo potuit ita illam explicare, ut nemo contrâ posset mutire Ethnicorum. Id Augustino datum, ille omnes scientias plenissimè possedit, & omnes traxit in fidei obsequium, ut profit omnibus. S. Th. de Villanova in persona Augustini. *Quid volo, quid desidero, nisi ut omnes in æternum vivamus?* De hoc Sancto Ethnicens Avicenna. *Augustino cælum dedit super omnes homines, & quantum dare potuit, illi concessit.* Omnes scientias sine Magistro didicit, & omnes superavit Magistros. Excelsus dictus Abraham, Cedrum vocabant Romani Excelsum. Conversus est ut scribit in Confessionibus sub ficu tanquam alter Nathanaël. Admiranda scripsit et si



etſi ex tempore, ut ipſe initio Retractationum fatetur, quia eo tempore prædicabant Epifcopi, & quocunque veniffent filebant Epifcopi, & invitabant, ut ipſe quamvis ex impro- viſo diceret. Unâ concione mores integrarum civitatum re- formabat. Erat in quadam ludus, quo ſe lapidibus impete- bant ad mortem, & frater mactabat fratrem, filius patrem, non poterant illum tollere minæ Cæſarum, ſuſtulit una con- cio Auguſtini. Erant alibi alii perversi, inveterati mores, nul- la medicina ſufficiebat, concionatus ſemel Auguſtinus, & in meliores ſunt converſi. Verbo idola evertit, mores bonos re- ſtauravit, malos expulit, & hoc ſuaviter ut oleum, propter quod in libro ad Fratres Olivæ comparatur. Inde in manu ejus pingitur Eccleſia, quaſi in manu ejus ſit, & peccatores ad juſtitiam adducere, & juſtos facere ſanctiores; hi enim ſunt Eccleſia.

Sed ita hæc civitas in monte poſita locum pro meritis illi assignat. Ille quidem Soliloq. cap. 2. *In vulneribus Chriſti dormio, ſecurus & intrepidus requieſco.* Quia DEI amor & illum vulneraverat; ſic enim ipſe de ſe. *Sagitta veras cor meum Domine.* Sed ad Dominum hujus civitatis, de quo ita meritis ſpectat locum assignare, fuit viſio. Tranſibant Sancti, non appare- bat Auguſtinus, quærit qui vidit, ubi Auguſtinus? Et ecce DEUS Pater compareret, & in corde illius Auguſtinus. Jam non miror, quod cor Angeli exemerunt morienti S. Augu- ſtino, & cryſtallo incluſum attulerunt Sigisberto Epifcopo Lugdunenſi, quod, dum in Hymno *Te DEUM laudamus* ca- nebatur, *Sanctus, Sanctus, Sanctus*, ſubſiliebat. Idem fiebat quoties liber ſcriptus de SS. Trinitate ab eodem Sancto, illi applicabatur. Cor DEI Patris idem quod Filii, quod Spiri- tus S. In loco proprio omnia gaudent, dum locus proprius nominaretur, exultabant. Darem ego Sancto ut Capiti Theo-  
llu
logo-

ogorum annulum, ut Capiti Philosophorum lauream; sed Ecclesia dat illi cor, cum quo illum pingit. Amor hic superat scientiam. Interrogatus aliquando à DEO: *Augustine, amas me?* respondit, *Si essem DEUS, vellem fieri Augustinus, ut tu solus esses DEUS.* Quis intelligens quid sit Deitas, ut Augustinus supra hominem intelligebat, vellet Deitate cedere? Martyres cedebant vitâ, membris, famâ, sanitate, unus Augustinus Deitate: quæ cum infinities, & infinities omnia alia superet, dignum est ut in corde DEI Patris locum habeat. Inde adhuc vivens dicebat Soliloq. 34. *Quid est hoc, quod sentio, quis sentio, quis est ignis qui calefacit cor meum? quæ est lux, quæ irradiat cor meum?* Et quis est alius calor, quæ lux alia, nisi cor DEI Patris?

Augustinus in corde DEI Patris; nostrum cor ubi? *Rapuerunt sandalia Judith oculos Holofernis.* Hebræus legit. Cor alicubi apud Sandalia Judithæ. Quale cor nostrum? *Factum est cor meum tanquam cera liquefens.* Ex qua formari quidlibet potest, tale cor pseudopoliticorum. Et quid si in aliquo ne cor quidem reperiatur? Olee 7. *Ephraim quasi columba seducta cor non habens.* Columba gemens, quia cor ejus abstulit diabolus. *Cum diabolus misisset in cor ejus.* Greg. 2. Moral. 5. *Si enim Judas cor possideret, ipse potius in illum mitteret.*

## In Nativitate B. M. V. CONCIO I.

*Abraham genuit, Isaac genuit, David genuit, &c. Matth. 1.*

**Q**ualis nobis hodie persona nascatur, ex hodie rno colligo Evangelio, nullius mors ponitur omnium nativitas, innuitur

nuitur itaque quod hæc quæ nascitur omnium erit nativitas, nullius interitus: Et ut ita explicem, ducit me epistola hodierna. *Qui me invenerit, inveniet vitam, & hauriet salutem à Domino.* Quod Ecclesia S. Virgini attribuit. Ducit me in Scriptura in Genesi hodierno Evangelio simile, *Liber generationis Adam, Adam genuit, &c.* Hic verò *Liber generationis JESU Christi*, in priore libro ab Adam ad posteros descenditur deorsum, quia Adam genuit ad mortem. In hodierno verò libro ascenditur sursum à Christo ad Abraham, igitur est liber ad vitam. De priore libro Exod. i. *Scriptæ sunt in eo lamentationes carmen & vae.* De isto dici potest Ps. 23. *Hæc est generatio quærentium DEUM.* Ducunt demum nascentis Virginis circumstantias, quas mecum expendite.

Prima circumstantia. Nata ex parentibus sterilibus qui annis viginti in conjugio sine prole vixerunt, & jam uterque sexagenarius circiter fuit, ut docet Hieron. lib. de ortu B. V. Nata in sept. in quo plurima habebant Hebræi Festa solennioris expiationis, tabernaculorum, dedicationis templi, collectionis pecuniarum pro templo, memoriam Godoliæ, jejunium, &c. Omnia hæc innuunt necessitates quas in hoc mundo patimur, senium, tabernacula militaria, quia militia est vita nostra, continuo in nobis elementa inter se pugnant, jejunium etiam facit ad reparanda nostra corpora. Nascitur Virgo sanitas nostra, vita nostra. Bonav. in Psalt. vocat S. Virginem puteum Angeli & Agar. Ejecta fuit de domo Abrahamæ Agar cum filio, siti ad mortem uterque conficiebatur, ostendit Angelus puteum aquæ. Vexant nos temporales necessitates ut sitis, illa puteus. Arescimus sollicitudine, sed illa nos velut terram aridam solatiis respergit ut revirescamus. Ans. alloquio coelesti 27. *O fœmina mirabiliter singularis, gratiâ superplena, de cujus plenitudinis redundantia respersa revirescit omnis*



*creatura.* Quot cæci, claudi, steriles, &c. reviruerunt, quoties fames depulsa, &c. per hanc Virginem S. Numerate miracula quæ ad illius imagines fiunt, & nulla est Provincia Christiana, quæ hunc thesaurum gratiarum non habeat. Peribat orbis diluvio, conservavit illum Arca Noë, quæ Virginem significabat, Illa est templum Salomonis, in quo quidcunque oraveris, 2. Paralit. 6. impetrabis. Es in servitute, hæc nubes educit ex Ægypto. Tristaris quomodo relicturus es post te filios, securus de illis esto, crescent in gentem magnam, dummodo illos Virgini commendes, & ut in casu tali fecit Jacob, adores in summitate virgæ, Gen. 15. Es in calamitate, illa te recolliget, est enim Filia David de quo Paralip. *Et convenerunt ad eum qui amaro erant corde, & ære alieno graves, & factus est Rex eorum.* Eges ingenio, doctrinâ, docti fulgebunt in cœlo ut stella firmamenti. B. Virgo est cælum, si fueris ab ea receptus, eris stella, 1. Cor. 6. *Primus homo de terra terrenus*, id est Adam, *secundus de cœlo cœlestis*, id est, Christus. Igitur Virgo juxta Paulum est cælum. Turbæ aliquæ circa dignitates orientur, B. Virgo est virga Aaron quæ illos componet, ut virga Aaron quando floruit. Desideras tuos posteriores gloriâ florere, id promissum Davidi, Psalm. 131. *De fructu ventris tui ponam super sedem tuam*; sed id dictum illi quando duxit in Arcam Silo. Arescit terra, quære hanc nubeculam. 3. Reg. 18. Cùm cælum esset æneum, immisit Elias puerum ut videret, an nubes colligerentur. At ille, *Non est quidquam.* Jo. Jerosol. restitut. mon. cap. 3. *Non est quidquam, quia nubecula illa, scilicet MARIA, non est visa à puero.* Comparet nubecula, funditur pluvia. Hic superest ut dicamus cum Ps. 105. *Confiteantur tibi populi DEUS, confiteantur populi omnes, terra dedit fructum suum.*

Altera circumstantia, nascitur B. Virgo in stabulo sive

in ovili, Damasc. lib. 4. de Fide. Nascitur ad auroram, ut Rupert. in Cant. Dum nascitur, Minervæ signum Romæ quod respiciebat Orientem, nemine movente, converfit faciem ad Occidentem. Philip. Berg. Gaudete peccatores, ecce dæmon qui se ad plenum cursum expedierat tanquam Sol oriens, jam spectat fugam, occasum. Gaudete, iterum nascamini, facti estis bruta. Pl. *Homo cum in honore esset, non intellexit, comparatus est jumentis insipientibus, & similis factus est illis.* Nascitur in aurora, quando Sol ad nos redit, cujus calore frigida foven-  
tur, viventia vegetantur. Frigus vestrum solvet, & incrementum dabit in virtutibus. Cant. 7. *Guttur tuum sicut vinum optimum.* Rabbi Salomon ita vertit. *Guttur tuum sicut vinum quod vel Patres in sepulchro vivificare potest.* Sunt in sepulchro peccati, jam pueri, jam viri, jam Patres. Pueri qui ex fragilitate ceciderunt, & animam suam occiderunt. Viri, qui frequenter relapsi consuetudinem contraxerunt. Patres, qui scandalo, mala doctrinâ, pariunt alios gehennæ. Si illos respiciat Virgo, si pro illis loquatur, dabitur illi vinum quod illos resuscitet. *Lachrymæ pœnitentium sunt vinum Angelorum.* Scimus apud Sur. 6. Jun. quid Andreas Corsinus lupus ingressus Ecclesiam B. Virginis factus sit ovis, &c. Beda serm. de S. Maria. *Mundus deletus esset; nisi per preces MARIÆ sustineretur.* Iratus fuit non semel DEUS stultitiæ nostræ, ut David Nabali, cujus nomen sonat stultum, occurrit Abigail. Excubat contra nos dæmon, S. Brig. l. 1. Revel. 9. *Et ut avis rapax dæmon teneat prædam,* peccatorem, *inclamatur Nomen S. MARIÆ, dimittit.* Est Filia Abrahæ cui DEUS benedixit. *Multiplicabo semen tuum sicut stellas cæli, & sicut arenam?* Cur addit, arenam? Stellæ sunt Sancti, arena & pulvis peccatores. Et pro his S. Virgini data est benedictio. Pelbartus. *Servire S. Virgini certissimum est prædestinationis signum.* Illa est scala Jacob, per quam ad nos descen-

dit DEUS, ascendunt peccatores. Evangelistæ sunt animalia plena oculis, ut est Ezech. i. Cur nullam sanctarum mulierum ponunt in præsentî Evangelio? Certè, tam oculati, non sine causa, innuitur Christus, etsi promissus Sanctis Abrahamæ, Davidi, tamen si non fuissent peccatores, proinde B. Virgo fuisset Mater Christi; igitur peccatoribus aliquid debet. Hinc quantum crescit spes nostra! contulimus ad ejus fabricam aliquid. Nobis hoc lilium inter spinas nostras oritur, nobis hæc aurora confurgit. Aurora sunt halitus terrei à Sole illustrati, lucet illa sed in nostris terrets halitibus. Figura istorum omnium in Esther cap. ii. Damnnati erant universi Judæi ad mortem, & ecce habet somnium Mardochæus, ejus patruus, quod tale fuit. *Fons parvus crevit in fluvium, & in Solem conversus est, & in aquas plurimas redundavit.* Esther fuit fons parvus, captiva crevit in fluvium, facta Regina maxima, in Solem conversa quando Judæis vitam impetravit, & tunc Judæis nova lux oriri visa. De novo visi sunt sibi nasci, sive ut cap. ii. *Tunc & Sol ortus est, & humiles exaltati sunt, & devoraverunt inclutos, hostes suos.* S. Virgini hoc totum & melius convenit. Omnes sumus peccatores, & ideo ad mortem damnnati. Oritur fons parvus, fons signatus; captiva, quod est idem atque ancilla Domini, crescit in flumen, efficitur Mater DEI, ex eo Sol Christus procedit, qui in aquas plurimas redundat, & tunc Sol novus, nova vita nascitur peccatori.

Tertia circumstantia, fuit B. Virgo ab Angelo pronuntiata. Quid huc spectat Angelus? sollicitus est ut ruina in cœlo facta per Luciferum reparetur per homines; hæc S. Virgo nascens potest dare vitam gloriæ. Psal. 35. *In lumine tuo videbimus lumen.* Quod lumen? DEUS est lux, & tenebræ in illo non sunt ullæ. Hoc verò lumen habetur per S. Virginem. Bern. in Salve. *In manibus Virginis vita est Spiritûs nostri, & ipsa dat*  
*etiam*



*escam gratia in tempore opportuno, & ævo interminato. Bonav. in Psalt. Ego Tibi, S. Virgo, stillam devoi servitii offero, tu fontem vite influis in os meum. Illa præbet videndum nobis DEUM. Eva nobis perdidit coelum; hæc reddit. Aug. serm. 18. de SS. Eva percussit; ista sanavit. Quærit S. Ambr. cur Gen. 2. dictum, Non est bonum hominem esse solum; utique Eva perdidit nobis coelum. Respondet: Etsi mulier prima peccatura erat, tamen secunda Redemptorem paritura. Sed clarius Tertull. contra Marcion. cap. 4. Non esse bonum esse solum, sciebat sexum Mariæ profuturum. Per hanc S. Virginem notifimus coelo, sicut per Evam mundo. Hebr. 9. Adeamus ergo hunc thronum gratia cum fiducia. Fiet ut renascamur in nostris temporalibus necessitatibus, renascamur ex peccatis, renascamur ad gloriam.*

## De Eadem. CONCIO II.

*Judas genuit Phares & Zaram de Thamar. Salmon genuit Booz de Rahab. Booz genuit Obed ex Ruth. David genuit Salomon ex ea quæ fuit Uriæ. Matt. 1,*

**Q**uod nascente Virgine S. fiat mentio Abraham, Isaac, &c. Non est mirum, quia singuli vel illam prædixerunt, vel præsignificaverunt in aliqua figura. Sed quòd ponatur Raab, Ruth, Thamar, Bethabee, hoc admodum est mirum: cum fuerint ejusmodi, ut Hieron. de illis dixerit, l. i. in Matth. *Notandum in genealogia Salvatoris nullam sanctarum mulierum assumi, sed eas quas Scriptura reprehendit. De Thamar vide Genes. 38. v. 24. producite eam ut comburatur. Raab vocatur meretrix. Ruth quid egit vide Ruth. 3. De Bethabee ipse Matthæus dicit*

dicit. *Ea quæ fuit Uria.* Quantum potero scrutabor *Mysterium.*

Abrahæ promissum quod in illius domo nasciturus esset Messias, proinde & Mater ejus. Hoc verò per Thamar est effectum. Judas num in quo linea Abrahæ decurrebat; habuit tres filios. Her, sed *nequam in conspectu Domini, & ab eo occisus est.* Onas, sed & hunc *percussit Dominus* eò quod rem *derestabilem faceret.* Tertius fuit Sela, sed hic noluit uxorem ducere, & ita deficiebant in quibus & per quos DEI promissio expleretur. Videbatur a nobis Messias ut aquilam avolasse. *Misericordia tua in cælo.* Sed Job de illa in terris non desperavit. Job. 39.

*In petris manet aquila unde contempletur escam, & ubicunque fuerit cadaver, statim adest.* Cum Thamar egit illa quæ de ipsa leguntur, fuit peccatrix, fuit cadaver, ad quale convolat aquila, & notabat Virginem S. nascituram quæ se humiliatura erat, atque si esset cadaver. Richard. lib. 1. cap. 5. *Humilitas Mariæ Regem cæli attraxit ad terram, & velut Aquilam præde concupitæ odore illectam carni immaculatissimæ copulavit.* Nisi Thamar se vilem faciendo occurrisset, linea fuisset Abrahæ scissā: nisi B. Virgo nata fuisset, quæ tam humilis fuit, hæssisset promissio DEI. Cant. 1. *Nardus mea odorem suum dedit.* Bern. *Quid est aliud, Nardus mea dedit odorem suum, nisi B. Virginis humilitas?* Et statim sequitur. *Fasciculus Myrrhæ dilectus meus mihi inter ubera mea commorabitur,* qui velut Aquila avoluturus videbatur. Nascere o cara Virgo: attenuati sunt oculi nostri prospicientes in excelsum. Veni, deduc ad nos ab excelsu Aquilam.

De Raab nota historia, quod exceperit exploratores, qui ad necem quærebantur, & domum suam per funiculum coccineum salvavit. Cant. 4. *Sicut vitæ coccinea labia tua.* Pro quo S. Virgo labia sua aperit, invenit salvantem se vittam aut funiculum coccineum. Quod primum miraculum fecit Christus? Aquam mutavit in vinum, quod signum erat, quia

tristitiam

tristitiam nostram mutaturus erat in consolationem. Quo petente id factum? B. Virgine. Laur. à S. Richardo libro 4. *Christus aquas peccatorum convertit in vinum gratiarum precibus & meritis Matris suæ, & etiam aquas miseriarum in vinum consolationum.* Nemo id Sanctorum impetrare poterat illorum Patrum, Virgini S. id reservabatur. Cant. 8. *Ego murus, & ubera mea turris.* Ad hunc murum, sicut hostes dum irruunt, stitit omnis miseria. Fuit populus DEI in summa afflictione, initium salutis fuit rubus ardens incombustus, qui notabat B. Virginem.

Ruth erat ex Moabitibus, sed adamavit populum DEI. *Egressa propterea de domo & natione sua.* Ita hæc S. Virgo quæ nascitur, faciet. Dicit illi David: *Audi Filia & vide, obliviscere domum Patris tui;* Adamavit populum DEI. Idiota de contempl. *Cura illi est de omnibus, nemo est qui se abscondat à calore ejus.* Ruth collegit spicas derelictas. Ps. 59. *Moab olla spei meæ.* Hæc Ruth Moabitibus spem facit. Ambr. de laud. Virg. cap. 12. *Excipite ex hac Moabitis olla unguentum gratiæ cælestis.* Lazarus à mortuis resurgens, ut meditatus S. Cæsarius homil. de Visitatione B. primum verbum dixit, *Maria.* Quia ut Chrysost. serm. 64. *Sine Maria nec mors poterat fugari, nec vita revocari.* 3. Reg. 17. Mortuus fuit cuidam viduæ filius, ut eum revocet Elias ad vitam, his cæremoniis utitur. *Tulitque secum de sinu Matris ejus, & portavit in cænaculum ubi ipse manebat, & posuit super lectulum.* Quorsum ista? Method. hom. in Purificatione. *Puritatis tuæ ô Virgo Propheta Elias præsciens atque imitator in spiritu cum esset, vitæ illius igniferæ sibi coronam colligavit, & in hunc usque diem Divino suffragio morte superior declaratur.* Hinc patet quod Elias fuerit S. Virginis imitator, & per hanc imitationem vicerit mortem. Hinc etiam peccatorem monet Gilbert. Abbas, serm. 26. in Cant. *Non expedit tibi extra materni sinûs ambitum reperiri, ne forte non tollat te verus Elias in cubiculum.* Si in hoc sinu fueris, resuscitaberis.



*Ex ea quæ fuit Uria.* Promiserat Salomoni David regnum. 3. Reg. 2. Interea Adonias proclamavit, ego regnabo; fecitque sibi currus & equites. Jamque eripuerat Salomoni regnum. Restituit Bersabeth sua prudentia & precibus. Non semel per peccatum excidimus Christi promissionibus, per S. Virginem illis digni rursus efficimur. Bern. serm 4. de Assumpt. *Hæc est quæ totius mundi reparationem obtinuit, salutem omnium impetravit; constat enim pro universo genere humano fuisse sollicitam.* Idiota in contempl. Sicut est omnium Regina, sic etiam omnium Advocata & Patrona est, & cura illi est de omnibus. Non uni rebeli apud DEUM imminabat exitium sicut Adoniæ; sed per Virginem non solum Salomon, sed etiam Abiathar salvatus, 3. Reg. 2. dixit Salomon Abiathar Sacerdoti, qui contra eum conspiraverat cum Adonia: *Equidem vir mortuus es, sed hodie te non interficiam, quia portasti arcam Domini DEI.* Non unus vir est inferni, sed non interficitur, quia portat arcam Domini. S. German. Orat. de Zona. *Tuis intercessionibus ô Virgo das salutem & liberam à supplicio inferni.* Id olim insinuat, Eccl. 24. *Et profundum abyssi penetravi.* Bernardin. sect. 3. artic. 2. c. 2. B. *Virgo dominatur in regno inferni, propterea inquit, & profundum inferni penetravi.* Num. 10. Cumque elevaretur Arca, dicebat Moyses: *Surge Domine, & dissipentur inimici tui, & fugiant qui oderunt te à facie tua.* Elevatur Arca, nascitur S. Virgo, elevemus eam applausu & gratulatione, precemur tenendo hanc arcam, ut nobis hæc S. Virgo dicat quod dixit S. Brigit. 7. Revel. 27. *Ergo & tu Filia mea veni, & absconde te sub mantello meo.* Dum nascitur, quærun Angeli quæ est quæ progreditur? quasi respondent simul. *Pulchra ut Luna.* Dum noctu sumus in periculo, ipsa nos illustrat, & servat, ut Rahab noctu exploratores dimittens. Quæ est ista? *electa ut Sol,* à cujus calore non est qui se abscondat, non est quem S. Virgo non colligat ut Ruth dum ipse

ipse velit. Quæ est ista? *Terribilis ut castrorum acies.* Hæc velut Berfabec regnum perditum recuperat. Quæ est ista? *Anima consurgens,* aurora adducit Solem. Thamar genealogiæ lineam conservat. S. Virgo Christum profert. Precemur à nata gratiam, facilis erit; sed advertamus. Si duo eandem rem emant, unus offerat nummum, alter 100. millia, cui potius vendetur? enimus precibus gratiam velut nummo uno, si è contrà velut centum millia offerant peccata ne detur gratia? Ædificamus nobis protectionem S. Virginis tanquam arcem, quid si unus ædificet, centum diruant? Una oratio ædificat, centum peccata dissipant. Extinguimus infernum, quid si unus extinguat, centum incendant? non miremur, quod non percipiamus id, quod B. Virgo dare parata. Quare illius nomine possum dicere, *Isai. i. Convertimini ad me, & ego convertar ad vos. Auferte malum cogitationum vestrarum ab oculis meis, quiescite agere perverse, discite benefacere, &c. Si fuerint peccata vestra sicut coccinum, ut nix dealbabuntur, &c. Quod si nolueritis, & me ad iram provocaveritis, gladius devorabit vos, quia os Domini locutum est,*

De eadem Nativitate B. M. Virginis.

### CONCIO III.

*De qua natus est JESUS. Matt. i.*

**S**icut Christi Nativitas describitur, ita & B. Virginis. Illam *Isai. 45. Aperiatuŕ terra, & germinet Salvatorem,* velut florem è terra egredientem describit. S. Paulus ut Filium Regis coronam sumentem, *Introduxit primogenitum in orbem terrarum,* ut adorent eum omnes Angeli ejus. Et adorant dum canunt, *Gloria*

*in excelsis, &c. Egredimini Filie Sion, & videte Salomonem in diademate. Nativitas B. Virginis similiter. Egrediatur Virga de radice Jesse. Ut Regina. Regali ex progenie exorta refulget MARIA, canit Ecclesia. Ex quo colligo admissam esse B. Virginem ad magnam, statim ac nata, similitudinem cum Filio. Hanc in illa consideremus.*

Christum prænunciavit Gabriel, etiam B. Virginem teste Hieron. Christus ex Virgine natus per miraculum, B. Virgo ex sterilibus per annos viginti. Christus ipsa sanctitas. Luc. 1. *Quod ex te nascetur Sanctum.* B. Virgo Sancta Ps. 45. *Sanctificavit Dominus tabernaculum suum.* Ab omni scilicet peccando præservando. Idiota contempl. 2. sic B. Virginem alloquitur. *Non defuit tibi puritas Angelorum, non fides Patriarcharum, non scientia Prophetarum, non zelus Apostolorum, non patientia Martyrum, non sobrietas Confessorum, non innocentia Virginum, in summa, nullo vacasti genere virtutum o Virgo plus quam Beata.* Qua de causa S. Th. de Villanova, conc. 3. de Nativ. vocat illam *Microcosmum Ecclesie.* Sicut homo dicitur *Microcosmus*, id est, parvus mundus, quia in illo est quidquid est in mundo, est esse, vivere, sentire, ratiocinari, sunt quatuor elementa. Unde si aliquis Sanctus est laudandus, illa multò magis quæ omnium Sanctorum continet virtutes. Hier. serm. in Assumpt. B. V. *Sicut in comparatione Domini, nemo bonus est, ita in comparatione Matris Domini, nulla res invenitur perfecta, quamvis eximia comprobetur.* Certant secum luce stellæ, sed ubi Sol comparuit, evanescunt. *Electa ut Sol.* In Nativitate Christi Angeli cecinerunt: etiam in istius, & ad hujus obsequium properarunt. Greg. Nicomediensis, Orat. de oblata Deip. *Oportebat non unum solum illi Angelum servire, sed decies mille millia illam stipare.* Inde Bonav. *Tibi omnes Angeli & Archangeli, tibi Throni & Dominationes, tibi Cherubim & Seraphim; tibi omnis Ange-*



*Angelica Creatura, proclamant: Sancta, Sancta, Sancta DEI Genitrix.*

Nec satis fuit in eam tot dona ut in thesaurum intulisse: Addidit DEUS horum firmitatem. Non essent beati coelites, si beatitudinem possent amittere. Ita & in mundo divites non sunt felices, quia possunt omnia amittere. Ceciderunt Angeli, cecidit Petrus. De aliis dicitur 1. Cor. 10. *Qui stat videat ne cadat.* Alii etsi non ceciderunt, saltem veniali peccato sunt moti loco. De Christo dicitur Psalm. 124. *Non commovebitur in aeternum qui habitat in Jerusalem.* De S. Virgine etiam. *DEUS in medio ejus non commovebitur.* Prospiciebat è longinquo id Salomon, Prov. ult. *Mulierem fortem quis inveniet?* Fuit Jeremias in utero sanctificatus, sed perfectior est sanctificatio præservari à peccato, quàm ab eo purgari; ille enim jam lapsus erectus est. Sed quando erit talis quæ nunquam fuit lapsa aut mota? *Procul & de ultimis finibus pretium ejus.* De ultimis finibus creaturæ, de ultimis potentiae DEI. S. Th. 1. p. quæst. 25. art. 6. ad 4. *Dicendum quòd B. Virgo ex hoc quòd Mater est DEI, habet quandam dignitatem infinitam, ex bono infinito quòd est DEUS, & ex hac parte non potest aliquid melius fieri eâ, sicut non potest aliquid melius esse DEO.* Atque concepta, statim Sancta. *Adjuvabit eam DEUS manè diluculo.* Sicut horas S. Officii disponit Ecclesia, ita DEUS sanctificationem. Unicus latro est de quo Scriptura dicit, quòd sit tempore Completorii, sive in occasu vitæ sanctificatus. Ne tamen ullus desperet, in plurali dicit Jer. 12. *Sanctifica eos in die occisionis.* Aliqui vespere in senio. Rom. 6. *Liberati à peccatis habetis fructum vestrum in sanctificationem.* Alii nona, alii horà sexta, in meridie, in ipso fervore ætatis. Alii horà tertià per Baptisma, 1. Cor. 6. *Abluti estis, sanctificati estis.* Alii hora primà, scilicet in utero, sed jam post contractum peccatum, ut Jeremias &

Joann. Bapt. sed B. Virgo manè, diluculo, antequam contraheret.

Christus D. statim ac conceptus usum rationis perfectum habuit. Idem factum est in B. Virgine. Ita docet Vasq. in 3. p. d. 119. cap. 3. *B. Virginem ab instanti conceptionis suæ & deinceps plenum rationis usum, in his saltem quæ ad DEUM & virtutem pertinent, habuisse.* Et quia & usum rationis statim habuit, & plena fuit gratia, quolibet actu merebatur, ut inferit Novarinus, electorum lib. 4. n. 425. *Non minus meruit fundendo lac de uberibus suis ad Filii nutrimentum, quam Martyres meruerunt fundendo sanguinem suum in Martyrio.* Fundamentum huicce meriti est gratia valde magna quàm B. Virgo statim in utero existens habuit. Gratiæ hujus magnitudo ex eo colligitur. S. Th. docet 3. p. quæst. 27. art. 4. *Dicendum quòd DEUS illos quos ad aliquid eligit, ita præparat & disponit: ut ad id ad quod eliguntur inveniantur idonei.* Juxta illud 2. Cor. 3. *Idoneos nos fecit ministros novi Testamenti.* Beata autem Virgo fuit electa Divinitus ut esset Mater DEI, & ideo non est dubitandum, quòd DEUS per suam gratiam ad hoc idoneam illam elegerit. Non ingredior hic, quòd DEUS illam specialiter elegerit, ut Angelus enarravit S. Brigittæ. Solum in hoc sisto. Maternitas DEI est infinitæ dignitatis, itaque & dispositio ad illam debet esse maxima, & omnes dispositiones ad Apostolatium, ad Martyrium, &c. longè superans. Alterum hujus discursus fundamentum est, 3. p. quæst. 27. a. 5. *Quantò aliquid magis appropinquat principio, tantò magis participat effectum illius principii, ut quantò quis Soli vicinior, tantò magis illustratur; quantò igni, tantò magis calefacit.* Unde Dyonis. dicit, quòd Angeli qui sunt DEO propinquiore magis participant de bonitatibus Divinis quàm homines. Christus autem est principium gratiæ, secundum Divinitatem quidem auctoritative, secundum humanitatem, & ideo præ cæteris majorem debuit

buit à Christo plenitudinem gratiæ obtinere. Nam ut Arnold. Carnot. de laud. Mariæ. Una est Mariæ & Christi caro, unus spiritus, & una charitas, & tibi gloriam cum Matre, non tam communem quàm unam iudico. Proinde magnam valde habuit gratiam, & ad illius proportionem merebatur.

Quid nobis inde? Nativitas tuâ DEI Genitrix gaudium annuntiavit universo mundo. Gaudemus quia tam grata DEO nascitur, hæc pro nobis omnia impetrabit. Dam. serm. 3. de Nativit. B. V. Merito autumnali tempore nascitur, ut jam velut in autumno totius sæculi fructus spiritualium arborum comedatur. Nobis nascitur matura gratia. Utitur verò hac gratia in nostrum bonum ad imitationem Filii. Th. de Kempis de discipl. claustr. cap. 14. Nisi Maria pro mundo quotidie oraret, quomodo mundus stare posset, qui tam multis peccatis DEUM offendit, & tam parùm recommendat? Fulgent. lib. 4. Mythiolog. Cælum & terra jam dudum ruiſſent, si non MARIA precibus sustentasset. Orat pro nobis; sed illam petimus ita, ut quidam latro qui occidit Regis filium, & cum gladio ac manibus cruentis intravit, ut ei Rex daret filii hæreditatem. Isai. I. Et cum extenderitis manus vestras, avertam oculos meos à vobis, & cum multiplicaveritis orationem vestram, non exaudiam, manus enim vestre plenæ sunt sanguine. Occidisti Filium, Filium Matris istius. De cætero Eutychianus, de poenitentia Theophili. Quis ô Domina mea speravit in te, & pudore est affectus, aut quis hominum fideliter tuam omnipotentem rogavit opem, & fuit unquam derelictus?

## De S. Nomine B. Mariæ V. CONCIO.

Et Nomen Virginis MARIA. Luc. 1.

**M**irum est quòd aliqui SS. Patres afferant nomina hominum indicare quales sint homines. Epiph. hæc. 78. Ex  
ipsis



*ipsis nominibus virtutis signa elucet.* S. Hieronym. in 3. Ezech. *Unusquisque pro moribus suis vocabulum fortitur, &c.* Mirum inquam, dum sæpè videmus contrarium evenire. Absalon significat Patrem pacis, scilicet Pater pacis qui totum regnum ad rebellionem contra Davidem incitavit, qui fratrem occidit, in patrem arma movit; è contrà Loth significat, involutus, colligatus: at verò Sodomitis se colligavit minimè. Semei idem quod obediens, at 2. Reg. 16. Regi maledicit. Roboam dilatans populum, at verò dissipavit. Nihilominus à Patrum sententia non recedo, & in eo sisto, quòd nomen hoc S. MARIA indicet quid sit Virgo.

Nomina fallunt quando sunt ab hominibus imposita: sed quando à DEO, minimè fallunt, & de his absque dubio SS. PP. loquuntur. S. Virgini à DEO impositum. Epiph. hæc. 78. B. *MARIA non fortuitò aut solum hominum placito, sed Divinà dispensatione nomen accepit.* Damiani, de Annunt. *De Divinitatis thesauro MARIE nomen evolvitur.* Jam hic fallere non potest, ut non fefellit in Petro, cùm dictus est Petra supra quam ædificaretur Ecclesia: non fefellit in Abraham, quia verè factus Pater multitudinis: Nomen S. Virginis ut Anselm. de conceptu Virg. cap. 2. *Nomen hoc à SS. Trinitate de cælo delapsum, & per Gabrielem Angelum fuit parentibus nunciatum.* Ratio hujus facti patet ex Epiph. l. c. *Ut ipsa quoque vocabuli sui figura magnum quiddam inveniret.* In nomine statim ipso patuit, qualis futura Virgo fuit. Nomen hoc variè interpretantur varii. Epiph. dicit, quòd idem sit ac *Stella maris*. Peregrinamur in patriam, aspiciamus veluti nautæ stellam. Psal. 103. *Mundus hic Mare magnum & spatiosum.* Sunt pisces qui evertunt navim, opprimendo scilicet: alliditur navis ad saxa latentia, scilicet ad fraudes hominum & dæmonum: sunt brevina desperationis: sunt procellæ quas inquieta hæresis excitat; sunt Syrenes carnis.

carnis, vis tutam navigationem? Epiph. l. c. *Oportet inter fluctus sæculi confugere ad MARIAM.*

Aliis nomen MARIA idem est quod *Illuminatrix*; quia sicut Filium *lumen de lumine* in mundum Pater misit, simili proportionatè modo misit S. Virginem. Filius illuminavit per doctrinam: illa hanc doctrinam conservavit, ut eà sumptà in manus velut lucernis orbem illustrarent. Euseb. Emis-  
sen. hom. de Purific. *Nisi ipsa verba Filii conservasset non ea haberemus.* Quid scivissemus de adventu Pastorum, Magorum, nato Christo? quid de Annunciatione? de S. Puer in medio Doctorum? de fuga in Ægyptum? &c. Basil. Seleuc. orat. 39. *Virgo est Paradisus ex quo Evangeliorum fons in quatuor ora factus.* Aliis hoc nomen Sanctum, idem quod *Mare amarum.* Causam reddit Albert. M. in Luc. 1. *Quia compungit in illecebris.* Amaras facit voluptates sæculi, deducit ad hoc ut cum pulsata tentatio, consideret homo illa vel similia, Eccles. 11. *Latere juvenis in adolescentia tua, & scito quòd pro omnibus his adducet te DEUS in iudicium.* Omnia tua facta orbi patebunt, legetur contra te tanquam contra leonem in foro mundi decretum. *Tu fecisti in abscondito, 2. Reg. 12. Ego autem faciam in conspectu omnis Israel & in conspectu Solis.*

Alii hoc nomen explicant, *Stella maris. Celsitudo. Myrrha maris. Pluvia temporanea. DEUS ex genere meo. DEI imitatrix. Magistra maris.* Longum esset singulis immorari. Non mirum verò esse debet, quòd hoc nomen habeat tot explicationes, quia ut Andr. Creten. orat. de Assumpt. illa est *declaratio profundorum Divina incomprehensibilitatis.* In illa patefcunt secreta DEI, & sui nominis explicatione semper novum ali-  
quod explicat, est ibi DEI incomprehensibilitas, hanc verò sequitur ineffabilitas. Sicut igitur DEUS à nullo intellectu creato potest comprehendi, ita à nullo explicari, propterea

illi dabant Hebræi quinquaginta nomina, ut quod uno non exprefferunt, alio utcumque compensarent. Simile quid circa hanc S. Virginem. Inde S. Theodorus novus Confessor dictus. Orat. de Nativ. B. V. ait hoc nomen MARIA, esse perinde ac Myrias, latine innumera, propter innumerabilem exomiorum copiam. Sicut innumera in se DEI continet dona, & hanc dat causam Bernardin. tom. 3. tract. de B. V. serm. 1. Non quod ita varie hoc nomen explicetur. Neque immerito non unam habet nominis interpretationem, nullum enim puto unum nomen Virginis gloriam posse enunciare: sicut DEUM ipsum non uno tantum nomine nunciamus sed multis, ut sic ejus incomprehensibilitatem enunciemus, ut DEUS exprimat, dantur illi nomina 50. ut B. Virgo, tot nominis explicationes afferantur.

Sit pro fine meæ Concionis illa explicatio, quam dat Hieron. quem Ecclesia vocat maximum in exponendis Scripturis Doctorem, libi. de Nomin. Heb. dicit quod nomen hic significat Domina. Beda in Annunc. confert hoc nomen cum nomine JESU. Hic se humiliavit, &c. propter quod dedit illi DEUS nomen quod est supra omne nomen, &c. B. Virgo, Ecce ancilla. Gerfon. In nomine MARIE celestium, terrestrium, & infernorum genu flectitur. Quod ita ordine explico, & primò de genu celesti. Richard. libi. 2. de laud. B. V. c. 9. Vix nata est Virgo, Angeli desiderabant illam nominari, ut nomen ejus haberetur celebre in cælis. Cum Magdalenæ frater Lazarus est mortuus, currit Martha. Domine, si fuisses hic, frater meus non fuisset mortuus. Quid deinde fecit Martha? Et cum hæc dixisset, vocavit Mariam sororem suam. Cur vocavit? Ut juvaret in petenda à Domino fratris vita. Sed hic Chrysost. mysterium notat serm. 64. Veniat MARIA, veniat materni nominis bajula, ut mortui exeant de monumento. Ut cum S. Virgo in sua non adesset persona, saltem in suo nomine compareret, & sic Lazarus excitaretur. Ecce in nomine:



nomine hoc flectitur genu terrestrium. Jam ad inferorum genu. Bonav. spec. lect. 3. *Fluunt, sicut cera fluit à facie ignis, demones, ubicunque inveniunt hujus nominis recordationem.* MARIA idem est quod Domina. Håbe nos Domina in protectione & ut tuos conserva. Precamur cum S. Germano Patriarcha Constantinop. *Malefidas Nationes Barbaras, quæ te, DEumque ex te natum blasphemius lacerant, pedibus Orthodoxorum Imperatorum subjicio: Nostri Reges acceperunt à Sede Apostolica titulum Orthodoxorum. Exercitus qui tuis semper innititur patrociniis horâ congressûs esto adjuerix.* Luna sub pedibus tuis sit Turcica, &c.

In festo S. Nicolai de Tolentino. CONCIO.

*Lucernæ ardentes in manibus vestris.*

Lucæ 12.

**C**UM ingenti triumpho Sanctus hic coelum ingressus. Ita enim de illo Eugen. IV. in Bulla Canoniz. *Latentur cæli, exultet terra, jucundeturque pariter totus orbis, quando ei qui effulset in templo DEI cum viveret, spatiosum in cælo præstant hospitium.* Quando fuit in terra effulset, lucernam in manu habuit, triumpho non fiunt sine ignibus, coelum cum lucernis ingreditur. Et nobis lucernâ opus, expectamus enim Dominum, accendamus eam igne Sancti hujus.

Expectamus Dominum, & jubemur lumbos præcingere. Cincturam hanc sæpius DEUS commendavit. Tob. 5. *Præcinctum & quasi paratum ad ambulandum.* Jer. 1. *Tu ergo accinge lumbos tuos, & surge, & loquere ad eos.* Ephes. *Stete succincti lumbos vestros.* 4. Reg. 4. *Accinge lumbos tuos.* Et de ipso Domino Luc. 12. *Præcingeret se & faciet illos discumbere.* Theophilact.

explicat. *Sint lumbi vestri præcincti, id est, omni modo parati.* Pro diversis negotiis diversè nos præparamus; aliter pro via, aliter pro militia, &c. Sed pro DEO, omni modo, hinc David non exprimit quid sit DEI, an servus, an miles, &c. Sed generaliter dicit: *Tuus sum ego, salvum me fac.* Vult me esse militem, servum, etiam jumentum, paratus sum. Psal. 72. *Ut jumentum factus sum apud te, ego verò semper tecum.* Vult ut sim vermis. *Ego autem vermis, non homo.* Quia debemus Domino in toto corde servire. Greg. lib. 5. in Reg. cap. 2. *In omni corde Domino servire, est peccandi nullam intentionem in corde retinere.* Hinc origo totius mali, quia non omni modo parati sumus ad voluntatem DEI. Sanctus omni modo paratus fuit, patet ex Chronic. ordinis ejus. Degebat Sanctus in pauperrimo Monasterio Firmi, inde visitavit Priorem Conventûs S. Mariæ de S. Jacobo multò ditioris, volebat illum Prior retinere, ut non tontopere egeret, sed ille prostratus in templo coram SS. Sacramento, oravit in hunc sensum. Domine, oro ut faciam voluntatem tuam, ostende in hoc puncto quæ sit tua voluntas. Tum DEUS misit Angelos in specie puerorum, in vestibus candidis, qui Sancto cecinerunt: *Morieris Tolentini, & mane in vocatione quâ vocatus es.* Quia Sanctus ut puer ad voluntatem matris accommodat suam voluntatem, ita ille ad DEI. Matth. 18. *Cùm de præcedentia contenderent, statuit Christus in medio puerum. Nisi convertamini, & efficiamini sicut parvuli, non intrabitis in regnum cælorum.* Quasi per hoc ostendisset Sancto, quòd se puerum exhibuerit, atque adeò sit certus cœli. Venerunt in vestibus albis. *Te candidatus Martyrum exercitus.* Sed Sanctus non fudit sanguinem, non tormenta sustinuit, &c. Sed suam propriam mactavit voluntatem. Apoc. 7. *Hi sunt qui venerunt de tribulatione magna, & laverunt stolas suas, & dealbaverunt in sanguine Agni.* In obedientia.

*Factus*

*Factus est obediens usque ad mortem. Et apud Prophetiam. Quasi agnus innocens ductus est ad occisionem. Matth. 25. Veruntamen non sicut ego, sed sicut tu vis. Alterâ vice Sanctus incidit in morbum gravem propter magna jejunia, &c. Medici jusserunt, ut comederet carnes, quod nunquam aliàs faciebat, idem præcepit Superior. At ille. Scis DEUS, quòd nunquam comedam carnes, modò jubeor, comedam, ostende tuam voluntatem. Perdix quæ fuerat cocta, statim vestita plumis circumvolavit, & in manu Sancti confedit. Ex hac lucerna Sancti accendamus nostras, jejunamus quando nobis placet, sed non quando præscribit Ecclesia. In jejniis vestris invenitur voluntas vestra. Damus eleemosynam, sed non quibus vult eam dari DEUS, amicis, affinibus. Benefacite his qui oderunt vos. Patientes sumus, sed non propter DEUM, sed propter ambitionem, luxum. In hac patientia non possidebimus animas nostras. Oportet id facere, quod DEUS vult: Si vult, ut sumus pauperes, sine honore, velimus. Si vult per Ecclesiam ut jejunemus, sit ita. Dixit Samuel ad Saulem: Nunquid vult DEUS victimas & holocausta, & non potius ut obediatur voci ejus? De quo Greg. lib. 6. in Reg. cap. 2. Holocausta eorum sunt, qui se omninò subtrahere volunt à publico opere, ut DEO se totos per amorem combustos offerant in secreto contemplationis. Victimæ sunt eorum, qui se à communi publico nequaquam separant, sed singulari virtute agunt, ut virtutes aliorum districtius vivendo transcendant. He quidem & hujusmodi cum bonorum Rectorum permissione aguntur, victimæ & holocausta sunt quæ DEUS probat, cum verò sic sunt, ut per ea Majorum præcepta negligantur, audiant quid à Domino missus ad inobedientem Regem Propheta loquitur. Et paulò post, Qui sequi propriam voluntatem eligunt, DEO placere se putant, sed DEUS eorum opera cum magna & ingentia sint, nequaquam probat. Addidit Prophetia, non obedire esse peccatum quasi ariolandi. De hoc Greg.*



*l. c. Idololatriæ sceleri simile esse dicitur, quia nimirum in inobedientia obstinatione nemo persistit, si propositi sui figmentum quasi idolum in corde non gestaret. Inde DEUS dicit I. Reg. 15. Pœnitet me quòd Saul Regem creaverim.*

Per lucernam intelligit S. Hieron. doctrinam Evangelii juxta illud. Ps. 118. *Lucerna pedibus meis verbum tuum.* Sine fide sumus cæci, impingimus; per viam procedendum est quam oculis non videmus, nec in ea obstacula, laqueos, hostes, &c. datum nobis ad hoc lumen fidei. *Et lumen semitis meis.* Semitæ solent esse breviores viis, etsi non omnes per illas incedant, sed strictiores, hæc sunt consilia Christi, vita Religiosa. Hanc Sanctus elegit. Quare canunt in ejus officio. *Elegit Nicolaum Dominus, & in splendoribus Sanctorum clarum fecit illum.* Servavit omnia suæ Religionis, &c. Sed Ps. 109. De Filio DEI dicit Pater. *In splendoribus Sanctorum ex utero genui te.* Quia dum Pater se considerat, & in se omnia, videt etiam splendores Sanctorum, & ita producit Filium; vidit ibi splendorem S. Nicolai. Natus ex sterilibus, ut Isaac & Samuel, ut sic in eo suam potentiam extraordinariam DEUS ostenderet. Prænuntiavit illum S. Nicolaus Episc. apparendo in somnis parentibus, & nominavit eum, fit simile quid atque in Joanne Bapt. Splendores isti. Puer in schola acriter reprehendit socios, si quid loquerentur absurdum. Septennis jejunit ter in septimana. B. Virgo cum S. Augustino venit ad illum noctu, post illam perdicem suscitata docet quomodo suo morbo debeat mederi, ac statim se sanat. Per sex mensium noctes continuas cantabant illi Angeli. Semel cum iret noctu ad matutinum, ita totus resplenduit, ut in templo videretur esse dies, plusquam Moyses, & veluti in transfiguratione Christus. Unde hoc procedebat? Habebat lucernam in manibus, fide utebatur; legit præmia castis, obedientibus promissa, fuit castus. Ubi nostra fides?

credimusne? *Da eleemosynam pauperi, & habebis thesaurum in cælo.* Damusne? accendamus lucernas nostras igne Sancti. Quid si non solum non obedimus Fidei, sed ea abutimur, promittimus nobis cælum, quia sumus Christiani, & juxta leges Christi vivere nolumus. Hæcine lex Christi? Opprime pauperem &c. In verba Cantic. *Faciemus tibi murenulas aureas, &c.* S. Bernard. serm. 41. in Cant. *Aurum Divinitatis est fulgor, aurum sapientia quæ desursum est, &c. Quodsi dixeris, quid eloquio & argento? dicit tibi Propheta, Eloquia Domini, eloquia casta, argentum igne probatum.* Murenulæ ex eo fiunt quæ aures ornant, quia fides ex auditu. *Paveant illi quod in Propheta legitur, Dedi eis aurum meum, & argentum meum, ipsi autem de auro meo & argento meo operati sunt Baal.* Aurum est Divinitatis fulgor, quia propter authoritatem DEI credimus.

Habuit Sanctus in manu lucernam ardentem. Quia expectabat cum amore, hoc est in gratia DEI existendo. Gratia DEI est lux, hanc peccatum extinguit, & fiunt tenebræ. Unde dicit: *Qui sequitur me, non ambulat in tenebris.* Gratia enim secum adducit septem dona S. Quando Sanctus adhuc puer audiebat Musam, videbat in S. Hostia puerulum dicentem. *Innocentes & justi venient ad me.* Ad eum, qui est lumen de lumine. In oratorio in quo Sanctus orabat, stella apparebat, quæ dum ille oraret plurimum relucebat. Moriturus fratres deprecatur, & sumptis Sacramentis, dixit Philip. I. *Cupio dissolvi & esse cum Christo.* Tum, ut etiam contra proximos extenderet charitatem, curat afferri imaginem B. Virginis coram qua solebat orare, & precatur. Præstitisti mihi medicinam in meo morbo, ut sumerem panem aquâ tinctum, & sanatus sum, præsta ut quicumque ederit panem, qui in meo nomine benedicetur, ut liberetur à morbis, ut illo injecto extinguantur incendia, tempestas maris componatur. Sed dum jam moritur.

ritur mediâ nocte, cœlestis splendor tanquàm de die illuminat cellam, & dictis, *In manus tuas Domine, &c.* expirat. Odor sentitur & melos Angelicum. Accendamus hoc igne nostras lucernas, amemus DEUM. Diligamus DEUM ex toto corde, ita ut moremur si opus esset, pro illo. Ex tota anima, omnibus potentius animæ pro illo laborando, non est amor qui non operatur. Gerson. *Abborret magis ab orio gratia, quàm natura à vacuo.* Amemus & proximum. August. de Trinit. 15. c. 26. Ideò bis datus Spiritus S. à Christo, semel ante mortem, deinde post mortem, ut diligamus DEUM & proximum. Oderimus peccatum, hoc enim tollit amorem DEL. Hoc tollit communicationem meritorum cum Sanctis, de qua gaudet Justus. *Particeps ego sum omnium timentium te, & custodientium mandata tua.* Nihil illi profunt indulgentiæ; non operantur vitam æternam merita quæ in peccato facit, nihil recipit fructuum ex Missis. Abnegat ipso facto suum esse DEUM Patrem, cœlum, Angelos, merita Christi, Luciferum sequitur. Non animatur Spiritu Christi, est cadaver putridum in oculis cœli, hæres est inferni, &c.

### In Exaltatione S. Crucis. CONCIO.

*Cùm exaltatus fuero à terra, omnia traham ad meipsum. Joann. 12.*

**S**icut victor prostrato jam in campo hoste, vexillum elevat ad me, qui vultis me sequi, qui non est mecum, contra me est. Ita Christus erigit Crucem, proponit præmia, honores. Ad me mei qui hostem hætenus secuti fuistis. Isai. 11. *Levabit Dominus signum in Nationibus, & congregabit profugos de Israel, & dispersos*



*dispersos Juda colliget è quatuor plagis terræ. Qui non vult sequi cladem sibi imputet. Veniet nihilominus tempus quo supra nolentes crucem, sed in illorum malum erigam. Matth. 25. Tunc parebit signum filii hominis; plangent omnes tribus terræ. Dum ponet Pater inimicos meos scabellum pedum meorum, ut mihi promisit. Sed cur crucem in signum, quæramus, & simul modum quo nos ipsam exaltemus.*

Variae Nationes varia signa in vexillis deferebant. Assyrii ex una parte columbam, quia maximam suam Imperatricem Semiranidem versam in columbam putabant: ex altera ad hostium terrorem, gladium. Unde Jer. 25. *Fugite à facie gladii columbæ.* Ægyptii vitulum, ad quod alludendo Judæi dixerunt Moyfi, Exod. 32. *Fac nobis DEUS qui nos præcedant, de vitulo nimirum loquendo.* Machabæi, ut testatur Sixtus Senensis literas J. M. E. R. L. quæ significant. Quis ut DEUS? at verò apud est Christum crux, *Vexilla Regni prodeunt, fulget crucis mysterium.* Hæc exaltat victo mundi Principe, de quo Isai. 30. *Super montem caliginosum levate signum.* Mons caliginosus est mundus, in quo nobis solùm tanquam lucerna in loco caliginoso, lumen obscura præbet fides. Hoc signo erecto clamat: *Discite à me quia mitis sum & humilis corde.* Sic mihi aggregabimini. Lucifer è contrà, qui est *Rex super omnes filios superbiæ*, à me non recedite, contemnite DEUM, proximos. Christus, non occides, non furaberis, &c. Uno verbo fit, ut cùm Moyfes Judæos ex Ægypto educebat, Pharaon retinebat. Volunt aliqui propter domos, possessiones, manere. Sed Domine, quomodo te sequamur? Crucem erigis? Osee 9. *Ephraim quasi avis avolaris, gloria eorum à parcu, & ab utero, & à conceptu.* Avolant à te ut aves viso terri culamento, postquam verò avolarunt, in carnis desideriis velut in visu hærent?

Nemo fugiat crucem. Suprà nationes præcipuè in Scri-

ptura nominatas adduxi, audite quomodo commendent crucem. Apud Chaldaeos sive Assyrios Sedes fuit Magiæ, Marfil. de vita cœlitus comparanda sic ait. *Magos Veteres dixisse crucis signum vivificum ac salutare hominibus.* Euseb. de præpar. Evangel. l. ii. c. 29. *Aegyptii per crucem significabant salutem, & cessatura idola postquam crux elevaretur.* Eamus ad Judæos. Jubet apud Prophetam DEUS occidi omnes in quorum fronte non fuerit Tau, id est, crux reperta. Sed missis Veteribus veniamus ad recentiora. Nemo ignorat illud Constantini Magni. *In hoc signo vinces.* Solum illud addo, quod scripsit de eodem Nicephor. lib. 8. c. 23. Vexillum Constantini in quo crux erat, certis militibus in acie custodiendum dabatur, in quos quantaque tum vis hostium incubuisset, nemo unquam occisus. Fuerunt etiam Ethnici inter custodes, & semel unus metu à vexillo refugit, & statim ab hostibus confossus est. Idem Niceph. lib. 18. c. 20. scribit quòd Mauritio Imper. Rex Persarum quosdam misisset captivos Turcas. Quos dum Imperator considerat, videt in aliquorum frontibus iniustas cruces. Quærit, quid sit rei? respondent, inter suos fuisse maximam pestem, & nullum evasisse cui non fuisset crux impressa. Sic ergo crux signum omnis boni, nec unquam fuit malignum, ideò Christus dum victor exaltat vexillum, ut nos ad se & ad omne bonum trahat, crucem exaltat. Micheæ. *Transibit Rex eorum coram eis, & Dominus in capite eorum.*

Sed tamen, inquires, crux est crux, & ea sæpè incumbit bonis, ac justis filiis ipsius Christi. Quis verò non indignè ferat, si videat filium Regis innocentissimum, à vilissimis & sceleratissima lixa percuti, &c. Sed non sic considerata ut oculis patet, etiam aurum luto obductum non sic judicamus, ut oculis patet: etiam salubrem medicinam non sic æstimamus ut gustus percipit. Audiamus unum ex his qui tam malè à ma-

à malis tractatus. Chrysoft. hom. 8. in Ephes. 4. *Magna dignitas, & regno quovis, & consulatu longè major, vinctum esse pro Christo.* Et ne videatur casu illi verbum excidisse, repetit in epist. ad Philem. *Vinctum esse propter Christum illustrius est, quàm sive Apostolum, sive Doctorem, sive Evangelistam, &c. esse. Si quis ardet amore Christi, eliget potius esse in vinculis pro Christo quàm cælum inhabitare.* Et iterum, *Honestius est pati pro illo quàm sedere ad dexteram ejus, quàm sedere super duodecim thronos.* Quia honestissimum est esse amicum Christi. Eccl. 18. *In adversis cognoscitur amicus.* Honestissimum est ostendere, quales in terris DEUS habeat servos, & sic ejus gloriam augere, ut patet in Job. 1. Honestissimum est DEO thronum ædificare. Exod. 24. *Moses montem ascendit, & vidit thronum DEI, opus lapidis Saphirini.* Alii legunt lateris Saphirini. Nimirum ex illis lapidibus ex illis lateribus, quos iniquè oppressi in Ægypto, spe coeli, quam Saphirus indicat cæruleus, elaborabant, in quo etiam animabat Prælatos ad ferendam crucem, cum illi Saphiros in annulis ferant. Ita militibus gloriosa sunt in scutis vulnera, & Imperatorem lætificant. Gloriosum est Christo coronam fabricare. David fuit figura Christi, 1. Paralip. 20. *Tulit David coronam de Melchon, fecit sibi diadema.* Quid hoc? Melchon erat idolum. Jussit DEUS ut Saul omnia perderet quæ erant idololatrarum Amalecitarum: David verò de auro quod erat in capite idoli, coronam sibi facit. Ex capite & ingenio dæmonis procedebat, quòd Ethnici persequerentur credentes in verum DEUM, ex isto malorum fonte coronam sumit David. *Videte Regem Salomonem, Christum in diademate quo eum coronavit mater sua.* Ex quo natus Synagoga Christo confecit diadema? *Jerusalem occidis Prophetas, &c. ipsum Christum.* Mirum est Genes. 32. Luctatur Jacob cum Angelo qui representabat Christum, dum incipit illucescere, Angelus petit ut



illum Jacob dimittat. *Dimitte me, aurora enim appropinquat.* Cur ita? Beda. *Erubuit comparere corpore non plagato.* Nondum passus erat Christus, nec ita multi pro eo passi. Nos cum plagas recipimus, Christus suas reputat, & in illis veluti regali purpura complacet, ne demus hunc honorem dæmoni, crux velimus nolimus ferenda, exaltemus eam ad Christi caput, non ad dæmonem per impatientiam dejiciamus. Idola Malchon ex spoliis Judæorum, ex afflictionibus fecerunt; tollamus eam de capite idoli, & ad veri Christi Davidis Christi caput exaltemus.

Sed unde provenit quòd potiùs advertamus ad Crucis amarorem quàm ad honorem? Quia fides in nobis deficit, *sub modio jacet*, non in candelabro ponitur. Dicimus nos verbis credere, factis negamus. In tenebris verò possumus pondus ac duritiem percipere, non autem rerum colores. *Rerum nox abstulit atra colores*, id evenit quando lux deest, consulamus fidem, quid illa dicet. *Beati eritis cum maledixerint vobis, & cum vos persequuti fuerint.* An fides fallit & sensus non fallit?

## In festo Stigmatum S. Francisci. CONCIO.

*Sequatur me.*

**N**ihil ita sequitur Dominum ut sigillum, exprimit signatura epistola cujus sit, & tam fideliter custodit, ut cum aliis custodibus non fidibus, pro fidissimò habeatur. Ita Judæi cum non fiderent Romanis militibus, ne fortè pretio corrupti extraderent corpus Christi, Matth. capite 27. *Signantes lapidem ad ostium monumenti*, securi erant. Ita Rex Bataassar coactus Daniele in locum leonum mittere, securus fuit, quòd ejus inimici nihil illi facturi essent mali, signavit

signavit os laci suo annulo, & Franciscum Christus signavit quinque figillis. Canit Ecclesia. *Signasti Domine servum meum Franciscum signis redemptionis nostrae. Igitur fidelissime secutus Christus. Sed hæc figilla consideremus.*

Filium DEI vocat Nazianz. *figillum Anarchi*, hoc est, principio carentis; & benè est, est enim *Imago Patris*, est *speculum Majestatis*, in quo se Pater exprimit. Unde dicit Joan. *Philippe, qui videt me, videt & Patrem meum.* Quantum etiam est homo, est figillum Patris. Joann. 6. *Hunc Pater signavit*, quia quæ fecit non poterat facere nisi Filius DEI; imperando morbos sanabat, Sancti orando DEUM ut sanaret, ita & resuscitabat. Et ita specialiori modo fuit figillum quàm aliæ creaturæ; nam & illæ sunt figillum. Dyonis. Arcop. *Supereminentem DEI bonitatem, sic esse totam in rebus singulis, à quibus participatur quasi figillum quoddam in sigillatis.* Sed in Sanctis specialiter est figillum. Aggæi 30. *In die illa, dicit Dominus exercituum, assumam te Zorobabel serve meus, & ponam te quasi signaculum, quia elegi te.* Specialissimo modò in Christo, quia in illo est simul DEUS. S. Franciscus modo quidam miro est signatus in monte Alverniæ, ut hodie legimus in Officio.

Signavit Franciscum Christus ut rem suam, sic in rebus suis ponunt stemmata. & quidem in locis nobilioribus. Nobilior locus fuit in terra Sanctus, in eo posuit. Bern. serm. 43. in Cant. *Magna humilitatis virtus, cui etiam Deitatis Majestas se inclinat.* Hic est locus altissimus. *Qui se humiliter exaltabitur.* Gregor. Moral. 32. c. 1. *Anima sancta unde dignior efficitur, inde sibi indigna videtur, & tunc à rectitudine se longe esse sentit, cum appropinquat.* Eccl. 7. *Cuncta tenuavi in sapientia, & dixi, sapiens efficiar; & ipsa longius recessit à me.* Greg. ibid. *Quæ sita sapientia longè recedere dicitur, (per sapientiam intelligitur in Scriptura sanctitas, ut per stultitiam peccatum) Quia appropinquanti altior videtur.*

detur. Reperit DEUS in domo sua Franciscum humillimum, itaque altissimum, itaque posuit in illo stemma suum. Præstitit hanc humilitatem rebus ipsis, reputabat se maximum peccatorem, egit poenitentiam qualem maximus peccator. Reputabat se ob peccata dignum maximo contemptu, & omnibus in cibo & victu vilissimis, & ita egit. Reputabat se indignum DEI oculo, & ita egit in oratione. Non in verbis consistit humilitas. Aug. de verbis Apost. serm. 2. *Pluvia est gratia, humiles sunt valles, superbi colles, decedit pluvia ex colle, & colligitur in valle.* Et paulò post, *Gedeon expressit velleris guttas in pelvum, scitis quid fecerit magister in cæna cum pelvi, illò congregavit gratiam, quò congeffit humilitatem.* Signavit cor Francisci, quia de illo dicere potuit. *Inveni hominem secundum cor meum. Ego Magister humilitatis, Discite à me, quia humilis sum.* Franciscus hoc fecit optimè. Franciscus dicebat Ps. 34. *Et substantia mea tanquam nihilum ante te.* Chaldaeus legit. *Ecce corpus meum.* Signavit manus, pedes. Sed & substantia Francisci nihil, quia alii Religiosi etsi nullam substantiam habeant in particulari, habent tamen in communi. Franciscus nec in communi voluit suos habere. Suos appellavit *minores*, id est, quàm cæteri *minores*.

Non pinxit Christus se in Sancto stigmata, sed insculpsit, ut tantò esset stabilius. Athanas. *Non evariatim pressa imago à signaculo, sed incommutabilis perseverat juxta sculpturam annuli, sive in cera, sive in annulo signaculum illud effigiatum est.* Simillimus Christi in quo illa stigmata sculpta, unde ad imitationem illius pauperrimus. *Dominam suam vocabat paupertatem, nec patiebatur seipso alium pauperiorem.* Vestiebatur pallio, invenit pauperem sine pallio, dedit illi, & dixit sociis. *Ego me reputavissem latronem, si hoc pallium non dedissem illi qui eo caruit, & magis indiguit.* Eleemosynas sibi oblatas dabat



dabat pauperioribus. Moribundus omnibus ſe exiit, & in terra extendit, & ne plaga lateris pateret, eam texit ſiniſtra manu. In quo ſimilis Chriſto nudo morienti. Quare & obſignavit illum. Ex paupertate oriebatur ſummus contemptus omnium rerum. Venit Sanctus ad Soltanum Babiloniae cupidus Martyrii, ſed loco illius oblata ſunt illi dona magna, quae ut lutum deſpexit. Videbant hoc ſigillum in Sancto bruta, & obediebant ei. Imperabat aviculis ut ſilerent, dum Officium Divitum recitabat; ſilebant, & finito Officio jubebat ut cantarent, cantabant. Cum praedicabat, attendebant illi aves, inclinando caput ſalutabant. Imperavit igni cum illi cauterium faciendum eſſet, ne dolorem inferret, non intulit, Pro ſine, de paupertate addo ex vitis SS. Patrum lib. 4. *Interrogatus ſenex à fratre, quid facere deberet ut ſalvus ſit? Senex ſe expoliavit, cinxit lumbos ſuos, atque extendens manus ſuas dixit: Sic debet eſſe nudus Monachus ab omni materia ſaeculi, & crucifigere ſe adverſus tentationes & certamina mundi. Hoc Religioſi debent re ipſa juxta ſuam regulam facere, ſaeculares in voto, hoc eſt, malint omnibus rebus carere quam DEUM offendere, quam ejus voluntati reſiſtere, ſi eos velit eſſe egenos.*

Signavit Chriſtus Franciſcum, quia illum ſibi ſubſtituit in reparanda Eccleſia, ſic enim illi dixit: *Vade Franciſce, repara domum meam quae labitur.* Et cum Innocentius in confirmanda ejus regula haeritaret, vidit in ſomnis Eccleſiam Lateranenſem ruere & à Franciſco ſuſtineri. Laudat ſapiens Simeonem filium Oniae. *Simeon Oniae filius Sacerdos magnus, qui in vita ſua ſuffulſit demum, & in diebus ſuis corroboravit templum.* Sed Franciſcus reparavit ſpirituale. Simeon armis defendit, hic oratione; ille contra viſibiles, hic contra inviſibiles: ille contra homines, hic contra daemones. Franciſcus poſuit lapides principales ex ſuis in Eccleſia, Nicolaum IV. Alexandrum

drum V. Sixtum IV. & V. Pontifices. Posuit quadraginta minimum Cardinales, novendecim Patriarchas, sexaginta quinque Archiepiscopos, plures quam 345. Episcopos, tot animas lucratus. Ille est alter Matathias qui cum vidisset ruinas templi, scissa veste clamavit. 1. Mach. 2. *Omnis qui habet zelum legis, statuens testamentum exeat post me. Tunc descenderunt multi quærentes iudicium & justiciam in desertum.* Attraxit Sanctus innumerabiles, neque solum de populo. Secutus illum S. Ludovicus Rex Franciæ, Didacus Rex Aragoniæ, Belus Rex Ungariæ, Carolus nonus Rex Siciliæ, Alphonsus, Petrus & Ferdinandus Reges Portugalliæ, Ferdinandus Rex Castiliæ, Henricus Rex Cypri, Ludovicus Rex Ungariæ, Fridericus Rex Siciliæ, Joannes Armeniæ, Henricus Daniæ, Sanctius Castiliæ, Alphonsus Aragoniæ Reges. Idem fecerunt multæ Reginæ; idem filiæ Regum, & innumeri Principes. Idem infans filia Maximiliani Imperat. Margarita, & aliæ. Hos attraxit Franciscus. Habet Sanctus Monasterium in monte Sion, habet in Bethleem, habet in Christi sepulchro, habet in valle Joaphat, Damasci, in Pera vicina Constantinopoli; habet Cassæ in Tartaria, in Ægypto Alexandriæ, & Cairi; habet & in Syria: quis istas sustentat? Christiani sunt procul, ab inimicis aluntur contra quos pugnant. Quare meritò illum signavit Christus, ut seipsum in illo exhiberet ad reparandam Ecclesiam. Quare ad hoc implevit eum fortitudine, sapientiâ, &c. Imò Sanctus auget Ecclesiam, in omni loco Indiarum.

*Signavit signis redemptionis.* Nonne poterant alia in illo poni signa, gloriæ v. g. triumphi? Quia invenit idoneum ad toleranda illis similia quæ toleravit Christus. Aliis Sanctis dedit sua flagella, aliis sua jejunia, contumelias; Sancto plagas. Quare apparet quòd plurimum amatus. Sed quare non etiam alias

alias plagas ? quia ut dicit Anselm. lib. de passione. Cum fuisset Christus de cruce depositus, disparuerunt in illo aliae plagae praeter istas quinque, quia per has perfecit negotium redemptionis, sola morte nos redemit, etsi omnia alia sufficientia erant ad redemptionem. Sicut David occiso Philistaeo solum gladium in templo obtulit, quia illo finivit victoriam. Certum est quod jam gloriosus Christus has retinuit plagas, has dedit Francisco. Retinuit ut Patri irato nobis illas ostendat, & misericordiam impetret. Constituit Franciscum in terra ut placet DEUM pro hominibus, reliquit plagas. Hucusque corpus ejus stat integrum elevatis oculis in coelum, & Christus stat ad dexteram. S. Stephanus, Act. 7. videt *Filium hominis stantem à dextris virtutis DEI*. Prius mons Alvernæ erat plenus, tonitruis, &c. At post plagas Francisci semper est mite coelum. Datum id plagis ejus. Ostendit etiam Christus per has plagas quantoperè erat exaltaturus Sanctum. Jam fit Francisco ut Cantic. capite 8. *Pone me ut signaculum supra cor tuum, ut signaculum super brachium tuum*, ut portem arma tua. In aliis Christus contentus corde. Prov. vigesimo tertio capite: *Præbe mihi fili cor tuum*. Sed totum vult Franciscum. Sed Christo carnifex intulit plagas, Sancto Seraphinus, nec ferro sed radiis. Quia in Christo fuit tanta ignominia, ut dixerit. Isai. 53. *Et quasi absconditus in terra vultus ejus*: fuit etiam & honor, dedit quod erat honoris Francisco, ut erga illum ostenderet amorem. Unde & Papa & Cæsares, &c. osculantur has plagas. Sed si DEUS voluit honorare, cur non omnibus patebant illae plagae? Non omnes digni erant hoc spectaculo.

Tu Sancte etiam nunc non desinas fulcire Ecclesiam, per plagas tui corporis, ut portes emitte ignem quo ardes, ut & ipsa ardeat. Ostende plagas Christo, & ora misericordiam, &c.



In festo S. Matthæi Apost. **CONCIO.***Non veni vocare justos sed peccatores.*

Matth. 9.

**I**Nter duos libros sedet Matthæus, Rejestra telonii & Evangelium, quod scripsit, in uno legebat, date; in alio, accipite. In uno, *Gratias agimus tibi propter magnam gloriam tuam*, quia magna est Domini gloria convertere peccatores nullâ adhibitâ violentiâ: in altero, *secutus est eum*. In uno justitiam, in altero, *Misericordiam volo & non sacrificium*. Sumamus & nos ex his libris aliquam doctrinam.

Matthæus erat in civitate maritima Capharnaum telonarius, Beda dicit, usurarius, qualibus hominibus à lucro difficile recedere. Prov. *Stultus etsi in pila contundatur, non depelles ab eo stultitiam*. Jerosolomitani mercatores habitabant in valle, quæ dicebatur pila, unde dictum. *Habitatores pile perierunt obvoluti argento*, quia tales obvolvuntur ut algâ, difficile illis est à restitutione se liberare, & sic percut. Difficile est Angelum limo involvere, difficilius Spiritum S. jungere cordi usurarii. Facile vocem exaudit qui prope est, difficulter qui distat procul. Prope est justus DEO sicut lux aëri: procul abest impius sicut tenebræ à luce. Ps. 144. *Prope est Dominus omnibus invocantibus eum*. Peccator, *Cor eorum longè est à me*. Peccator est quasi avis dimissa. Osee 9. *Ephraim quasi avis avolavit*. Hæc habemus ex libro priore.

Ex altero libro. *Non veni vocare justos sed peccatores*. Conversus à Christo, ivit ut Jordanis retorsum, nam aqua Jordanis lutulenta est & turbida propter nives Libani quæ solutæ defluunt in Jordanem, erat Matthæus ut Jordanis in quem deflue-

defluebant aquæ de periculosa tractatione pecuniarum. Num. 20. *Congrega populum tu & Aaron & loquere ad petram.* Locutus Christus ad hanc petram, dedit aquam. Cum Christus venit peccatores vocare, jam ad majus opus venit quàm antea ad creandum mundum venerat, quia in creatione nihil est quod resistat creanti, creatio enim est de nihilo. At verò in justificatione resistit voluntas mala hominis, cui DEUS constituit vim non inferre, sed modis quibus ipsa consentiat retrahere à malo. Unde S. Th. concludit 1. 2. q. 113. art. 9. Majus opus esse justificationem impii, quàm coelum & terram creare, imò majus quàm Angelum, qui nunquam peccet, semper DEUM laudet, facere. Nam August. 15. de verbis Apost. *Melius est esse justum quàm Angelum.* Cui enim Angelorum dixit DEUS, *Tu es Filius meus?* dicit autem justus, & justi dicunt, *Pater noster*; nam peccatores justius id dicunt diabolo, ex quo nascuntur. Imò plùs est de peccatore justum facere, quàm non unum sed plures Angelos creare, ait Aug. libr. 2. ad Bonifac. c. 5. Imo plùs est quàm mortuos excitare. Greg. 3. Dial. 17. *Pluris est conversio Pauli quàm resuscitatio Lazari.* Hinc æstime-  
mus, quantum beneficium nobis Christus fecit, quando reliquit nobis modos quibus nos possimus ex peccatoribus facere Sanctos. Æstimemus quanta sit gravitas peccati, ex contrario enim cognoscitur contrarium.

Benè ista Matthæus agnovit itaque ut se gratum pro beneficio redderet, solum dixit Christus, *Veni & sequere me*, sequitur. *Ecce Domine, quia vocasti me.* 1. Reg. 3. Reddidit statim rationem sui officii cui debebat. Proclamari fecit, quòd pecuniam sine ulla usura esset recepturus, quibus ad usuram dederat, & quæ per usuram acceperat restituit. His factis, de residua iusta pecunia fecit convivium, & erat turba multa publicanorum, & aliorum qui erant cum eis discumbentes. Luc. 5. quos ideò

invitavit, ut & ipsi converterentur, ut dicit Hieron. in medio illorum Christus sedit, Cant. 2. *Sicut malus inter ligna sylvarum, arbor pomifera inter sylvestras.* Ibi Christus quæ dicebat, quomodo ad compunctionem adducebat? Finito convivio omnem curam sæculi abiecit Sanctus, & accepto deinde cum Apostolis Spiritu S. majora fecit. Fuerat Matthæus ut Jordani turbidus, ecce jam conversus est retrorsum, primus scribit Evangelium, & ad fontem redit, originem Christi deducit. *Liber generationis JESU CHRISTI, Filii Abraham, &c.* reddidit librum pro libro rationum seu regeſtro. In Jordane à lepra mundatus Naaman, 4. Reg. 5. Ille filium Regis Ægypti refuscitat, quæ res movit Ethnicos ut Matthæum vellent pro DEO agnoscere, illique sacrificium offerre. Sed Jordani etſi novam virtutem habuit refuscitandi mortuum, non amisit veterem purgandi à lepra, purgavit populum ab idololatria, & ad veri DEI cultum adduxit. Magos reſreſſit, ægros varios ſanavit, dracones duos in ſe à Magis immiſſos verbo occidit, ultra ſeptuaginta millia Æthiopum adduxit ad fidem. Fuit durus olim Matthæus ut lapis, jam ad vocem DEI fundit aquas copioſas. Damiani ſerm. 2. de S. Matth. tùm alias Evangeliſtas comparâſſet aliis fluminibus de paradifo egredientibus. Flumini Phyſon Matthæum, quia primus de paradifo profluit, ille primus Evangelium protulit. Idem Damiani confert Matthæum Moyſi, hic cum virga ducit populum, iſte cum calamo; ille aquas de petra educit, iſte cùm fuiſſet antea inſtar petræ, aquas fundit. Ille ſcripſit librum generationis Adam: iſte librum generationis Chriſti. Ille duxit populum non denigratum, Matthæus Æthyopes, quia & ipſe aliquando fuit niger, antequam ſcilicet ſe aquis lavifſet quas ipſe produxit. Interim Rex moritur quem ipſe converterat, & filiam ejus Iphigeniam admifit ad votum caſtitatis,



tis, & Monialem primam fecit in Ecclesia Christi. Successit in regnum qui Iphigeniam in uxorem accipere voluit, defendit se Virgo voto castitatis. Novus Rex inquit, quis author voti? invenitur Matthæus, jubet Rex ut Sanctus laudet matrimonium, quò Virgo ad illud inclinetur. Laudabat Sanctus, sed virginitatem præferebat, atque ostendebat quantum esset scelus Christi Sponsam appetere, ideo jussu Regis lanceâ confixus.

Duo etiam nos sumamus ex libris Matthæi. Si tanta res à peccato converti, fugiamus peccatum. Quis enim vellet se tradere in captivitatem; si aliter ex illa non possit exire, nisi Rex pro eo tradat suum Filium in mortem? Quis vellet se in profundissimum projicere puteum, ex quo non possit egredi, nisi tantum auri injiciatur, ut puteus totus oppleatur, & ipse nec obolum habeat? Quis vellet bibere venenum, à quo sanari non possit nisi omnia regna mundi in cinerem exurantur, & ex cinere fiat medicina. Majoribus est opus ut quis à peccato exurgat. Sed uno verbo DEUS vocavit Matthæum: sed etiam plures erant quibus non proficit vocari. Matthæus erat petra, percussa est, & fluxerunt aquæ. Sed vereor ne aliquis pereat in his aquis Jer. 15. *Facta est mihi plaga quasi aquarum infidelium.* Mirum est si ex petra fluant aquæ, majus est si ex peccato exeat. Ita filii Heli Ophni & Phinees ruebant in peccata, ut ait Philo de antiq. Biblicis. Agamus pœnitentiam, DEUS non expectabit dum facti fuerimus meliores: ambo eadem die occisi, non pervenerunt ad pœnitentiam. Hæc ex libro priore Matthæi. Ex posteriore. *Liber generationis JESU CHRISTI filii Abraham.* His Filius dicit: *Nolo sacrificium sed misericordiam*, quia sacrificari, occidere, v. g. bovem, ex se opus non est bonum sed solum ex institutione DEI, qui dixit sibi id placitum si aliquis faceret in lege; at misericor-

dia ex se est bona. Abraham fuit misericordissimus, recipiebat peregrinos, pro Sodomitis intercedebat. Volumus esse Filii DEI, ostendamus nos esse Filios Abrahæ. Nihil ita flebit DEUM ad misericordiam sicut misericordia. *Estate misericordes ut sitis Filii Patris vestri qui in cælis est.*

In Festo S. Michaëlis Archangeli.

## CONCIO I.

*Quis putas major est in regno cælorum?*

Matth. 18.

**Q**uis major ex hominibus in cælo, definivit in hoc Evangelio Salvator: quis inter Angelos, hanc discutiendam attulit quæstionem. Et licet statim concludi posset, quod S. Michaël, spectabit tamen, & ad ipsius & aliorum Angelorum honorem quorum hodie cum S. Michaële festum celebratur, si hujus rei adduxero rationes.

Omnes Angeli DEI sunt facies, Exod 33. *Facies mea præcedet te, & requiem dabo tibi.* Rupert. Abulen. Lyranus & alii de Angelo Synagogæ intelligunt, qui in columna nubis redeuntem populum ex Ægypto præcedebat. Sive quod sicut in facie pulchritudo hominis conspicitur, ita ex Angelis DEI; aliæ creaturæ parum indicat. Quid enim ex lapide hujus pulchritudinis collegimus? ex planta etiam & brutis parum, ex homine plus aliquantò: At ubi personam cogitamus quæ habet quidquid in saxo est pulchri, quidquid in planta, bruto, homine, totum habeat: & modo indicibili amplius, & hæc ipsa persona adhuc à DEO dicitur infinitè, mens ad cognitionem pulchritudinis DEI quàm maximè affurgit.

furgit. Unde Ambros. in Luc. 12. Angelos vocavit *mundi flores*, ut sicut florem rei dicimus, quod est in re pulcherrimum, ita illi in toto mundo sunt pulcherrimi. Aliæ creaturæ DEI umbra, odor; at verò Angeli sunt facies, sive ideò sunt facies, quia facies in Scriptura pro persona sumitur. Psalm. 85. *Facies peccatorum sumitis*, id est, personas pauperum affligitis, quia idonei sunt Angeli Personam DEI repræsentare; nemo verò Principum vult, ut personam illius iners homo sustineat. Igitur sunt excellentissimi. Sustinuerunt verò re ipsa non semel DEI personam, ut cum Adam de paradiso ejiceretur, ut cum lex data in monte Sinai, &c. Hinc Chrysost. sermon. de Davide, Angelos dixit esse *vehiculum Verbi*, quòd sicut currus vehit hominem, ita illi vehunt personam Filii DEI repræsentando. At verò Michaël, Dan. 10. *Unus de Principibus primis*. Dan. 12. *Princeps magnus*. Amplius dico, de solo Michaële habemus quòd sit facies, nam ille locus, *Facies mea te præcedet*. De Michaële loquitur ita Rupert. & Abulen. Ille enim duxit populum DEI, ut infra dicemus.

Angelos non solum facies DEI, sed etiam *oculos* appellat Scriptura. Apoc. 5. Vidit Joannes Agnum stantem cum septem oculis, & explicat. *Hi sunt septem spiritus missi in omnem terram*, qui providentiam Agni exercent in Ecclesiam. Illi Jo-  
nam in ventre ceti servarunt: illi Ismaëlem ejectum in desertum aridum à siti salvarunt. Septem Angeli nominantur solum, quia ut Clem. Alex. lib. 6. stromat. Soli hoc loci Principes recensentur. Isai. 6. Vidi Dominum sedentem in throno excelsò, &c. *Fumo repleta est domus*. Quia ad hoc Angeli? ut DEI mitigent iram. Clamant Sanctus, Sanctus, Sanctus. Scribit B. Nilus de S. Chrysost. apud Baron. tom. 10. quòd ille templum ingressus vidisset sæpè Angelos in duos ordines distributos, quorum singuli vultu submisso, nudis pedibus, silentes, vestitu can-  
dido,



didit, S. Liturgiam expectabant. Quia notant nostros bonos actus, & DEO offerunt: nos ad devotionem incitant; jungunt suas preces nostris, ut nostræ sint tantò gratiores, & sic promovent nostram salutem. Tob. 5. Interrogatus Angelus qui iuniorem Tobiam duxit, quomodo vocaretur. Respondit: *Ego sum Azarias Ananiæ magni filius.* Ananias significat gratiam DEI, quia Angeli sunt gratiæ DEI filii. Azarias idem est quod Adjutor DEI, quia DEUM circa nostram salutem juvant, providentiam ejus exequendo. Ideò de illis Ambr. in 12. Luc. *Lilia agri sunt Angeli, qui bonum sacrifice odorem nobis aspirant.* Revocant nobis in mentem pœnas & præmia æterna, illustrent, exempla aliorum adducunt. Et sicut malus Angelus in hoc est potissimum ut nos falsitatibus impleat, ita bonus ut veritatibus. Quà de causâ Sophronius in laud. Angeli, vocat bonos Angelos *fontes cognitionis.* Patet hoc in S. Aug. Confessionum lib. 8. cap. 11. Hærebat hic in peccatis, & putabat se non posse castè vivere. Produxit in mente ejus Angelus castitatem velut Reginam choro castrorum juvenum ac puellarum cincta. Et addidit. *Tu non poteris, & isti & istæ?* Et ulteriùs voce clarâ inclamavit. *Tolle, lege* apparuit ille biblia, & incidit hæc Apostoli. *Non in cubilibus & impudiciis, non in contentione & emulatione, sed induimini JESUM CHRISTUM.* Et Augustinum in viam salutis deduxit. Hæc in Augustino semel externè, quotidie in nobis operatur internè. Zach. 1. *Angelus loquebatur in me.* Blosius in dictis PP. *Nulla unquam mater erga unice dilectum suum filium regendum, custodiendum, tuendumque vigilavit, ut hi beatissimi spiritus saluti nostræ invigilant.* Hæc omnia circa nos cura Angelorum. Sed inter istos oculos perspicacissimus est Michaël; Inter ista Verbi vehicula amplissimum est Michaël; inter flores pulcherrimus. S. Th. 1. p. q. 113. artic. 3. docet. *Quantò agens universalis, tantò est superius.*

Agunt

Agnus, circa nos Angeli, sed nullus tam copiosè atque Mi-  
 chaël. Hebr. 1. *Omnes sunt administratorii spiritus.* S. Hilar. legit,  
*efficientes.* Alii, *agentes.* Audiamus S. Pantaleonem Diaconum  
 Constantinop. qui in hunc sensum scripsit. Quod Adam pri-  
 ma victus tentatione, postea non fuerit tentatus, ut iterum  
 caderet, Michaëlis suasionibus & monito tribuendum: Mi-  
 chaël Abrahæ gladium tenuit ne Isaacum occideret. Michaël  
 potentissimum Senacherib exercitum interemit. Michaël po-  
 pulum DEI contra Pharaonem protexit. (nam ut Abulen. in  
 4. Deuter. Cum antea in nube præcederet populum, transtu-  
 lit se in partem illius posteriorem, ut illuminaret Hebræos,  
 tenebras faceret in mari Ægyptiis.) Cum Daniel in lacum  
 fuisset projectus, leonum ora Michaël conclusit. Michaël to-  
 tâ nocte luctatus est cum Jacobo ut eum animatum redderet  
 in causa fratris quem timebat. A Michaële Goliath est supe-  
 ratus, quando fundâ Davidis est percussus. Hæc Pantaleon.  
 Sed ante illum, hæc & plura alia videtur innuere Zach. 1.  
*Vidi per noctem, & ecce vir ascendens super equum rufum, & ipse sta-  
 bat inter myrtheta, quæ erant in profundo, & post eum equi rufi va-  
 rii & albi.* Omnes per illum virum intelligunt S. Michaëlem,  
 vir ascendens, qui nunquam de equo dejectus; inter myrthe-  
 ta. Myrthus habebatur apud Veteres pro arbore connubiali.  
 Unde apud Plin. l. 15. cap. 29. Venus myrthæ dicitur. Tibul-  
 lus, *Et gerit insigni myrthea seræ comâ.* Stabat inter myrtheta  
 ordinando conjugium Esther & Aisleri, cum populus fuisset  
 in profundo captivitatis. Michaël præcedit, cæteri Angeli se-  
 quuntur. Seder supra equum rufum, id est Monarchiam, quam  
 Persæ & Medi bello obtinuerant. Post eum varii equites va-  
 riorum regnorum Præsides, partim pacatorum, partim tu-  
 multuantium; hinc in equis albis & variis. Sed hoc totum  
 figura fuit quod S. Michaël matrimonii quod est inter Chri-

stum & Ecclesiam, habiturus esset curam, hoc est, sicut ibi Estheris, ita hinc Ecclesiæ. Et sicut ibi antea omnes alios Principes honoratus est Mardocheus qui habebat curam Estheris ita hic Michaël. Et quò causa universalior, eò superior. Michaël universalis Ecclesiæ seu Monarchiæ totius mundi curam gerit, alii Angeli regnorum particularium; igitur illis est superior.

Angeli sunt corona Christi. Apoc. I. c. Vidit Joannes in capite Agni cornua septem, & explicat quòd isti fuerint Angeli. Tyrinus ait cornua ista composuisse coronam. Sunt Angeli cornua, sed Agni mitissimi, proinde talia de quali effudit oleum Samuel in caput Davidis, dum illum Regem constituebat. Dyonis. de coelesti Hierarchia sic describit Angelos. *Angelus est imago DEI, speculum clarissimum resplendere in se faciens bonitatem silentii, id est pacis. Procurant hanc pacem, deducendo animas nostras, sicut illam columbam, Cant. 2. In cavernas maceris.* Cassiodorus in hunc locum. *In caverna materiæ moratur, qui præsidio Angelorum undique circumdatur.* Olim Angeli fuerunt in cœlo sicut maceria sine cavernis; sed postquam illorum quidam ceciderunt, factæ sunt cavernæ, homines eas debent implere, ad has implendas collaborant Angeli. Unde nos contra hostem tuentur. August. in Psal. 124. *Montes in circuitu ejus.* Sic ait, *Ambiunt Ecclesiam Angeli, & quasi murum faciunt.* Sed iste murus igneus. Psal. 103. *Qui facit Angelos suos spiritus, & ministros quasi ignem urentem, vel ut S. Paulus legit, flammam ignis.* Gregor. hom. 34. in Evang. quærit cur vocentur ignis? & respondet, *quia adhibentur animabus nostris purgandis.* Indicibili odio contra nos diabolus ardet, sicut si Princeps aliquis de suo Principatu dejiceretur, & in loco illius rusticus vilis esset collocandus. Angeli è contrâ videndo quòd nos DEUS ita amet, summe nobis favent, & ut Psal. 35. *Immittee*

*Angelus.*



*Angelus Domini in circuitu timentium eum.* Hieron. legit. *Circum-*  
*dat Angelus Domini in gyro timentes eum.* Ut nemini nocere possit  
 dæmon, nisi qui ex hoc gyro spretâ Angelorum protectione  
 profilierit. Redit Jacob Gen. 32. ex Mesopotamia in patriam,  
 & facti sunt ei obviam Angeli, vel ut legit Chrysost. *Vidit Jacob*  
*castra DEI metata;* vel ut Lyranus, *vidit duas acies.* Ad quid?  
 Deducebat Angelus Præses Mesopotamiæ, excipiebat Præses  
 terræ Chanaan. Sed tamen magnam nostram ingratitudinem  
 quòd malimus dæmonem sequi quàm ad maceriam currere.  
 Vindictam dæmones postulant à DEO, & tubas inflant ut est  
 Apoc. 8. At verò Michaël occurrit cum thuribulo aureo, *ut*  
*det de orationibus Sanctorum.* Mitigando iram DEI, quòd licet  
 sint multi homines scelerati, sint etiam sancti. Viega, Ribe-  
 ra, & alii docent hunc esse Michaëlem. Stat sicut Aaron &  
 Moyse cum thuribulo poenam DEI detinens. Offert preces  
 Sanctorum suas illis jungendo. Interponit se medium Michaël  
 non solum inter iram DEI & nos, sed etiam inter nos & ad-  
 versarios nostros, sicut fecit Exod. 14. Præcedebat populum  
 in columna nubis & ignis; sed ubi Pharaon insecutus, recepit  
 se post populum, ut scribit Salianus, & factâ nube tenebrosâ,  
 de nube faciens minacissimam instar fulguris, ostendit Ægy-  
 ptiis, arque eos merfit, ita & in coelo. Angeli jam cane-  
 bant septem tubis iram DEI, at verò Archangelus Michaël tubâ  
 cecinit. *Ignosce Domine DEUS noster.* Dum illi cane-  
 bant Angeli, poenæ sequebantur; dum Michaël oravit, sunt repressæ. Me-  
 ruit exaudiri Michaël quia dum rebellant DEO Regi Angeli,  
 illos compescit. Assistit nobis, quia contra illos, quos & ipse  
 hostes habet. Psal. 136. *Memor esto Domine filiorum Edom in die*  
*Jerusalem qui dicunt, exinanite usque ad fundamentum in ea.* Chal-  
 dæus legit, *Dixit Michaël Princeps Jerusalem.* *Memor esto Domine,*  
 &c. Hæc Oratio Michaëlis. Isti qui oppugnant tunc fideles,

sunt filii Edom. Iste populus est tibi rebellis, ne permittes ab illo vinci tuos fideles.

## De Eodem. CONCIO II.

### *Angeli eorum.*

**N**ulla potest eloqui lingua quanti nos DEUS faciat, servat ut thesaurum, & ipse custodit Ps. 120. *Non dormitabit neque dormiet qui custodit Israël.* Cingit nos muro præceptorum, alligat beneficiis. Osæ 11. *Traham vos in vineulis charitatis.* Cuique nostrum mandavit ut custodiat alterum, Eccl. 17. *Unicuique DEUS mandavit de proximo suo.* Denique Principes suos, id est, Angelos dedit nobis custodes, quorum caput Michaël, de quo præcipue hodie festum, de illo quod ex Evangelio eruere potero, dicam.

Statuit in medio parvulum, hic mihi insinuat humilitas Michaëlis. Factum est prælium in cœlo, &c. Ille, *Quis ut DEUS?* Variè se humiliarunt Sancti. Ignatius Mart. qui propter suas virtutes etiam Ethnicis fuit miraculo. Quid ille de se epist. ad Roman. ? *Me pudet de illorum numero dixi* (Christianorum) *non enim dignus sum, cum novissimus eorum, & abortiuntur quidquam.* S. Ephrem. quantus fuerit patet ex Nysseno, qui ita de illo. *Ejus rectè factis totus terrarum orbis plenus, ejus misericordia tanta, ut superet omnem humanam conditionem, & sicut Paulus, sit vas electionis.* Quid ille de se cap. de Timore animæ ? *Ego Ephrem. peccator ignavus & piger in certamine spiritali, in quo assidue ob negligentiam meam animique torporem vincor.* Alii Sancti aliter se humiliarunt. S. Michaël. *Quis ut DEUS,* in profundum se nihili abiecit, degustat nihil manûs qui eâ truncatus; cæcus nihil oculorum, S. Michaël in totius sui nihil

nihil se merſit. Lucifer conſiderabat ſuum eſſe, è contrâ Michaël ſuum non eſſe, & multò profundius ſe demifit quàm Lucifer ſe extulit, & ita ſe humiliavit Michaël quantum nemo noſtrū cogitare poteſt; ſtatuit enim ſe ex oppoſito Divinæ magnitudinis, quàm melius cognovit quam ullus noſtrū. Et ſicut eſt DEUS magnus, ita ſe parvum proportionaliter judicavit. *Quis ut DEUS?* DEUS omnia, ego nihil. DEUS infinitus, ego quaſi pulviſculus. Faceſſat Luciferi ſuperbia, ſit damnabilis, ſit execrabilis. Adamavit illum propterea DEUS, ut de illo dici poſſit, Iſai. 66. *Ad quem reſpiciam niſi ad pauperculum, & trementem ſermones meos?* Jam nobis in- clamat Bernar. *Quid ſuper his terra, cinis?* Habuitne Michaël peccatum ob quod ſe humiliaret? nos faciamus ut ſit circa hortos, qui ſpinis circumponuntur ne fur intret, ne ſuperbia intret circumponamus nos ſpinis peccatorum noſtrorum. Climachus ſcribit de quodam, cū tentaretur ſuperbiâ, ſcripſit hæc in pariete. *Perfecta charitas Angeli & humilitas, nudiffima oratio, incorruptibilis caſtitas.* Et ſibi in- clamabat: *Cū has omnes poſſederis, tunc ſcies quàm longè adhuc à DEO ſis.* Fuitne ita in- gratus DEO Michaël poſt tot beneficia atque nos? tot debita habemus, quomodo exolvimus? Fuitne ille tam vilium nata- lium? Pater noſter proſcriptus è paradifo. Fratres non pauci in rotam acti in inferno, &c. & ſuperbimus! Unde hoc pro- venit? Ruſticus qui nunquam vidit palatia, &c. putat do- mum ſuam eſſe quid magnificum: ſed ubi illa conſpexit, jam aliter judicat. Non conſideramus nos, & non reſpicimus quantus ſit DEUS. *Quis ut DEUS?* Nos premit, *niſi efficiamini ut parvuli.*

Alterum eſt quod ex iſto Evangelio decerpo pro S. Mi- chaële. Factum Luciferi fecit ingens ſcandalum in coelo, quo tertia pars Angelorum in peccatum ruit; reliquos Michaël



detinuit. Et factum in coelo quod Psal. 141. *In hac via in qua ambulabam, absconderunt superbi laqueum mihi.* Poena scandalii. *Expediit ut mola asinaria, &c.* Hoc spectatur in Angelis malis, siquidem demersi sunt in profundo inferni. Quid ad hæc, qui inducunt alios ad vindictam? qui impura coram aliis dicunt? qui turpes imagines proponunt? cantiones foedas? &c. Lex DEI est, Exod. 21. *Dens pro dente, oculus pro oculo.* Quidni etiam anima pro anima? Ludov. Granatens. nullum putat certius damnationis signum, quàm scandalizare. Ita enim conc. hodie. *Inter quæ signa mihi præcipuum locum hoc genus sceleris habere videtur.* Quia per quæ quis peccat per eadem punitur. Peccat animas alienas perdendo, perdet suam. Tertium est, *Angeli eorum*, quia nostri; amemus, sed præcipuè Michaëlem. Illi Abrahæ promiserunt filium, Samsonis & Joannis nativitatem, imò & B. Virginis. Illi ex periculis unum, ex cæcitate alterum liberârunt Tobiam: è fornace ignis pueros. Illi, Isai. 66. os calculo ignito purgârunt, os asinæ Balaam aperuerunt. Illi Petrum ex carcere, Act. 12. Loth ex Sodomis. Illi 3. Reg. 19. paverunt Eliam. Illi hostem Sennacherib occiderunt. 4. 1. Reg. 39. Judam Machabæum defenderunt. 2. Mach. 10. Illi uno verbo nos custodiunt in omnibus viis nostris. Illi ne peccamus à securi Divinâ, precantur. Luc. 12. Horum Angelorum Princeps Michaël, ille circa nos eorum custodiam disponit. Meminerimus ergo illos nobis semper adesse. Bern. *Quovis angulo, quovis loco reverentiam habe Angelo tuo, & ne audeas coram illo facere, quod me præsentem non auderes.*

Periissemus pridem si nos Angeli non defenderent. Apocal. 7. *Vidi quatuor Angelos stantes super quatuor angulos terre, tenentes quatuor ventos.* Dæmon in nos immittit ventos à quatuor angulis, ut in domum Job. Ab Oriente, vani gaudii, luxûs, luxuriæ; hunc ventum tenent Angeli, ostendendo omnium

omnium vanitatem. Ab Occidente ventum suspicionum, blasphemiarum, vindictarum, doli: tenent Angeli excitando in nobis spiritualem lætitiā. A Meridie ventum oblivionis præceptorum DEI, votorum; tenent excitando timorem DEI. A Septentrione ventum spei longæ vitæ, dilatationis vitæ melioris; tenent ostendendo vitæ incertitudinem. Sicut dæmones omni modi invigilant ut nos perdant: ita Angeli ut nos salvent. Volebat dæmon ne corpus Moysis sepeliretur, ut occasio Judæis esset idololatriæ; sepelivit Michaël ut est in epist. S. Judæ. Ille se Antichristo opponet. Apoc. 12. Ille nostras animas ducit ad cælum. Precemur cum Basil. hom. de Angelis. *Tibi ô Michael Duci superiorum spirituum cateris prælato omnibus, tibi supplico, &c.*

## In festo S. Angeli Custodis. CONCIO.

*Angeli eorum semper vident faciem Patris mei. Matt. 18.*

**S**I experiremus, dum in fossam ruimus, ecce nos aliquis retinet: dum inimicus invadit, ecce defendit: dum hæremus dubii, ecce dat consilium. Si fulmen imminet capiti, ecce avertit: si dum peccamus, ecce reprehendit. Quanto perè hunc benefactorem videre desideraremus! Hæc nobis præstari ab Angelis experimur, sed eos videre oculis non possumus, quia sicut non potest percipere auris colorem, ita nec oculus spiritum: si verò eos sensu non percipimus neque intellectu quales sunt in se, quia nihil est in intellectu quod non prius fuerit in sensu. Apparent aliquando specie juvenum, sed est illud corpus ex aëre formatum. Apparuit Daniel.

Daniel. 10. Sed sub quibusdam symbolis, nam vestis linea puritatem, cingulum aureum charitatem, chrysolitus immortalitatem, fulgur agilitatem, oculi instar lampadum perspicacitatem intelligendi notabant, fortè aliquid clarius in Evangelio hodierno reperiam, & hoc proponam.

Certum est non solum ex S. Scriptura sed etiam ex Philosophia esse Angelos, & quidem ratio est Platonis. Perfectus numerus est denarius, ultra quem non datur progressus nisi ad initium redeundo. Species rerum sunt ut numeri, nam si ad 2. addideris 1. jam fit alterius speciei numerus quàm antè fuerat; ita si rerum speciebus addideris unam perfectionem essentiali, jam fiet alterius speciei. Sunt verò in mundo ventia quæ unicam perfectionem habent, scilicet vivere, & tales sunt plantæ; sunt quæ duas, vivere & sentire; & talia sunt animalia, quæ tres & tales homo habet, vivere, sentire, ratiocinari: ergo debet esse species quæ habet quatuor alioqui non esset perfectus numerus, & tales sunt Angeli, nam 1. 2. 3. 4. faciunt 10. Et iste est triangulus cujus basis est in DEO, apex in unitate. Ratio verò etiam Philosophica S. Thomæ, 1. p. q. 50. artic. 1. Omnis causa in hoc incumbit ut quàm simillimum sibi faciat effectum. Non assecutus verò fuisset id DEUS nisi fecisset Angelos, qui ipsi similes sunt multum, plantæ verò, animalia, homo minus similia, & sic gradatim similia, itaque DEUS creavit Angelos. Deinde, etsi DEUS per seipsum possit hæc in mundo regere, tamen viliora regit per nobiliora, ut bruta per homines: igitur debuit fecisse etiam alios per quos regeret hominem, & isti sunt Angeli. Ex quo ipso patet quantum deceat venerari Angelos, cum ipsi nostri sint gubernatores.

Isti Angeli quàm sint excellentes docet Evang. cum dicit, *Vident faciem Patris*, in est DEI. Ex quo sic. DEUS est Spiritus,



Spiritus, igitur & Angeli, nam oculus materialis videre spiritum non potest; si verò substantiæ spirituales, etiam sunt immortales, loco non circumscribuntur, à qualitate materiali, ut est calor, frigus, &c. non patiuntur, non habent extensionem mensurabilem, sunt penetrantes & penetretrabiles, sunt perfectiores rebus visibilibus; jam si existit aliqua, statim ab initio sui omnem suam perfectionem habuerunt, ut Sol, Luna, &c. etiam illi omnem scientiam quam potuissent deinde consequi, scilicet infusam, omnem pulchritudinem, robur omne. Hinc conspecto Angelo, Apoc. 23. voluit illum Joannes adorare. *Vident isti Angeli faciem Patris.* Itaque cognoscunt quantum deceat illi parere, illius voluntati se conformare. Ejus voluntas est ut nobis serviant, faciunt libentissimè etiam in abjectis rebus. Vultis exempla? Timotheum accessit specie Medici Angelus, ut ejus febrim curaret. In specie Chirurgi Christinam, ut ejus vulnera sanaret. In specie pueri Aurelio, ut ejus cubiculum purgaret. In specie cursoris Antonio, ut illi inserviret: In specie bubulci Isidoro, ut ejus boves custodiret. In specie nautæ Basilidi, ut apud illum ageret remigem: In specie fossoris Landradæ, ut illi sepulchrum effoderet. In specie coci Eutberto, ut illi cibos præpararet: In specie sartoris & lotoris Vanderphilo, cujus & refecit & eluit vestes. *Vident faciem Patris*, quia ille amat nostram salutem, & illi amant; ab illis procedunt illi instinctus. *Surge de peccatis, restitue, confitere, dispone te pro morte, legem DEI serva.* Neglexerat vel potius explicuerat sibi Moyse legem DEI de circumcidendo filio, dum esset in itinere ob incommoditatem, apparet Angelus cum gladio Sephoræ ejus uxori, & duobus filiis Gersæ & Eliezero, nec jam suadet sed cogit ut servent legem. Isidor. Pelusiota, lib. i. epist. 125. *Adversus eum Angelus gladium intentat, ut legis ad quam explendam proficisceretur.*

cisebatur transgressionem ipsi objiceret. Nam cum legislator à DEO institutus esset, ac legem accuratius servare deberet, ipse primum hanc violabat. S. Franciscæ Romanæ quia affinium suorum colloquia non satis gravia audivit nec interruptit, Angelus alapam inpegit. Juvenis quidam Germanus à sociis ad quandam conversationem minus honestam inductus, ab Angelo ita percussus ut corruerit semivivus. Monachus Colonienſis Lifardus fugam ex Monasterio tentabat, severo vultu illi apparuit Angelus, & duxit in cœmeterium, sepulchrisque aperis variis, jussit putrida cadavera spectare, ut servet se mox illis futurum similem. Monachus clamabat: *Parce mihi Domine, parce, non enim illa possum videre*, scilicet cadavera. Sed Angelus eum non dimisit, donec juraret mansurum se ad mortem in Monasterio. Ita Cæsarius lib. 4. Rectè Greg. lib. 2. epist. 37. *Hunc solum mihi amicum æstimo, per cujus linguam mea maculas mentis tergo.* At mitius agit Angelus nobiscum, sed tamen agit; audite solum conscientiam, audietis voces illius, nec minus beneficii Medicus præstat, qui per emplastra & unctiones curat, quàm qui per sectionem & unctiones.

*Vident faciem Patris* misericordissimi, & nostri Angelus miseretur, ac in miseriis succurrit. Primum visus est Angelus in terris, sed à quo? ab Agar mancipio ejecto ex domo Abrahæ, Gen. 18. Venit ad Daniele, cum inter leones projectus esset. Dan. 4. Venit ad Petrum, cum inter quatuor quaterniones militum in carcere jaceret, & tam Agarem quàm Davidem, quàm Petrum salvavit. Venit ad Tobiam cum cæcus esset, &c. Sed recentius est quod refert Barry. Juvenis erat Constantinopoli Angelo suo custodi devotus, in cujus etiam honorem vovit nunquam falsum dicere; accidit ut à quodam clari generis provocaretur ad duellum, occidit adversarium, nemo erat cædis conscius; propter quasdam tamen conjecturas

Eturas raptus ad Judicem, & interrogatus, an ille occiderit? potuit negare & liber fieri: sed mentiri noluit, ne Angelum offenderet, fassus, damnatus colli, eductus in arenam, carnifex dum attollit gaudium, vidit juvenem severo vultu, qui ejus manum corripit, & ait, *Ne feri*; quater carnifex ictum tentat, quater ab eodem retinetur, demum totus tremens abjecto gladio defiluit e theatro. Affines occisi suspicati dolum emptum a carnifice, nam nihil eorum viderant quæ carnifex, rem perfici per unum e medio sui volunt, sed idem evenit. Aperit causam, & reus dimittitur, castigatus mortis metu quod ad duellum descenderat, salvatus quia propter Angeli reverentiam mori quam mentiri elegerat. Magna hæc Angeli merita, sed non minus quod a nobis etiam offensus non recedat. Petr. Damiani ferm. 5. de Exaltat. S. Crucis. *Quotidie Angelos ad nostram custodiam deputatos multipliciter offendimus, ipsi autem licet a nobis frequenter injuriam patiantur, sustinent eam, nec minor circa nos illorum custodia, imò major sollicitudo, scilicet ut Medici boni circa periculosiorem infirmum. Vicinam mortem Austrebertæ & Adelgundæ Abbatissis denunciavit Angelus, ut tantò se magis pro illa disponerent. Idem factum Suitberto Episcopo, idem Aicardo, idem Mauro, Cononi Monachis. Idem Paphnutio Eremitæ, Lupicino recluso. Angelus cuidam Eremitæ de quo in vitis P.P. servit per dies septem in morbo extremo. Hæc faciunt, quia vident faciem Patris, & ex ea valorem animæ. Vident per istas animas suppleri ruinas quos cœlo intulit Lucifer. Et quia dæmones volunt animas id facturas perdere, zelant fratres pro Dina, Gen. 24. Quid ut scorto debuissent abuti sorore nostrâ. Invidet verò dæmon ne illò nos conscendamus unde ille decedit. Angelis autem propter nos augetur gloria accidentalis, dæmon ducit ad superbiam quæ intolerabilior in homine luteo, quam*



in Angelo, hinc Dominus exemplum parvuli adducit in Evangelio.

Denique testibus bene id expertis probo favorem in nos Angelorum. Aug. soliloq. c. 27. *Magnâ curâ, & vigilantî studio adcrunt nobis omnibus horis & locis custodes Angeli providentes necessitatibus nostris.* Cyrill. Jerosol. cateches. 14. *Angelus ubique curat ignorantias nostras.* Bern. serm. 1. in Cant. *Affiduis suggestionibus monet animam.* Ambr. in Ps. 56. *Angelus in circuitu est hominis, qui defendit ne quis noceat ei.* Laur. Justin. de spiritali animæ resurrect. *Quis quæso nisi Angelico suffultus esset auxilio, tam immanissimorum hostium valeret sustinere rabiem, effugere laqueos, tentationes vincere, fraudesque detegere?* Hæc sunt præter supra dicta, Angelorum beneficia. Quid verò aliud pro illis à nobis exigunt, nisi quod Raphaël dum illi dimidium bonorum offerret Tobias. Tob. 12. *Benedicite DEUM cæli, & coram omnibus viventibus confitemini illi, quia fecit nobiscum misericordiam suam.* Hanc gratitudinem reddamus Angelis.

In festo S. Francisci Seraphici. **CONCIO I.**

*Ego reficiam vos.* Matt. 11.

**F**Acilè possemus dicere quis major Sanctus si haberemus aliquam mensuram quâ illos metiri possemus. Sed hæc in aliis Sanctis difficilior, in Francisco facilis. Mensura Sancti est id, ad quod à DEO destinatur. Ita B. Virginem dicimus maxime sanctam, quia est ad hoc destinata ut esset Mater Christi; Apostolos valde sanctos, quia Legati Christi. *Legatione fungimur pro Christo, & illam cum honore debebant obire.* S. Franciscum ad quid elegit? Ipsemet Christus apparens ei ter in templo S. Damiani in forma Crucifixi dixit:

*Repara*

*Repara domum meam, quæ ut vides tota destruitur.* Hoc ipsum manifestavit Innocentio Papæ in somnis, dum ostendit Franciscum Ecclesiam Lateranensem fulcientem. Vocavit itaque eum ad hoc, ut esset reparator Ecclesiæ, hæc mensurâ metiar Franciscum.

Quando plures sunt artifices, qui v. g. domum aliquam possunt facere, plures etiam possunt illam reparare; sed si talis sit domus, ut non nisi unus in orbe sit artifex qui illam faciat: si illa destruat, vel ipsemet debet illam reficere, vel valde illi similis. Nemo potuit exstruere Ecclesiam nisi Christus, itaque nec ruentem reparare nisi ipsemet: sed cum reparandam Francisco dedit, signum est quod similem sibi Franciscum judicaverit. Vidit Salomon, Eccles. 9. Ecclesiam sub specie civitatis ab hoste obsessæ, jamjam perituræ, non reperiatur qui succurreret, tandem *inventus est vir pauper & sapiens, qui per sapientiam suam liberavit eam.* Planè de Francisco prophetia, qui ita paupertatem dilexit, ut appellaret suam Dominam, sapiens Christianâ sapientiâ quæ consistit in humilitate. Sed utique ipsemet Christus reparat Ecclesiam? Levit. 14. Dum fieret pro leprosis, id est peccatoribus, sacrificium, duæ offerebantur aves, una occidebatur, altera sanguine uncta dimittebatur; reparat Christus suâ morte, reparat Franciscus unctus sanguine. Oppugnabatur ut civitas Ecclesia, schismate & hæresibus ac peccatis maximis, Christi unctus sanguine reparat Franciscus. Hinc ego volebam Franciscum appellare Oniam, de quo Sap. *In vita sua suffulsi domum, & in diebus suis corroboravi templum.* Et hoc Franciscus dum verba Christi non satis intelligens templum laterculis reparabat, quod fecit Onias. Hoc modo & Matathiam vocavissim, qui visis ruinis templi *sedie in monte, & scidit vestimenta sua, & operuit se cilicio, &c. fugit ipse in montes.* Franciscus vesti-

menta coram Episcopo rejecit, fugit in montem Alverniæ opertus cilicio. Sed ampliùs quid lego in Apoc. 7. *Ecce ego Joannes vidi alterum Angelum ascendentem ab ortu Solis, clamantem voce magnâ, &c. Nolite nocere terræ & mari, neque arboribus quoadusque signemus servos DEI in frontibus eorum. Quis signat servos Christi nisi ipse Christus magni consilii Angelus? ecce alter Angelus Franciscus ab Assisio quod respectu Romæ est in Oriente. Et ut ut ita explicem, jubet S. Bonav, Indubitabili fide credendum esse quòd Joannes loquatur de Francisco. Christi opus est reparare Ecclesiam, sed ille dum non sit venturus nisi in fine mundi, mittit interim sui loco Franciscum, & ut illi credatur, loco literarum patentium ut illi avi, Levit. 14. dat sua stigmata cruenta.*

Jam videamus quomodo similis Christo Franciscus, ut inde cognoscamus quàm idoneus sit, ad reficiendam Ecclesiam. Christus est ex Patre coelesti: Franciscus depositis vestibus coram Episcopo, nunc fidentiùs dicam. Pater noster qui es in coelis. Sed ulteriùs. Angelus Christi nativitatem annunciat. Peregrinus quidam, fortè Angelus Francisci. Christus accepit formam servi, Franciscus appellabat se peccatorem. Christus pauper, & hic; Humilis, & hic. Christus fecit vinum ex aqua, & hic aliquando convertit aquam in vinum. Christus 40. diebus jejunavit, & iste ante Festum S. Michaelis. Christus dicebat suis, *Vade, vende omnia, &c.* Hoc & iste. In Christum lapides sunt projecti, in hunc lutum. Christus panes multiplicavit, hic panem ab Angelo accepit. Christus fuit in eremo, dæmones expulit, ægros sanavit: fecit idem Franciscus. Christus in cruce nudus, hic in terra nudus mortuus. Christi manus & pedes foderunt: & hic de se, *Ego stigmata Domini mei in corpore porto.* Christi lateri Thomas digitum imposuit, & huic impositus. Pro Christo gladium eduxit

Petrus,



Petrus, & pro hoc Paulus; nam cum in Hibernia fratres ejus gravem persecutionem paterentur: custos cujusdam Ecclesiæ audivit colloquentes depictos in pariete Franciscum & Paulum: dicebat Paulus, ecce non vindicas tuos fratres: Franciscus, me decet pati, crucem porto, non gladium; tum Paulus, da mihi tuam Crucem, & meum sume gladium, ac te vindica, facta hæc mutatio in imaginibus, & caput persecutori eadem nocte amputatum manu invisibili, & posterâ die gladius in manu Francisci comparuit cruentus. Platus cap. 33. Christus innocens, & huic obediunt aves, bestię; tacere jubet hirundines, silent: jubet, *Soror mea cicada veni ad me*, venit. Ita obediebant Adamo dum fuerat innocens. S. Th. I. p. q. 96. art. 1. *Inobedientia ad hominem eorum quæ ei debent esse subiecta, subsecuta est in pœnam ejus quod ipse sit inobediens DEO.* Paret Francisco ignis, nam dum vellet eum sollicitare impudica mulier, ille per cameram sperfit carbones vivos, & illis nudus incumbens ait, si vis veni ad me. Apud Soltanum per ignem transivit illæsus; idem fecit apud Fridericum II. Imper. Quia, *esse patibile*, ait S. Th. *est pœna peccati*, ille innocens. Christus spinas accepit, quia *factus est pro nobis peccatum*, in pœnam peccati terra profert *tribulos*: Franciscus innocens, & novus Adam. Christus stans moritur, & Franciscus stat hucusque mortuus. Christus ex inferno Patres educit, & Franciscus quendam Episcopum, ut est in Chronico Ordin. Christus Spiritu oris sui Antichristum interficiet. Et in serm. de S. Franc. narrat Palmerius, cum fuisset in mare dejectus Benedictus Aretius Franciscanus, delatus est in paradisum; eo viso lætati sunt Enoch & Elias, dicentes: Isti sunt qui nobiscum contra Antichristum pugnabunt. Christum confortabat Angelus, & huic mœsto lyrâ accinuit. Christus elegit 12. Apostolos, ille tot discipulos. Isti verò sicut sagittæ in manu

potentis

potentis ita filii excussorum. LXX. pro, excussorum, legunt juvenes expediti in opere. Genebr. excussorum è pulvere, contemptores scilicet terrenorum, veros pauperes. Lætus Franciscus moriebatur, quia fidem servavit suæ Dominæ paupertati. Christus ascendendo in coelum reliquit paupertatem, Franciscus iliam induit. Jonathas 1. Reg. 18. *expoliavit se tunicâ quâ erat indutus, & dedit eam David, diligebat enim eum quasi animam suam.* Ita Christus Francisco paupertatem. Hac induti Filii ejus veluti sagittorum excussorum, quos hostes fidei ac virtutis prostraverint, quis numeret? Apostolorum similes sunt. Denique hîc addi potest quod in transfiguratione Christi in monte Thabor contigit, cùm essent præsentēs Moyses & Elias. *Hic est Filius meus.* Et statim ille desinuit videri. Cur ita? quærit Hieron. in Matth. & respondet. *Ne si Moyses & Elias perseveravissent, Patris vox videretur incerta, cui daret testimonium.* Qui nesciret de Christo, de Francisco posset dubitare, an non ille esset.

Meritò ergo ad reficiendam Ecclesiam mittit Christus Franciscum, qui etiam ut Christus illam reparat per quinque veluti vulnera in eam influendo, & quinque res potissimum præstat. 1. Reduxit ad paupertatem Apostolicam. Detrahit mors nolimus velimus & quidem sine lucro omnia. Quod hic deferis, in coelum mittit. Apoc. 16. *Beatus qui custodit vestimenta sua, ne nudus ambulet.* 2. Reduxit ad poenitentiam; non poenitentibus DEUS imponet pro jejuniis famem perpetuam, &c. 3. Reparavit humilitatem. S. Bonavent. cap. 6. vitæ S. Francisci ait ostensum fuisse thronum in coelo, de quo Cherub. quidam propter superbiam eecidit, & Franciscus illum obventurus esset per suam humilitatem. Cherub ille Lucifer. Poenitebat Franciscus ac si maxima peccata fecisset, nos quid? Si aliquorum filiorum occisus esset pater, & occisores

cisores in conspectu filiorum starent, filii tamen furarentur. Adam occisus quia per superbiam furatus gloriam DEO, stant coram nobis occisores dæmones, tamen furamur. 4. Reparavit charitatem laborando ut omnes salventur. Ordinem fundavit; dicebant quidam, nimis est arcta regula. Ille verò: *Ego scripsi quod Christus ore suo ordinavit, ideò nihil mutabo, quia servus in litera Domini nihil potest mutare.* Et addit S. Vincent. conc. hod. *Qui hanc regulam servat, sanctus est; & quando moritur, posset canonizari.* Sed etiam in mulieribus reparavit charitatem DEI, erexit alium ordinem pro foeminis; & ut conjugati etiam magis amarent DEUM, erexit tertiam regulam. 5. Reformavit in bono perseverantiam, erigendo in plurimis locis Monasteria, quæ exemplo & doctrina in bono conservant Ecclesiam. In obitu ejus anima clara ut Luna visa in coelum ascendere. S. Vinc. l. c. quasi diceret Christus. *Ecclesia mea in terris ut Luna, eam reformasti, erit mihi altera Luna, altera Sponsa, altera Ecclesia, &c.*

## De Eodem. CONCIO II.

*Confiteor tibi Pater. Matth. II.*

**S**icut ipse Christus veniens in mundum non eundem se omnibus exhibuit, sed pro necessitate aliis Patrem, aliis Consiliarium, &c. Collegit hæc officia, Isai. 9. *Vocabitur nomen ejus, admirabilis Consiliarius, DEUS fortis, Pater futuri seculi, Princeps pacis.* Hoc ipsum facit in suis Religionibus. Et hæc munia inter illorum Patriarchas distribuit, licet in omnibus idem sit spiritus. Hoc ipsum dixit Christus S. Birg. lib. 7. Rev. 20. *Omnes regule non fuerunt composita ab eorum Fundatorum intellectu, sed aspiratione ejusdem Spiritus; S. Diversitatem*

Ddd

munio-



muniorum adnotat Ecclesia in orationibus pro illorum festis; in S. Dominico doctoratum, *DEUS qui Ecclesiam tuam B. Dominici illuminare dignatus es doctrinis.* In S. Ignatio animum militarem in promovenda DEI gloria. *DEUS qui &c. Ecclesiam militarem novo presidio, &c.* In S. Augustino misericordiam erga animas. *Consuetæ misericordia tribue benignus effectum.* In S. Benedicto vim orationis. *Quod nostris meritis non valemus ejus patrocinio assequamur; & sic de aliis.* Sed in S. Francisco. *Confiteor tibi Pater.* Patrem mundi seu Ecclesiæ. *DEUS qui Ecclesiam tuam novo semper factu multiplicas.* Videamus hoc ipsum.

Tribus modis pereunt in magno numero homines, bello, peste, fame; totidem modis animæ. Fames est, *Petierunt parvuli panem, & non erat qui frangeret,* bella hæresum. Pestis, universalis corruptela. Hæc omnia fuerant in mundo, adeo ut jam Christus tres lanceas paraverit, quibus erat facturus finem mundo, nisi B. Virgo impetravisset ut mitteretur S. Franciscus & S. Dominicus ad occurrendum illis tribus malis. Mittit ergo Franciscum Christus. *Vade & repara domum meam, ecce labitur.* Ille primum intellexit de quadam Ecclesia reparanda, atque operi se accinxit, sed melius instructus ab eodem Christo. Sicut Moyses cum virga, sic ille cum Cruce processit; hinc virgâ miracula faciebat, Pharaonem frangebatur. B. Sylvester vidit ex ore S. Francisci Crucem prodeuntem, quâ ille pellebat Luciferum ex mundo; etiam Crucem vidit in ejusdem pectore B. Pacificus è duobus gladiis decussatim positus constitutam. Verba ejus erant sicut Moyses, legem scripsit quam à DEO accepit. Ad orationem magis propendebat, sed Româ dum redit cum regula, revelatum illi fuit, DEUM velle ut Franciscus agat Concionatorem. De hac revelatione aliquantum dubius, consuluit Fratres, petierunt illi à S. Clara & à B. Sylvestro, ut amplius DEI voluntatem exquirerent.

Reve-

Revelavit illi DEUS Franciscum à se ad concionandum destinatum. Ecce duæ Cruces, una humilitatis in regula quâ fregit superbiam Luciferi : alia in pectore è duobus gladiis, quia concionari oportet exemplo & verbo. Concionabatur jam ille antea exemplo. Volutavit se in nivibus, ecce concio pro tentatis à libidine. Vestes sibi detractas distribuit inter pauperes, ecce concio de avaris. Deplorabat ita peccata, ut vi lachrymarum oculi fuerint læsi, ecce concio pro poenitentibus. Reparabat templum ruinosum, ecce pro invasoribus Ecclesiæ, &c. Sed etiam voluit DEUS ut verbo prædicaret, excusabat se fortè sicut Jeremias. *A. A. A. Domine nescio loqui.* Dominus vero : *Ecce ego tecum sum, noli timere, ibis ad omnia ad quæ te mittam.* Et fuit cum Francisco, nam ipse illi regulam dictavit, ut est apud S. Birg. 7. revelat. 20. *Quodlibet verbum quod in ea scriptum est à Spiritu meo,* ait Christus, *fuit inspiratum.* Quod adeò certum est, ut cum aliqui de hac re dubitarent, de quo Wading. ad an. 1223. præcipuè F. Elias, illis audientibus Christus dixerit, *Ita esse.* Deinde an. 1525. F. Matthæus Barci in Marchia Anconitana, cum misericordiâ motus supra nudum mendicum, eum suâ veste texisset, & mendicus disparuisset, intellexit hunc Christum fuisse, cum deliberaret, quid amplius pro vita perfecta faciendum, audivit, *Serva regulam secundum ordinem.* De hac regula S. Vincent. Ord. Præd. conc. hod. asserit, quòd qui illam servat, statim canonizari deberet.

Ita Sanctus domi concionatus; videamus quomodo foris. Erat Sancti concio simplex, sed plena Spiritu, sed penetrabilior omni gladio. Concionatus est in quodam pago, statim omnes petierunt fieri Monachi. Pagus hic dictus Carnieto, diffitus Assysio quatuor milliaribus; & ista fuit occasio scribendæ tertiæ regulæ. Post aliam concionem statim tri-

ginta acceſſerunt ad Sanctum petentes habitum. Poſt aliam habitam in templo S. Mariæ de Portiuncula, innumeri planè petierunt ad ejus Ordinem ſuſcipi, & quingentos ſuſcepit. Jam numero Fratrum auctus, mittit illos in quatuor orbis partes, ex quibus adhuc eo vivente ſunt facti Martyres quinque in prædicatione apud Regem Marrochi. Ipſe miraculoſè ad hoc Fratres aptat, nam Joanni dicto à S. Francisco ignorant linguam Mexicanam dedit eam ſtatim plenam. Aliis ad novam in Eccleſia prolem dedit eam foecunditatem, ut cùm Martinus Valentinus cum ſociis prædicaret in Indiis, an. 1524. ipſe, & ſinguli ſocii, centena millia converterint. Alios, ut authoritatem faceret, luce mirabili concionantes irradiavit, ut de illis dici poſſet, *Vos eſtis lux mundi*. Favit DEUS Francisco & filiis ejus, tot dedit illi proles, quot per S. Antonium de Padua, per S. Bernardinum, per S. Ludovicum Caroli Regis Siciliae filium, per S. Bonaventuram, per S. Petrum de Alcantara, per plurimos alios convertit. Interim & ipſe & filii ejus in tantum paupertatis amatores, ut cùm ad ſepulchrum B. Petri magna fierent miracula, quibus populus incitatus maximas dabat Fratribus eleemoſynas, mortuo injunxit ſub obedientia, ne deinceps faceret miracula, & paruit.

Neque hic contentus Franciſcus, ſicut pueri in fornace Babylonica. *Benedicite cæli*, &c. Rebus inanimatis prædica-  
bat ut laudarent Creatorem, eidemque nomine illarum gratias agebat. Ad Barbaros etiam ſuſcepit peregrinationem, ut id quod docebat obſignaret ſanguine. Ivit ad Saladinum in Syriam, ſed ab eo loco Martyrii recepit honorem. Ivit Marrochium ad Mauros, ſed cùm tranſiret Galæciam à S. Jacobo juffus redire. Ivit ad alium Saladinum in Ægyptum, & coram eo concionatus. Per Zachariam ſuum filium hæreſes confutavit, in Antonio de Padua dictus hæreticorum malleus.



leus. In Antonio Biſſanenſi fregit Lutheranos. In Andrea de Caſtro ternis linguis concionatus quotidie, &c. Eccl. 2. *Oculi ejus in capite.* Num alibi poterant eſſe? Ephes. 1. *Ipfum dedit caput ſuper omnem Eccleſiam.* In Chriſto habuit Franciſcus oculos, ipſum reſpicebat, & ut ille fecit, agebat. *Oculi ſtultorum in finibus terræ,* bona temporalia, limites poſſeſſionum reſpiciunt. Abraham dixit ad Dominum. *Loquar ad Dominum cum ſim pulvis & cinis.* Vilior quàm terra, quia hæc fructifera: Vilior quàm cinis, quia hic uſui ſolet eſſe: ſed pulvis & cinis; cinis pulvere mixtus, qui ad nihil valet. Reſpexit Chriſtum Franciſcus, & cum ore diceret. *Et quis es tu Domine,* & quis ego ſum? acſi diceret, ego pulvis & cinis. Præceptum fuit, Levit. 6. *Cinerem viſtimarum extra ejicite,* ardebat intus, in corde hæc viſtuma, ejicit cinerem extra in veſtes, & colorem cineris in eis ſtatuit. Quid ad hoc Chriſtus? Certè illa Aſſueri. *Quid homini illi fieri debet, quem Rex voluerit honorare?* Veſtibus Regis induatur. Stigmata ſua illi imprimit. Galat. 4. *De cætero nemo mihi moleſtus ſit, quia ſtigmata Domini mei in corpore meo porto.* Nemo me impediatur, prole implebo Eccleſiam, mundum penetravi, jam literas credentiales à Chriſto accepi, etiam ad infernum descendam, ſi fortè etiam ibi aliquam facere poſſem Eccleſiæ prolem.

In Hiſpania in regno Caſtiliæ Petrus Dias Epiſc. Rodri-go, vitæ impuræ, ut eſt in Chron. Franc. ſed amator S. Franciſci, ac in Fratres ejus liberalis, incidit in morbum periculoſum; compareret S. Franciſcus ejus famulo, jubet, moneat Dominum ut ſuæ domui diſponat; monitum non habuit portus. Poſt triduum compareret famulo duo canes nigri: compareret & Sanctus, & aſſerit hos eſſe dæmones qui Domino inhiant, proinde rem ſuam agat; neque hoc profuit. Tertiò, comparuit ahenum plenum pice, in quod ægrum parabant

inijcere dæmones : etiam hoc non terruit. Jubet Sanctus , ut famulus digitum in illam picem mittat, & eâ combustum ægro ostendat ; tandem Episcopus eo viso , confessus est & mortuus. Dum Officium caneretur , supra corpus resurrexit cadaver , & dixit se damnatum fuisse , quia absque contritione confessus : sed impetratos sibi per S. Franciscum dies vitæ viginti ad poenitentiam. Incisa hæc est historia marmori in templo Cathedrali in Rodrigo. Confiteor tibi Pater S. Franciscus , verè es Pater multorum , succurristi contra famem per verbum DEI , & simul contra pestem : impetus hæreticorum retudisti , per hæc plurimos iterum genuisti mortuos , plurimos ne moriantur prævenisti. Magnus es Pater , &c.

In Festo S. Francisci Borgia S. J.  
CONCIO.

*Placitum est Patri vobis dare regnum.*

Matth. II.

**Q**UI pro Sanctorum festis dicunt , diversis illorum gesta allegoriis explicant , alii vocant eos palmas juxta illud. *Iustus ut palma florebit.* Alii lucernas , *vos estis lux mundi* , &c. Ego illà utar quâ usus Gregor. XIII. qui hunc Sanctum verbis Apoc. 2. appellavit. *Columnam in domo DEI.*

Miras vidit quadrigas in eodem curru Ezech. I. Hominem , leonem , bovem , aquilam , quomodo his convenit ? Justin. M. q. 44. *Cicur animal est homo , fervet leo : gravis vitulus , levis aquila.* Et quod magis mirè , de iisdem idem Ezech. 10. *Facies bovis facies Cherub , ipsum est animal quod vidi* , &c. Beda dicit hic esse allusionem ad columnas templi Salomonici , in illo  
in una

in una columna fuit bos, in alia Cherub, &c. Currum ait figuram templi, Greg. in Ezech. lib. 1. c. 3. Sumamus hinc quod facies bovis, facies Cherub, & quòd utrumque sit columna, bos convenit S. Francisco, quia est stemma Borgiarum, videamus quomodo est facta facies Cherub, id sapientissimi, semper fuit sanctæ vitæ, sed sanctiorem unde incepit? mortua fuit Isabella Impetratrix, fæminarum formosissima: illi incumbebat corpus illius Grunatam deducere, vidit formosæ corpus deforme, sanie fluens, fætoze horrendum, vidit, miratus, vanitatem mundi velut Cherub penetravit, & eo spreto de immortalitate cæpit secum consultare. Quærit Rupert. de Trinit. l. 4. c. 17. Cur DEUS arcam Noë jussit fabricari ad proportionem hominis, quæ est enim longitudo hominis respectu latitudinis & altitudinis ejusdem jacentis, illa fuit arcæ, ut esset quoad istas mensuras veluti unus grandis homo jacens, & respondet. *Ut se Noë salvaret aspiciendo hoc quasi sepulchrum quotidie.* O si nos seriò nostra sepulchra frequenter consideraremus, quantus inde fructus esset? Aspexit, vivo modo consideravit, sanctus iste Cherub, & invenit thesaurum salutis, Job. 3. *Effodientes thesaurum gaudent cum invenerint sepulchrum.* Quia veteres magnas opes curabant secum in sepulchro defodi, & Isabella defoderat Francisci sanctitatem. Invento hoc sepulchro poterat dicere Franciscus Job. 17. *Putredini dixi Pater meus es tu.* Tu me putredo Isabellæ genuisti. Hic factum est quod dixit Nyssen. in Cant. 5. *Anima per mortem resurgit à morte.* Ex hoc sepulchro resurrexit Franciscus & factus est columna. Scribit Ambr. l. 2. de Jacob. c. 2. In Rachelis sepulchro erectam fuisse columnam, certè est erecta in Isabellæ. *Sepulta est Rachel, & columna statuitur super monumentum ejus, ô quanta mysteria, quia ibi est Ecclesia DEI.* Ab eo tempore castitatem cum uxoris consensu Franciscus servat, & factum est quod Nazianz in funere



Gorgoniæ. *Ostendens mortem esse quæ & conjugium & virginitatem gubernet.* Tum liberalius auxit corporis afflictiones, flagellationes, cilicia. Existens adhuc Vice Rex Barcellonæ totum annum in pane & herbis exegit. Orationem quotidie ab illo tempore prostratus humi per sex horas continuavit, tum illud Ps. 34. implevit. *Adhæsit anima mea pavimento.* Tum quod Tertull. lib. 1. de pœnit. c. 9. *Cum provolvie hominem elevavit.* Inter hæc ita egit ut nemo adverteret, ut illi conveniat quod Basil. de Nazianz. *Si fluvius est qui dulcis per mare fluit, ita inter coetaneos suos ille erat.* Fuit tum annorum Franciscus 33. hanc vitam asperam per annos septem continuos egit.

Promisit DEUS Apoc. 3. *Faciám illum columnam in templo DEI & scribam super eam nomen novum, & nomen civitatis novæ Jerusalem.* Quæ tunc civitas nova? Societas. Quod nomen novum. S. Thom. 3. p. q. 37. a. 2. *Nomen JESU est nomen novum.* Hoc nomen est inscriptum Francisco, hæc civitas dum est factus Societatis JESU, & quidem statim perfecte, quia per dispensationem Pontificis, eadem die quâ eam ingressus, vota quatuor solenniter professus, in hac veluti novo fervore in humilitatem incubuit, & omnibus subesse, omnium postremus haberi laboravit. Lucifer erat Cherub ut patet ex Ezech. 28. quærit de illo S. Th. 1. p. q. 63. art. 3. cur amisit suum principatum; & respondet ex S. Aug. 14. de Civit. 10. *Quia appetiit principatum super alia.* Franciscus quem habuit Ducatum reliquit & se fecit subditum. Ezech. 1. c. fuit *Dux extentus* Greg. 34. Moral. 17. *Appetiit præesse cæteris.* Franciscus omnem Prælaturam fugit, ter Cardinalatum sibi collatum rejecit, sciebat, ut Beda in 18. Luc. loquitur, *Colorem purpuræ non sine sanguine extrahi.* Illud enim, quod rubet sanguis est vermiculi. Videbat sæpius in aëre supra caput suum pendulam miraculosè tiam Pontificiam, per quod è cælo dignus Papatu censebatur, semper

semper exhorruit, & dixit, mihi sola debetur poena, unde sibi constituebat locum in inferno, & quidem infernum, & quidem ad pedes Judæ. Propter dictam superbiam Lucifer spoliatus scientiâ quàm DEUS illi infuderat: Franciscus illâ repletus; nam statim atque est factus Religiosus, ea prædicandi gratiâ de coelo repletus; ut cum templa capere non possent, in campo illi concionandum fuerit, doctissimi quivis accurrerint, Reges consilia expetierint Sancti, valde æstimaverint, ut S. Theresia B. Pius V. Statim eâ peritiâ rerum suæ religionis plenus comparuit, ut missus fuerit Visitator in Hispaniam, cum illo S. Ignatius Regulas contulerit, factus Assistens Societatis, deinde Vicarius Præpositi Generalis, demum ipse Præpositus, quæ officia & summam statûs suæ Religionis notitiam, & summam requirunt prudentiam, cum opus sit per totum mundum dispersam gubernare Religionem. Ille hanc in occidentalem Indiam, in Regnum Pervanum, in Poloniam induxit. Cherub positus fuit ad portam paradisi. Portæ ad Ecclesiâ sunt Scholæ, Franciscus erigit Scholas Collegii Romani. De medio Cherub in templo ut tradit Chrysost. Orat. 3. in Julian. prodibat oraculum, & vox futura prædicens, & ille Spiritu Prophetiæ præditus. Et sic internoscebat ingressus templum an in illo fuisset SS. Eucharistia. Denique Missam celebrans morbo correptus, & veluti alter Moyses Deut 34. *In osculo Domini mortuus.* Quæ columna Judæos duxit, optimè Franciscum exprimit. Cherub ille fuit qui columna videbatur Ps. 77. *Deducebat eos in nube diei, & corâ nocte in illuminatione ignis.* De die fuit nubes ut ab ardore solis tegeter, de nocte fuit ignis ut illuminaret. Hoc ut nobis præstet Franciscus, precemur.

## In Festo S. Hedvigis. CONCIO.

*Simile est regnum celorum thesauro abscondito. Matt. 13.*

**N**unquam in veteri testamento celum appellatum est regnum, quia neque Rex illius neque Regina coronati fuerunt. In novo, *videte Regem Salomonem in diademate.* De Regina dicit David. *Asticit Regina à dextris ejus in vestitu deaurato.* Sed quasi solum electa non coronata esset, coronæ non meminit. Ita nec sancti vocabantur hujus regni thesaurus, sed tandem Paulus appellavit, *vos estis corona mea.* Hoc de S. Hedvige prophetasse videtur Salomon. *Mulierem fortem quis inveniet procul de ultimis finibus pretium ejus.* Ex Polonia quæ ultimus finis Christianitatis puræ in Europa, quæ ultimò fidem accepit. *Mulier bona thesaurus viri sui.* Videamus quid in hoc thesauro DEUS posuerit.

Primam gratiam dat DEUS sive primam sanctitatem sine meritis nostris. Ita gratis nos in baptismo sanctificat, & ipsam B. Virginem gratis in primo instanti suæ conceptionis sanctificavit Rom. 10. *Inventus sum à non quærentibus me.* Et hæc gratia thesauro comparari potest qui casu in agro invenitur. Unde & Christus dicit. *Non vos me elegistis sed ego vos elegi.* Sic nemo habet unde superbiat, quia sicuti apud Assuerum non ipsæ sponsæ ornatum sibi comparabant, sed dabatur eis, ita & nobis. Hoc recogitabat Isai. 61. cum diceret. *Gaudens gaudebo in Domino, quia induit me vestimentis salutis, circumdedit me quasi sponsam monilibus suis.* Hæc de prima sanctificatione.

De cætera ipsi nos ornamus cum DEO aut cum dæmone,  
non



non agam hic de peccatis quæ sunt dæmonis gemmæ & monilia: sed solum de eo quod passim faciunt mulieres neque reputant pro peccato, id est, de vanitate in vestibus. Scitis quis sit mercatur dæmonis, qui pro illo coëmit animas sicut negotiator ejus? Tertull. ad uxorem cap. 4. *Florida vestis de proxim. curat luxuriæ negotium.* Clemens Alexandr. lib. 2. pædagogi. cap. 30. *Laudo Lacedemonios qui solis meretricibus floridas vestes & aureum mundum gestare permiserunt.* Quo putatis pretio filia Cain Gen. 6. emerunt dæmoni filios DEI? Basil. Seleucus orat. 6. *Conspicati floridas & splendidas vestes earum.* Et hoc ipsum de virginibus quibusdam S. Hieron. ad Demetriadem. *Cucem poliant, unguunt pigmentis, &c. Ut sub nomine virginali vendibiles pereant.* Et sunt mariti qui in hoc connivent, de quibus prophetafle videtur Moyses, cum dicit. *Edificavit mulierem quia quantum alii in fabricam palatii tantum isti in mulieris ornatum impendunt.* Non ita hæc Sancta, sed audivit quod Eccl. 29. *Pone thesaurum tuum in præceptis Altissimi.* Thesaurus illius præcepta DEI & Ecclesiæ. Et hic est stabilis, hic colligitur in terra, manet in coelis, *fur illum non effodit, tinea non corrumpit.* Sap. 7. *Spes impii tanquam lanugo v. g. falicis quæ à vento tollitur: & tanquam spuma gracilis quæ à procella dispergitur, & tanquam fumus qui à vento dissipatur, & tanquam memoria unius diei prætereuntis.* Putabat se aliquid habere & ecce fumus, spuma! quid lucri ex his? ut ex hospite qui abiit. *Beatam dixerunt populum cui hæc sunt, beatus populus cujus Dominus DEUS ejus.* Conquirebat gemmas castitatis quantum illi matrimonium permittebat, & obtento fructu Matrimonii, omnino à Matrimonio abstinuit, idemque marito Henrico Principi Poloniæ persuasit, atque eo deduxit negotium ut voto in manu Episcopi emissio id firmaretur. Non contenta ut sola DEO castè viveret, monasterium virginum Trebnicii extruxit, & ipsa in illo, quæ antea quasi fructus

arboris dabit DEO, se arborem illam tradidit. Quid hic de thesauro obedientiæ? Moniales se ægram sine facultate Superioris invisentem repellebat. &c. Ut in Breviariis.

Latent isti thesauri, veniet tempus cum eruentur, cum occulta velut thesaurus de terra eruentur. Alter aperiet thesaurum, & ecce lutum? alter, & ecce sangvis, &c. *Thesaurisunt sibi in die iræ.* Unde sciemus quid thesaurisamus? ex eo quod egimus. Sed qui se putat bene agere, videat ubi soleat esse cor ejus, ibi sciat suum thesaurum esse, juxta Matth. 6. alter in prædiis, honoribus, &c. Quid hæc? terra, fumus, tum verò quò te vertes, cum divites bonis thesauris ab inopibus DEUS separabit, sicut separavit Loth à Sodoma, populum à Dathan & Abiron Num. 16. oves Jacobi à Labani, cum dicitur Apoc. 22. *Foris canes, & venefici, & impudici, & homicidæ, & idolis servientes (Avaritia est idolorum servitus) & omnis qui amat & facit mendacium.*

## In Festo S. Theresiæ. CONCIO I.

*Quinque ex eis erant prudentes, &c.*

Matth. 25.

**D**icturo mihi de S. Theresia idem faciendum esset quod Sponso cælesti, cum de sua Sponsa in Cant. loquitur laudat oculos, vocem, labia, collum, &c. singula membra seorsum, quia omnia digna laude. Ita in Theresia laudandi sunt oculi, quia Virgo: lingua, quia Magistra: labia coccinea quia voto Martyr; caput & manus, quia vitam contemplativam activæ junxit: rursum manus quia unius magnæ Religionis Fundatrix. Omnia verò Sponsus hic concludit, Cant. 7.

tic. 7. *Quid videbis in Sunamite nisi choros castrorum?* Sic & ego his concludam. Est virgo sapiens.

Cum dico Theresiam Virginem sapientem, nihil muto de Sponti laudibus; nam Theodoret. in Cant. 7. dictum locum exponit. *Propter fortitudinem castris similis, chorus est divinas laudes in ore gerens.* Et hæc est ipsa Sapientia fortem esse, & laudes DEI dicere. Ita mulierem fortem dicit Salomon, *quæ os suum aperuit sapientiæ.* Et sapientia Christiana pro DEO bellare, fortis. Est Terefia similis castris, quia bella gessit aliqua. Dum adhuc penè infans acta legit Martyrum cum suo fratre, ita martyrii desiderio succensa ut verius Granatam cucurrerit ubi sciebat esse Mauros, ut ab iis pro fide occideretur. Sed à parentibus ex via retracta, solo desiderio bellum hoc absolvit, servata rebus aliis. Cant. 4. *Sub arbore malo suscitavi te.* alii legunt, *sub arbore mali punici*, quod fert poma, quæ vocamus granata, quæ ut Ambros. lib. 5. Hexameron sanguinem continent, id est, humorem sanguini similem. Desiderium sanguinis fundendi hoc pomum notat in Terefia, quod tam avidè suum sanguinem effundere quærit, ut spontè rumpatur. Sub urbe Granata, suscitata est hæc Sancta, id desiderium DEO ita placuit, ut inde illam suscitaverit Fundatricem. Sed qualem? Isai 2. *Erit mons domus Domini præparatus in vertice montium.* Virtutes sunt montes, sed major horum *charitas.* At verò Joan. 15. *Majorem nemo charitatem habet quàm ut animam ponat pro amico suo.* Posuit per desiderium Terefia, & in hac charitate fundatrix suscitata, itaque in vertice montium. Quod ipsum videtur Apoc. 21. in fundamento coelesti. *Fundamentum primum Jaspis.* Alb. M. de mirabil. scribit, quòd jaspis habeat notas sanguinis. Idem innuitur Cantic. 7. *Caput tuum ut Carmelus.* Hebr. legit, *Caput tuum ut coccinum*, id est, Terefia coccinea desiderio martyrii. Ex hoc capite pro-



dierunt Martyres Carmelitæ Dyonisius, Gerhardus, Anastasius, Albertus, Angelus, Spiridion, &c. Sed ô Virgo S. quod tibi non contingit in infantia contingeret in senio, præparanda interim es martyrio per calumnias quæ in te maximæ jacentur, persecutiones etiam Principum, &c. nobilissimum enim tibi sequetur martyrium : ipsa etiam ad illud te dispones per flagra cruenta, duras cubationes, volutabis te in spinis, dulcescet tibi ita crux, & clamabis : *Aut pati, aut mori.* S. Th. in 4. d. 49. q. 3. artic. 3. *Causa facit non pœna martyrem, causa debet esse virtus non politica, sed ad DEUM relata*, & si virtus est major, majus est martyrium ; maxima virtus est amor DEI. Ita eris martyr ut B. Virgo, cui mortis causa fuit amor, & iste occidet te ; sic & Christus ex amore mortuus, ut scribit Chrysost. in Matth. 8. Deinde ut tuus Elias curru ignito cœlum conscendes. Sed prius unum adhuc & alterum peragendum est bellum, progredere Debora.

En jam provocat ad bellum dæmon, & quædam quasi vulnera levia infligit, inducit ad vanitatis amorem & quædam leviora peccata. Sed electis omnia cooperantur in bonum, & ex ipsis damnis faciunt lucra, & tandem peccata ad hoc deveniunt, ut illis decorem augeant, ut imagini umbræ in illa depictæ, sunt maculæ sed ut in Luna, nam sunt montes. Et hîc Sancta vincit, vadit ad Religionem, obstant parentes, illa suâ manu refecat capillos ut eis spem rescindat, & ut Joseph vestem in manu parentum relinquit, ibi planè factum est quod Cant. 4. *Vulnerasti me in uno crine colli tui.* Et ipse Christus cum illa incipit sed amoris bellum. Mittit Angelum ad Teresiam cum sagitta aurea, cujus erat cuspis ignita, & vulnus reddit, atque ut olim mancipia inurebantur, Teresiam victam signat. Sed hoc vulnus est medicina eorum quæ infligi poterant à dæmone. Sagitta enim ista est calculus quo Isajæ purgata

gata sunt labia, est gladius ignitus Cherubini custodientis paradisum, custodit hæc sagitta hortum voluptatum Christi in quo est arbor vitæ & scientiæ. Fluet de hac plaga ingens quædam religio, ut de plaga lateris Christi fluxit Ecclesia. Amos I. *Lux erunt speciosa deserti, excoctus est vertex Carmeli.* Ecce chorus castrorum! Expectabam tertium hostem, scilicet carnem, sed hic ne quidam ausus aggredi Virginem. Nunquam carnis passa stimulos licet cum variis conversata & constitutionis sanguineæ. Cant. 6. *Decora sicut Jerusalem*, ista urbs fuit metropolis Palæstinæ, in finibus bella gerebantur, pax in metropoli. *Pulchra es amica mea & suavis.* Delrio, pro *suavis* legit *tersa* quasi Terefia, Isai. 37. *Non jaciatur sagitta in Jerusalem*, sagitta carnis. *Pulchra ut Luna.* Sed quare, non ut Sol? procul a terra Sol, non mirum quòd de terra nihil contrahat: sed Luna terræ ex omnibus astris maximè vicina. Sphæræ ignis vicina, non tamen ab illo patitur: ita Terefia. Cypr. de singularitate Cleric. *Impossibilis est liberatio, flammis circumdari nec ardere.* Ecce hæc in Terefia possibilis, & quia ut Chrysolog. serm. 143. *Angelis semper cognata est Virginitas*, adjungunt se illi socios Angeli, tum eunti aliquando Salmanticam, ubi noctu in sylvis aberravit: multiplex instabat periculum à latronibus & feris. Et ecce duo veniunt Angeli, & errantem usque ad securum deducunt hospitium, & ita ut Luna, quia Lunam vehunt intelligentiæ.

Virgo Sapiens in laudibus DEI. Prov. 4. *Mulierem fortem quis inveniet? procul & de ultimis finibus pretium ejus?* alii legunt, *de margaritis pretium ejus.* Margarita nascitur ex rore. Hieron. epist. 22. *Concha margaritam gignit sed cœlesti rore perfusa.* Ros cœli Christus, *Rorate cœli*, ex hoc virgo sancta, quæ os suum aperuit sapientiæ. Inde 54. *Multi filii desertæ magis quàm quæ habet virum.* Virgo fuit Elias fundator ordinis Carmelitarum, reformatrix  
S. Virgo

S. Virgo videbat parum esse ut ipsa laudaret DEUM nisi & plures ad hoc duxisset, & prolem reliquisset, sed erat virgo, fecit ut apes. Ambr. hexam. lib. 5. cap. 2. *E felici ore suo prolem legunt, & duplici cæteris avibus fecunditate præponderant.* Filios & filias Moniales suo legit ore, non minor est labor reformare quàm fundare, sicut non minoris Christo constitit redimere quàm creare. Zach. 11. Tres pastores erant populi DEI, Moyses, Aaron & Maria. Fundavit Elias, formavit Joannes Patriarcha Jerosolimitanus, perfecit S. Tereisa. Judic. 5. *Surge Debora loquere canticum, alii legunt, loquere principatum.* Quia Christus Tereisæ imposuit coronam, Propterea S. Josephum sumpsit in Patronum, quia ipse est Virgo & Pater, Sancta Virgo & Mater. Ille sponsus Virginis, hæc Christo desponsata per clavum quem illi dedit, quo significata est perpetuitas illius Ordinis. Eccl. 12. *Verba Sapientum sicut stimuli & sicut clavi in alium defixi.* Opus ad hoc fuit DEI auxilio speciali, non defuit. Dum scribit regulam evocatur, atque imperfectam relinquit scripturam, & ecce cum redit à DEO completam reperit. Opus erat exemplo iis quos nudo pede incedere doctrina fuit, ipsa prior abjicit calceos, sicut Moyses Exod. 3. *Locus iste in quo stas sanctus est,* depone calceamenta. Mos erat ut patet ex Ruth. 4. ut qui alteri inscribebat hæreditatem daret calceum, ille relinquebat posteris, dedit illis calceum, & sic ut Rupert de Trinit. lib. 16. *Nuda planta mulieris occidit serpentem.* Abjicit calceum ut mundum expugnatum. Mos erat ut patet ex Ps. 59. ut Dux volens expugnare hostilem terram, in eam suum calceum projiceret. *In Idumæam extendam calceamentum meum,* fecit Sancta. Opus erat ut perfectionem omni modo filii quærent, præivit, & se voto obligavit semper perfectiora sectandi. Sed jam Virgo Sapiens ad Sponsi nuptias ingredi. *Veni de Libano.* In hoc monte ut scribit Josephus lib. 8. posuit David armamentarium



mentarium tu posuisti, ex hoc fument arma contra Paganos, hæreticos, imò contra Antichristum, ut tibi est revelatum *Veni de Libano* hic mons est totus candidus, veni de tuo purissimo corpore. *Coronaberis alii legunt, offerent tibi tributa.* Nos tibi tributum offerimus orationum, relinque nobis ut Elias Elisæo spiritum duplicem fortitudinis & sapientiæ Christianæ.

## De Eadem CONCIO II.

*Quæ paratæ erant intraverunt cum eo ad nuptias. Matth. 25.*

**M**Ore veterum, non Sponsæ sed Sponsi dabant dotem. Patet hoc ex Gen. 24. Sichem voluit Dinam Jacobi filiam accipere in Sponsam: Jacob difficilis erat in danda, tum Sichem Jacobo. *Inveniam gratiam coram vobis, & quæcunque statueritis dabo, augere dotem, & munera postulate, & libenter tribuam quod petieritis, tantum date mihi hanc puellam uxorem pro augere dotem* Hebr. legit. *Augere mihi valdè dotem: Chaldæus, multiplicare nimis super me dotem.* Nihilominus Dina debuit afferre ornamenta muliebria. Hoc ipsum Christus fecit cum Sancta, dedit illi manum. *Deinceps ut vera Sponsa meum zelabis honorem.* Videamus quæ ornamenta attulit Sancta, quam dotem Christus, siquidem Sichem fuit figura Christi.

Attulit Sancta ex sua parte quod Virgines sapientes in hoc Evangelio. Attulit inprimis lampadem plenam oleo S. Th. de Villan. conc. 1. de S. Doroth. *Oleum charitas est.* Sine hoc rejiciuntur Virgines. Idem l. c. *Quid hoc Domine? tuas ignoras Virgines? tuas nescis amatrices, post tot vigilias, post tot labores, dicis, nescio vos, hi fructus laborum? expergiscimini Fratres, erigite aures, sentite quod dicitur, non quinque Virgines, sed plusquam quin-*

que mille, quibus hoc infortunium evenire solet, &c. Quia in peccato perdurant. Noli gloriari Virgo in Virginitate. Noli Sapiens in sapientia si non habeas oleum. Hic infert. Si Virgo excluditur, admitte-  
tur lubricus? Adamavit Sancta DEUM, ita ut fuerint illi lachrymæ panes die ac nocte, cum illi diceretur, ubi est DEUS tuus? propterea gestiebat contractiora fieri exilii sui tempora. Inde adhuc infantula coepit sanguine effuso illi conjurgi, & ad ejus amorem omnes trahere. Tereffa terris barbaris datura Christum aut sanguinem. Hinc ipsius voces, aut pati aut mori. Hæc enim via certissima transformandi se in amatum, nam id facit amor ut quod amamus idem cum illo fiamus. Hieron. in 4. Ephes. Si quis verberatus non respondeat, maledictus non maledicat, potest dicere cum Apostolo, vivo ego jam non ego, vivit verò in me Christus. Hoc ipsum est signum quòd à Christo diligamur, ita enim illa ipsa in itinere perfectionis cap. 18. Certissimum est per viam difficultatis ac laboris à DEO conduci quos multum diligit, & quò magis eos diligit, eò etiam eos per majores difficultates conducere. Et Mantione 7. cap. 4. Semper observatum est eos qui Christo D. viciniore & propinquiore fuere, plus aliis laboribus, & adversitatibus lancinatos & divexatos fuisse. Et hoc ipsum in hoc Sancta evenit. Ribeta lib. 4. ejus vitæ cap. 7. Etiam à Personis valde spiritualibus passâ, irridebatur ejus oratio & revelationes: alii advocare constituerant Exorcistas tanquam ad energumenam: alii ad S. Inquisitionem & examina trahere, passâ à Superioribus à Domesticis.

Attulit eam puritatem ut nec sciret quid sit carnis tentatio. Confessarius ejus Rodericus Alvarez Soc. JESU aliquando sua ostendens perspicilia, dixit. Sicut impossibile, ut hoc intret mala cogitatio, ita erat anima Tereffæ speciali DEI beneficio. Recurrerat ad eam quædam Filia narrando, quantum ab hoc dæmonio pateretur. Tereffia coepit mirari atque si res ex alio mundo

mundo dicerentur: denique dixit. Filia parce, consilium tibi non dabo, nescio quid hoc sit, qualis lucta, quam sum experta nunquam, nescio quid loquar. Parata semper fuit ad vocem Sponsi. Laudatur Abraham quia DEO vocante obtulit Isaacum. Ingenii partus non minus cari quàm sanguinis. *Qui velit ingenio cedere nullus erit.* Habuit unicam filiulam, librum quem commentata in Canticum Salomonis, scivit à spiritu bono inspiratum, iussit Confessarius comburere, manibus suis combussit, ligna & ignem supposuit. Quare ô DEUS non misisti Angelum sicut ad Abrahamum qui prohiberet? Non fecisti, sed perinde compensasti ut Abrahæ. *Quia fecisti hanc rem, & non pepercisti Filio tuo unigenito propter me, benedicam tibi & multiplicabo semen tuum, sicut stellas cæli, & sicut arenam quæ est in littore maris.* Ita fuit firma in obedientia ut de ea scripserit Joan. à JESU lib. 4. cap. 15. *Si omnes Angeli cæli dicerent ei aliquid, & ejus prælati aliud: quamvis illos sciret esse Angelos DEI: non quod illi, sed quod superiores ejus dicerent, hoc faceret.* Superiorum enim obedientia est commendata à DEO in scriptura, ideò est de fide, & in hoc non potest esse deceptio: at revelationes quas valdè est difficile dignoscere, possunt esse illusiones. Et vos quid? vocatur alicujus Filius à DEO ad Religionem, immolandus est Isaac. omni modo occurritur. Sed evenit quod scribit Seneca lib. 2. de Ira cap. 17. Darius cùm indixisset bellum Scythis, & milites colligendo trahebat etiam cujusdam nobilis Oëbazi filios, noluit dare nobilis omnes, saltem volendo ut Darius unum illi relinqueret, promisit se relicturum omnes, & reliquit à se occisos.

Attulit alia plurima apparamenta quæ longum esset persequi, de humilitate ejus sola ipsius verba adduco quæ ipsa in itinere perfectionis cap. 15. reliquit. *Nunquam ullum aliquid de me malè loquentem audivi, quin liquidò perspicerem, minùs illum dicere.* Claudio hanc partem cautela S. Thom. Villan. l. c. respiciendo



ad oleum quòd Sancta ante omnia attulit. *In morte vocantur Monachi, implorantur Sancti. Malè viximus; Orate pro nobis, iuvate nos precibus, date nobis de oleo vestro, quia lampades nostræ extinguuntur: nullus potest alteri mereri gratiam. Ite ad vendentes, ad pauperes, eleemosynas date; sed dum hæc opera non pietatis affectu, sed pœnarum timore sunt, merito contemnantur à DEO.*

Hæc omnia fuerunt dos Sponsi, nihil enim à nobis & ex nobis habemus, sed in quibus tamen labor Sponsæ apparet, jam ad illa in quibus solus Sponsus agere videtur. Dedit illi Sponsus in manum duo Testamenta, verus & novum, id est Religionem quæ in veteri cæpit, in novo durat, reformandam. In veteri Elias contra eos qui ad Baal declinaverant, ex Sacerdotibus & aliis Fidelibus collegit Religionem. Et hoc innuitur Eccles. 45. ubi de Elia loquitur. *Qui ungit Reges ad penitentiam & Prophetas, successores facit post se.* Quòd Prophetæ nomine possint intelligi Religiosi, patet ex Abulen. in 3. Reg. 18. *Propheta dicitur à prophetando, id est, laudando:* quæ duo posteriora, sunt Monachorum officia. Meruit verò Elias ut ejus Ordo esset perpetuus. Quia 3. Reg. 18. occidit Sacerdotes Baal, sicut Num. 25. meruit Phinees Sacerdotium sempiternum. Quia occidit fornicantem cum filiabus Moab. Promiserat olim Sponsus Cant. 5. *Caput tuum ut Carmelus.* LXX. *Caput tuum ut Carmelus super te.* Carmelus in capite tuo erat pro Corona. Carmelus ex Hebr. idem quod *Agnus circumcisis*, id est, Christus. Carmelitæ primi erexerunt templum B. Virgini in eo loco de quo Elisæus vidit nubeculam ascendentem tanquam vestigium hominis, Basil. epist. ad Chilonem. *Hic est mons Carmeli in quo commorans Elias DEO placuit.* Placuerunt & Carmelitæ posterius Eliæ, Isai. 52. *Judicium & justitia in Carmelo sedebit.* Ex hoc monte prodiit S. Dyonisius Papa Martyr. S. Cyrillus Patriar. Alexandr. S. Spiridion. Ep. Cypr. S. Hilarion, S. Anastasius M. &

& alii. SS. Virgines & MM. Eugenia, Euphrasia, &c. SS. Virgines Euphrosina, Magd. de Pazzis, &c. At hic Carmelus capiti Tereffiæ commissus, illa reparat. Attulit amorem Christo Tereffiæ & Christus hinc ignem amoris in totum Carmelum diffudit. Erat & antea in hoc monte ignis, de Carmelitis dixit Innoc. IV. *Sibi, & Proximis, DEO propitio, ad salutem proficere hilarescunt.* De iisdem Clem. IV. *In agro Ecclesiæ hætenus uberes fructus produxerunt.* Sed ubi additus ignis Tereffiæ si intra annos 1562. & 1606. Virorum monasteria 32. Virginum surrexerunt 20. Tum comparuit ille admirandus Joan. à Cruce, qui acceptâ in manus Christi imagine subsultans canebat. *Sime amores occidere debent, amore moriar.* Admirandæ simplicitatis Franciscus à puero JESU. Juliana à Cruce, Francisca à JESU, &c. Ludovicus, &c.

Dedit Christus Sanctæ in hac vita, quod aliis ad futuram reservavit, ut illius arcana intueretur. Vidit quòd ex Ordine Prædic. (ut scribit Ribera lib. 4. vitæ ejus c. 5) multos adversus hæresim gladio verbi dimicantes, & non paucos ex iis Martyres futuros. Vidit Balthasarem Alvarez ita sanctum ut eodem tempore nullus, quamvis tunc vixerint illi tres qui postea sunt canonizati. Is Alvarez fuit unus ex tredecim Confessariis? quorum operâ è Soc. JESU Sancta est usa, ut scribit Didacus Jopez Archiep. Turiasonen. in vita Sanctæ. Ubi etiam cap. 40. multa DEUS illi revelavit de Societate JESU ut ipsa dicit. *Vidi & alias res similes magnæ admirationis, propter quas habeo dictum Ordinem in veneratione, quia longo tempore conversata sum cum illis, & video vitam eorum conformem ei, quam Dominus de ipsis mihi monstravit.* Ita Martinus Martinez in ejus vita. Illi revelatum quòd proficiscentes in Brasiliam 40. è Soc. JESU occisi, verè fuerunt Martyres: illi privilegium illud speciale. *Quòd mortuum Jesuitam obviis JESUS excipiat, &c.* Ut est vitæ cap. 40.

& Itiner. perfect. c. 19. Ad illam misit Christus Angelum qui jaculo ignito præcordia ejus transverberaret. Sed ut breviter condudam quæ in eam Christus contulit, nam sunt innumera. Mortua est amore. Anima ejus in specie columbæ ad coelum evolavit. Arbor arida cellæ proxima effloruit, &c. &c.

In festo S. Petri de Alcantarâ. **CONCIO.**  
*Complacuit Patri vestro dare vobis*  
*regnum. Matth. 12.*

**D**UM Sanctum considero, cogor exclamare Matth. 8. *Quis est hic, quia venti & mare obediunt ei? Rapidos fluvios suo pede trajecit. Fratres in extrema penuria cælitus delatâ alimoniâ cibavit. Baculus ab ipso terræ defixus mox in viridem ficulneam excrevit. Cum noctu iter ageret densâ nivæ cadente dirutam domum sine recto ingressus est, eique nix in aëre pendula pro cælo fuit, ut illius copiâ suffocaretur. Et plura alia. Sed saltem similia in Sanctis repèriuntur. At illud, quòd cum suo corpore pactum inierit, ne ullam ei in hoc sæculo requiem concederet, ne in cibo, ne in fomno, ne in habitatione, &c. Hoc mirum supra modum, & in hujus admiratione sistam.*

Legimus de S. Francisco de Paula in ejus vita quam scripsit Simoneta. *Nullas horas sine fructu præterfluere, nil temporis, nec momentum quidem frustra præterire passus est. Sed hoc poterat etiam fieri cum requie corporis, juxta illud. Sive manducatis, sive bibitis, omnia ad gloriam DEI facite. Potest recreatio necessaria honesta institui ad DEI gloriam, & erit meritoria, &c. At hîc, nulla requies. Sed minuit mihi admirationem, quando lego de illo quòd fuerit in contemplatione admirabilis, in*  
 qua



qua etiam à terra ſublevabatur. Dum ille corpore elevatur à terra, elevemur nos mente, ſepoſitis aliis cogitationibus, conſideremus peccati malitiam, & videbimus cur ſuo corpori nullam quietem indulſerit.

Gratia DEI Prov. 8. *Melior eſt cunctis opibus precioſiſſimis, & omne deſiderabile non poteſt ei comparari.* Ex quo ipſe videtur inferre S. Aug. lib. 2. ad Bonifac. c. 6. quòd DEI gratiâ non ſolùm omnia ſyderâ, verùm etiam omnes Angelos ſupergreditur. Ampliùs progreditur S. Th. 1. 2. q. 113. art. 9. *Domum gratiâ juſtificantis impium, hinc dono gloriæ beatificantis juſtum, majus eſt, quòd plus excedit donum gratiæ impii indignitatem, quàm donum gloriæ dignitatem juſti.* Hoc ipſum agnovit Moyſes, quia aliquando voluit cœlo carere, voluit de libro vitæ deleri; hoc Paulus, qui anathema fieri volebat, ſed neuter eorum à gratia excludi conſenſiſſet. Ita advertit Tauler. ſerm. de Affumpt. B. V. Rutbrech c. 2. & alii. Hanc rem tam pretioſam peccator comburit, & quidem ut oblectationem faciat dæmoni. Ampliùs, peccans quantum eſt in ſe, DEUM occidit, quia illum ſuo honore privat, ſicut dicitur quis occidiſſe Senatorem, ſi dignitate ſpoliat Senatoriâ. Habitat in homine juſto DEUS. Joan. 4. *Si quis diligit me, ſermonem meum ſervabit, & Pater meus diligit eum, & ad eum veniemus & manſionem apud eum faciemus.* Peccator illum ex hoc loco dejicit. Præterea Chriſtus nos in filios recepit, & propterea totum ſanguinem expendit. Rom. 8. *Qui Spiritu DEI aguntur, Filii DEI ſunt.* Gal. 4. *Miſiſ DEUS Spiritum Filii ſui in corda veſtra clamantem Abba, Pater, ipſe enim ſpiritus reddit teſtimonium ſpiritui noſtro, quòd ſumus Filii DEI, quòd ſi Filii & hæredes, hæredes quidem DEI, cohæredes autem Chriſti.* Jus ad hanc hæreditatem peccans conculcat; ampliùs, omnia mala in mundum inducit, bella, peſtem, &c. Et aliquando ob unius peccatum multi in hac vita patiuntur, ut ob furtum Achan, ob Davidem qui numeravit populum.

Iſta

Ista & alia plura vidit in peccato Sanctus, & se reputavit peccatorem: igitur tam severam aggressus vitam. Rex Nive solum adverterat, quod peccatum ejus civitati esset alterutrum exitium, inquit Ambr. serm. 40. *Depositâ purpurâ cilicio se præcinxit, &c. Obliviscerur se esse Regem ubi Regem omnium pertimescit, nec potentie suæ meminit ubi potentiam Divinitatis agnoscit, &c. jubet quoque jejunare, ut seniorum peccata innocentia parvulorum deploraret: pecudes quoque jussit.* At Sanctus profundè totum peccati malitiam penetravit. Qui ergo apud eum poterat esse finis affligendi se? Venit ad S. Simeonem Stylitam dæmon, ut est in vitis PP. *ut eum veluti Eliam de columna subveheret in cælum, ille elevavit pedem volens ascendere currum dæmonis, sed cognicâ illusionē, dixit pedi suo. Non revertêris retrorsum hinc, sed stabis hîc usque ad obitum meum, & sic anno integro stetit in uno pede.* Quid hîc fuit peccati? fortè aliqua superbia non gravis, & tanta poenitentia? S. Macarius ut est ibid. Quia semel somnium habuit impurum, collotenus se in fossâ per triennium defodit. At nos post gravissima peccata, qualem agimus poenitentiam? jejunamus. Qualia jejunia? &c. Plangebatur continuo Sanctus, quia recordabatur quod Psal. 142. *Non justificabitur in conspectu tuo omnis vivens.* Verum etiam est quod dixit Remig. in l. c. *Nullus adeo justus est in quo non inveniat aliquid emendandum.* Et quod Job. 25. *Ecce Luna non splendet, & stellæ non sunt mundæ in conspectu ejus, quanto magis homo putredo?* Excogitabat Sanctus omnes se affligendi modos; sciebat etiam quod lachrymæ abluant peccata. Isid. lib. 2. de Offic. Eccles. c. 24. triplicem statuit Baptismum: *Unum quo regeneramur ex aquæ lavacro: aliud quo consecramur in sanguine; & est tertium Baptisma lachrymarum.* Licet æquivocè, quia multum à prioribus differt tamen. Ut sicut in Baptismate omnes iniquitates remitti, vel per martyrium nulli credimus peccatum imputari: ita poenitentia com-

punctione

punctione fructuosa, universa fatemur peccata deleri. Lachrymæ enim pœnitentium apud DEUM pro Baptismo reputantur. Unde Sanctus nunquam satiari poterat pœnitentiâ, & faciebat ad instar illius. *Amplius lava me Domine.* Ut fieret in illo quod Job. 19. optabat. *Si locus fuero quasi aquis nivis, & fulserint veluti mundissima manus meæ.* Et cum nulli citra revelationem DEI constet in hac vita, an ipsi peccata sint dimissa, amplius & amplius oportet se lavare, amplius & amplius se punire. Hinc Psal. 41. *Fuerunt mihi lachrymæ meæ panes dic ac nocte, dum dicitur mihi quotidie, ubi est DEUS tuus? quem per peccatum à te rejecisti, ubi est? &c.* Horrendum est Deut. 21. *Ammonites, Moabites, etiam post decimam generationem, non intrabunt Ecclesiam Domini in æternum.* Opus sit pœnitentia proportionata peccatis. *Potum dabit nobis in lachrymis in mensura.* Putabat se Sanctus causam omnium malorum in mundo; quia, ut Basil. serm. 3. in Divites Avaros, *Per paucos mala ærumneque ad universum populum perveniunt, cum unius ob noxam tota gens quandoque evertitur. Achan sacrilegium commisit, ac totus exercitus passus est. Zambri cum scorto Madianitide concubuit, ac Israel pœnas dedit. Igitur Filii charissimi, omnes privatim ac publicè conscientias nostras examinemus.*

Examinemus an plus hoc Sancto peccaverimus, & an majorem pœnitentiam agemus? sed priùs à peccatis desistamus. Ambr. epist. 3. *Nunquid potest placere Domino, si quis adhuc versatur in iniquitatibus, ac injustitiam corde inclusam teneat, dicat se agere pœnitentiam? simile est, ac si quis aeger sanum se simullet, magis aegrotabit.* Convertamur sincerè non sicut Saul. 1. Reg. 15. Qui dixit, *peccavi;* & rogavit Samuelem ut pro illo oraret. At Samuel illi: *Non revertar tecum, quia projecisti sermonem Domini;* quia solùm ob amissionem regni dolebat. Quare addit Samuel, *Neque enim DEUS est homo ut agat pœnitentiam.*



Retrahet quod de te se statuit. Agamus condignam poenitentiam. Gregor. Pastot. p. 3. *Qui peccata deplorant, operum admonendi sunt, ut consummata perfectis diluant lamentis, ne plus adstringantur in debito perpetrati operis, & minus solvant fletibus satisfactionis.* Thren. 3. *Divisiones aquarum deduxit deduxit oculus meus.* Greg. l. 7. *Divisas ex oculis aquas deducimus, quando peccatis singulis dissipatas lachrymas damus.* Postquam verò deflexerimus peccata, nunquam ad illa redeamus. Greg. l. c. *Flendo inaniter se mundant, qui vivendo nequiter inquinant, cum idcirco se lachrymis lavant, ut mundi ad sordes redeant. Qui admissa plangit, nec tamen deserit, poenae gravioris culpæ se subjicit.* De tali poenitentia gaudebimus, sicut hic Sanctus gavissus, dum post mortem S. Tereffiæ apparuit. *O felix poenitentia quæ tantam mihi promeruit gloriam.* Talibus dare regnum Patri complacuit.

## In Festo S. Ursulæ. CONCIO.

*Simile est regnum cœlorum decem Virginibus.*

Matth. 25.

**M**irum est, cum Christus loquitur de omnibus statibus, dicit, *Multi vocati, pauci electi.* Cum de Virginibus, *Quinque prudentes, quinque fatuæ.* Non paucae, sed medietas; igitur paucitas Electorum maximâ parte constat Virginibus. Et ratio potest accipi ex S. Ambr. lib. i. de Virginib. *Facile licet fecunda se mulier nobilis partu, quo plures generaverit plus laborat. Nubit & plorat, quæ sunt nota quæ flentur? Quid recenseam nutriendi molestias? &c. Quid ego famulatus graves & addicta viris servitia replicem fœminarum? Hinc illa nascuntur incentiva viriorum, ut quæstis coloribus vultus depingant, &c. Multitudinem hanc salvandorum*

vandorum repræsentat Sancta, ex cuius numero nulla fatua, discamus ab illis prudentiam.

Vita nostra, ut dixit Job, *Militia super terram*. Quod legit S. Ambr. *Pyraterium est locus pyratarum*, & quidem nocturnus. Opus est arte Gedeonis, Madianitas cum lumine aggre-  
ditur & fugat, vincit, ut est lib. Judic. Ita Sancta cum suis egit, accendit in corde suo amorem DEI, vicit. Cant. *Meliora sunt ubera tua vino*. Hebr. lectio. *Meliores sunt amores tui super vinum*. Magis audacem faciunt. Tali vino plenus. Rom. 8. *Quis nos separabit à charitate Christi?* Sancta potest dicere Cantic. 7. *Introduxit me Rex in cellam vinariam, ordinavit in me charitatem*. Illa Dux hujus belli. Alii legunt, *Vexillum super me charitas*. Habet simul ignem & vexillum. Videamus jam bellum. Stant ad portam & custodiunt, ne quis intret. Sed quomodo cohæret cum Apoc. 14. ubi de Virginibus. *Hi sunt qui sequuntur Agnum quocunque ierit?* Agnus ivit ad portam, & ibi stat. *Ego sto ad ostium*, Apoc. Ita & Virgines stant ut audiant vocem Sponsi. Cypr. de habitu Virg. *Neminem Christianum decet, & maxime Virginem non decet claritatem ullam computare carnis & honorem, sed solum appetere sermonem DEI*. Attendunt ne intret vanitas, ne aliud præter vocem Sponsi. Ambr. lib. 3. de Virginib. *Si tardare tibi videtur Christus, exurge; tardare videtur cum diu dormis, tardare videtur cum ab oratione vacas, tardare videtur cum vocem non excitas psalmis, &c.* Januam quoque tuam discite temporibus obserare nocturnis, non facile quisquam patentem reperiat. Sponsus ipse vult esse clausam cum pulsat. Christo propemodum soli debet aperiri, nec aperiatur nisi antè pulsaverit verbum DEI. Ideo Cantic. 4. *Hortus conclusus soror mea sponsa, hortus conclusus, fons signatus*. Aperuit quædam Virgo, Cant. 5. *Amisit pallium in plateis*. Ambr. l. c. *Tollitur ei amictus Philosophie, tollitur prudentia*. Multi volunt per portam irrumpere, bellum est illos

non amittere. Sed quare specialiter Virginibus vigilantia commendatur? Quia Virginitas amissa non redit, in alia peccata labens potest recuperare priorem sanctitatem. Quare semper debet Virgo adhærere Agno. Et ipsa B. Virgo, Luc. i. cum fuisset coacta exire domo, abiit in montana cum festinatione. Oportet fortem esse: columnæ sustentabant templum Salomonis, sed illis fuerunt imposita lilia; illæ columnæ duæ fuerunt fusæ ex metallo. Debet Virgo esse in columna, qualis olim ponebatur in finibus regnorum. Nota sit inimicis. Nazianz. *Effulsit castimonia dividens mundum.* Columna prima dicebatur Booz, hoc est, in fortitudine: altera Jahim, hoc est, præparatio Domini. Fortis debet esse Virgo, quicumque pulsar portam præter Christum, non aperiat. Tertull. lib. de Virginibus velandis. *Omnis publicatio Virginis bonæ stupri passio est.* Columnæ dividebant regna, ut scribit Valer. Tertull. l. c. *Divisa est, inquit Apostolus, Mulier & Virgo. Quare? quoniam innupta, id est, Virgo cogitat ea quæ sunt Domini, ut sit sancta corpore & spiritu. Nupta autem, id est, non virgo cogitat ea quomodo placeat viro. Hæc est interpretatio divisionis illius, Alii mores, alia studia in Virgine, & alii in Nupta. Sit Virgo domi, ne quod Tertulliani tempore l. c. accidit, eveniat. Merito itaque dum caput non tegunt ut sollicitentur, ventres tegere coguntur infirmitatis ruinâ, &c. Non enim confitebuntur, nisi ipsorum infantium suorum vagitibus proditæ, &c. Ipsa concupiscentia non latendi, non est pudica, patitur aliquid quod Virginis non sit studium.*

Opus magnâ Virgini custodiâ. Audite Parentes. Cantic. 8. *Vinea mea coram me est, mille tui pacifici & ducenti hi qui custodiunt fructus ejus.* Per vineam intelligit Ambr. Virginitatem. *Pacifici*, id est Salomonis sapientissimi ut ad dolos adverterent. Ad lectum conjugalem Salomonis servandum sufficiunt sexaginta fortes ex fortissimis in Israël. Hic verò mille ducenti, vigesies tantum. Aug. *Inter omnia Christianorum certamina, sola duriora*



*duriora sunt castitatis, ubi quotidie est pugna, & rara victoria, gravem castitas sortita est inimicum, qui quotidie vincitur, & tamen non timet. Militavit Sancta sub vexillo Amoris DEI, vultis cognoscere hunc Amorem? ostendet Jacoponus, in schola PP. qui dicebat, In hoc se cognoscere quod amet DEUM, quia si quando oro aliquid ab eo, & ipse negat, tum vehementius quam prius amo; item, si contrarium faciat, tum duplò magis amo quàm antea. Amoris in alterum hoc est argumentum, si offensus, nihilo quàm antè minùs diligam offendentem; si enim minùs diligerem, argumento esset, non illum, sed me priùs à me esse dilectum. Quare amans solum quærit, quid dilecto, non quod sibi ipsi placet. Joan. 4. Si quis diligit me, sermonem meum servabit; qui non diligit, sermones meos non servat. Si amor est, omnes sunt virtutes. Coloss. 3. Super omnia autem charitatem habentes, quod est vinculum perfectionis. Talis exercitus fuit S. Ursulæ. Hoc igne lampades earum arserunt, & victus hostis. Sed manet aliud bellum, victoria erit cum lampade fidei.*

Fuit Ursula, ut scribit Baron. & Goffred. Ep. Asiasen. genere Regia, filia Dionetti, facta Monialis. Sub Valentiniano Imp. occupavit Angliam Maximus Tyrannus, & cum vellet etiam Galliam occupare, ut securus de Anglia, Otilam sororem S. Ursulæ majorem natu accepit in uxorem, & Dionetto qui erat Regii sanguinis commisit regnum, ingressus viam versùs Turonem in Gallia eam cœpit, præsidio munivit, excidit; quare ne vacua esset, advocavit ex Anglia centum milia, & illis implevit terram pro Gallis. Qua de causa illa pars hucusque vocatur Britannia. Mortuo Maximo & Otilâ sine prole, illi Angli qui erant in Gallia cupidi matrimonii, raperunt Ursulam cum aliarum Virginibus undecim millibus, & in naves posuerunt ut uxores haberent. Quàm ferventes ibi sanctæ orationes! & ecce tempestas illas detulit versùs

Coloniam. Ibi erat exercitus Attilæ Regis Hunnorum crudelissimi, ubi cognoverunt eas esse Christianas, invaserunt gladiis. Ursula suas animabat; cæsæ aliæ, illa ut Princeps adducta ad Hunnorum Principem, qui dum eam ad suam voluntatem inclinare non potest, abit in furorem, & arrepto arcu cor illius sagittâ trajicit. Jam Sponsus adest, intrate ad nuptias prudentes Virgines; lampades vestræ non extinctæ, arsit amor, arsit fides quæ 1. Petr. *Lucerna in caliginoso loco*, &c. Fide utamur, & terrena despiciemus: fallere non potest, quia ita DEUS affirmat esse, ut illa nobis proponit. Non dubitamus de SS. Trinitate, quia DEUS dixit se esse trinum & unum. Pariter credamus illi dicenti. *In patientia vestra possidebitis animas vestras. Jugum meum suave.* De omni verbo otioso reddes rationem, &c.

In Festo SS. Simonis & Judæ Apost.

## CONCIO.

*Hæc mando vobis ut diligatis invicem.*

Joann. 15.

**Q**UI legit Exod. 17. Plane atque si audiret DEUM Patrem Filio loquentem de reducendo mundo ad obsequium. *Elige tibi viros potentes ex omnibus filiis Israël, egredere & conflige cum Amalec.* Eo devenerat rebellio mundi ut dejectis veri Domini imaginibus idola inimici erigerent, illi tributa darent, in nomen ejus jurarent. Elegit Christus ex Israël duodecim viros Apostolos, sed quibus armis instruit? *Hæc mando vobis*, &c. his debellabit. Et quia è Babilone hæc rebellio coepit, certe insignes debebant esse in his armis Simon & Judas qui Babilonem

Babylonem aggressi. Videamus eorum prælia & victorias.

Non mirum quòd charitate Apostolos armat, siquidem charitas est ignis, unde Ecclesia orat. *Ignem tui amoris in cordibus nostris accende.* Siquidem origo rebellionis, quia ignis in aquam versus fuerat in mundo Mach. i. Servabatur ignis continuò neque illum extinguere licebat, interea Babilonis hostes superveniunt, consilium inquit populus DEI de igne, suasit Jeremias ut in loco occultissimo provisus in sæcula alimentis reponeretur, abducunt populum Babylonem, tandem post multos annos reducitur, sed dum quærunt ignem, reperiunt aquam crassam. Quid hic miraculosè contigit, hoc vere in toto orbe. Idololatria incipit dum peccatis extinguatur charitas, & cum sit summum scelus, ad illam per minora peccata veluti gradus ascenditur, peccata enim sensim obscurant DEI notitiam, & tandem ignorantia veri DEI nascitur, & cum lumen dicat, esse DEUM, tandem falsus DEUS substituitur: & fiunt similes idolis qui faciunt ea. Sic jam ex plebe aliquem vocat sed Sacerdotem, Zach. ii. *O Pastor & idolum.* Refert Paulus de Palatio in i. Amos. Idolum Moloch habuisse intra manus suas exporrectas septem cavitates, unâ recipiebat similam sive florem tritici: alterâ turtures, tertiâ ovem, quartâ arietem, quintâ vitulum, sextâ bovem, septimâ puerum. Videbit hic qui volet septem peccatorum capitalium symbola, ex his confurgit idolum, itaque ante idololatriam omnia præcepta violantur. Fuerunt plurima præcepta, nam in Levitico continentur mille trecenti tredecim. Cant. 4. Laudatur Sponsus. *Labia tua sicut vitra coccinea.* Hæc laus videtur magis Sponsæ congruere, hæc enim magis vittâ utitur, sed hic Sponsum per modum Sponsæ describit. Pectus caput Sponsa, innumeri apparent capilli, rum aliquos è pectine abjicit, reliquos vittâ ligat, &c. Et quod innumerum erat, unum est. Leges erant innumeræ, veluti vittâ ligavit



ligavit Sponsus Christus cum in unam charitatem collegit, inutiles autem caeremoniarum Judaicarum abiecit. *Charitas vinculum est perfectionis.* Velut vitra hanc habeatis Apostoli, reduceris præceptorum observationem & Idola everteritis.

Armati maximè hic charitate Simon & Judas idola ag-grediuntur, aqua crassâ est urenda ut ardeat. *Refulsit Sol in nube* Mach. i. Apostoli sunt nubes, juxta illud Isai. *Qui sunt isti qui volant ut nubes?* Ex illis Christus refulget, ambo propinqui Christi, Filii Mariæ Cleophæ, consanguineæ B. Virginis; Fratres Jacobi minoris primi Jerosolymorum Episcopi. Misit illos Christus, ut ait Chrysost. in Matth. *Ut Sol radios.* Simon Ægyptum aggressus, & vicit, Christo subjugavit. Quo circa S. Magnus Moyse, quia populum de Ægypto eduxit: non parvus erit Simon qui Ægyptum à cultu vituli idoli, ad cultum Christi reduxit. Illi debentur milliones SS. Monachorum & Eremitarum, qui solitudines Thebaidis & Nitri impleverant: Illi Doctores Cyprianus, Augustinus, Tertullianus. Ille mari divisam debellavit Britanniam, Persidem, Asiam. Pingitur cum ferra quâ sectus est. Genes. cap. 49. *Dentes ejus lacte candidiores.* Explicat Eucherius in hunc locum, de Apostolis, hoc maximè dentibus ferræ convenit Simonis.

Judas ille Gen. 49. habuit hoc elogium. *Manus ejus in cervicibus inimicorum.* Hoc in nostro evenit, nam vicit in domo Regis Abagari inimicos Christi. Decumbebat Rex e lepra, in-rulit Judas in ejus cameram imaginem in qua se Christus exp-presserat, & lux statim amænissima locum implevit, sanitas Regi reddita, & baptismus additus. Thaddæus, Thad mamillam significat, olim Ecclesiæ promissum, *mammillâ Regum lacta-beris.* Iste Abagarum lactat. Idem Judas vocabatur Lebbæus, quasi leoninus, & in eo completum quod de suo Juda dixerat Jacob Patriarcha *Catulus Leonis Juda.* Vicit Judæam & Gali-læam

læam, Samariam & Idumæam, Syriam & Arabiam, & Mesopotamiam, deinde Asiam ingressus in qua hærefum seminarium, Simonis magi schola fuit. Sed uterque Apostolus per lapides amoris symbola à S. Joanne visus significatus. Simon per Hiacyanthum cœlestis coloris, cœruleus color ex magna lucis & umbræ conficitur concordia. Judas per chrysoprasum, aureum porrum? Hieron. ubi vulgò nomen Lebbæi explicant Leoninum, explicat per verbum teneri Amoris, *Corculum*.

Vicerunt ambo, sed per charitatem, nam in Perside dum bellum ferveret contra Indos. Persæ cum Duce Barradach Exquisiverunt ab Idolis successum belli, nihil aliud responsum quàm multos ex utraque parte casuros: Sancti, verò, fore die crastinâ, amorem inter has gentes, & concordiam; & ita factum est, quò vicerunt falsitatem idolorum, & post eam Persas. Post victa idola pugnârunt cum sacrificulis idolorum, erant in Perside celebres Zaroën & Arphaxad, ad quos recurrebat populus in morbis, rebus amissis, &c. Illi vi idolorum sanabant, Sancti ad hoc, prodeant Dii vestri: prodierunt dracones, & Magos discerpissent, nisi sancti vetuissent. Ecce & hic per charitatem victoria. Converterunt Reges Persarum & Babylonis. Mulier quædam lapsa peperit, & crimen in Diaconum Euphresinum conjecit discipulum Sanctorum, curârunt sisti hodie natum illum infantem, interrogârunt coram populo, quis esset ejus Pater, respondit infans. *Non est Diaconus*, prohibuerunt verò dicere, quisnam alius esset, Charitas illos in omnibus ducebat. In scriptura DEUS Pater sedet. Ps. 46. *DEUS sedens super sedem sanctam suam*. Filius sedet, dicit illi Pater, *Sede à dextris meis*. De Spiritu S. nullibi est quòd sedeat, discurrebat cum Apostolis quos repleverat, Spiritui S. attribuitur amor, hic verò semper est in opere, ille ducit, Apostoli sequuntur, ut 1. Reg. 1. armiger Jonatham, per saxa & rupes,

& hoc, ut Abulen. *Ex amore nimio faciebat quo diligebat Jonathan.* Inde & ipsi amore pleni. Voluit Batradach sacrificos tanquam filios occidere: Sancti ad hoc. *Missi sumus non viuentes occidere, sed mortuos vivificare.* Quanta charitas etiam erga iniunicos? Ubi verò charitas ibi Spiritus S. ubi iste, corda emolliuntur ac vincuntur, his armis in sola Babylone septuaginta duo millia Christo subjugarunt. Patiebantur contradictionem; quis enim non pateretur etiam modò inter Christianos, si clamaret cum Ezechiel. cap. 24. *Vae Pastoribus qui pascebant semetipsos, &c.* Quidsi stulti Principes Taneos, insipiens consilium dederunt Pharaoni? Quidsi cum hoc S. Juda increparet invidos, ut Glossa explicat. *Vae illis qui in via Cain abierunt.* Et contra alios. *In via Balaam qui pro pecunia veritatem vendunt. In contradictione Core, qui Ecclesiam spernunt. Macula aliorum Detractores. Nubes sine aqua, qui vanis promissis alios deludunt. Arborea autumnales, continuo deficientes à bono, vis mortuae, & in corde & in opere: fluctus feri maris, qui se attollunt ut alios submergant. Sydera errantia, in bono instabiles, & semper oblique procedentes.* Hæc inter Christianos quantas excitabunt persecutiones, quid apud Ethnicos, cum illis dicebant: desere Deos qui in necessitatibus tibi dant responsa. Omitte bona quæ habes, propter bona quæ non vides. Corpus afflige, &c. O quantæ contradictiones? Solus eas sustinebit qui amat, quomodo Mater sustineret molestias circa infantem si non amaret? quomodo Medicus phrenetici contumelias? Lamentabatur missus ad populum Jeremias, quia non percipiebat sui fructum laboris. *Defecit sufflatorium in igne, consumptum est plumbum, quod solet addi cum liquatur argentum ut purificet, frustra conflagavit conflatore, malicie eorum non sunt consumptæ, argentum reprobum vocate eos.* At Sancti plus & plus addebant ignis, plus & plus amoris, quod etiam in morte



morte sunt testati. Instigantibus Solis, quem Ethnici pro DEO colebant, Sacerdotibus in civitate Samur, ut scribit Conc. de SS. hic Vega, coniecti sunt in carcerem, venit Angelus ad eos. *Quid vobis placet, an hac ut terra absorbeat civitas, an ut moriamini?* elegerunt mortem ut civitatem fervarent. Serra sectus Simeon, fustibus ad similitudinem Jacobi minoris fratris sui occisus Judas. O Sancti pleni Spiritu amoris, accendite eodem corda nostra, hic solus post mortem durat. In vita S. Bern. lib. 5. cap. 2. Dum esset morti proximus S. Bernardus allatae sunt ei ex Palæstina reliquiae S. Judæ, voluit illas poni in suo pectore ut sic cum illis sepeliretur. Reliquias vestras ô Sancti, pauci sunt qui habere possunt, vester amor quo amâstis DEUM & proximum recumbat in nostris pectoribus, cum eo moriamur, & cum eo in æternum victuri resurgamus.

## In Festo SS. Omnium. CONCIO I.

*Merces vestra copiosa est in cælis. Matt. 5.*

**S**I Parens alicujus pauperis amantissimus peregrè domini-  
um accepturus nec rediturus abeat, filius desiderat scire quid de illo sit; & si bene, cum illo esse: præmisimus in cœlum multos, quid ibi agant, scimus quidem; sed si etiam oculatum haberemus testem, solatio esset, producam illum, audite; mittit hac de re epistolam quæ hodie in Missa legitur.

Non qualemunque producet, sed sapientissimum qui in pectore Christi sapientiæ absolvit studia quem in Fratrem accepit, quia Matrem dedit illi in Matrem. Scriptor, Apostolus, Evangelista, scripta probata, ita ut si quis illi addiderit vel detraxerit, à cœlo sit excommunicatus, hic ergo Apoc. 17. *Vidi stantes, stant in cælo, hic Lazarus jacet, alii sub mensa, ad pedes*

Potentum, adorant, ibi stant, stat Petrus supra Neronem, supra Tyrannos. Stant ut Christus à dextris DEI, inimici scabellum pedum. Stant ut Adam in Paradiso bestiis dominantes. Ps. *Stantes erant pedes nostri in arvis tuis Jerusalem.* Atria hæc ait Bellarm. sunt paradisus: Ecce nova de his qui pauperes spiritu, qui perfectionem passi, qui lugent, &c. In hoc mundo stamus ut statua Nabuchodonosor supra pedes luteos, venit lapillus, frangit, etsi caput fuerit aureum; sed ibi stant. Neque timeamus si hic percutiantur nostri pedes, bonum id signum. Id scribit Sur. Jul. 5. S. Simcon de Sales antequam Edessa terræ motu concuteretur, flagellabat quasdam columnas, aliis parcebat, istæ corruerunt, illæ manserunt; ira DEUS facit nobiscum, dum nos flagellat.

*Vidi turbam magnam stantes*, ait Joan. una turba, Ps. 67. *Qui habitare facit unius moris in domo*, summa concordia. Non est meum, ac tuum frigidum illud verbum. Ecce quid agant pacifici. Nos id agamus quod S. Pachomius adhuc miles Constantinii & Paganus, fame pressus, dum videret sibi suisque succurri magna charitate à Christianis, dixit. *DEUS horum esto DEUS meus*, & statim aliam incepit vitam. Erit meus, sufficiet, non serviam idolo avaritiæ, pro DEO id habetur in quo quis suam ultimam felicitatem statuit ut illi postponat omnia.

Quid ampliùs Joannes? *Vidi stantes ante thronum DEI?* qualis hic thronus? Dan. 7. *Thronus ejus flamma ignis, rota ejus ignis accensus.* An iste similis currus Eliæ? sit ita, in terra est currus, in cælo jam thronus stabilis, non vehit ulteriùs, non merentur, quid in terra segnis sumus? sed nec in terram redit ille currus, ideo securè stant ante illum, jam hic æternitas. *Filii DEI* vocabuntur, si filii, similes. *Ego DEUS* ait de se, & non mutator, nec illi mutabuntur. Ibat currus per regiones aëris intra umbres fulmina, irides, cometas, jam stat: ibi ignis lucet, non habet

habet fumum, cinerem, carbonem, quibus nostra gloria in terris plena. Thronum DEI Ezechiel i. ait in medio habere electrum. Sicut electrum sive aurum non exurit, ita regni illius non erit finis. Inde Cantus illorum est Alleluja, hic fugat dolorem, miseras. Invadebant Anglos Nortmanni, Angli confugiunt ad S. Germanum Episc. Alufidorien. prodit ille cum Clericis, & canit Alleluja, itatim fugiunt Nortmanni. Ecce merces pauperum Spiritu.

Dic Joannes quis vestitus? *Amicti stolis albis.* Stola totum tegebat hominem. Sed cur stolis non stola? Aug. serm. 10. de SS. Duplex stola, quia animæ & corporis gloria. Hæc potissimum competit mundis corde. Sed si volumus eam consequi, habeamus cor mundum. S. Magd. de Pazz. *Ad pondus inventæ puritatis, coronabit nos DEUS veritatis.* Si aliquis in nigra veste, &c. Sed cur, *beati mundo corde sexto loco ponitur?* Glossa, quia debent esse puri ut Adam qui sexto die creatus. *Et palmæ in manibus eorum,* hic jam omnia concludit. Victoris sunt omnia, palma signum victoriæ, omnia, tria homo requirit, victum, pacem, honorem. Ambr. serm. 24. *Palma utilis est ad cibum, umbrosa ad requiem, honorabilis ad triumphum.* Hæc palma apud illos in manibus i. Cor. 15. *Tunc erit DEUS omnia in omnibus.* Agent triumphum, & veluti Romani post currum trahent captivos, urbium imagines: ita illi spretas opes, victos per patientiam, per puritatem, &c. Et nos quid?

## De iisdem CONCIO II.

### *Beati qui esuriunt & sitiunt justitiam.*

Matth. 5.

**N**escio an de tali gente audieritis quæ nihil aliud esurit aut sitit, quàm expugnare quandam civitatem, quam non

Hhh 3

videt



videt quidem nisi per exploratores, loco tali positam in quo nemo infirmatur aut moritur, opibus ita abundat, ut nunquam deficere possint, nulla tributa, nullæ poenæ, non æstus aut frigus; & si eam semel ceperint, nemo illos poterit pellere. Ad capiendam hanc civitatem gens ista à Matribus, & in scholis, & in templis, & in foro, & in mensa, & in lecto instituitur, dicam quæ sit civitas, & quòd nos etiam illam possimus capere.

Capi facile à nobis potest, quia ipse Princeps illius civitatis, si illam velimus oppugnare nobiscum certò erit, & modos ostendet capiendi, ipsi cives erunt pro nobis, non explodentur contra nos tormenta, imò nos juvabunt si velimus ascendere muros, si portas seriò pulsaverimus aperient nobis, intrantes excipient cum triumpho.

Sed quænam ista civitas? Coelum, coelum. Audite quid de illo dicunt exploratores. *Isai. Respiciite in Sion civitatem solennitatis vestrae. Oculi tui videbunt civitatem opulentam, &c. Tob. 13. Beatus ero si fuerint reliquiae seminis mei ad videndam claritatem Jerusalem, portæ Jerusalem ex Saphiro & Smaragdo, edificabitur ex lapide pretioso omnis circuitus murorum, ex lapide candido, &c. Vultis tertium exploratorem? Apoc. 12. Vidi civitatem Sanctam Jerusalem, &c. Quòd ibi sit pax perennis. Ps. Posuit fines tuos pacem: Quòd Princeps ejusdem pro nobis erit. 1. Reg. 18. Egredietur ante nos Rex noster & pugnabit bella nostra. Et Psal. 117. Dominus mihi adiutor & ego despiciam inimicos meos. Omne bonum civitas illa continet, petit Moyses illam sibi ostendi. Exod. 13. Qualisnam? Ostendam tibi omne bonum. Sed quis explicabit quid sit omne bonum? Sanitas, amici, saturitas, deliciae; sed nondum hoc omne bonum, cogita ampliùs & pone ante mentem desiderabilia oculorum tuorum, nondum omne bonum, sunt istæ micæ de mensa civitatis illius cadentes, sunt guttulæ solum*

lūm illius maris, at ibi omne bonum. Hieron. lib. 3. in 12. Matth. *Humana fragilitas conspectum majoris gloriæ ferre non potest.* Sicut bruta non capiunt quæ sit voluptas in honore, gloria; divitiis, scientia, ita & nos quæ coeli voluptas. Omnis nostra cognitio procedit à sensibus, quod non cadit sub sensus, ægre & solum per similitudines & quasdam illationes apprehendimus. Similitudo plena illius gloriæ non datur in terris: ex visibilibus hujus mundi confusè illa invisibilia inferimus, & solum dicere possumus, est in coelo major voluptas quàm de divitiis, fama, scientia, sed inferre non possumus illa sit quanta & qualis. S. Th. in 1. Joan. lect. 15. *Habitatio DEI verbis explicari non potest.* Consideravit illam Baruch. 2. & solum dixit. *O Israel quàm magna est domus, & ingens locus possessionis ejus?* Sed quantus, quomodo illa domus ornata, non dixit. Non capiunt vasa nostra mortalia istud oleum, & deficiunt prius quàm illud copiosius infundatur, ut de oleo Elisæi 4. Reg. 4. est scriptum. Hugo vict. in 1. Miscell. 5. *Habet oleum DEUS habet oleum mundus, ad oleum DEI vasa deficiunt, oleum mundi in vasis deficit.* Hoc expressit Isai cum describere vellet domum DEI. *Fumus replevit domum,* quasi diceret, volui, sed oculi mei defecerunt ut in fumo. Hoc Ps. *Caligo sub pedibus ejus,* hoc ipsum dum dicit Propheta. *Posuit tenebras latibulum suum,* in DEO 1. Joann. 1. *Tenebræ in eo non sunt ullæ.* Sed nobis fiunt tenebræ, quia oculi obtenebrantur nostri, sicut dum lucem eximiam aspicimus. Euchar. lib. 3. *Posuit tenebras latibulum suum, ne à nobis modò in æterna & infinita sua claritate videatur.* In Thabor nesciebat quid loqueretur, & non viderat gloriam DEI, sed solum corporis Christi. Ps. 14. *habet. Domine quis habitabit in tabernaculo tuo?* Aug. & Hieron. legunt. *Domine quis peregrinabitur,* &c. Peregrini sumus circa res coelestes, rerum illarum ignari illam civitatem nonnisi incolæ

incolæ nôrunt. O felices incolæ ? Si magnum fuit esse Sponsam Afflueri Esth. 1. Quid Sponsam Christi ? si magni facimus has. Ruth. 2. quæ messores negligunt, quid erit quando messè totà fruemur. Quid si grata sunt ista quæ nobis terræ illius narrant exploratores, quid erit quando ipsam terram possidebimus ? Numer. cap. 12. Vos estis caræ DEI columbæ. Cantic. 5. Vos oves quæ ascendistis *de lavacro*, &c. Apoc. 2. *Vincenti dabo manna absconditum*. Manna nobis, quærimus, *quid est hoc* ? sed eo nondum vescimur, illis hoc manna dat omnem voluptatem, *Saporem*, odorem, robur, sanitatem, &c. 1. Joan. 4. *Similes ei erimus*, Cui ? DEO ; quia ex cognitione & objecto fit quodammodo unum, *cum illum videbimus* erimus unum, *immutabimur*. Sed hoc manna, *vincenti*.

Curemus vincere : sed quibus armis ? Illa describit præfens Evangelium. Non est hic paradysus, ut ille terrestris. Narrat Perer. in Genes. 1. 3. q. 4. Volebant quidam ad terrestrem penetrare, invenerunt in accessu montes celsissimos & præruptos, deinde invias solitudines & venenatis plenas. Non sunt hæ difficultates in via ad coelestem. Non opus est formare oppugnare, sicut factum est Ezechiel. 4. Sed tamen Principis illius doctrinam sequi. His ergo armis urbs illa capitur. *Beati pauperes*, abjice omnia saltem affectu si non re, & tua illa est civitas, hoc est, si vel DEUM offendere sit necesse, vel temporalia perdere ; potius ista amitte, non jura falsò propter lucrum, prædium obtinendum, &c. *Beati mites*, dimitte offensam, damna tamen illata per viam justitiæ ob justitiam recuperare potes, sed odium depone, signa communia benevolentiae exhibe, possidebis illam terram. *Beati qui lugent*, defle peccata, plora ex illius patriæ desiderio, in res viliores non expone lacrymas, saturaberis possessione illius civitatis. *Beati misericordes*, transfer in illam civitatem per manus pauperum  
tuas



ruas opes, ibi illas invenies, & insuper misertus tui Rex illius te admittet. *Beati mundo corde*, in illa civitate nulla est immunditia, nulla foeditas, mundi corde illam incolunt. *Beati pacifici*, non tantum discordias non fere, sed etiam dissidentes concilia, ut filium sui Principis, te illa civitas recipiet. *Beati qui persecutionem patiuntur propter justitiam*. Persequuntur te haeretici quia Catholicus es, impuri quia purus, ebriosi qui sobrius: non cade animo, porta illius civitatis tibi est aperta.

Sed an omnes volunt illam civitatem capere; amantes terrena valla contra se erigunt; Immites spicula hastarum intorquent; Gaudentes in peccatis ignes succendunt; Immiseri cordes tormenta contra se incendunt; Impuri fossas luto plenas ducunt. Persecutionem non sustinentes fugiunt. Quot sunt qui arma sumunt? Omnes *declinaverunt*, omnes *inutiles facti sunt*: ex altera parte *infernus aperuit os suum absque ullo termino*. Numera in quovis statu, quot sunt qui illam civitatem oppugnant, ideo *multi vocati, pauci electi*. *Stultorum infinitus est numerus*.

### De iisdem. CONCIO III.

*Merces vestra est copiosa in caelo. Matt. 5.*

**Q**uot sunt qui nos in caelo expectant quis nobis dicet? Job 25. de solis Angelis. *Nunquid numerus est militum ejus?* De aliis Sanctis, Apoc. 7. *Vidi urbem magnam quam dinumerare nemo poterat*. Ex solo Ordine S. Benedicti canonisatorum 44. millia & 22. Ex Ordine S. August. ut numerat Ticinen. Itidem canonisatorum sedecim millia & ducenti. Quot vero non canonisati, quot ex aliis ordinibus, statibus, &c. August. 8. Confess. II. *Ibi tot pueri & puellae, ibi juventus multa & omnis aetas,*

*Et graves viduæ & anus. Isti nos expectant, istos colimus omnes simul hodie. Ambr. lib. de Viduis. Obsecrandi sunt Angeli qui nobis ad præsidium dati. Martyres obsecrandi, possunt pro peccatis nostris orare, qui proprio sanguine, etiamsi quæ peccata habuerunt, laverunt. Isti enim sunt DEI Martyres, nostri præsules, speculatores vitæ actuumque nostrorum non erubescamus illos intercessores nostræ infirmitatis adhibere, quia ipsi infirmitatem corporis, etiam cum vincerent, cognoverunt. Gratulemur illis. Merces vestra copiosa. Honoremus amicos DEI, interim in eorum felicitate contemplanda subsistamus.*

*Sicut non ejusdem dignitatis sunt omnes qui sunt in cœlo: ita non idem honor omnibus defertur. Cultum patriæ soli DEO tribuimus juxta Deut. 6. D. DEUM adorabis & illi soli servies, illi uni damus in cœlo titulum Domini. Illi sola templa & Missæ sacrificium, et si cum invocatione alicujus Sancti hunc cultum nulli Sancto tribuimus. Cyrillus Alex. lib. 6. cont. Julian. Nos non dicimus SS. Martyres fuisse DEUS, sed illos omni veneratione prosequi solemus. Hieron. ad Vigilantium epist. 13. Nos non Martyrum reliquias; non Solem, Lunam, Cherubim, &c. colimus & adoramus ne serviamus creaturæ potius quam creatori. Honoramus autem reliquias Martyrum, ut eum cujus sunt Martyres adoremus. Joan. in Apoc. Angelum putando esse DEUM, ut docet S. Aug. quæst. 6. in Gen. dixerat enim Angelus, Ego sum primus & novissimus. Voluit cultu patriæ adorare, prohibuit illum Angelus. Alter cultus dicitur dubia, hic datur creaturæ in quam DEUS sua dona congeffit, ut sic DEUS colatur sicut artifex in suo opere, dicamusque. Mirabilis DEUS in sanctis suis, & laudetur DEUS in sanctis suis. Talis honor etiam in terra Prophetis & aliis sanctis non raro exhibitus. Ita Nazianz. Orat. de S. Cypr. honorat S. Cyprianum. Respice nos de cœlo, dirige nostrum sermonem, prebe te nostræ viæ ducem, & pusilli gregis esto*

*esto tu Pastor. Basil. Orat. de 40. MM. O turma inexpugnabilis, o communes hominum custodes, o fideles Socii uostrarum consuetudinum. Videamus jam illorum felicitatem. Si cui daretur Regnum Galliae, Hispaniae, Italiae, &c. Hoc tuum est mare, istis populis impera: nihil est respectu ejus quod Beati tenent. Boëtius lib. 2. de consolatione prosa 7. Omnem terrae ambitum sicut Astrologicis demonstrationibus accepisti, ad caeli spatium puncti constat obtinere rationem. Quid sunt nostri honores? Job. 20. Gaudium hypocritae instar puncti. Punctum non habet partes? si tollis, totum tollis. Quid divitiae? Viri divitiarum dormierunt somnum suum, & nihil in manibus invenerunt. Quid verò coelum? O Israël quam magna est domus DEI & ingens locus possessionis ejus. Magnus est & non habet finem, excelsus est & immensus. A terra ad coelum stellatum ponunt octo milliones, 680. millia, 490. milliaria Germanica, &c. Statuamus prae oculis domum Salomonis quam per tredecim annos aedificabant millia 165. architecti & Praefecti operis fuerant ter mille 3. Reg. 17. Statuamus domum Neronis auream, in cujus vestibulo stabat colossus 120. pedes altus, tabulata omnia se revolvebant instar coelorum, dicet ad hoc S. Fulgent. Quam speciosa erit caelestis Jerusalem, si sic fulgeat Roma terrestris? si in hoc saeculo datur tanti honoris dignitas diligentibus vanitatem, qualis praestabitur sanctis diligentibus veritatem? Imò dicit Chrysost. in Matth. 7. hom. 24. Quo distamus in pueris ludendi gratia casulas aedificantibus, nos qui ampla praetoria & praeclara extruimus? Ut nos pedibus illa subruimus, ita caelestis sapiens ista subvertet. Theophilus tantum à S. Dorothea ex paradiso missum aspexit, & in omnia tormenta ruit. Paulus coelum inspexit. Quis me separabis à charitate, &c. S. Francisc. Sales p. 1. c. 12. O mi JESU, haec lucidissima sydera, hoc spatiosum pavimentum, aliquando pedibus meis substernetur: & quemadmodum haec stellae in aquis relucunt, sic animae in vivo fonte Divinitatis refulgebunt.*



Quod attinet illas Animas sanctas, omni sunt repletæ scientiâ Aug. de doct. Christ. *Ad illam lucem cum veniemus, nihil est quod nescimus.* Greg. 4. Dial. 33. *Quid enim non vident qui videntem omnia vident?* de hoc prophetavit Jer. 31. *Ecce dies venient, dicit Dominus, non docebit ultra vir proximum suum, & vir fratrem suum, dicens: cognosce Dominum, omnes enim cognoscent me à minimo ad maximum, ait Dominus.* Visionum sequetur amor, qui amantem transformat in rem amatam. Joan. 3. *Cum apparuerit, similes ei erimus.* B. Jordanus Ord. Prædic. ut refert Jo. Herodot. dæmonem de gloria cœli interrogavit, hic respondit ex energumeno. Si omnium sociorum possem pœnas perpeti ad diem iudicii, vellem; dum, sic postea possem DEUM videre. Quæsit Beatus de DEI pulchritudine, respondit dæmon. Stulta petis; si tamen colligatur pulchritudo gemmarum, fyderum, &c. in unum, hæc minus erunt quàm tenebræ ad meridiem. Sed certius est quod scribit Aug. epist. ad Cyrillum. scripserat Aug. ad S. Hieron. ut illi suum sensum de gloria illa aperiret, interea mortuus Hieron. tamen venit ad August. *Si numerare potes stellas cœli, arenas & guttas maris, id facilius est, quàm gloriam explicando dicere. Est enim res tanta. quantam nisi vidissem, nunquam credidissem.* Proinde August. serm. 37. de SS. *O anima, si quotidie nos oporteret tormenta perferre, si ipsam gehennam pro tempore tolerare, ut Christum in gloria videre possemus, nonne erat dignum pati omne quod triste est?*

Distribuant Beati in classes. Angelis adiunguntur Poenitentes, qui gemunt tanquam mancipia desiderantes è servitute peccati liberari, perpendunt sua mala in hac vita. Inter Archangelos devoti, qui se non patiuntur in cultu superari ab Ethnicis, qui currunt ad DEUM cum alacritate tanquam ab eo munera recepturi. Ad Principatus misericordes, Christus in persona pauperis mendicat sicut Rex ut suos exploret, venit ad nos

ad nos sicut Elias ad Sareptanam. Ad virtutes qui vivunt pacificè, Christus docuit B. Baptistam Veranam. *Ite ora pro proximo sicut velles liberari membrum tuum à pœna crudeli.* Ad Dominationes boni Pastores, Chrysost. hom. 29. in Rom. *Patiantur nives propter oves in Cappadocia.* Quidni tu pro anima proximi? quid si etiam scandalises? Greg. Pastoral. p. 3. c. 1. *Tot mortibus digni sunt, quot ad subditos perditionis exempla transmittunt.* Ad thronos, contemplativi, qui desiderant ab hoc corpore liberari sicut æger ab emplastro foetido, non pervenient huc qui temporalibus delectantur sicut Jonas hedera. Ad Cherubinos qui docent alios sanctam vitam: sed evenit ut qui non patitur Filium contra bonos mores peccare, non curat ut in DEUM peccat. Ad Seraphinos, Amatores DEI, sed quis amat? accipe signum ex Aug. lib. de laud. Charit. *Qui non diligit, ei mandatum DEI grave est: si diligit, grave esse non potest.* Non est grave visitare ægrum Filium, quia diligimus, non est grave venari, &c. His omnibus additur certitudo quod hæc bona non deficiant unquam in coelo.

## Pro Fidelibus defunctis. CONCIO I.

### *Mortui audient vocem Filii DEI.*

Joann.

**D**aret DEUS ut semel inspiceremus purgatorium, non multum vos hortari opus esset pro illis animabus. Lazaros cogitate in monumento *ligatos institis*, ligati oculi, pedes, tenebræ horror. Plus dico, cogitate Laurentios in craticula, Petros in cruce, Joannes in aheni olei. Parum dixi, umbra hæc. Qui ista patiuntur? Mater tua, Pater, Frater. Quare?

(ut scias quòd & tu non facilè evitabis.) Hugo Victorinus, quia omittebat flagellationem sui, a singulis dæmonibus flagellatus. S. Vitalina, quia lavit caput jam festo incipiente. Joannes fundator Hieronymianorum, quia Fratribus parcebat ob quandam prudentiam sæcularem, &c. Sufficerent hæc ad nos movendum, sed adhuc alia quædam afferam.

Sit primum. Matth. 25. dicit Christus : *Esurivi & non distis mihi*, &c. *Ite in ignem æternum*. Quid dixisset, si non tantum esurisset, sed etiam fame periret, quia jam hic est extrema necessitas in qua omninò succurrere obligamur ; & non succurrere æquivalet homicidio, juxta illud Ambr. *Non pavisti, occidisti*. Jam judicate, an non sint in extrema necessitate, qui ardent in fornace calcaria, vel aheni olei, & possumus illi succurrere ? de purgatorio enim intelligi potest Osee 7. *Quasi elibanus succensus est à coquente*. Lateres hic excoquuntur ex quibus cœlestis Jerusalem construitur. S. Th. in 4. d. 21. c. 1. *Minima pœna purgatorii excedit maximas hujus vitæ*, quia idem ibi est ignis qui in inferno. S. Aug. ait nostrum ignem respectu illius pictum esse. Et lib. de vera & falsa pœnit. Purgatorii tormenta superare omnia martyrum tormenta. Ansel. superare omnia passibilia hujus vitæ. Et ipse Christus dixit Henrico Susoni. Si sciret, pro venialia quanta luenda pœna, mallet quotidie sibi caput amputari, & novam mortem subire, quàm peccare. Rursum S. Aug. hom. 16. ex 50. *Per fluvium igneum, & horrentia globis vada transibunt*. Si tanta est vis DEI, ut, sicut ait Job. *tribus digitis appenderit terram*. Quid ubi anima de se dicere poterit, *Manus Domini tetigit me* ? Dum S. Hieronymus sepeliretur, tres à mortuis excitati, & unus illorum dixit. *Omnia tormenta mundi respectu purgatorii sunt solatia*. Mallet ea quæ passi in mundo ab Adam ad finem mundi tolerare, quàm unum diem in purgatorio. Quidsi iste qui talia patitur sit valde cara

DEO



DEO persona, quomodo non magis dicet, quod uni ex his minimis fecistis? Concludite hic, an animæ illæ sint in extrema necessitate, & an obligemini illas juvare?

2. Quia vix ipsi evademus tam horribile purgatorium, & si non juvamus defunctos, nec ipsi juvabimur. S. Vincen. feria 5. post Oculi, conc. 1. *Dicunt aliqui Juristæ & etiam Theologi, quod pro quolibet peccato mortali debentur septem anni de pœnitentia, alias complebitur in purgatorio.* Si hæc doctrina est. Quotusquisque est qui non peccaverit mortaliter, & septem annis de eo pœnituerit, itaque residuum remanet in purgatorio solvendum. Sed idem Sanctus Conc. 1. Dom. 2. post Oct. Paschæ, affirmat doctrinam de septem annis. Computet quisque quàm diuturnum illum maneat purgatorium, nisi juvetur. Sed etiam Hugo Viêt. statuit pro veniali purgatorii annum; sed sit mensis, sit septimana, sit dies. Quot erunt isti dies? & quot sunt quæ nulla videntur esse peccata, sunt tamen. De quodam suo Fratre scribit S. Vincent. conc. 2. Dom. 15. post Pentecost. Quia vespere bibit vinum purum ut melius dormiret, & sanior pro matutino surgeret, quod fuerit uno anno in purgatorio. Plura ejusdem rei exempla non desunt. Sed an liberabimur si alios non liberamus? Scimus qualiter in Evangelio punitus immisericors, qui servo suo noluit condonare centum denarios, non liberare verò animam cum possis, an quoad immisericordiam non æquivaleat non condonationi vide? Universim certè dictum. *In qua mensura mensi fueritis, in eadem remonetur vobis.* In Chronico Francisc. scribitur de quodam qui non juvabat animas, cum ipse fuisset mortuus, & Fratres pro illo sacrificia & orationes obtulissent, omnia aliis animabus fuisse à DEO applicata. Placetne vobis habitare in ardoribus illis sine spe subditi à vivis? Luc. 18. *Nunquid DEUS non faciet vindictam electo-*

rum suorum, clamantium ad se de die ac nocte? Sed hoc potissimum premit testamentorum executores, de quibus vindictam suam Dominus sumet pro suis electis. *Nunquid DEUS non faciet vindictam electorum suorum?* Clamant illi, vindica, qui differt exemptionem testamenti, hic me torquet, urit, quid causæ ad hanc crudelitatem dedi? Crudelissimum scelus fecit (Cedrenus) Ariadna Imperatrix, quæ Zenonem maritum septuaginta annorum vivum inclusit, quæ ibi fames, horror, &c. Et sic miserum occidit. Crudelius nobiscum agunt executores nostri. Clamant. Gregor. 14. Moral. 24. *Ita nos affligitis ac si ipsi pati non possetis.* Quid vos verò Filii? ô Filii! ô imitatores Filii cujusdam Cartaginensis civis Cartelli; de quo Justin. l. 5. Hic cum ejectus esset in exilium, Filius ejus coepit convivii vacare, festivè ornari, &c. Sed si DEUS permiserit, ut faciamus vobis quod Cartellus, digni estis. Adnavigavit Carthaginem, evocavit filium ad navem veluti res magni momenti illi dicturus. Tum verò tu scelèrate fili, dum ego miseris conficior, omiſſa mei curâ tripudias; & arreptum suspendit è malo. Sed veniet tempus, quo Sap. 5. *Stabunt justi in magna constantia adversus eos qui se angustia verunt, & abstulerunt labores eorum.* Abstulistis labores nostros quibus juvari possemus, abstulisti Frater, Soror, &c. Filii estis an Tyranni, uno obolo nos à rogo redimere potestis, & negligitis? Estis planè Fratres Josephi, ille venditus in Ægypto. *Ferrum pertransiit animam ejus.* Illi verò ut Amos 6. *Bibentes vinum in phialis, & optimo unguento delibuti, nihil patiebantur super contritione Joseph.* Sed veniet supra vos ut supra illos fames, tradet vos DEUS in manus Josephi. *Judicabit DEUS justitias vestras.* Et hoc est tertium argumentum. Si hæc vobis non persuadent, &c.

## Pro iisdem. CONCIO II.

*Qui in monumentis sunt, audient vocem, &c.*

**P**lanè nobis accidit quod Josepho Patriarchæ, missus à Patre ut videret quid agatur circa Fratres, non invenit; quærit, responderetur: *Abierunt in Dothaim.* Ubi sunt Reges, Duces, Præsules, Parentes, &c? In sepulchro solum pulvis, illi sunt immortales. Quod in infernum, nolo dicere, nec possum; quod in coelum, rarò id evenit. Et pius Bel-larin. dixit. Magis optandum quàm sperandum; ergo in purgatorio. Visitemus illos.

Sed ecce quid video, ut Judic. i. Reges quinquaginta sub mensa amputatis manuum ac pedum extremitatibus, juvare se non possunt, colligunt si quis illis projiciat micas, clamant: *Misere-mini mei, misere-mini saltem vos amici mei.* Misereamur & juvemus.

Ut succurramus, juvabit eorum miseriam considerare. *Quæ seminaverit homo, hæc eadem metet*, opera sua comedunt, peccata. Qualis cibus? S. Vincentius Ferrarius vidit sororem suam defunctam in igne ardentem, & infantem nigerrimum frustratim vorantem, qui semper renascebatur, quia cum Æthiope commiserat adulterium. Qui lectus? scribit Damiani epist. 2. de Barnerio, qui vidit fluvium igneum pice & sulfure plenum, in illo aviculæ, id est, animæ volutabantur. Qui focii? scribit Cantipr. l. 2. Apum, 18. Quidam pernoctans in sylvis audit latratum canum, accedit locum, videt duos molossos & duas claves, & hominem humi extentum, quem dum interrogat, quid esset rei? respondet: his clavis contundor, & hi molossi continuò me lacerant, quia nimium canes amavi. Ita fit cum illis, & nos quid? Providemus honestatem sepulturæ corpori, & non curamus quomodo anima habeat. Josue 22. Exstruxerunt altare qui manserunt trans



Jordanem ; interrogati cur hoc fecissent , responderunt : *In testimonium inter nos & vos , ne dicatur , non est nobis pars in Domino ; sunt illi captivi , captivus recuperatur . Reddendo pro illo captivum alium , reddendo pecuniam , vi recipiendo , omnibus his modis utamur .*

Primus modus , reddere captivum pro captivo , ita solet fieri commutatio inter hostes , Apoc. 6. Vidit animas sub altari , quid hoc ? Aug. ferm. II. de Sanctis. *Sub altari quiescunt , quia corpus Domini in altari offertur .* Tenet manibus Christum Sacerdos , veluti captivum , petat DEUM Patrem , ut pro eo reddat captivam animam , ostendat Patri , ut in bello Duce[m] monstrant hostium , si ceperint . Bonav. in explic. Missæ c. 7. *Elevat Sacerdos corpus Christi , quasi dicat : ecce captivus noster est , eum non dimittimus , nisi quod petimus obtimeamus .* Frangitur hostia in tres partes in Missa . Idem l. c. *Una pars pro vivis , altera ad laudem sanctorum , tertia pro his qui in purgatorio .* Fractio ista repræsentat mortem Christi . Moriente Christo mortui resurgebant . Hinc Jacob , Gen. 47. *Petit sua ossa transferri in terram Chanaan , quia sciebat ibi Christum nasciturum & moriturum .* Hinc etiam DEUS Levit. 17. prohibuit comedere sanguinem , quia ut S. Th. opusc. 58. *Dedi vobis sanguinem , id est , sacrificium corporis & sanguinis pro animabus in purgatorio . Et hoc est , quod Zach. 9. In sanguine testamenti tui emisisti vinctos tuos de lacu .* Hinc bonus latro sine purgatorio vadit ad cælum . *Hodie mecum eris , quia pendebat à dextro latere Christi , de quo sanguis fundebatur .* Hugo Etherianus lib. de regressu animarum , c. 12. *Sacratissimo sanguine latro ille respersus est , ideoque in ictu oculi paradysum intrat .* Claudat hoc punctum S. Th. 3. p. q. 52. a. 8. *Sacrificium Missæ liberat à purgatorio , in quantum est sacrificium satisfactorium .*

Alter modus liberandi captivos est pro illis lythrum persolvere . Certè stultus & crudelis esset , qui non redimeret captivos eâ pecuniâ quæ certò ad illum , & cum certo lucro rediret

diret : & quidem si daret nummos æreos, redderentur totidem aurei. Quod damus ex charitate fit aurum ; ita de hac virtute dicitur Apoc. *Eme à me aurum ignitum.* Imò pro potu aquæ frigidæ datæ amore Christi datur regnum. Fit enim, ut si Rex sponsam expectet, nuptiæ paratæ, illa deest, quia capta ab hostibus : si captum eriperes & Regi redderes. Quid ipsa Sponsa nonne grata esset, & quantum apud Regem posset, pro te peteret ? Insuper opus charitatis est meritorium, sic ad te redit. Sed quid fit ? fortè ita, ut cùm Parens moriturus oraret Filios, ne ejus animæ obliviscerentur. Major maxima promissit ; minimus non minora : medius quod uterque. Mirati medium qui adstabant quomodo promissis satisfactorius esset, respondit. Scio Fratres nihil facturos, proinde facere potero quod uterque ; ita res in jocum abit. Ita & Testamenti executores per jocos executionem differunt. Sed sciant quid dicat Concil. Cartag. 4. *Qui negant Ecclesiis obligationes defunctorum, aut illas cum difficultate præbent sint excommunicati tanquam occisores egentium.* Quid qui succedunt in bona nec pro defunctis faciunt. Salon in summa scribit. *Vir mortuus apparens uxori dixit : Filii mei immemores, ego veni ut illis damna faciam, & si ita pergant, sine eos DEUS penitus destrui.* Vindicabunt se defuncti, vindictam eorum juvabit DEUS. Soto p. i. cap. 14. Illi qui testamento non satisfecit, comparuit mortuus post dies octo, & his increpuit. *Adeone perfide meo sanguine pascaris, Christique membra eleemosynâ privas, quæ me ignibus exemisset ? pro DEI tribunali de injuriâ questus sum.* His dictis ejus cervices elisit. Grave illis animabus pati poenas, sed si nullas alias pateantur, sola poena damni acuit illas ut clament vindictam. Absalon quia occisis filiis Regis in conspectum Patris non admittebatur, vivere noluit. An non enim non grave detineri in captivitate ne patriam & tuos videas, etsi nihil aliud patia-

ris? An non grave si filius Regis jus haberet regni, & ab illo consequendo detineretur?

Tertiò vi recuperatur captivus. Hunc modum suggerit S. Paulus, cum ait quosdam baptisari pro mortuis, hoc est corpora sua affligere, in se transferendo quòd illi pati deberent, parva autem hinc passio plus efficit quàm in purgatorio maxima. A præterito subsidio animarum aliquis se per paupertatem excusare posset, ab hoc nemo. Imò hoc est talentum, quod si defodis, reus es, neque sibi quisquam per hoc derogat, quia *charitas operit multitudinem peccatorum*. Teget ista charitas ejus peccata. Martin. de Roa, cap. 20. scribit de S. Gertrude, quòd cum omnia sua satisfactoria donasset animabus, sollicita de iis coepit esse; apparuit illi Christus. Quid affligeris? condono tibi pœnas purgatorii pro hac charitate quam fecisti, & dabo pro uno gradu gloriæ tibi destinatae centum, & per te liberatae recipient te in hora mortis. *Beati misericordes, quoniam ipsi misericordiam consequentur*. S. Alerdis Virgo lepram patiebatur, obtulit hunc morbum pro animabus. Comparuit Christus morienti, & dixit. *Bonum certamen certasti, en accipe coronam Martyris*. Menol. Cister. Jun. 2.

### Pro iisdem. CONCIO III.

*Merces vestra est copiosa in cælo. Matt. 5.*

Cum audivisset David cecidisse in montibus Gelboë Saullem, cum flore exercitus monuit populum. *Considera Israël pro his qui mortui sunt*. Vide quòd Rex & tot Heroës mortui. Job. 19. *Pertransferunt velut naves*. nec vestigium superest Simon Machabæus fratris Jonathæ mortui insculpsit tumulo naves. Mach. 3. ubi Dux, ubi doctus? &c. *Pertransferunt*



*runt ut naves interroga, quis sub hoc tumulto? vix fama superest. Pertransierunt. Sed non solum David illos considerare, sed etiam pro illis jubet. Sunt illorum nonnulli qui sub mensa nostra micas amputatis manuum & pedum extremitatibus colligunt, ut apud Adonizebecum. Sunt qui velut Joseph in cisterna, inclamant opem. Saltem precemur bene ut Salomon mortuo Davidi. 3. Reg. 2. David autem & semini ejus, & domui & chrono illius sit pax usque in aeternum à Domino. Saltem dicamus quod Ambrosius in funere Theodosii. Da Domine perfectio servo tuo Theodosio requiem, requiem dico, quam servis tuis preparasti. Ad quod ut permoveam, statum illorum audite.*

Non loquor hic de malis. Prov. II. *Mortuo homine impio nulla erit spes, & pro talibus qui oraret stultè ageret, unde cum pro defunctis oramus, subintelligitur, si sunt in spe, alioqui Aug. Si scirem animam Patris mei esse in inferno, conscientiam haberem orare pro illo. Similiter orare pro illis non licet qui sunt in cœlo. Aug. Injuriam facit Martyri qui orat pro Martyre. Solum ergo pro illis orandum, quos probabile est esse in purgatorio. Et hoc docet S. Joan. in epist. I. Est peccatum ad mortem, non dico orare pro ejusmodi, & est peccatum non ad mortem. &c. Hæc verba Evang. proposita innuunt. Venit hora & nunc cum mortui audient vocem Filii DEI, & qui audient, vivent. Sed qui sunt isti? non damnati, hi enim nunquam vivent, non beati, isti jam vivunt, de resurrectione etiam universali non potest intelligi, quia non est sermo de omnibus, sed de quibusdam. Pro his ergo qui spem vitæ habent, semper orabatur in Ecclesia. Hieron. in cap. II. Prov. Notandum est, quod etsi post mortem spes veniæ non est: sunt tamen qui de levioribus peccatis cum quibus obligati defuncti sunt, post mortem absolvi possunt, vel pœnis videlicet castigati, vel suorum precibus, elemosynis, Missarumque celebrationibus. Hoc ipsum fuit in vetere Synagoga.*

Aug. de cura pro mortuis cap. II. In Machabæorum libro legimus oblatum pro mortuis sacrificium. Sed, etsi nusquam in scripturis veteribus omnino legeretur, non parum universæ Ecclesiæ, quæ in hac consuetudine claret, autoritas, ubi precibus Sacerdotis quæ D. D E O ad ejus altare funduntur, locum suum habet etiam commendatio mortuorum. Hoc ipsum S. Petrus vehementer commendabat. Clem. Rom. epist. I. Quotidiana Petri prædicatio erat pro mortuis orare, sed jam cum Aug. serm. ad FF. in Eremo incipiamus considerare pro illis. Clamant ad nos quotidie, qui dum vixerunt multa mala pro nobis sustinere voluerunt, Parentes nostri, nec eis subvenire curamus. O verè magna inhumanitas! Ecce infirmus vocat & clamat, & à Medicis consolatur, &c. Incidit in puteum jumentum, extrahimus; ægrotat, sanamus; & ecce &c. Poenas illas Aug. hom. 16. ex L. vocat mare igneum. Greg. 4. Dialog. 25. Eodem igne purgatur Electus & crematur damnatus. Rursus Aug. in Pl. 37. Putas illas poenas longè majores quàm ullæ sint in hoc sæculo. Invitat nos ad succurrendum ipsa ratio. Reus est perditæ hominis qui supersederit juvare pereuntem. Invitat nostra utilitas, judicium sine misericordia illi qui non facit misericordiam S. Gertrudis, ut est in ejus vita apud Surium. Petiit à Christo quòd obsequium illi posset gratisimum præstare. Respondit Christus. Quoties quis animam ex purgatorio liberat, obsequium id non minùs mihi gratum est, quàm si suis expensis me captivum liberasset, dubio procul compensabo id suo tempore, mercede quæ meæ potentiae & infinitæ bonitati sit proportionata. Severè D E U S justitiam circa illas animas implet, nec se ipsæ juvare possunt. In Chron. Min. p. 2. l. 4. c. 7. quædam ejusmodi animarum dixit. Nemo credit quàm districtum sit judicium D E I, quàm severè peccata puniat. Scribit Aug. epist. 206. Quòd cum sepeliretur S. Hieron. tres à mortuis surrexerint, & eorum unus dixerit. Omnia tormenta hujus mundi solatia erunt. Mallem ab Adam usque

ad finem mundi omnia tolerare, quàm unâ horâ esse in purgatorio. Quare meritò Concil. Cartag. IV. Canone 95. Qui oblationes defunctorum aut cum difficultate reddunt, aut negant Ecclesiae tanquam egentium necatores excommunicamus. Sed ante Concil. Luc. 18. Nunquid DEUS faciet vindictam Electorum clamantium ad se? Faciet etiam in hac vita.

Alterum tormentum quod miseræ illæ animæ patiuntur est durius priore, DEO scilicet carere. Bern. epist. 5. Ego multò durius tormentum esse assero quàm gehennæ est, non affecutum esse tantam gloriam, & illinc elapsum esse, nec opinor tanto dolore lugendum de malis gehennæ quàm casum deplorare, quia cælo excidimus qui est cruciatus omnium gravissimus. Scitis quanto dolore affligitur qui poterat æquè fieri Princeps ac alii, & suâ culpâ excidit. Scitis quomodo Tobiam tædebat esse absque filio, cap. 12. Heu! heu Fili mi, ut quid te misimus peregrinari, &c. Scitis quomodo Mater torqueatur, si non possit Filium videre. Anima in eo statu est, ut si quis adoptaretur à Rege, & interea suâ culpâ ejiceretur in exilium. Non videmus hæc mala in hac vita, in alia clarissimè videntur. Per rimam solum id conspexerat Aug. Soliloq. c. 1. Quare faciem avertis gaudium meum per quod gaudeo? ubi es absconditus pulcher quem desidero? O &c. Eja Domine, moriar & videam te. Nolo vivere, volo mori. Dissolvi cupio & esse cum Christo, mori desidero ut videam Christum, vivere renuo ut vivam cum Christo. Absalon quia non fuit permissus venire in conspectum Patris. 2. Reg. 14. Quare veni de Gessur? melius erat mihi ibi esse. Obsecro ergo ut videam faciem Regis, quodsi memor iniquitatis meæ, interficiat me. Sic malus Absalon, quid bonæ animæ? S. Bruno serm. de Judicio. Addantur tormenta tormentis, & pænæ pænis, sæviant sævius sævissimi ministri, crescant crudelissima flagellorum genera, & DEO non privemur qui est cruciatus omnium gravissimus. Chrysost. Si mille mihi gehennas proponas,

non



*non tantum hoc reputo atque abhorreo, sicut à gloriosa illius societatis  
jucunditate repelli, & exosum fieri Creatori, & ejus aspectu indignum  
estimari.*

Modi juvandi illas animas, juxta S. Th. in 4. d. 45. q. 2.  
art. 3. sunt. Oratio, sacrificium altaris, elemosyna. Precemur  
ut S. Ambr. Valentiniano & Gratiano Imp. *Eritis ambo felices  
si mee preces apud DEUM sunt alicujus ponderis, nullo vos die silen-  
tio præteribo: nullâ vos oratione meâ non honorabo: nulla nox ela-  
betur quin aliqua meis orationibus ad DEUM pro vobis dirigatur:  
nusquam ad sacras aras litabo, absque vestri memoria. Juvenus elee-  
mosynis. Chrysof. hom. 41. in I. Cor. Juvatur mortuus non la-  
chrymis, sed precibus, supplicationibus, elemosynis.*

In Festo S. Borromæi. CONCIO.

*Negotiamini dum venio. Matt. 25.*

**C**elebramus hodie virum omni ex parte magnum, & cui  
convenit quod Basil. epist. 53. *Sapientiâ sublimem, generis  
claritate, vitæ splendore, orandi facultate, & rebus sæcularibus illu-  
strem.* Si enim genus spectemus, dicere necesse, Tob. 5. *Ex ma-  
gno genere es tu,* Si vitæ sanctitatem, propter quam Joan. Bapt.  
Magnus vocatus coram Domino, & de hoc dici debet, vi-  
num & siceram non bibit. Si dignitatem spectemus, Magnus,  
quia Nepos Pii IV. Cardinalis, Archiepiscopus. Si mores &  
doctrinam, Magnus. *Qui fecerit & docuerit, hic magnus vocabi-  
tur in Regno celorum.* At Evangelium omnes has rationes col-  
ligit in unam, quia benè negotiatus est.

Duobus modis hæc negotiatio absolvitur, faciendo, &  
dicendo, ita ut in utroque lucretur, nec una sine altera suf-  
ficit Prælato. Cùm Summum Pontificem describit Isai. 9. di-  
cit.

cit. *Et factus est principatus super humerum ejus*, pro *Principatus* legit Chald. *Lex*, ut pro eodem sit utrumque. Debet esse *Lex* super humerum, id est, in opere, debent præter legem DEI & Ecclesiæ, S. Canones, cæremoniæ Ecclesiasticæ, Synodi, Rubricæ, servari. Debet exemplum dari populo in bono usu opum, contemptu vanitatum, castitate, jejunio, mortificatione, in modestia familiæ, in devotione, in laborum assiduitate, ut de Prælato dici possit, quod Aug. Conf. 5. c. 13. *In optimis natus orbi terræ*, hujus rei ipse Christus admonuit. *Sic luceat lux vestra coram hominibus*, &c. nam illi sunt *lux mundi*, quæ si extinguatur, tenebræ apud oves succedunt, & errant. Si sit modica, nihil perfectè agere possunt, unde Greg. de Prælato ait, epist. 24. *Loci sui necessitate exigitur summa dicere, eadem necessitate compellitur summa facere.* Et paulò post, *Summus locus tunc benè regitur, cum is qui præest, virtutis potius quam Fratribus dominatur.* Quomodo enim obedientiam docebit qui ipse nescit obedire, quomodo castitatem &c. Greg. lib. 4. in Reg. c. 5. *Rectus ordo electæ conversationis est, ut obedientiam non injungat aliis, quam ipse aliis impendere non curat.* Ex moribus Superioris subditi suos formant, ut ex virgis Jacob oves. Caveat à peccatis cum populo communibus: sed non leviora sunt, quæ contra proprium statum admittuntur. Greg. lib. 5. c. 2. in Reg. *Qui ad culmen S. Ecclesiæ carnales provehunt, gravissimâ peccati obligatione retinentur.* Nam peccata reliqua singularis pænæ meritum obtinent, qui verò carnalem Præpositum constituit, tot incurrit pænarum merita, quot ille Fidelibus subditis præbet exempla. De se Ambr. lib. Offic. c. 18. *Meministis quendam Amicum, qui cum sedulis se videretur commendare officiis, hoc solum tamen à me in clerum non receptum, quod gestus ejus plurimum dedecere: Alterum quoque cum in clero reperissem, jubere ne unquam præiret mihi, quia quodam velut insolentis incessus verbere, oculos fe-*

*riveret meos. Idque dixi, ciem redderetur post offensam muneri. Uterque ab Ecclesia recessit, ut qualis incessu prodebat, talis perfidia animi monstraretur. Quid fecisset hic Sanctus, de avaris, de impuris rudibus, vanis in vestitu, sæcularia affectantibus? Quid de ambitiosis? de quibus Gregor. 7. epist. iii. Sicut is qui invitatus renuit, quæsitus refugit, sacris est altaribus admovendus: sic qui ulterò ambit, vel importunè se ingerit, est procul dubio repellendus. Quid de illis, qui largiuntur pro ordine aut beneficio, cum sit summum scelus Simonie. Sic & ab aliis peccatis sui statûs debet sibi Prælati caverè.*

*Per principatum qui in humero, intelligunt Justin. M. Cyrill. Alex. Hieron. Cypr. Aug. Ambr &c. Crucem. Hæc debet esse in humero Prælati. Tertull. Quis regnum insigne sue potestatis suo humero præfert, & non aut capite diadema, aut manu sceptrum? Novus Rex Christus, novæ gloriæ potestatem humero extollit, crucem scilicet. Crux est Regnum Prælati, quam ita dimentur Paulus, ut cognoscatis quæ sit altitudo, longitudo, &c. Sanctorum. Altitudo charitas; DEUS amari debet & proximus, ita passim hæc mensuras explicant. Ex hoc amore oritur zelus, sed monet Bern. ferm. 1. in Cocnam Dom. Magnum prorsus & mirabile Sacramentum animæ resuscitatio, vide ne ad illud immundus accedat. Oritur ex charitate proximâ, liberalitas in eleemosynis, quia ex Cruce accepta ad Crucem spectant, data sunt ut ea partiamur aliis. Oritur ex eadem & compa'sio Greg. lib. 4. in Reg. c. 4. Quicumque ad celsitudinem curæ Pastoralis assumitur, in eadem ordinis sui sublimitate, habere debet & vitæ propriæ altitudinem, & alienæ infirmitatis compassionem. Summi Viri dum Ecclesiæ Sanctæ culmen ordinant, illos quos in eodem culmine ponunt docent sublimiter vivere, plana prædicare, sibi esse rigidos, sed subditis temperatos. Crucis profunditas est humilitas; hæc quomodo à Prælato servanda, docet Greg. epist. 36.*

*Humi-*



*Humilitatem teneamus in mente, & tamen dignitatem Ordinis nostri servemus in honore, quatenus nec in nobis humilitas timida, nec erectio sit superba. Latitudo Crucis est patientia; hæc virtus latissimum habet campum, ubique ejus materia. Bernard. epist. 6. Vera patientia est pati vel agere contra quod libeat, sed non præter quod liceat.*

Imaginem harum omnium virtutum exhibuit se S. Carolus. Visa est lux Divina supra cubiculum Matris eum parientis; sed etiam visa est in operibus ejus, non solum spectantibus ad vitam privitam, sed etiam ad dignitatem, & bene negotiatus. E Cruce partis bonis usus ad Crucis emolumentum. Dum adhuc juveni sub potestate Patris data fuisset Abbatia, monuit Patrem, ne redditus illius in rem familiarem converterentur. Ipse ejus nactus administrationem, quidquid supererat in pauperes expendit; castitate enituit, & ultro se ingerentes impudicas pepulit. : Ecclesiam suam juxta Canones Tridentinos composuit. Synodos frequenter convocavit; zelum exercuit circa hæreticos in Rhætorum & Helvetorum finibus. Postquam expendit in pauperes quod è bonis Ecclesiæ acceperat, etiam patrimonium proprium, id est, Uritanum Principatum vendidit, & totam pecuniam uno die in pauperes effudit. Non retinuit proventus plures sacros, quam qui ad usus proprios & egenorum necessitates sufficerent; tempore pestis ita omnia in egenos expendit, ut ne lectum sibi reliquerit: & pro iisdem ut verus Pastor, placando iram DEI, fune collo suo injecto, nudis pedibus, veluti esset mali causa, in sacris processionibus incessit. Ipse manibus propriis Sacramenta ægris impertitus; ipse pro grege paratus mori. Tantum pro disciplina egit, ut mortem quidem miraculosè evaserit, sed clarum illius periculum incurrerit, dum fuisset in illum ab osoribus disciplinæ sclopus explosus.

Ipse exemplum dabat jejunandi, pane & aqua sapissimè contentus. Ipse orationis, in sacris meditationibus per plures dies se recludens. Ipse mortificationis acerrimè in se flagris sæviens, & in nudo assere cubans. Ipse devotionis quotidie in sacro altari ministrans, quotiescunque sanitas patiebatur. Ipse, ut hæc omnia perpetua essent, multas Ecclesias, Collegia, ac Monasteria erexit. Verè bonus negotiator, & de lucro Domini unicè sollicitus.

Altera pars est negotiationis Pastoralis, prædicare, docere, monere. S. Animalia quæ vehebant currum gloriæ DEI, Ezech. i. habebant manus, sed etiam pennas. *Et manus hominis sub pennis eorum.* Sed ad prædicationem nemo accedere debet, nisi prius ipse bonis operibus plenus. Psal. 49. *Peccatori autem dixit DEUS, quare tu enarras justitias meas, & assumis testamentum meum per os tuum? Destruis, non ædificas.* Greg. lib. 4. in Reg. c. 4. *De Prædicatoribus Christus dicit, Matth. 10. Non estis vos qui loquimini, sed Spiritus Patris qui loquitur in vobis. Quod & Paulus probat, cum suos auditores interrogat, dicens: An experimentum ejus queritis, qui in me habitat, Christus? Quia ergo in sanctis Prædicatoribus Christus, & ejus Spiritus loquitur, ipsi Prædicatores tantò clariùs loquentem audiunt, quantò ei viciniore sunt, cujus sedes esse merentur. Sed in animam malevolam non introibit Spiritus Sapientiæ. Loqui poterit pulchrè, concinnè; sed nullus sequetur fructus. Hoc ipsum etiam est in auditoribus qui non aguntur Spiritu DEI. Bern. in Septuag. ferm. i. Nonnullos sic interdum invenies audientes, ac si nihil omninò ad illos pertinerent quæ dicuntur; non intrare cor suum, non discutere mores suos, non cogitare ne fortè quod audiunt dictum sit propter eos, &c. Sed subdit ibid. In his ergo salutis signa non video, magis autem vereor, ne fortè propterea non audiant verbum DEI, quia non sunt ipsi ex DEO. Et Ambr. ferm. i. Prædicatio nostra aut regnum operatur in plebe, aut panam.*

poenam. Tamen Prælati non cesset clamare. 1. Reg. 14. DEUS noluit respondere Sauli. De quo Greg. lib. 5. in Reg. cap. 4. Quod tamen si idè dicitur, quòd Jonathæ culpa celatur, magnis timor Prælati incurritur. Filius quidem peccat, & Patri ejus responsionem negat. Unus quidem deliquisse cognoscitur, sed pro unius culpa insequi hostes suos cuncti perterriti sunt. Quid in hoc facto signatur? nisi quia peccata subditorum non solum sibi, sed etiam Prælati, & secum communiter viventibus nocent. Quomodo verò correctio instituenda sit, docet Basil. in Institut. Monach. cap. 95. Ex quibus fructibus probari debet is qui ex affectu arguit fratrem peccantem? Respondet: Primò omnium ex eo quod præcipuum est, si cum misericordia rem gerit. Quis scandalizatur, & ego non uror? Tum deinde si in omni peccato similiter affligitur, & contristatur erga omnes qui peccant; vel, si in se delinquat aliquis, vel in alium, similiter contristatur & luget. Concio sit ex qua procedant non Concionatoris laudes, sed DEI. Correctio, in qua correctus agnoscat ex amore se correctum; prodat se in sermone affectio interna. Opus in monendo magno animo. Scribit Theodoret. de S. Ambrosio, quòd cum Theodosius Imper. occupavisset in templo locum Sacerdotum Mediolani, sicut solebat Constantinopoli, misit ad illum Ambrosius, monendo, illum locum non esse pro sæculari. Ad hoc Imperator. *Solum Ambrosium novi Episcopum dignum eo nomine.* Animalia illa sancta habebant quatuor manus, quia duplò major debet esse virtus in Prælato quàm in populo. Manus erant in diversas partes dispersæ, quia prædicare debet tam parvis quàm magnis, &c. Debet esse *Fons hortorum*, qui irrigat & herbas, & arbores. *Puteus aquarum viventium*, qui cuique patet; nam dum exhauritur, meliores fiunt aquæ. Dicatur Pater communis.

Omnibus patebat aditus ad S. Carolum. Verbi DEI prædicationem gravissimis licet curis occupatus, nunquam inter-



misit. Arguit, obsecravit, increpuit in omni patientia. Omnibus se faciebat omnia, ut ab omnibus intelligeretur; nec contentus sermone, etiam per libros prædicabat. Plura scripsit ad Episcoporum præsertim instructionem utilissima, quia ad horum exemplum populus componitur. Ejus operâ Parochorum Catechismus prodiit. De illius scriptis dici potest illud Basilii, epist. 55. *Cognovimus te, non ex eo quòd nota quædam corporis tui menti nostræ impressa sit, sed quòd interioris hominis tui pulchritudinem veluti ex variegata sermonum pictura cognovimus.* Ex scriptis suis noscitur Carolus qualis fuerit. Fuit fons de quo multi profluxerunt rivi Justorum, loquebatur enim & scribebat Spiritu S. plenus. Benè est negotiatus, & ut laboris præmium recipiat, venit ad finem vitæ, sed priùs salutato in monte Varalli suo Domino, ubi sculptis imaginibus ejus passionis mysteria repræsentatur ad vivum: deinde in morbum incidit, & veluti malè negotiatus fuisset cinere & cilicio coopertus; spe tamen plenus, oculis in Crucifixi imaginem defixis, migravit in coelum. Ibi lucra sua numerat, & de illis gaudet, & pro illis in dignitatibus constituitur. Nos monet verbis Augustini. *Doctrina lucida, vita tenebrosa, res est monstruosa.* Accepit coelum, quia prædicabat ut coelum. *Non sunt loquelæ neque sermones eorum quorum non audiantur voces eorum.* Quorum quisque vocem intelligit, quia rebus loquuntur & exemplo, pleni stellis. De omnibus talentis lucratus. *Euge serve bone, &c.*

In Festo S. Martini Episc. **CONCIO I.**

*Si oculus tuus simplex fuerit, totum corpus tuum lucidum erit. Lucæ II.*

**M** Orbos corporis ex variis signis agnoscunt Medici: morbos

morbos ut animæ cognoscamus, jubet Christus considerare oculos, agnoscentur cujusque status æger fuerit, videamus oculos.

Sicut candela ita oculus, lucet oranti, lucet furanti, vias demonstrat, colores ostendit. Sed si talis esset candela ex qua cognosci posset quod qui eâ utitur, orat: qui eâ utitur in via, non errat, colores etiam in profundo corporum videt? Hoc candela non præstat, oculus præstat, sed ille de quo præcipuè Evangelium, scilicet, oculus mentis. Ita S. Martino ostendebat gravitatem nuditatis mendici quem dimidio texit pallio. Ostendit malam viam Ethnicorum per quam incedebat. Ostendebat Maximi Cæsaris tyrannidem variè concretam licet. Unde cùm eum ad mensam invitaret, responderet. Se cum illo convivari non posse qui duos Imperatores regno spoliavit, Valentinianum & Gratianum. Ostendit quanto-perè oportet pœnitentem mori, unde se in cilicio & cinere deponi jussit, quia sæpè alii fumus in oculis DEI quàm in hominum, unde etiam moriendo dixit. *Non decet Christianum nisi in cinere & cilicio mori.* Vidit fraudes dæmonis cùm se Christum fingeret. Vidit quòd nullo modo sit hæreticis connivendum, unde propter Arrianos in Gallinariam insulam secessit, & in ea aliquamdiu radicibus herbarum vitam sustentavit, &c. Unde attestatus illi DEUS, quòd totum corpus lucidum habuerit, nam cùm hospitio carens in platea se projecisset Martinus, DEUS Angelum misit ad Comitem Avitianum cum hisce verbis *Servus DEI Martinus ad tua limina jacet, & tu quiescis?* Lucidum totum corpus, nam non semel ut Sol resplenduit, quocirca Martini tanquam indubiè bono relicto oculos nostros consideremus.

Aliqua vitia oculi innuit Evangelium, & quidem I. quòd quidam illum non in capite sed sub modio tervant, nam pro  
eodem

eodem lucernam & oculum sumit. *Lucerna corporis tui est oculus.* De hoc in se gemebat aliquando David. *Pl. Lumen oculorum meorum non est mecum.* Sed ubi? apud Betsabeam. Sed hic de modio. Sub modio est oculus, cum sola terrena quaerimus, oculus Pastoris, Patrisfamilias, &c. debet esse in capite ut videat quid non tantum secum, sed etiam cum suis agatur. Ezechiel. 2. *Fili hominis speculatorem te dedi filiis Israël.* Quid iste speculator? Isai. 21. *Custos quid de nocte? Custos quid de nocte?* dixit Custos. *Venit mane & nox; si queritis querite, converimini, venite.* Scit quod fuerit dies & nox, de cætero facite quod vultis. De tali custode, Isai. 22. qui erat Sobna præpositus templi. *Excidisti tibi hinc sepulchrum, excidisti in excelsu memoriale diligenter in petra tabernaculum tibi.* Quid tu hinc aut quasi quis hinc, solum modium respicis & tua lucra temporalia. Quid deinde? *Asportare te faciam sicut asportatur gallinaceus.* Ligabunt tibi alas & pedes, &c. *Coronans coronabit te tribulatione, quasi pilam mitteret te in terram latam & spatiosam, ibi morieris, expellent te de statione tua.*

Deinde languent oculi, *Pl. Oculi mei languerunt præ inopia.* inopia oculi est defectus lucis & rerum quæ videantur. Sed hæc inopiâ externa, oritur verò interna à defectu spirituum. Ita fit in homine cum remittit de oratione, mortificatione, & tum confuse apparent omnia, neque discernitur bene malum à bono. Tandem ad hoc devenit, *Factus sum sicut pellicanus solitudinis.* Hæc est pellicani stultitia, cum possit nidificare in alta arbore, nidificat humi, venatores accendunt nidum, quem dum ille alarum agitatione nititur extinguere, magis inflammat, & dum potuisset avolando fugere, comburendo alas fit præda, & capit ille venator de quo Apoc. 1. *Gladius egrediebatur ex ore ejus,* in ore ponunt venatores cultrum dum exenterant feras.

Vitium



Vitium oculi est quædam obnubilatio, cum malè depingitur objecti imago in oculo, hinc etiam malè videt. Causa hujus est aliquando quia objectum non satis illustratur, aliquando quia oculus aliquâ membranulâ prætexitur. Christus est lux mundi. De Apostolis dictum, *Vos estis lux mundi*. In objectis materialibus opus ut illa illuminentur, circa spiritualia oportet ut oculus; tum fiet in oculo imago juxta quam objectum se formabit. 1. Petr. 3. *Forma gregis facti*. Si hæc in oculo turbida, etiam grex. Ps. 77. *In intellectu manuum suarum deduxit eos*. Qualis forma in intellectu, talis grex. Sed debet hæc forma esse in manibus; ita DEUS cum duceret populum manna illi manibus Angelorum pararat. Sed cum aliud forma in oculo demonstrat, aliud manna fit Doctoris, despectus est.

Est etiam oculus prædo, sicut latro subito incurrit, rapit omnia & vitam. *Oculus meus depradatus est animam meam*. Sunt etiam oculi tam obtusi ut non videant, etsi coram illis extinguatur lucerna, ut deinde ruant in tenebris, & alter illorum accipiat locum. 1. Reg. 3. *Heli non poterat videre donec lucerna exstingeretur*. Dum vita exstinguitur, post mortem clamant Sap. 5. *Ergo erravimus; sed tardè*. Nos oremus. *Illumina Domine lucernam meam, ne unquam obdormiam in morte*.

## De Eodem. CONCIO II.

**I**Ta fit in hoc mundo sicut olim in Ægypto. Videbant omnia Judæi, Ægyptiis erant *tenebræ palpabiles*. Vident Sancti minimos defectus, non vident maximos injusti; non vident præcipitium barathri ante se, dæmonem paratum, se-  
verum Judicem DEUM; non agnoscunt proximum, ut dent eleemosynam. Ita factum, alii milites rapiebant aliena,

Martinus dabat sua. Alii in Brixio vexante non agnoverunt quod illi proderat; ille agnoscebat, &c. Unde hoc provenit, dicam.

Non ex Christo id procedit, ut patet ex hodierno Evangelio. *Lucerna splendoris illuminabit te.* Ubi ex eo quia se dixerat lucernam, & ideò se non debere abscondere, dicit similitudine lucernæ & oculi, de lucerna mentis sive intellectu. Sicut lampas extinguitur cum impletur impuritatibus: ita & oculus & intellectus, unde fiunt tenebræ ne sensus benè operentur. Christus verò cum sit lucerna non ponit tenebras, imò illustrat, dummodo ipse homo suum intellectum sceleribus non faciat cæcum & incapacem luminis, dum juxta rationem vivat, uti vixit S. Martinus adhuc Ethnicus, jam poterat dicere. Rom. 8. *Mihi pro minimo est ut à vobis judicer.* Ridebitis quod pauperi dimidium pallii dabo, non curo. Ridebitis, si miles agam modestè, si libenter cum Sacerdotibus Christianorum agam, &c. Id ratio jubet, video debere esse unum DEUM; mundus enim à pluribus benè regi non posset. Video nostros Deos manibus artificum fieri, itaque potius artifices potius Dii essent. Responso dant idola, sed etiam dant energumeni, non tamen sunt Dii, &c. Tum lucerna splendoris Christus illuminavit. E contra, Christiani dum amoris, odio, &c. lucris vacant, intellectum ita obtenebrant, ut etiam lucerna Christi ab illis tollatur. Hinc in fide fiunt debiles, dicunt bonum malum, tenebras lucem, pericula non æstimant. Hinc illa procedunt: Peccabo, postea poenitentiam agam. Per testamentum restituam, contra honorem meum esset deprecari offensum; ad quid frequens confessio, & similia pseudopoliticorum axiomata. Dixi, qui intellectum suum non obscurat, illum Christus illuminat, quia juxta axioma. *Facienti quod est in se, DEUS non denegat gratiam.* Et ut Gregor. M. de disci-

discipulis euntibus in Emaus, qui in fide deficiebant, nec capiebant dum illis Christus prædicaret, postquam illum veluti peregrinum hospitio exceperunt. *Non illuminantur discipuli Christi audientes, illuminantur pascentes.* Nam ut speculum impurum non reddit Solis imaginem, ita reddit purum. Apocalypf. cap. 1. Vidit septem candelabra. Sed unde lux? septem stellæ. Homines veluti ponunt candelas, DEUS accendit per Spiritum Sanctum, cujus septem dona septem sunt stellæ. Sed si candelæ sive lucernæ sunt impuræ, earum lumen erit, aut Jupiter superbus, aut Saturnus piger & acediosus, aut Venus luxuriosa, aut Mars iracundus, aut Luna quæ trahit humores ac notat gulam, aut Mercurius furum præses avarus. Septem stellæ sunt lux, sed non erraticæ. In manu DEI sunt illæ stellæ, nec ad sinistram declinant.

Cum Martinus lumen recepit, curavit ne fieret tenebræ, & per bona opera illud augebat; nam qui non utitur gratiâ & talentis, tolluntur. Non das eleemosynam, dicis non habes unde. Non habes quia non das. 2. Reg 13. Si non dedisset Elifæo Sareptana quod habuit modicum olei, non auxisset illi in multa vasa oleum. Utebatur prætereà doctrinâ Martinus non eam retinendo velut sub modio, & semper illam sacrâ lectione augebat. Sciebat benè 1. Cor. 4. *Si quis ignorat ignorabitur*, scilicet illâ ignorantia, *Nescio vos.* Sacerdotis est illuminare, Isai. 5. *Propterea captivus ductus est populus meus, quia non habuit scientiam, & Nobiles ejus interierunt fame, & multitudo ejus siti exaruit.* Et dum pabulum ac potum non habent puræ doctrinæ, famentes ac sitientes lacunas pseudopoliticorum aut etiam hæreticorum bibunt. Sciebat S. Martinus se esse Legatum Christi. *Sicut me misit Pater, ita ego mitto vos.* Sicut ergo Christus totus in his erat quæ fuerant Patris; ita Martinus, sive esset in templo, sive domi, sive in foro. In his erat totus quæ



sunt Christi, & semper lumine lucebat quo fuit accensus, sibi dictum putabat. Heb. 5. *Omnis Pontifex ex hominibus assumptus, pro hominibus in iis constituitur quæ sunt ad DEUM, ut offerat dona & sacrificia pro peccatis, &c.* Ita lucebat ut morientem discipuli orarent, vellet adhuc vivere, & planè illis verbis uti videbantur quibus olim ad Davidem usi alii. *Jam non egredieris nobiscum ad bellum ne extinguatur lucerna Israël.* Moriamur nos sanè, tu vive, es lucerna populi. Transisti à nobis Martine, nihilominus nos illustra, & fidei lumen auge ut fructus uberes proferat. Templum est domus DEI, honoremus illud. Quod pauperi datur, Christo datur, demus liberaliter. Judicem expectamus, placemus: Pater est noster DEUS, amemus.

### De Eodem. CONCIO III.

**M**eritò Prælatos Ecclesiæ Christus appellavit Soles, quia sicut Sol illustrat, vivificat, in terra producit, ita illi. Sed etiam sicut Solem purum nemo miratur, ita in Eclipsi omnes concurrunt, mutuò ostendunt, tubos opticos adhibent, imò etiam extra eclipsim maculas quærunt; ita accidit Prælatis. Soles appellavit Christus, cum dixit. *Vos estis lux mundi*, neque enim aliquid aliud illuminat totum mundum; non dixit tamen Solem, quia hic in Eclipsi aut noctu non illuminat, illi debent semper lucere semper. Dabo aliquas cautelas & his ut benè luceant, & eorum observatoribus alias.

Observabat S. Martinum Briccius satis malignè, & tandem ad hoc ventum est ut vitam mutaret. Observatores non evitabimus. S. Paulus vocat Corinthios *suam epistolam*. Quia quid sentiamus cognoscit qui legit epistolam: ita populus mores in se Pastoris exprimit. Proinde sit Pastoris oculus simplex, nam *os bilingue* DEUS deestatur, certè idem faciet de oculo

oculo duplici. Sequantur S. Martinum, qui non sua commoda sed populi quærebat, adeò ut voluerit etiam gloriam cœlestem sibi differri, si ex hoc populo sequeretur utilitas. *Domine, si adhuc populo sum necessarius.* Sit instar S. Martini in pauperes liberalis. Si membrum membra in eodem corpore succurrit, certè & caput debet, sunt dispensatores non Domini, quod negant pauperibus id Ecclesiæ amittunt, quia decuplum solet Christus pro datis reddere. S. Martinus dedit pauperi partem pallii, recepit à Christo auream casulam. S. Bonifacius Episcop. Terentinus quidquid habuit in granario pauperibus distribuit, & mox plenum granarium reperit. Adriani Papæ elemosynario solùm quadraginta nummi expendendi in pauperes supererant, dabat ex illis continuò, & semper totidem reperiebat. Prochorus scripsit in Biblioth. PP. *Myron secundum præceptum Apostoli pauperibus sua distribuebat, & DEUS omnia multiplicabat.* Marc. cap. 8. Pueri Christo obtulit quinque panes, & duodecim cophinos recepit. S. Leo sermon. 13. *Qui pecunias suas optat multiplicare innumeris augmentis hoc fœnus exerceat,* id est elemosynam det. Quia ut August. de Verbis Dom. ferm. 25. *Fœcundus est ager pauperum.* DEUS enim hic est creditor, qui non fallit. Sic erit Prælati oculus simplex: quia apud sæculum pro simplici reputatur, qui sua largitur. Hic erit lucerna supra candelabrum, quæ non soli modio luceat; hîc fides ostendetur opere. Quodsi fortè oculus quoad ista caligat, utendum remedio, quo usus Christus ut cæcum illuminaret, lutum oculis imposuit. Meminerit se fore lutum, se moriturum, & hæc *quæ collegisti cujus erunt?* Idem Observatoribus præscribo, sit oculus simplex, id est, purus; simplex enim est res cui nihil admixtum. Sunt ægri, quibus ante oculos videntur muscæ volare, &c. Nihil in re est, in oculo est vitium. Ex hoc nascuntur judicia temeraria DEO valde ini-

mica. *Si oculus simplex totum corpus lucidum*, hoc est, si intentio pura. Hanc verò in aliis non videmus, imò etiam in nobis ipsis circa illam sæpè erramus. Ab hac verò omnia dependent, hæc ergo non cognita, quomodo possumus judicare? Judicium prudens quod ex certis signis procedit, non damno. Sed temerarium est, ut S. Th. 2. 2. q. 60. artic. 2. *Cùm ob levem conjecturam certa fertur sententia.* Soli DEO nostra intentio patet. Job. 19. *Quare persequimini me sicut DEUS?* S. Paschal. l. 2. c. 1. *Auctori tantum debetur hoc privilegium, ut conscientiam possit intrare secretam.* Imò etiam signis magnis habitis adhuc erramus. Cùm repertus est in sacco Benjamini scyphus Josephi, putaremus furto ablatum, à Josepho fuit suppositus. Cùm ostendebat Josephi vestem uxor Putifar, creditum est quòd Joseph eam tentavisset, at contrà fuit. Cùm Judith intravit ad Holofernum, putarunt milites quòd se prostitueret, at verò illa necem hostis quærebat. Imò non judicant alios qui non sunt in hoc scelere. Apostoli non judicârunt Judam fore proditorem. Chrysost. hom. 7. in Joann. *Cùm longè à tali scelere abessent, neque de aliis suspicabantur.* E contrà verò Eccl. 10. *In via stultus ambulans, cùm sit insipiens, omnes stultos æstimat.* Cain fuit homicida, & ait Gen. 4. *Omnis qui me invenerit occidet.* Universim Hieron. ad Vigilant. *Ostendunt quàm sanctè ipsi vivant qui malè de omnibus suspicantur.*

Pœna temerarii judicii hæc, ut in quo alium quis judicat, in id ipse labatur vel in pejus. Chrysost. in Ps. 90. *Impius propriis armis capitur.* Nam inprimis DEUS defendit innocentés. Judicavit Judas Magdalenam prodigaliter agere, tandem ipse ad funem devenit. Aug. in Psal. 34. *Malitia tua ut alteri non noceat, fieri potest: ut tibi non noceat, fieri non potest.* Judicârunt Fratres Josephum ambitiosum, cùm illis somnium de manipulis ac stellis referret, denique coacti sunt Josephum adorare.



adorare. Judicavit Pharaos aliquid contra se molituros, periit ipse & magna pars ejus populi, &c. *Lapidem quem reprobaverunt ædificantes, hic factus est in caput anguli.*

## De Eodem. CONCIO IV.

*Totum corpus lucidum erit. Lucae II.*

CUM de S. Martiuo loquendum est, illis verbis uti possunt, *Numeras stellas si potes.* Tot sunt virtutes Sancti hujus & tam lucidæ, tot DEUS in illum lumina contulit. Sed quia de omnibus loqui impossibile, cum illum canat Ecclesia *virum ineffabilem*; in illis tantum sistam quæ de illo eadem adstruit Ecclesia. *O Martine Prophetarum compar, Apostolis confertus, Præsulum gemma, pietate, misericordiâ, charitate, ineffabilis, audite.*

Legimus quòd Elias eundo ad paradysum reliquerit vestem Elisæo, quòd aliter Propheta conciderit, ac partem dederit Jeroboamo Regi. Simile fecit Sanctus, sed Christo dedit, & ille gaudet. *Martinus hâc me veste contexit*; sed dimidiam, dividit cum Martino. Quid hic prophetat Sanctus? ostendit ad Christum pertinere regnum Davidis, & velut Joannes Bapt. digito monstravit, *Ecce Agnus DEI*; ita hic, *Ecce filius David.* Nam Jeroboam accepit regnum Davidis. Ostendit Elias Dominum esse paradisi. Et sicut zelatus pro DEO, ita Martinus contra Arianos, unde incarceratus, publicè flagellatus. Et sicut Elias in deserto à corvo pastus: ita ille ejectus ab Arianis in deserto à sola DEI Providentiâ. Sicut Elias combussit igne viros 50. ita ille contra totum se obtulit exercitum solo munitus signo S. Crucis. Elias accinctus zonâ pelliceâ, hic  
cilicio,

cilicio, in quo etiam dormiebat, ut scribit Sulpitius. Proximus morti annos habens 81. in cilicio & cinere jacuit in terra, & cum discipuli ei saltem tunc suaderent lectum, dixit, terram debere esse lectum veri Christiani. Eliam DEUS defendit contra Reges. Induxerat uxor Arriana Valentinianum Imp. ne Sancto assurgeret, & custodias posuit ne admitteretur. Sed Angelus monuit Sanctum, ut iret; ivit, nullum custodem reperit qui obsisteret; accessit Imperatorem, qui non surrexit de hoc indignatus, sed de sella Imperatoris ignis erupit, quare coactus assurgere Sancto, & omnia concessit priusquam Sanctus quidpiam diceret: agebatur autem ibi de vita trium. Elias non cessavit zelare; de Sancto Ecclesia. *Nec labore victum, nec morte vincendum.* Si labore non victus, vicit labores Prophetarum. Unde nec mirum, quod cum antea non celebraverit Ecclesia festa nisi SS. Martyrum, ut scribit Concil. Turonen. primi Martini Confessoris celebraverit. Sed neque illum mors vicit, ut & in hoc sit aliquomodo similis Eliæ. *Domine si adque populo tuo sum necessarius, non recuso laborem.*

*Apostolis confertus*, & hoc ideò quia in Apostolis descendit Spiritus S. in igne, in Martino Missam dicente visus in specie globi igniti. Ita Jo. Bethel in Rationali. Inde fuit, quod expertus Sulpitius cum visitasset Sanctum, quod tantam scientiam, ingenium, facundiam in Sancto repperit, qualem in nullo alio. Unde id didicit nisi à Spiritu S. Primi Apostoli erexerunt Christo templa. Cappa S. Martini à Regibus Gallicæ exercitui præferebatur, sub ea extensa celebrabatur Sacrum, ut scribit Sulpit. Et ab hac cappa, loci in quibus sacrificatur, dicti Capellæ, & sacrificantes Capellani. Apostolos honoramus, pro Sancto ad se invitato Imperatrix uxor Maximi coxit cibos. Hic impletum Isai. 49. quod Ecclesiæ, & ejus principalibus, id est, Apostolis promissum. *Et erunt Reges nutritii*

*nutritii tui.* Ipsa Imperatrix servivit mensæ, aquam porrexit, stetit suo tempore, micas collegit, servavit ut S. reliquias.

*Præsulum gemma,* sed polita, in qua se possint videre ut in speculo. *Totum corpus lucidum.* Orabat inprimis pro suis. *Invi-ctum ab oratione spiritum non relaxabat.* Amabat Sanctus suos, & illi potest servire. *Filioli mei quos iterum parturio.* Sicut Delphinus suos filios cum est tempestas reponit in ventre suo, & in sereno quasi rursus parit, etiam coelum pro illis ad tempus relinquere paratus, non recusò laborem. Tertia virtus Prælati, mansuetudo. Eccl. 3. *Fili in mansuetudine opera tua perfice, & super omnem gloriam diligeris.* Amant homines suam gloriam, famam, super hoc diligitur Prælatus non furiosus, non vindicativus. Basil. hom. 8. in Hexamero. *Tardos eos ad vindictam, pœnamque sumendam esse oportere qui maximas obtinent potestates.* Aspero Principi non propter illum, sed propter præmia servitur, nec ille amatur sed ista, unde si majorum spes aliunde effulserit, deseritur. At de mansueto Principe Plin. in paneg. Traiani. *Non opes tuas sed animum mirabamur.* Inter apes Rex aculeo caret & opibus, & omnes illi obediunt, pro illo certant. Sulpit. de Sancto scribit. *Neminem condemnavit, nulli malum pro malo reddidit, neminem reprehendit, nullum qui se offenderat castigavit; constanter tulit illatas ab Arrianis injurias & absque ullo iræ signo, nunquam animum perturbatum ostendit.*

*Fide & meritis egregius.* Quia Fides ut Dyonis. de Divin. Nom. 2. *Est unicum credentium fundamentum.* Et I. Cor. 2. *Fundamentum aliud nemo ponere potest præter Christum.* Unde Aug. de fide ad Petrum. *Firmissimè tene & nullatenus dubites, non solum omnes Paganos, sed & omnes Judeos, & omnes Hereticos, atque Schismaticos, qui exera Ecclesiam præsentem finiunt vitam, in ignem æternum ituros, qui paratus est diabolo & Angelis ejus.* Sed Fides debet verbo DEI inniti, non rationibus nostris credendum,

Nnn

quia



quia DEUS dicit, etsi nos non capiamus. Habebant multa argumenta Arriani quibus probabant Filium DEI esse Patre minorem, non abductus illis Sanctus, imò non defuit illas subvertere. Habuit & fidem ad miracula patranda, quàm processit, fugiebant ex energumenis dæmones, &c. De meritis Sancti nemo dicet melius quàm S. Paulinus qui ita scripsit epist. 5. ad Sulpit. vitam Sancti describentem. *Neque enim tibi donatum fuisset enarrare Martinum, nisi dignum os tuum sacris laudibus mundo corde fecisset. Tanquam si DEUS esset describendus, quem non vident nisi qui sunt mundo corde. Benedictus es tu à Domino, qui tanti Sacerdotis, & manifestissimi Confessoris historiam tam digno sermone, quàm justo affectu percurristi. Hæc quoque verba tua velleræ sunt, & Dominum Jesum gratissimo regimine cooperiunt.*

*Pietate, misericordiâ, charitate ineffabilis.* Pietas fuit cum idolorum templa destrueret, misericordia in pauperes patuit, quando pauperi hyeme dimidium pallii dedit. Dignum hoc pallium cui Christus infideat ut die Palmarum. Sed illud sumpsit pro purpura jam in gloria. *Martinus adhuc catechumenus hanc me veste contexit, gloriatur.* Patuit, cum iret ad Missam faciendam, occurrit pauper, iussit Sanctus Archidiaconum dare vestem pauperi, morabatur ille cogitando quòd multum in eleemosynas expenderetur, recurrit ad Sacristiam pauper, & iterum rogat à Sancto, dat suas vestes Sanctus, redit Archidiaconus monendo ut progrediatur ad Missam. Respondet Sanctus, se non posse egredi, nisi prius feratur vestis pauperi, at illi; jam pauper abiit. Tum Sanctus: non deerit alius qui illa induatur. Tulit tandem cum ira vestem vilissimam, induit Sanctus, abit ad Missam, in elevatione Sacramenti ceciderunt deorsum manicæ, quia erant largæ, sed Angeli manus ejus texerunt luminibus aureis stellantibus.

*Charitate ineffabilis.* De hac virtute dictum Eccl. 28. *Relinque*

linque proximo tuo nocenti, & tunc deprecanti tibi peccata solvantur. Et è contrario de odio. Canon. de poenit. Qui odium in corde gerit, sciat se veram poenitentiam non posse agere. Amplius 1. Cor. 13. Si linguis hominum loquar & Angelorum, &c. charitatem autem non habuero, nihil sum. Dion. lib. 4. de Divin. Nomin. charitatem appellat circulum, qui nos cum DEO jungit, quia cum nos amamus proximum, DEUS nos amat. S. Ignatius M. epist. 14. Principium vitæ fides, finis ejusdem charitas, hæc autem duo quoties in unum coeunt, faciunt circulum, hominem perficiunt. Nec ulla probatio major, quod amemus DEUM, quam quod diligamus proximum. Si enim proximum non diligimus quem videmus, quomodo amabimus DEUM quem non videmus? Amorem DEI explico. Charitatis gradus ponit hos Richard. à S. Victore, lib. de gradib. violentæ charitatis. 1. Ubi mens desiderii sui non est compos. 2. Cum non potest illius oblivisci. 3. Cum ei sapere aliud nihil potest. 4. Cum non potest illius esse magnitudine contenta. Primus gradus insuperabilis est, quia nulli cedit affectui. Secundus inseparabilis. Tertius singularis, focium non fert. Quartus insatiabilis. Sic DEUS rapitur erga hominem: quem introspectit limam, servus propter hominem effectus. Hinc æstimemus in quo simus gradu amoris DEI, fuit in omnibus S. Martinus, imitemur eum. Et si aliquando Prælatos non habemus ei similes, consideremus quod dixit S. Greg. Moral. 25. c. 14. allegatis verbis. Job. 34. Qui facit regnare hominem hypocritam propter peccata populi. Ita Greg. paulò post. Sed nullus qui talem Rectorem patitur, eum quem patitur accuset, quia sui fuit meriti, perversi Rectoris subiacere ditioni, culpam ergo proprii magis accusat operis quam injustitiam operantis. Scriptum namque est, Osæ 13. Dabo tibi Reges in furore meo. Quid ergo illos nobis præesse despiciamus quorum super nos regimina in furore Domini suscipimus?

In Festo S. Stanislai Kostka. **CONCIO.***Et vos estote parati. Lucæ 12.*

**V**arii explicant variè currum Ezechielis. Justinus M. quæst. 44. per quadrigas illius intelligit quatuor status in quibus fuit Nabuchodonosor. Origenes in Ezech. elementa quatuor. Nazianzen. Orat. 47. de duplici appetitu, tum de voluntate ac intellectu. Hieron. in Ezech. de quatuor mundi partibus. Theodoret. de regno, Sacerdotio, Prophetia, scientia Christi, item de quatruplici pacto DEI, quod habuit cum Adam, Noë, Moyse & Ecclesia. Polychron. de quatuor gubernationibus, nempe dominatum, principatum, potestatum, & virtutum. Cornel. de quatuor Angelis. Lyranus de quatuor Monarchiis. Aug. Greg. de quatuor Evangeliiis: alii aliter. In hac diversitate opinandi liceat mihi de Societ. JESU hunc currum intelligere, & inter quadrigas B. Stanislauum ponere.

Quòd Societatem JESU per hanc currum intelligam, rationes has habeo. Currus ille dicitur gloria DEI: Ignatius suis præscripsit ut omnia faciant ad majorem DEI gloriam. Huic quadrigæ præfider JESUS, & Societati. Theoderet. in 1. Ezech. animalibus in curru *tot erant facies quot sunt partes orbis.* Societatis hominum est diversa loca peragrarè, ut in iis gloriam DEI quærant. Quatuor animalia currum illum vehabant, quatuor è primis è Societate publico ab Ecclesia cultu affecti, & per ista animalia possunt. S. Ignatius per hominem ob eximiam prudentiam. Franc. Xaverius per leonem ob miram in difficultatibus fortitudinem. Franc. Borgias per bovem, quia hoc est stemma domûs illius. Noster Beatus per  
Aqui-



Aquilam, quia ex Regno est Poloniæ, & ex Ducatu Masoviæ, quorum utrumque in stemmate gerit Aquilam. Adquod firmandum facit Pl. 67. *Animalia tua habitabunt in ea.* Arias legit, *Societas tua habitabit in ea.* Diversæ Nationes in societate, sed concordēs. De dictis quadrigis Hieron. ad Pammach. *Discolores equi, sed voluntate concordēs.* Quod B. Stanislaum jungam huic currui & per aquilam, hæc me præterea adducunt, quia Ezechiel templum sibi ostensum ingressus, loco aquilæ vidit phœnicem seu palmam. Phœnix convenit Stanislao quia ex ejus morte Paulus ejus frater evolavit sanctus vir, per annos 40. severè poenitens. Pro phœnice alii legunt palmam, Ezechiel. 41. Et hoc convenit Beato, palmæ est ire contra pondus; quis magis dum ingredi vellet religionem, jussu B. Virginis assurrexit? Quis tempore belli primi Chotinensis contra pondus Turcarum obstitit? Phœnix ab igne est famosus; Beatus ab igne amoris. In matris ejus pectore depingitur divinitus nomen JESU colore purpureo: à Patre baptismali qui illum statim ac sacro fonte ablatus, ad pedem altaris in quo SS. Eucharistia asservabatur positum; in flamma amoris DEO in servum initiavit. Penè infans extases amoris patitur. In primo instanti usus rationis ac DEUM agnovit, ardentissimè adamavit. In oratione ita accendebatur, ut frigida succurrere oportuerit. Nunquam oranti alia cogitatio occurrit, nunquam tepor spiritus, etiam dum non oraret semper ardebat, ut refrigerio venti opus esset. Religionem suam post mortem planè innumeris illustravit miraculis, propter quæ intra paucos annos etiam in Indiis notus fuit. Phœnix nescit corpoream commixtionem, Stanislaus ita adhuc infans ab impuritate abhorruit, ut si quid coram illo ejusmodi fuisset dictum, statim laberetur in deliquium, ut fellâ, cui si in ea antè consedisset, decideret. Palma petit admittit ad religionem

nem Viennæ, Dilingam remittitur: petit Dilingæ Augustam, petit Augustæ Romam. Quis juvenis non vacillaret; habet quidem de coelo solatia, ab Angelis Viennæ reficitur Eucharistiâ; & iterum in via vincit dæmonem in forma canis afflientem, per aquas dum fugit fratrem sub Neostadio progreditur; sed ad tolerandas peregrinationes, ad fratris persecutiones opus erat esse palmam. Est palma & Phoenix idem, & hoc modo visiones Ezechielis concordant, dum se ait vidisse phoenicem, & juxta alios palmam. Hieron. in 10. Ezech. Est palmæ species quæ dicitur phoenix, dat hujus rationem Pineda in 19. Job. quia ut phoenix de se nascitur. Proinde idem est dicere: justus est ut phoenix, atque justus ut palma, juxta Epiph. Physcol. cap. 11. & Tertull. de Resuscit. cap. 21. Et hæc ipsa similis aquilæ. Herodot. in Euterpe.

Phoenix ut Tertullian. l. c. *singularitate famosus*. Eccl. 44. *Non est inventus similis illi*. Stanislaus inter virtutem non solum Polonam sed etiam aliam, qui vel tanta de coelo expertus, vel tanta pertulerit, & semper paratus. De illo verum est dicere, *Ab utero vocavi te*. De illo Ps. 10. *Prævenit cum in benedictionibus*. De illo Ps. 21. *In te projectus sum ex utero*. De illo Ps. 45. *Adjuvabit eum DEUS manè diluculo*. De phoenice Epiphani. l. c. *Phoenix sequenti die est avis alis, tertiâ die hæc ales integra reperitur*. Ita Stanislaus quasi die sequenti subvolat, die tertia perfectus, jam infans ut David puer adhuc leones & ursos vincit. Epiph. l. c. *Phoenix statim ad locum proprium revertitur; locus illius, ut ait Lactant. de phoenice, est paradisus*. Aldrovand. l. 12. ideo dicitur *avis paradisiata*. Ille mortem prædicit, nullus Medicus putat moriturum, veniunt Sancti qui ad paradisum deducant. Apostoli post descensum visibilem Spiritûs S. non peccabant mortaliter, ille statim ab infantia. Quod si martirium illud est majus quod suscipitur ob virtutem majorem, ille maximum pertulit

pertulit, quia propter amorem mortuus. Abraham filium obtulit, hic semetipsum: Petrus in aula Pontificis negavit, hic inter socios malos Christum non deseruit. Et de illo dici poterat quod Hieron. ad Pammach. *Lucet margaritum in sordibus.* Lucet in maris limo, alga, arenis. Job dictus est vir rectus, de quo Greg. I. Moral. I. *Idcirco dicitur ubi vir sanctus habitaverit, ut ejus meritum virtutum exprimatur.* Apul. *Non est qui phœnicem viventem viderit.* Non est qui Stanislaum sibi viventem. Varro in Senarin. *Phoenix mediâ nocte dulciter canit.* Pulcherri-  
mè ante mortem de laudibus B. Virginis cecinit. *Estote semper parati.* Interrogatus an paratus esset mori, respondit: *Paratum cor meum DEUS, paratum cor meum.* Post mediam noctem mortuus.

Et hic rursus ad palmam redeamus. Ambr. serm. 14. de Quadrag. *Nunquam palma marcescit, semper virens, semper vestita foliis, semper parata victoriæ.* Corpus Stanislai post mortem integrum manet. Plin. lib. 13. c. 2. *Palma in locis sterilibus maximè provenit.* Maximè coepit clarescere sepultus. Moritur rubens & inflammatus. Dion. hierarch. cap. 13. *Angeli igneam continent proprietatem, amoris paroxysmos edunt.* Nos ascendamus in palmam & apprehendamus fructus ejus. Fructus bona animæ & corporis quos toties miraculosè exhibuerit.

## In Præsentatione B. M. Virg. CONCIO.

*Beatus venter qui te portavit.* Lucæ II.

**D**Ucitur vix triennis Puella Sancta à parentibus SS. ad templum, an ut sit victima & Isaac habeat sociam? An ut veluti Samuel in templo, id est in ædificiis templo adnexis & ad illud spectantibus sub cura Sacerdotum instituat, quæ  
in Re-



in Regem deinde ungat Davidem ? Sed agno servatum ut cadat pro mundo victima. Pater æternus unget Filium, cum illi dicet, *Sede à dextris meis*. Quid ergo ager per annos undecim in templo ? dicam.

Agat ut Pater æternus, mittat Agnum, qui pro Isaac, id est, pro mundo moriatur. Spontè id promiserat ille adhuc in paradiso post lapsum Adæ, sed tamen, ut ait Gregor. quæ liberaliter decernit DEUS, orationibus Sanctorum impetrantur; nemo verò licet tanta merita poverit afferre, ut pro illis Pater tanquam pro condigna mercede Filium daret, afferre tamen poterant ut esset congruum id facere. Illæ istæ furunt preces, *Emitte Domine Agnum dominatorem terræ*, &c. Ultimò tamen Pater motus precibus Virginis annuit. Ut cum Rex quispiam ex sua mera bonitate amplissimum alicui familiæ scripsit privilegium, sed non tradit, verum expectat ut illius familiæ petant homines, petunt varii, condatur, accedit tandem persona gratissima, petit, obtinet. Finxerat Homerus, non dubium accepta à Judæis de Messia promissa notitia, quam fictionem S. Aug. magnificat. Jupiter, ait Homerus, dixit, faciam catenam eamque in coelo tenebo, sed altera extremitas ejus dependebit in terram, eaque in multas catenulas dividetur, me per illas in terram trahent populi, ego illos vicissim traham in coelos. Ita in præsentī factum, trahebant DEUM in terras SS. Patres illi, sed non pertraxerunt donec accederet Virgo. *Exultavit Abraham ut videret diem*, non vidit nisi ut figura. *Exultavit Jacob ut videret*, vidit innixu n̄ summitati scalæ, sed non descendentem.

Hinc B. Virgo specialiter educatur, quia ut Samuel suā impetratione unctura fuit Regem. Sed nonne absque hoc fuit tam grata ut impetrasset ? Nonne statim atque concepta fuit Sanctissima ? Hieron. de Assumpt. B. V. *Cæteris datur*

per

per partes gratia, Marice se tota plenitudo simul infudit. Quod alii tota vitā vix consequuntur illa statim simul totum. Ps. 45. *Fluminis impetus latificat civitatem DEI* id est, B. Virginem, in quem Psalmum Aug. *Qui sunt isti impetus fluminis nisi inundatio illa spiritus S.* Alii sancti ut vasa majora aut minora pleni gratiā quæ illos sanctos facit, B. Virgo ut flumen quod ipsum Isai. aliter explicat, montium nomine sanctos exprimens. *Ecce preparatus mons Domini in vertice montium*, de quo S. Greg. in 1. Reg. 1. *Pater hujus montis nomine B. Virginem designari* Ps. 86. *Fundamenta ejus in montibus sanctis*, quomodo ejus cum sit prius dictus? Hugo Card. *B. Virginis fundamenta altiora quàm apices Prophetarum, Patriarcharum, &c.* Ps. 88. *Thronus ejus sicut dies cæli*. DEUS est immensus, quomodo Virgo finita est thronus infiniti? quia est *sicut dies cæli*. In terris Sol oritur & occidit, & sic finitur dies, in cælo non occumbit semper est dies, atque est quodammodo infinitus, item S. Aug. explicat, sic B. Virgo est quodammodo infinita. Comprehendit hoc omnia magnus ille Theologus Soarez. 3. p. q. 27. disp. 1. sect. 1. *Major gratia fuit in virgine in instanti conceptionis suæ quàm omnium hominum, & Angelorum*; jam verò in utero accepit usum plenum rationis, & singulis instantibus tantundem augebat gratiæ, etiam in somno juxta illud. *Ego dormio cor meum vigilat*, Unde Ambr. lib. de Virg. *Ille non tam vestigium pedis colleret, quàm gratiam attoleret*. Ita se hæc habent, & ita gratiam augere debebat & merita ut tandem Filium à Patre æterno impetraret, nam in conceptionis instanti gratia, fuit data sine illius merito, ad impetrandum verò Filium DEI à Patre opus erat meritis quæ cæterorum Sanctorum merita excederent, hinc ut ea sine interruptione cumulet templo se trimula includit. Hinc ut scribit Hieron. Angeli ferebant illi cibos, ut Sabell. l. c. 4. A prima diei horā ad tertiam orabat, à tertia ad meri-

diem laborabat, deinde S. Scripturam legebat. Claudant hoc punctum ipsius virginis verba ad S. Elisabetham dicta, ut refert. S. Bonav. de vita Christi cap. 3. *Putas quòd omnem gratiam quam habui, habuerim sine labore? sed non est ita, dico tibi quòd nullam gratiam vel virtutem habuerim à DEO sine magno labore, continuâ oratione, multis lacrymis, multâ mortificatione, exceptâ sanctitatis gratiâ in utero Matris.* Jam si tantum fecit B. Virgo ut impetraret DEI Filium, & quidem de congruo impetravit, quantò facere debemus beneficium Christi Incarnationis?

Ivit B. Virgo in templum non solùm ut à DEO impetraret Christum, sed ut impetraret nobis, sciebat illum non nisi propter oves Israël quæ perierunt venturum: sciebat etiam, quia optimè intelligebat Scripturas, Synagogam à DEO rejiciendam, quia ipsa Filium ejus rejectura erat, legerat illud Jer. 18. *Vade in domum figuli ibi audies verba mea, &c.* Ubi uno vase fracto fecit aliud, bene sciebat hæc esse de Synagoga, cujus in locum assumendi erant alii, legerat illud. *Ponam in desertum cupressum, spinam, & myrrhum,* Arbores quasi immortales. Legerat, quòd Abraham habuit duos filios, majorem de Agar, minorem de Sara, & major est rejectus. Legerat quòd in Rebecca utero luctabantur duo populi, qui erant duo Fratres, Esau major natu & Jacob minor; rejectus Esau, electus Jacob, Esau & Ismaël filius Saræ exprimebant Synagogam, hoc intelligebat, sciebat Gen. 5. *Quod, Mascu- lum & feminam creavit eos, & vocavit nomen eorum Adam, hoc nomine vocavit eos ab initio.* Id est, vocavit eos Homo sed postquam dictum est. *Ipsa conteret caput tuum, vocavit nomen uxoris Eva,* id est Mater viventium, hoc sciebat spectare ad se B. Virgo, & oravit ut nobis denique nasceretur Christus, & ita nos DEO peperit, Aug. de Virgin. *Facta est Mater membrorum Salvatoris.* Dami. ser. de Nativ. B. V. *Hæc est regeneratrix nostra.* Gratule-  
mur



mur S. Virgini gratiam apud DEUM obtentam, pro obtento nobis Salvatore agamus gratias. Interea meminerimus sublatum à Judæis Messiam quibus missus, tolli regnum a Filiis & dari genti fructus ejus facienti. Non habuimus in particulari tanta ut illis promissa, & salus ab eis sublata, non blandiamur nobis quin sumus Chrlstiani, vel etiam altius positi, & illi se solabantur & omnia sibi sancta promittebant dicentes, *Templum Domini, templum Domini, gens sancta sumus, nulli serviemus*, & ecce quid de illis factum quia non cognoverunt tempus visitationis, non obedierunt mandatis & verbis Christi.

In Festo S. Catharinæ Virg. & Mart.  
**CONCIO.**

*Date nobis de oleo vestro. Matt. 25.*

**N**on licuit dare aliis Prudentibus Virginibus de oleo, quia agebatur de hoc ut aliarum meritis cœlum emerent quod est impossibile. Quisque enim *recipiet prout gessit in corpore suo*. Alieni labores possunt nos juvare ut gratia nobis ad bene agendum derur, sed nobis mereri cœlum nemo potest. Sed per oleum in Scriptura intelligitur sapientia passim, de hac dari potest & hanc dabit nobis Sancta, quæ post mortem lac de collo fudit, & sepulta in Sina ubi lex data. Quatruplex est sapientia. 1. Carnis, uxorem formosam quærere, decipere puellas. &c. hæc omninò est stultitia. 2. Mundi, quærere divitias, uti pseudopoliticâ &c. ut describit S. Greg. in lect. quæ leguntur pro Confess. non Pontifice. *Deridetur* &c. de hac dictum est. *Prudentia hujus mundi inimica est DEO*. 3. est dæmonis. 4. Christi, & hæc est Sanctorum. De hac Eccl. 27. *Homo Sanctus in sapientia manet ut Sol*. Hæc fuit ple-

na S. Catharina. 1. Filius Cæsaris expetebat eam in uxorem, nam & ipsa fuit filia Regis Ægypti, respondit Matri, se nolle ulli nubere nisi cum primò viderit. Tum Mater ipsa infidelis quendam Eremitam prudentem Christianum vocavit ut id Filiae suaderet. Suasit ut Christo nuberet; annuit, si illum viderit. Comparuit illi B. Virgo cum Christo, & amore ejus capta, sed Christus avertēbat oculos, dicendo illam esse deformem, explicuit illi Eremita de peccato originali, & illud per baptisma sustulit. Tum B. Virgo dato annulo desponsavit illam Christo & dedit quinque præcepta. Et hanc vobis Virgines sapientiam Sancta communicat. 1. Ut esset humilis, alias displiceret Sponso. 2. Misericors erga pauperes. 3. Socias malas fugeret. 4. Ut esset abstinent. 5. Fugeret otium; hæc ex S. Vincent. Conc. hodierna.

2. Sapiens fuit in conteraptu mundi, constituit opes & vitam pro Christo prostituere, & omnia ut paleam æstimabat propter coelum, & hæc est sapientia. Cum B. Godefrido, quod comitatu Cappenbergenſi relicto ingressus fuisset Ordinem Cisterciensium, quidam illuderent, dicebat: *Nonne stultus esset qui unâ filiquâ noller emere unam civitatem ciem posset? talis ego fuisset si retinere maluissem meum comitatum, quàm pro eo emere coelum?* Sur. 13. Jan. Talem habuit sapientiam Henric. Cardin. ex eodem Ordine, qui moriendo dicebat. Utinam potius scutelas in meo ordine lavissem quàm purpuram assumpsissem. Talis Ferdinandus III. Rex Hispaniæ: Maluissem per hos viginti duos annos quibus regnavi Eremitam agere quàm Regem. Hujus contemptus sui ac mundi Mater est timor judiciorum DEI, juxta illud. *Initium sapientiæ timor Domini.* Hoc timore plenus fuit Pius V. qui dicebat: Heu mihi de tot millionibus animarum reddenda ratio. Hoc timore plenus S. Hieron. dum tubā vocans ad judicium perpetuò

peruò sonaret in auribus. Hoc S. Hilarion. Hoc plenus gemit Ludov. Bertrandus. Nescio quale me manet decretum. Hoc S. Aug. *Quid faciemus sub tanti Iudicis Majestate?* Hoc nobis crebrò repetamus. Quid faciemus? quid faciemus? Chrysost. *Quid faciemus quando & tenebræ erunt & stridor dentium?* Qui apprehendit quòd bona temporalia, & sunt peritura, & periculum faciant gehennæ, & de illis ratio redenda, non illa amabit.

3. Sapientia Sanctæ in aggrediendo Maxentio Tyranno qui partem Imperii Romani ultra mare occupaverat, & solenne Diis festum ut sui populi celebrarent Alexandria indixerat. Sic enim secum philosophabatur. Deducam Tyrannum ad cognitionem veri DEI, tot millia hominum illum sequentur. Non deducam, turbabo interim Sacra dæmonis, & ubi veritatem audierint, saltem aliquis converteatur, aut saltem permovebitur ut inquiret veritatem. Aggreditur in ipso templo Tyrannum, proponit, suadet Tyranno ut potius sapientissimam Virginem vincat argumentis quàm tormentis, id enim fore gloriosius, & plures Diis accessuros, nam dum alacriter Christiani moriuntur plures à Diis recedunt. Convocat ergo Doctissimos quinquaginta. Ostendit Virgo inprimis non posse esse illos quos colit Tyrannus DEUS. Quia naturæ lumen dicat nobis, DEUM esse id, quo nihil majus, nihil melius esse potest. Apud vos verò sunt alii Dii majores alii minores, itaque Dii minores non sunt Dii, quia est illis aliquid majus. Sunt Dii & Dæ seu fœminæ, itaque illis est aliquod melius, nam melior est sexus Virilis, quocirca non sunt Dæ. Tum de singulis Diis ita Virgo. Melior est non fur quàm fur, itaque Mercurius famosus à furtis non est DEUS, quia illo aliquid est melius. Iterum; Melius est fidem thori servare, quàm fallere, Juppi-



ter eam sæpe fefellit & Gaminedem habuit quò abutebatur. Item melius est esse temperantem quàm ebriosum, Bacchus vester in continuis fuit ebrietatibus. DEUS debet esse beneficus, Saturnus filios devorabat, Mars regna vastabat, Pluto Proserpinam rapuit, Æolus insontes mergebat. Rursum, DEUS debet esse æternus, vestrorum Deorum notæ sunt nativitates, si nati sunt nec sunt, omne enim quod nascitur, moritur. DEUS debet esse immensus, hoc enim est melius quàm certis limitibus claudi, ut Juppiter solius Cretæ Rex fuit, Æolus solius freti Siculi, Neptunus, ut vos fatemini, solius maris, Pluto inferni, Saturnus Italiae. DEUS apud vos qui imperat monti non imperat fonti, qui sylvæ non lacui &c. Denique unus debet esse DEUS, quia ut vester Aristoteles ex Homero. *Non est bona pluralitas principatum.* Ubi enim plures ibi non una voluntas: ubi multiplex voluntas ibi sunt discordiæ. Hoc vos fatemini, sed quàm recte! Ovid. trist. 1. eleg. 2.

*Mulciber in Trojam, pro Troja stabat Apollo, Æqua, Venus, Teucris, Pallas iniqua fuit.* Atqui discordia non conservat mundum, itaque nec isti Dii, ac proinde non sunt Dii. Itaque unus est qui conservat omnia. Unus est DEUS. Victi his Philosophi. Tyrannus ad tormenta. Ut est in vita sanctæ. Mortui sunt in igne Philosophi, sed minimè combusti: In carcere Virgini per 12. dies Angelus ministrabat cibum. De hac sapientia nobis impertitur. Rom. 8. *Non sunt condignæ passionibus hujus temporis ad futuram gloriam* & nos sæpe illam propter lucellum miserum, propter asperum verbum deserimus!

Denique se Magistram præbet, & collum exhibet, lac fluit pro sanguine uti S. Paulo Doctori Gentium, de quo Chrysost. hom. de S. Petro & Paulo. *Sit mihi gladius Pauli pro corona, lac colli ejus pro Ambrosia.* Lac ostendit Matrem sapien-

tiam,

tiam, sed ampliùs mons Sina sapientiæ Moysis in schola, in quem corpus ejus deportatum ab Angelis. Inde illa nobis tradit tabulas. Sed dum caput illi tolleret carnifex, vox audita est. *Veni electa mea, ecce tibi beatitudinis janua aperitur, his verò qui passionem tuam celebrabunt opem de cælis promitto.* Per lac nos invitat ut infantes, ut ad eam pro sapientia recurramus, quod ipsum vox cœlestis confirmat. Et hîc nobis dat tria documenta. In omnes occasiones salutis nostræ intendere, fortassis enim si hanc neglexisset tam gloriosa non esset. Virgines in Evangelio dormitaverunt & rejectæ sunt, non dormierunt quod crassi peccatores faciunt qui per Jonam figurantur, qui non excitabatur clamoribus nautarum, & versùs terram in profundo navis dormiebat. De tali Proverb. 23. *Et erit sicut dormiens in medio maris, & quasi sopitus gubernator amisso clavo, & dicit, verberaverunt me & non dolui, traxerunt me & non sensi.* Non dormitant filii hujus sæculi ad sua negotia, non dormitant Virgines cùm se ornant pro sponso terreno. De quodam tali dixit Arsenius. *Nunquam ego sic curavi animam meam ut iste corpus.* 2. Ut cùm benè agimus non deficiat nos gratia DEI, sicut Virgines istas oleum. Iverunt obviam sponso, pervenerunt ad portam. Sed quid? gratia DEI culpâ illarum defuit. Ita multi jejunant, sacris, se inscribunt confraternitatibus, quid prodest si gratia deest; si non dimittunt offensas, non restituunt quæ debent, &c. Gratia in fine deficit; omnia pereunt. 2. Cor. 3. *Videte vosmetipsos, ne perdatis quæ operari estis.* Accedunt templum, confitentur, sed occasiones proximas peccati non deserunt. Cantic. 3. *In lectulo meo quæsi vi per noctem quem diligit anima mea, quæsi vi & non inveni.* Manent in consuetudinibus ut lectulo. Bernar. in l. c. *Si extra lectum processisset, & in cruce quæsi visset, invenisset.* 3. Sancta omni hora fuit parata, noctu illi B. Virgo apparuit,

paruit, noctu illam desponsavit. *Nescitis diem neque horam. Mediâ nocte sponsus venit.* Isto decipimur, quia putamus non venturum hodie. *Pf. 21. Mensurabiles posuisti dies ejus.* Hebr. legit. *Quatuor digitorum posuisti dies ejus.* Longam vitæ mensuram nobis fingimus, quatuor digitorum est. Ludit in aqua piscis, dum non putat, capitur. *Eccl. 9. Sicut pisces capiuntur hamo.* Dicis, peccabo, postea agam poenitentiam, interea caperis. Ita Sancta egit, nec virtutem ad senium reposuit.

## In Dedicatione Ecclesiæ. CONCIO.

*Hodie in domo tua oportet me manere.*

Lucæ 19.

**C**Um Jacob vidisset scalam ad coelos ascendentem, dixit: *Verè Dominus in loco isto. O quàm terribilis est locus iste!* Quomodo non terribilis in quo DEUS? Coram oculis Regis terribile rustico comparere, coram exercitu armato inermi. DEUS in templo nostro. Videamus quâ agendum reverentiâ.

S. Lucas in hoc Evangelio, ut erat pictor arte pictorum usus, prius illi carbone delineant, deinde coloribus: ita ille prius velut carbone dixit Zachæum publicanum, deinde pulchris coloribus depingit & incipit. *Volebat videre JESUM*, hic boni initium, quia cum JESU non aliud volebat, sicut Judæi & JESUM & Lazarum, & coelestia & temporalia. *Ascendit in arborem*, jam tum figuram quandam Christi crucifixi exprimebat, adhibuit in ascensu conatum, superavit quæ illum ab ascensu retrahebant, & fortè non deerant irridentes, qui eum parvum homunculum viderant in Sycomoro,



moro, id est, in ficu fatua. Sed ecce benedictiones Abrahamæ ad illum descendunt, efficitur enim filius Abrahamæ. *Salus huic domui hodie facta est.* Imago hæc est euntis ad templum, debet ire solum ut videat JESUM, non etiam Lazarum. Debet ascendere Sycomorum, ad Crucifixi pedes provolvi, difficultates retrahentes vincere, atque devotionis irrisores. Magna res habere templum, de hoc Judæi Jer. 2. gloriabantur. *Templum Domini, templum Domini.* Sed si non ascendatur propter JESUM. Tunc & templum rejiciet & ejusmodi adoratores. Ilai. 66. *Quæ est ista domus quam edificabitis mihi, aut quis est iste locus requiectionis meæ?* Ædificabant templum, sed simul sceleribus fervebant. Describit hæc scelera (videamus ne sint nostra) Ezech. 8. postquam illum DEUS adduxit ad templum, dicit illi. *Fili hominis putasne vides quod isti faciunt abominationem magnam? Fode parietem.* Postquam perfodit. *Vidit reptilia & animalia, & idola domus Israel.* Nunquid in templo servabant idola? non, sed eas petulantias fortè in templo agebant, quas Ethnici coram suis idolis, cachinnos, natus oblcænos, &c. *Et Septuaginta Seniores iis adolentes.* Et ista scelera non tantum in populo, sed etiam in Senioribus, in Judicibus quibus incumbibat cura sacrorum, & isti fortè sunt qui constituebant synederim, à quorum sententia cæteri pendebant. Dum ad hoc Propheta obstupescit, dicitur illi. *Adhuc conversus videbis abominationes majores.* Sed quæ possunt esse majores? *Mulieres plorabant Adonidem filium veneris, hic jam impura colloquia, hic lascivi sermones.* Et ulterius, *& abominationes majores his.* *Et introduxit me in atrium domus Domini interius.* Et ecce obvertebant dorsum arcæ Domini, hic contemptus altaris & rerum sacrarum, tum subjungit DEUS. *Nunquid leve hoc est domui Juda ut facerent abominationes istas? ergo & ego faciam in furore meo, non parceret oculus meus, nec miserebitur*

*rebitur.* Mittam Barbaros qui & templum illis eripiant, vastent, & ipsos in servitutem redigant. O si viderem eorum mentes qui sunt in templo, exclamarem. Hæcne in conspectu DEI, sancti DEI, vindicis DEI? Ubique est equidem DEI S, sed speciali modo in cœlo & templo, quia in cœlo dat gloriam, in templo gratiam. Ut anima nostra est in toto corpore, sed in capite specialiter. Ps. 10. *Dominus in templo sancto suo Dominus, in cœlo sedes ejus.* In templo Baptismus administratur, confessio, communio, sed ita fit cum domo DEI, ut quondam fecerunt Ethnici qui in loco in quo Christus natus crexerunt templum Adonidis. Chrysost. hom. 24. in Matth. *Prostibulum tibi videtur Ecclesia, & fortè ignobilior.* Perierunt filii Araonis quia ignem non sacrum in templum intulerunt, quid si intulissent ignem Veneris, aut Martis? Cum ædificaretur domus DEI 3. Reg. 6. *Malleus & securis & omne ferramentum non sunt audita.* An illo jam extructo audientur?

Sed sunt alii, qui in templo devotè orant, confitentur &c. tamen hæretico, vel ut ipsi dicunt politico spiritu pleni, templa impugnant. Quid tantum auri in templo, quorsum tantæ possessiones, melius hæc verti in subsidium Patriæ, Clerus inde lascivit &c. Unde isti novi Cleri Judices? unde illis venit Jurisdictio in Sacerdotes servos DEI, quam si aliquis supra eorum servos usurpaverit indignum & vindicandum facinus clamabunt. Dent in subsidium Patriæ Instrumenta peccandi, impendant quæ impendunt in canes, in scorta, &c. justius hoc erit quàm semel, & non ab iis DEO data eripere. Cum oppugnaret Josue Jerichuntum, videretque non posse capi, donavit DEO omnia quæ in illa reperisset si eam caperet, & quidem igni absumenda. Ecce quidam Achan. *Ut quid perditio hæc!* melius his frui, furatus aliquid. Ecce & exercitus Josue profligatus, & audivit *non ero amplius*

*amplius vester DEUS*, placavit Deum Josue punito Achan sacrilego, & edixit. Josue 6. *Maledictus vir coram Domino, qui suscitaverit & edificaverit civitatem Jericho, in primogenito suo fundamenta ejus jaceat, & in novissimo liberorum ponat portas.* Hiericho DEO est data per destructionem, maledictus qui illam sibi usurpet per reparationem. Impleta maledictio 3. Reg. 16. in Hiel. &c. Esse devotum, & oppugnare templum, est imitari Philisteos. Acceperant isti Arcam Domini, & honorarunt, collocaruntque eam simul cum Idolo Dagon, quid inde? & manus & caput amputatum est Dagon, per istam prudentiam quâ volebant & DEO vero, & Dagoni servire, politicum illorum consilium & illius executio vertit in malum, eo multa hominum millia perierunt.

Beneficii hodie memoriam recolimus, quod fecit nobis DEUS, cum hoc templum acceptavit; quanto emisset id David, cui dictum. *Non edificabis mihi domum?* ditantur incolæ ubi Princeps domicilium locat. In magnam poenam ademptum est Judæis templum. Affiguntur 12. candelæ in pariete ubi cruces sunt unctæ, quod significat nos facile per gratiam DEI coelum obtenturos, quod est civitas 12. portas habens. Vexillum è summo templi appenditur, quod indicat nos esse sub vexillo Christi. &c. O quanta felicitas! dicebat Centurio Matth. 8. *Domine non sum dignus ut intres sub testum meum.* Ecce hic habitat cum hominibus DEUS, diligamus illius tabernacula, diligamus decorem domus ejus & augeamus, non sit grave illi dare aliquid, cum sit jucundum dare mundo totum. Impleat nos benedictionibus Abrahamæ & nos faciamus opera Abrahamæ. Joan. 8. *Si filii Abrahamæ estis, opera Abrahamæ facite.* Rom. 6. *Non omnes qui filii Abrahamæ ii sement Abrahamæ, sed in Isaac tibi vocabitur semen,* non simus filii carnis ea sapiendo quæ sunt carnis, sed Filii DEI, voluntatem DEI facientes.



## De Eadem Dedicatione. CONCIO II.

*Hodie in domo tua oportet me manere.*

Lucæ 19.

**S**icut civitas gaudet cum in ea Rex collocat stabile domicilium, ita & nos, cum DEUS antea tantum quasi visitabat mundum, jam sub ilice Mambre venit ad Abrahamum: jam ad Moysen in rubo ardenti, jam aliis modis: demum iussit ædificari sibi templum, quod Salomon cum summa lætitia fecit & DEO reddidit, dedicavit. Sed illud templum continebat solum cistam unam in qua servabantur legis tabulæ, manna, virga Moysis: at in nostro ipse DEUS, proinde est locus sanctus, honore summo dignus, & quem omni modo tueri ac conservare decet, & in his duobus sistet mea concio.

Apud ipsos Ethnicos falsorum Deorum in tanto honore fuerunt templa, ut Seneca de cl. 12. scripserit. *Non admittebantur in templum quæ fuerunt in prostibulo vel carcere.* Apud Judæos ubi umbra tantum fuit DEI veri, scribit Joseph. l. 6. c. 6. de bello. *Tunc vigeat consuetudo, ut viri per unum iter, mulieres per aliud incederent, ne si simul ad templum pergerent, alicui daretur occasio irreverentiæ.* Cum templum exstrueretur ita provisum est, 3. Reg. 6. ut nec securis nec malleus fuerit auditus. Si tantum silentium in fabricatione, quantum in ipso templo? Approbavit hanc reverentiam ipse Christus, qui neque eas res quæ ad sacrificium spectabant, in templo illo passus est vendi, flagrum fecit, vendentes eiecit, mensas nummulariorum subvertit. Hoc in illo templo, quid in nostro? S. Nilus, *Ecclesiam ut cælum adi, nihil in eo loquere aut age quod terram sapit,*  
Gen.

Gen. 18. Sara quia in praesentia Angelorum risit etsi modeste, tamen ita est territa, ut hoc negaverit; an ista risisset in templo nostro, in quo est praesens DEUS? Nondum erat templum coenaculum in quo Christus ultimam instituit coenam, nam non nisi post mortem Christi in templum est consecratum, cum de eo Christus loquitur solum dat signum. Occurret vobis homo aquae amphoram bajulans, ipsum sequamini, cur nomen illius domus non exprimit? Theophilact. *Ne proditor Judas cognito nomine, domum panderet Phariseis*, per quos irreverentia inferretur. Saepè miraculose DEUS injuriam templi vindicavit. Baron. scribit An. 480. quidam insolentes templi portas calcibus percusserunt, statim illorum pedes portis accreverunt, similiter an. 902. dum Ungari altare S. Basoli aggressi frangere incipiunt, cum lapidibus altaris manus eorum concrescunt. An. 1032. dum Sancius Rex Castellae cervam insequitur, eamque propè Ecclesiam vult configere, manus arefactione subita punitur. Quis Princeps patitur suam cameram invadi, tumultus in ea fieri aut insolentias? crimen est Majestatis, delictum insigne in tali audere loco. Non patitur DEUS in loco sacro scelera, Angelum peccantem de coelo, Adamum de paradiso expulit statim. Sed quid Ps. 78.? *DEUS venerunt gentes in hereditatem tuam, polluerunt templum sanctum tuum. Quomodo? Hugo hoc loco. Fecerunt desertum ablati omnibus bonis ejus.* Famulos tuos non patiuntur esse male vestitos, tuos esse volunt: parietes suos vestiunt serico, tuum perpluit templum. Sed ajunt istae gentes. S. Urbanus Papa Martyr legem tulit. *Ipsae res Fidelium quae Domino offeruntur, non debent in alios usus quam Ecclesiasticos, & Christianorum fratrum, vel indigentium converti, quia vota sunt fidelium, & pretia peccatorum, ac patrimonium pauperum.* Ita est. Sed famulum vestrum ab eo qui jurisdictionem non habet, judicari non patimini, fer-

vos DEI vestro iudicio subicitis? convertunt plurimi ita ut decrevit S. Urbanus, si quis aberret, habet suos Iudices, & si quis bonis Christi abutitur, non ideo illa ad Gentes, relabuntur, quæ illis magis abuterentur.

Lex naturæ & scripta dictat DEO cultum faciendum, hic cultus sine ministris ejus non potest esse, neque ministri absque sustentatione. Jam verò qui legem naturæ non servant, in gravissima peccata permittuntur labi, ut patet ex cap. 1. ad Romanos de sapientibus qui cum cognovissent DEUM, *non ut DEUM glorificaverunt, ideo DEUS illos tradidit in reprobum sensum* In lege Moysis præscripsit DEUS copiosam sustentationem Ministris suis. Decimas inprimis omnium fructuum terræ non solum frugum dari iussit tribui Leviticæ sive Ecclesiasticis, igitur quando quævis alia tribus habebat v. g. manipulum unum, Ecclesiastici habebant manipulos undecim, non universim tribus duodecim, patet id ex Deut. 14. Præter has decimas dabantur alia quovis triennio Exod. 22. Præterea ter in anno dabantur omnes primitiæ fructuum terræ, Deut. 16. Præterea quilibet homo pro persona sua major annis viginti dabat dimidium siclum, hoc est, nostrates grossos 23. & solidum, Exod. 30. hinc si non plures fuerunt quam de Ægypto exiverunt homines, exiverunt verò ut Pererius in 12. Exod. de 17. tres milliones, itaque ab illis accipiebant Ecclesiastici, milliones duos trecenta tria millia, trecentos triginta florenos, grossos decem, multò verò plures fuerunt. Præterea dabantur primogenita boum, ovium, caprarum, pro homine verò primogenito dabantur quinque sicle Num. 18. hoc est, septem floreni & grossi 23. ac solidus unus. Præterea qui domi suæ habuit Ecclesiasticum alere lautè debuit. Deut. 14. Victimæ plurimæ offerebantur quorum pars cedebat Ecclesiasticis. Num. 7. & 3. Reg. 8. Habebant præterea 70. civitates, habebant agros, fuerunt & alii.



& alii proventus adeò copiosi ut Deut. Jer. 30. dixerit. *Inebriabo animam Sacerdotum pinguedine, & populus meus bonus meis adimplebitur.* Quod decimas attinet, docent multi cum Layman quòd per illas cultus latriæ DEO fiat, qualem cultum si quis redderet creaturæ, idololatriam committeret, sicut si quis sacrificaret alicui homini, nam cultus aliqui proprii sunt aliquarum dignitatem, ita Rex solus defert coronam, sceptrum, &c. Et si quis hæc sibi usurparet, gravissimum crimen committeret, sicut etiam si ista Regi tolleret, & nota est poena quam sustinuit Baltasar qui tantummodo vasa sacrificii Divini ad suos converterat usus. Judas Iscarioth furto usurpavit decimas, effuderat Magdalena unguentum quod ille æstimavit potuisse vendi plus quàm trecentis denariis, *fur orat*, ut horum decimam quam perdidit recuperaret, triginta argenteis Christum vendidit, sed *suspensus crepuit medius, & abiit in locum suum.* Ex his patet quòd qui Ecclesiarum redditus abstrahunt peccent gravissime, quòd sint sacrilegi & ad restitutionem teneantur, quòd dum facere nolunt novum peccatum incurrunt dum confitentur & communicant, & si ita moriantur in loco sacro sepeliri non debent, neque pro illis Oratio publica instituenda est, quòd damna ex sua injusta detentione emergentia Ecclesiæ, compensare sint obligati, Tenentur DEO satisfacere, qui ut loquitur Ecclesia in Pontificali die consecr. *Decimas ad universalis domini sibi signum reservavit.* Sicut Princeps aliquis quo dat alicui ad usum aliqua bona, relinquit tamen aliquod sibi tributum in signum hujus rei, quòd sit dominus illorum bonorum, quòd si nolit solvere vasallus, & rebellis est, & meretur bonis illis spoliari, ibid. *Hæc est enim Domini justissima consuetudo, ut si illi decimas non dabis, tu ad decimas deberis, Dabis impio miliri quod non dedisti Sacerdoti, & quod non habebit Christus, accipiet fiscus.* Sed & ipse DEUS apud Malach. *Revertimini ad me,*  
& ego

& ego revertar ad vos, quia enim mihi decimas non red litis, in pecunia maledicti estis, & fame. Quia decimas & primitias non datis ubertatem possessionum vestrarum, & communem frugum abundantiam perdidistis. Ut autem sciatis hoc me irascente parte vestra privatos, quia me fraudastis parte mea. Hortor vos atque commoneo, ut inferatis decimas in horrea mea, hoc est in thesauros templi, ut habeant Sacerdotes atque Levitæ qui mihi ministrant cibos. *Et probate me*, si non effundam tantas pluvias, ut cataractæ cœli apertæ esse credantur, & effundam benedictionem usque ad abundantiam, &c.

### De Eadem Dedicat.. CONCIO III.

**T**Anti facit Christus Ecclesiæ consecrationem, ut ipse jam gloriosus de cœlo in terras propter illam non semel descenderit. Consecravit S. Dyonisii Parisius, & quia nocte illâ leprosus quidam erat in templo, in signum facti detraxit Leporam, & affixit lapidi, quæ hucusque spectatur. Guagnin. lib. 3. Annal. Franc. In Helvetia templum B. V. ad Ereum dictum Einsidell. consecravit, & in signum reliquit manum impressam marmori. Dicitur & templum S. Viti Pragæ in Boëmia consecrassè & aliàs, alia. Proinde dignum est ut hoc festum benè perpendamus.

Cæremoniæ quæ in templi consecratione adhibentur explicant nobis propter quem hæc dies celebratur finem. Crux erigitur, & fit memoria Crucis erectæ in monte Calvaria, in qua redempti sumus, duodecim candelæ accenduntur, & significant totidem Apostolos ad illustrandum orbem missos. Ter circuit Episcopus templum aspergendo, quia per trecentos annos continuos martyrum sanguine usque ad Constantinum magnum perfundebatur Ecclesiæ. Scribitur alpha-  
betum

betum Græcum & Latinum in crucem supra cineres, quid hæ duæ Gentes in orbæ præcipuæ vocatæ sunt in unitate fidei ad poenitentiam. Aqua pro asperfione miscetur sale, cinere, vino, quia his quatuor Ecclesia conservatur, aqua Baptismi, sale verbi DEI, cinere poenitentiae, vino Eucharistiae, quia Christus dixit. *Ego sum vitis vera, &c.* Cruces unguntur oleo, quia datur solatium cœleste patientibus pro Christo. Reliquiæ Sanctorum altari includuntur, ut Sanctos imitemur, qui in Apoc. sunt sub altari, quod est Christus.

Duplex est templum, & utriusque hodie celebratur dedicatio, ut docet S. Bern. ferm. hod. nos, & templum materiale. Incipiamus à nobis, ut simus DEI templum. Invitat se Dominus ad Zachæum, an hoc decet Christum? an ipse Zachæus non invitaret? Invitat se ut Elias ad viduam 3. Reg. 17. *Mihi primum fac de ipsa farinula panem.* Sed postea ipsam viduam satiavit. Nisi Dominus ad nos prior venerit, non erimus templum. Nisi Petri latus Angelus in carcere dormientis percussisset, non evigilasset ut de carcere exiret, nisi nos Dominus excitet, &c. Sed si non recepisset Zachæus Dominum quid fuisset? Invitaverat ad coenam. *Cæperunt se singuli excusare,* quid deinde? *Nemo virorum illorum gustabit coenam meam.* Ita contigit cuidam renuenti dum sæpius cor ejus pulsaret DEUS, & illi moribundo fuisset allata Christo crucifixi effigies, ut scribit S. Anton. Implorabatur misericordia Christi, at ille de cruce. *Vocavi & renuisti, ideo vade ad pœnas inferni, ideo quilibet secum.* *Audiam quid loquatur D. DEUS.* Alias ut Salvian. lib. 3. de Providentia. *Non audivimus non audiemur.* Deinde ut fecit Zachæus si debitores sumus alicui, restituamus. *Ecece dimidium bonorum meorum de pauperibus.* Sed restitutio sit ex bonis meis. Insuper si quem defraudavi reddo quadruplum. Debet reddi quod accepisti, dabent compensari damna quæ propterea passus cui



accepisti, debent lucra quæ habuisset ille ex re sua si illi non abstulisset, debet solatium fieri afflictioni quam alter sustinuit propter rem ablatam, ita Exod. vigesimo secundo cap. decretum. *Si quis furatus fuerit bovem aut ovem, quinque boves pro uno bove restituat, & quatuor oves pro una ove.* De cætero August. epist. ad Macedonium. *Non dimittitur peccatum nisi restituatur ablatum.* Quia in peccato manet qui rem alienam retinet dum restituere potest. Ambr. epist. 3. *Nunquid potest placere DEO, si quis cum adhuc versetur in iniquitatibus, & injustitiam corde inclusam teneat, dicat se agere penitentiam?* Injustitia est retinere alienum. Nec tantum ad illum damnatio spectat qui rapuit aliena, sed etiam ad illos qui sic raptis fruuntur. Ostendit se quædam anima damnata B. Mariæ de Ognies, & hanc causam damnationis dixit. *Enutrita fui & vixi in his quæ per injusta mercimonia & usuras acquisita furrunt, & conscia mihi mali, ablata non restitui.* Legatur Cantipratanus lib. 2. Apum cap. 64. de decem Comitibus successoribus in bonis injustè acquisitis, quorum, uno ad inferos descendente, alter profundius ad inferos descende-  
 bat. Quid si de Ecclesia rapuissent, ubi non jam simplex est furtum sed sacrilegium? legatur cap. 1. Aggæi, ubi post alia. *Respexistis ad amplius & ecce factum est minus: & intulistis in domum & exsusflavi illud quam ob causam dicit D. DEUS exercituum? Quia domus mea deserta est.* Quid si fuisset direpta? ita Zachæus quod templum attinet. Nos templum DEI, in nobis Crux erigitur cum fronti nostræ imponitur, ungimur oleo Chrismatis, aquâ baptismi aspergimur: nostro capiti cinis imponitur: duodecim articulos symboli Apostolici profitemur. 1. Cor. 3. *Nescitis quia templum DEI estis, & Spiritus S. qui habitat in vobis, si quis autem templum DEI violaverit, disperdet eum DEUS.* Hujus beneficii memoriam hodie recolimus, & ad servandum sanctè hoc templum pro vocemur. Theodosius Senior Imp. ut scribit S. Ambr.

Ambr. magis gaudebat quod esset Christianus quam quod Cæsar. Ludovicus IX. Rex Gallorum, quia baptisatus erat in loco qui dicitur Possiacum, dici voluit Possiacus. Aug. serm. 210. *Quoties aliquod peccatum aut cogitando aut loquendo, aut etiam operando perficimus, templum DEI destruimus.* Templum sumus DEI, videamus ne in nobis eveniat, quod Ezech. 8. Quando dixit DEUS. *Fode parietem & vide abominationem, quæ fit in templo.* Cum Christus in domo Zachæi fuerat templum erecturus, *perambulabat Jericho.* Græcus legit, *pertransibat.* Non morabatur in Jericho, quo nomine omnes intelligunt mundum, non moremur in desideriis & pompis mundi, & jam illas prostravimus in Baptismo eis renuntiando. Josue 7. Qui voluerit everfam Jericho reædificare, ita maledicetur. *Maledictus vir coram Domino qui suscitaverit & ædificaverit Jericho, &c.* Et cum 3. Reg. 6. voluit eam reædificare Hiel. *In Abiram primitivo suo fundavit eam, & in Segub novissimo posuit portas ejus juxta Verbum Domini.* Quomodo ille in fabrica procedebat, ita filii ejus ordine à DEO occidebantur, *secundum ordinem nativitatis decedentibus filiis*, ut notat Rupert. in 20. Josue. Quocirca, ut monet Aug. serm. 252. *Quantum possumus laboremus, ne Dominus noster in templo suo, hoc est, in nobis ipsis inveniat, quod oculos sue Majestatis offendat.*

Pauca etiam de templo materiali dicam. Convocamur ad illud expositione vexilli de turri. Quare hoc? labores omnes quos circa nos Christus sustinuit, victoriam appellavit. Joan. 16. *Confidite, ego vici mundum.* Victor erigit vexillum, & nos ad illud vocat ut gaudeamus fructibus ejus victoriæ, ut quæ lucratus nobiscum dividat. Et in templo velut in palatio id facit; magna huic domo reverentia debetur. Non allego, quia notissimum est Matth. 21. Quando ejiciebat de templo eementes & vendentes ad sacrificia. De quo Aug. tract. 10. in

Joan. Quid si ibi ebriosos invenisset, si vendentes ea quæ licita sunt & contra iustitiam non sunt, expulit? Non adduco Heli odorum ab Angelis flagellatum, quod templum DEI violaverit. Non omitam Davidem, 2. Reg. 17. cui est dictum. *Non recedet gladius de domo tua in sempiternum.* Etiam alii peccabant, non ita nihilominus puniti. Sed cur David? quia domus ejus tunc fuit instar templi, deposita enim tunc in ea fuit arca DEI. Heli domus periit, quia 1. Reg. 2. Filii ejus in vestibulo templi peccabant, nec desunt alia exempla. Si quis violaverit templum DEI, disperdet eum DEUS. Scelus enim grande est in præsentia Regis, cum dat audientias (ut vocat) cum distribuit munera peccare. 2. Paralip. 6. Ipse de templo dicit. *Erunt oculi mei aperti, & aures meæ erectæ ad orationem ejus qui oraverit in loco isto.* Assistunt Regi Principes, Chrysost. hom. 15. in 9. Heb. *Plena sunt Ecclesiæ in corporeis virtutibus.* Idcirco olim ut scribit S. Clemens 8. Constit. Apost. 11. In templo quidam ex Diaconis inambulabant, contemplantes viros & mulieres, ne quis fieret strepitus, ne quis rictos faceret, aut mussitaret, aut dormitaret. Cum templum intramus, hic mos fuit, ait Chrysost. in 2. Cor. 13. *Vestibulum & ingressum templi osculamur.* Theodosius Minor Imper. in Concil. Ephesino. *DEI templum ingressuri foris arma relinquimus, & sacra altaria munerum tantum deponendorum causa accedimus; quibus quoque oblati ad extimum communeque atrium mox non recipimus.* Sepulti fuerant, in quodam templo fuerant excommunicati. Vidit hoc dedecus S. Gothardus Episc. Heldefemiensis, præcepit ut indigni eo loco exirent, paruerunt mortui. Uno verbo, *Domum DEI decet sanctitudo. Domus mea domus Orationis.* Statutum in Synodo Provinc. an. 1635. ne cum sclopis, avibus, aut canibus venaticis, &c. sint excommunicati.



## De Eadem Dedicat. CONCIO IV.

Cùm anniversaria dies dedicationis templi recolitur, simul etiam gratitudinem DEO reddimus, quia nos in suam vocavit Ecclesiam, & quoddam templum sibi de nobis, ut de vivis & electis lapidibus extruxit: Corruente Ecclesia Judæorum, nos in ejus locum substituit. Greg. hom. 21. in Ezech. ad hoc adducit illud Isai. 9. *Lapides ceciderunt sed quadratis lapidibus edificabimus.* Ex non quadratis lapidibus fuit Synagoga, ideo corrui, ut sit stabilis Ecclesia Christiana constructur ex quadris, & ita Greg. l. c. ait de DEO. *Videns quippe in S. Ecclesia Apostolos, Martyres, atque Doctores surgere, de lapidum casu, id est de Judæorum perditione minus doluit.* Videamus quid & templo & nobis id est Ecclesiæ debeamus. Doccebit nos, quod Ecclesiam vivam attiner. Idem hom. 13. in Ezech. *Dominus ac Redemptor noster cum S. Ecclesia quam redemit secundum carnem unâ substantia est, Paulo attestante Col. 1. Adimpleo ea quæ desunt passionum Christi in carne mea pro corpore ejus quod est Ecclesia. Hujus capitis corpus Ecclesia est, & hujus corporis caput Christus.* Videamus qualia sub hoc sub capite simus membra. Christus non vult in suo quidquam corpore monstrorum esse. Si sub humano capite pectus esset leonis, cor vulpis, &c. Ibid. hom. 13. *Fundamentum portat lapides, à lapidibus non portatur.* Videamus ne hunc ordinem invertamus, portare vult Christum qui ejus verba in suum sensum trahit, ut credat sicut vult, eique verba serviant, non ille verbis. Ex quadris lapidibus est Ecclesia, quia stabilis, constans, perpetua, non persequamur Christum Bern. de convers. S. Pauli serm. 1. *An non persequabatur Christum qui Christi membra trucidabat in terris? Aut verò persecuti sunt Christum qui sacratissimum illud corpus Crucis affi-*

xere patibulo, & non persequeretur eum qui adversus corpus ejus quod est Ecclesia est enim corpus ejus etiam ipsa, odio furebat iniquo? Sed quomodo quis apud Christianos persequi potest Ecclesiam? pergit idem. Denique si proprium sanguinem dedit in redemptionem animarum, non tibi videtur graviolem ab eo sustinere persecutionem, qui suggestionem malignam, exemplo pernicioso, scandalum occasione, avertit ab eo animas quas redemit, quam à Judæo qui sanguinem illum fudit? Videte quid agitis qui scandalisatis parvulos, &c. Non subvertamus Ecclesiam, Chrysost. in acta Apost. hom. 30. Hoc subvertit Ecclesiam quod non queritis audire sermonem qui compungere possit, sed qui oblectet & tinnulo strepitu ac verborum compositione concionatores quasi cytharados & cantores audimus. Nemo Ecclesie velit dominari. Ambr. Orat. ad Auxentium. Imperator bonus intra Ecclesiam non supra Ecclesiam est. Bonus enim Imperator querit auxilium Ecclesie non reputat. Quid illo minores? Denique horreamus ad nomen excommunicationis quod est ejici de Ecclesia per illam qui fuit particeps omnium timentium Dominum, jam non est particeps, non est particeps indulgentiarum, nullum fructum ex sacrificio Missae percipit, dum in alios pluit de coelo aureus imber illum præterit. coelum non spectat ad illum, DEUS non est illi Pater; est enim sicut Ethnicus & publicanus, amputatur à Christi corpore. Ut vim excommunicationis S. Antonius ostenderet, panem candidum excommunicavit, qui statim in nigrorem versus, & rursus ubi eum exolvit anathemate, rediit candor, ita in Schola PP.

Jam, quid templo debemus? maximam inprimis reverentiam, Salvian. de gubernat. lib. 3. Præsidum aut præpositorum non omnes præsumunt intrare domum nisi quos Judex vocaverit, aut negotium traxerit, aut ipsa honoris proprii dignitas introire permiserit, &c. In templa autem vel potius altaria atque sacraria DEI, passim omnes sordidi ac flagitiosi, sine ulla penitus reverentia sacri honoris irrumpunt, non quia non omnes ad exorandum DEUM currere debeant,



beant, sed quia qui ingreditur ad placandum non debet egredi ad exacerbandum. Garritur, ridetur, clamatur, ambulatur, &c. in templo. Alterum est, Christus in templum ingressus ejecit nummularios, isti in templo non compareant. Ambr. l. c. Non patitur in templo suo esse eos qui vendunt cathedras, quid sunt cathedrae nisi honores? Quid sunt columbae nisi simplices mentes velamine fidem candidam & puram sequentes. Jubetur exire qui dignitates vendit & honores, jubetur exire qui simplices vult vendere mentes Fidei. Præterea fabrica & reparatio templi, non est negligenda, Aggæi 1. Hæc ait Dominus exercituum dicens. Populus iste dicit, Nondum venit tempus Domus Domini edificanda. Et factum est verbum Domini in manu Aggæi Propheta, dicens. Nunquid tempus est vobis ut habitetis in domibus laqueatis & Domus ista deserta? Et nunc hæc dicit Dominus exercituum, Ponite corda vestra super vias vestras. Seminastis multum & intulistis parum, comedistis & non estis satiati, bibistis & non estis inebriati, operuistis vos & non estis calefacti & qui mercedes congregavit misit eas in sacculum pertusum, &c. Respexistis ad amplius & factum est minus, & intulistis in domum & exsufflavi illud, quam ob causam? dicit Dominus exercituum. Quia domus mea deserta, & vos festinastis unusquisque in domum suam: Propter hoc super vos prohibiti sunt cæli ne darent rorem, & terra prohibita, est ne daret germen suum: & vocavi siccitatem super terram, & super montem, & super eriticum, & super vinum & super oleum & quaecunque profert humus, &c. Legatur c. 2. a. v. 16. Reprehendit & illud DEUS cum domus nostras valde vicinas templo ejus extruimus. Ezech. 43. Qui fabricati sunt limen suum juxta limen meum, & postes suos juxta postes meos, & murus erat inter me & eos, & polluerunt nomen Sanctum meum in abominationibus quos fecerunt, propter quod consumpsi eos in ira mea. Nunc ergo repellant procul fornicationem suam, & ruinas Regum suorum à me, & habitabo in medio eorum semper. Conferamus in ornamenta templorum quæ possumus, Cypr. epist. 2. Auro tibi distincta laquearia, ex pretiosi marmo-



marmoris coruscis splendoribus vestita domicilia fordebunt, cum scias ad excolendum magis tibi Domum hanc potiore esse, quam Dominus templi vice insedit. In templo cum DEUS exhibet misericordiam, Ps. 47. *Suscepimus misericordiam in medio templi tui DEUS,* de quo Bern. in Purif. serm. 1. *In medio templi misericordia est non in angulo & diversorio.* Nam licet & domi nostræ debeamus sanctè agere velut in templo, quod Tertull. cap. 8. de Corona militis commendat. *Tua curia Ecclesia Christi est, illic purpura tuæ sanguis Domini, & clavus latus in cruce ipsius, illic securis ad radices arboris posita, illic virga ex radice Jesse.* Templum tamen est locus dandæ misericordiæ. Non hic templa infidelium; de quibus idem lib. 4. adv. Marcionem c. 5. *Faciunt favos & vespæ, faciunt Ecclesias & Marcionitæ.* In templo specialiter nostros actus observant Angeli, Basil. in Ps. 28. *Et in templo ejus omnes dicent gloriam.* Audiant hæc verba Psalmi illi qui longos alienosque in templo edunt sermones, &c. *Assistunt verba describentes Angeli, adest & Dominus affectus intrantium considerans, &c.* Vide ne quando inde abscedas loco recipiendæ mercedis pro laudibus Divinis, unà cum iis qui nomen DEI execrantur condemneris. Quod verò signum habebitur quòd iveris ad templum ut laudes DEUM & non aliud acturus? audi Salvian. lib. 3. de gubernat. *Si vult quispiam scire quid in templo homines cogitaverint, videas quid sequatur, siquidem consummatis solennibus sacris statim ad consuetudinaria studia omnes discurrunt, alii ut furentur, alii ut inebrientur, alii ut fornicentur, alii ut latrocinentur, ut evidenter appareat hoc eos esse meditato dum intra templum sunt, quod postquam egressi fuerint, exequuntur.* Et pergit ibid. lib. 8. *Quis non demoniorum sacrificiorum nidore plenus Divinæ domus limen introivit? Peccata supponit esse dæmonis sacrificia. Et non tam immanis fuisset criminis ad templum Domini non venire, quàm sic venire, quia Christianus qui ad Ecclesiam non venit negligentiae reus est: qui autem sic venit, sacrilegii, &c. Dicimur Christiani ad contumeliam Christi. Ejiciebat*

ciebat Christus de templo mercantes. Aug. tr. 10. in Joan. *Quid audivimus, Fratres? ecce templum illud figura adhuc erat, & eiecit inde Dominus omnes qui sua querebant, qui ad mundinas venerant, & quod vendebant illi? quo opus habebant homines in sacrificiis illius temporis, &c. Quid si ibi ebriosos inveniret, quid faceret Dominus, si vendentes ea quæ licita sunt, & contra justitiam non sunt, expulit tamen? &c. Si negotiationis domus non debet fieri Domus Domini, potationis debet fieri? Nos autem quando ista dicimus strident dentibus suis adversum nos, & consolatur nos Psalmus quem audistis stiderunt in me dentibus suis. Novimus & nos audire unde curemus, etsi ingeminantur flagella Christo quia flagellatur sermo illius. Congregata, sunt inquit in me flagella & nesciebam. Flagellatus est flagellis Judæorum, flagellatur blasphemus falsorum Christianorum, multiplicant flagella D. D E O suo & nesciunt. Gen. 28. Excusat se Jacob quod ignorans dormierit in loco sacro. Terribilis est locus iste & ego nesciebam. Quia postea, templum in eo fuerat ædificandum, nos quid? Horrendum est Jer. 7. Tu autem noli orare pro populo isto, neque assumes laudem pro eo. Quare prohibet? Quia i. Joan. 5. Est peccatum ad mortem, non dico ut pro illo quis oret. Quodnam tale peccatum? Catharinus, Titelman. dicunt esse peccatum eorum qui contemnunt poenitentiam & pro his non esse orandum. Olim, ut refert Aug. pro venialibus orabatur, pro mortalibus, cinis, cilicium, &c. Imponebatur sed non opus quærere multum quod sit istud peccatum, legatur ulterius Jerem. l.c. *Fecerunt filii Juda malum in oculis meis, in templo meo, posuerunt offendiculum in Domo in qua invocatum est nomen meum, &c. Peccata hæc sunt quæ in templo committuntur, tales ægri ordine consueto non sanantur à Medico, qui tamen non negat eos posse supernaturaliter sanari. Gravissimè enim Princeps læditur, si in conspectu ejus, in Domo ejus pecces.**



# INDEX CONCIONUM DE SANCTIS, Partis Æstivalis.

<b>I</b> N Festo SS. Philippi & Jacobi Apost.	Fol. 1
In Inventionem S. Crucis.	5
In Festo S. Stanislai Episc. & Mart.	9
In Ascensione Domini.	13
In Festo SS. Corporis Christi. Concio I.	17
De eodem Festo. Concio II.	20
In Festo S. Antonii de Padua. Concio I.	25
De eodem. Concio II.	28
In Festo S. Aloysii Societ. JESU.	32
In Festo S. Joannis Baptistæ. Concio I.	35
De eodem. Concio II.	40
In Festo SS. Petri & Pauli Apost.	45
In Visitatione B. M. V. Concio I.	52
De eadem Visitatione. Concio II.	57
In Festo S. Bonaventuræ.	60
In Festo S. Margaritæ Virg. & Mart.	63
In	In




# INDEX


<i>In Festo S. Marie Magdalena. Concio I.</i>	fol. 67
<i>De eadem. Concio II.</i>	72
<i>In Festo S. Jacobi Apostoli.</i>	78
<i>In Festo S. Annae Matris B. M. V.</i>	82
<i>In Festo S. Ignatii Socier. JESU. Concio I.</i>	86
<i>De eodem. Concio II.</i>	91
<i>De eodem. Concio III.</i>	96
<i>De eodem. Concio IV.</i>	100
<i>In Festo S. Dominici.</i>	103
<i>In Dedicatione B. M. ad Nives.</i>	109
<i>In Transfiguratione Domini.</i>	113
<i>In Festo S. Laurentii Marr.</i>	117
<i>In Festo S. Clarae Virg.</i>	121
<i>In Assumptione B. M. V.</i>	125
<i>In Confraternitate B. M. V. assumpta.</i>	130
<i>In Festo S. Bernardi Abbatis. Concio I.</i>	133
<i>De eodem. Concio II.</i>	140
<i>In Festo S. Bartholomaei Apost.</i>	145
<i>In Festo S. Augustini.</i>	150
<i>In Nativitate B. M. V. Concio I.</i>	154
<i>De eadem Nativitate. Concio II.</i>	159
<i>De eadem Nativitate. Concio III.</i>	163
<i>De Nomine B. M. V.</i>	167
<i>In Festo S. Nicolai de Tolentino.</i>	171
<i>In Exaltatione S. Crucis.</i>	176
<i>In Festo Scigmatum S. Francisci.</i>	180
<i>In Festo S. Matthaei Apost.</i>	186
<i>In Festo S. Michaelis Archangel. Concio I.</i>	190
<i>De eodem. Concio I I.</i>	196
<i>In Festo S. Angeli Custodis.</i>	199
<i>In Festo S. Francisci Seraphici. Concio I.</i>	204
Rrr 2	De

# INDEX.

<i>De eodem. Concio II.</i>	fol. 209
<i>In Festo S. Francisci Borgie Soc. JESU.</i>	214
<i>In Festo S. Hedvigis.</i>	218
<i>In Festo S. Theresiae. Concio I.</i>	220
<i>De eadem. Concio II.</i>	225
<i>In Festo S. Petri de Alcantara.</i>	230
<i>In Festo S. Ursulae.</i>	234
<i>In Festo SS. Simonis &amp; Judae Apost.</i>	238
<i>In Festo SS. Omnium. Concio I.</i>	243
<i>De iisdem. Concio II.</i>	245
<i>De iisdem. Concio III.</i>	249
<i>Pro fidelibus defunctis. Concio I.</i>	253
<i>Pro iisdem. Concio II.</i>	257
<i>Pro iisdem. Concio III.</i>	260
<i>In Festo S. Caroli Borromaei.</i>	264
<i>In Festo S. Martini. Concio I.</i>	270
<i>De eodem. Concio II.</i>	273
<i>De eodem Concio III.</i>	276
<i>De eodem. Concio IV.</i>	279
<i>In Festo S. Stanislai Kostka.</i>	284
<i>In Praesentatione B. M. Virg.</i>	287
<i>In Festo S. Catharinae Virg. &amp; Mart.</i>	291
<i>In Dedicatione Ecclesiae. Concio I.</i>	296
<i>De eadem Dedicatione. Concio II.</i>	300
<i>De eadem Dedicat. Concio III.</i>	304
<i>De eadem Dedic. Concio IV.</i>	309










A 200 —



\*KSIEGARNIA\*  
ANTYKWARIAT



Nr 830840

Biblioteka Jagiellońska



stdr0017153



